

S. AUITI
ARCHIEPISCOPI
VIENNENSIS
OPERA EDITA
NUNC PRIMÙM, ...

Alcimus Ecdicius santo Avitus
(santo), Jacques Sirmond, ...





10.4.28.

16. 15
G. C
24 24

Ex Bibliotheca
majori Coll. Rom.
Societ. Jesu



S. A V I T I

ARCHIEPISCOPI

VIENNENSIS

O P E R A

Edita nunc primùm, vel instaurata, cura
& studio IACOBI SIRMONDI
Societatis Iesv Presbyteri.



PARISIIS,

Apud SEBASTIANVM CRAMOISY,
Architypographum Regium, viâ
Iacobzâ, sub Ciconiis.

M. DC. XLIII. +

CVM PRIVILEGIO REGIS.

8-43-B-13

LVDOVICO XIII.

R E G I

CHRISTIANISSIMO.



ANCTVS doctrinâq;
præstans hic Præ-
sul, qui suos tibi ad
purpuram tuam ad-
orandam vice sua libros alle-
gat, REX ADEODATE, qua
oris facundia Clodoueo quon-
dam regi Christianæ fidei pri-
mordia gratulatus est, eâdem
nunc, si viueret, imperij tui na-
talibus applauderet, felicissimî-
que principatus spem nobis ex-
ploratissimâ denuntiaret. Pate-

â ij

re nos igitur, Serenissime Princeps, nostra de te gaudia tantisper recordari. Ortus tui cæleste diuinumque beneficium ; oris decus & maiestatem, velut Spei publicæ simulacrum, efferentē se in dies apertiúsque renidentem ; paterni erga te amoris constans studium & prouidentiam. Qui cælo dudum maturus terras nuper cū relinqueret, suas de te curas secum emori non est passus : sed prouidentissimo consilio in eam transfudit, in cuius fide securus, tanquam in Blancæ alterius sinu, alter ipse Ludouicus conquiescas. Habes itaque quam auctorem, eandem ipsam vitæ tuæ sapientissimam ducem & magistram. cuius præ-

ceptis monitisque, vt priuatus
anteà, ita nunc Rex & dominus,
sed illæsa maiestate obsequaris.
Sic enim te ab illa scis regi, vt
regnes ipse, sic illi obtempera-
re, vt imperes, sic illam audire,
vt ab omnibus, dum vice tua lo-
quitur, audiaris. Gaudet autem
iam illa conatus suos profecti-
bus tuis anteuerti, gaudebitq;
impensiùs, cùm prima hæc de-
cennialia, quibus pro te clauum
tenet, à vicennialibus tuis sen-
tiet tricennialibúsq; superari.
Gaudeat & de cælo Genitor,
virtutes laudésque suas virtuti-
bus ac laudibus tuis vinci: & qui
te iam victorem hostis vidit,
quem sæpe vincebat, videat &
pace fruentem quam optabat.

ã iij

Vt pacis tandem comites, quibus fortunata florere imperia solent, pietatem, iustitiam, concordiam, vbertatem, reduces te regnante Gallia tua recipiat; statámque sibi ac perpetuam fore hanc felicitatem non diffidat, quando nihil est tam lætum, támque auspdatum, quod de pij iustique Ludouici filio, deque cælitus sibi concesso Principe sperare votorum securam non debeat.

Deuotus sacræ M. T.

IACOBVS SIRMONDV
Societat. IESV.



LECTORI.



EPISTOLARVM Auiti,
quas tibi, LECTOR,
iam tot annos debeba-
mus, verendum erat ne
scra nunc apud te vel consumpta sit
gratia, nisi moræ istius viderem
fructum nobis aliquem extitisse.
Quippe qui emendatius illarum
exemplar, sicunde affulgeret, dum
quærimus, in Flori Diaconi volu-
men apud Cartusiam incidimus,
cuius beneficio Auiti Opusculorum
septemdecim non titulos modò &
nomina, maiorem partem ignota
didicimus, sed plurima etiam & il-
lustria fragmenta ornameto edi-
tioni futura consecuti sumus. Fecit
Epistolarum vtilitas & elegantia, vt
tædium, quod in vitiosi codicis e-

â iiij

mendatione de uorandum fuit, alacriùs perferremus : ac librorum etiam quinque partitionem, quam promittebat, amplexuri eramus, si integram præstitisset. Verùm tanta inerat perturbatio, vt satius nunc quidem visum sit, omisso librorum discrimine, epistolas tibi omnes vno textu continuas repræsentari. Non dubito quin consilium probaturus sis : proximum erit vt corruptæ quoque lectionis vitia, quæ restant, feras indulgentiùs. In Fragmentis sanè nullus noster labor fuit. Flori enim exemplar probum & castigatum sequuti sumus. In Poëmatis autem quid præstitum sit intelligent qui editionem hanc conferent cum Gagneiana. cuius auctor, vir alioqui doctus ac disertus, præter alia quæ passim pro arbitrio mutauit, quingentos pene versus de suis intrusit pro Auitianis. Nobis verò curæ fuit,

ad amuſſim fidémque veterum exemplarium vniuerſa ſic exigere, vt reiectis ſubdititiis, legitimisſque reſtitutis, purum tibi & ſincerum Auitum, nœuulis quibuſdam, quos ætas illa ferebat, neglectis exhiberemus. In quo ſi calculi quoque tui ſuffragium, LECTOR, acceſſerit, erit quod ſanctiſſimo, atque inter poëtas Chriſtianos haud facilè cuiquam poſtponendo, Eccleſiæ Præſuli non inanem hac etiam in parte operam nos poſuiſſe gratulemur.



VETERVM SCRIPTORVM

DE S. AVITO TESTIMONIA.

*Ennodij Episcopi Ticinensis in vita B.
Epiphanij Episcopi.*

Dedit etiam præstantissimus inter Gallos
AVIRVS Viennensis Episcopus, in quo se peri-
tia, velut in diuersorio lucidæ domus inclusit.

*Gregorij Turonensis lib. II. Historia
Francorum cap. XXXIV.*

Magnæ facundiæ erat tunc temporis beatus AVIRVS Episcopus Viennensis. Namque insurgente hæresi apud urbem Constantinopolitanam, nihil diuinitatis habuisse Dominum nostrum Iesum Christum, rogante Gundobado rege, ipse contra eam scripsit. Extant exinde apud nos epistolæ admirabiles: quæ sicut tunc hæresim oppresserunt, ita nunc Ecclesiam Dei ædificant. Scripsit etiam Homiliarum librum vnum, de mundi principio, & de diuersis aliis conditionibus, libros sex versu compaginos. Epistolarum libros nouem, inter quas supradictæ continentur epistolæ.

*Fortunati Pietaviensis Episcopi lib. 1. de
vita S. Martini.*

Quod sacra explicuit serie Gencalogus olim
ALCIMVS egregio digessit carmine Præsul.

*Isidori Hispalensis de illustribus Ecclesia
scriptoribus cap. XXIII.*

AVITVS Episcopus, scientia sæcularium
litterarum doctissimus, edidit quinque libellos
heroïco metro compositos : quorum primus
est de origine mundi, secundus de originali pec-
cato, tertius de sententia Dei, quartus de di-
luvio mundi, quintus de transitu maris rubri.
Scripsit & ad Fuscinam sororem de laude
virginitatis librum vnum, pulcherrimo com-
positum carmine, & eleganti epigrammate
coaptatum.

*Agobardi Lugdunensis Episcopi aduersus
legem Gundobadi.*

Temporibus Gundobadi regis Burgundio-
num fuit in vrbe Vienna Episcopus, AVITVS
nomine, fide Catholicus, eloquentia facun-
dissimus, ingenio acerrimus, sacrarum litte-
rarum expositor suauissimus, litterarum et-
iam sæcularium doctissimus, & in metris facil-
limus, sicut & eius opera testantur. Qui cum
eodem Gundobado frequenter de fide alter-
cans, & dialogos in præsentem conficiens, & epi-

stolis absentī respondens, plura & clara ingenij sui & virtutis opera reliquit. Qui ipso Gundobado in sua perfidia perduto, successorē eius Sigismundum regem ad fidem Catholicam conuertit. in cuius conuersione recitauit Homiliam in populo, sensuum suauitate plenissimam, & verborum compositione dulcissimam. *Eiusdem aduersus dogma Felicis.* Beatus AVITVS Photinianorum hæreticorum validissimus expugnator. *Item de Iudæicis superstitionibus.* ALCIMVS AVITVS Ecclesiæ Viennensis Episcopus, quā eximius doctor orthodoxus & facundus extiterit, pene tota nouit Ecclesia Christi.

Flori Diaconi Ecclesiæ Lugdunensis.

Sententiæ ex Epistola B. Pauli Apostoli ad Romanos, à sancto & illustrissimo doctore Ecclesiæ AVITO Episcopo Viennensi expositæ, atque ex eius Opusculis in ordinem digestæ.

*Adonis Viennensis Episcopi in Chronico
ætate sexta.*

AVITVS Viennensis Episcopus, eloquentia & sanctitate præcipuus, & eius frater Apollinaris Valentis Episcopus miraculis insignis, Isicij, senatorij primū viri, postea Viennensis Episcopi, duo lumina, clarissimi filij. Hic B. AVITVS aduersus hæresim Arrianam, quæ tunc non solū Africam, sed & Galliam, Italiāque magna ex parte occupauerat, ma-

gno sudore decertavit , quod clarissima eius
 opera testantur. Scribit enim Dialogum, hæ-
 resim illam oppugnans, fidelissimo & doctissi-
 mo immortalique ingenio , ad Gundebadum
 Burgundionum regem, filium Gundouci. Item
 alios libellos duos contra Nestorium & Euty-
 chem, auctores erroris, luculentissimo & casti-
 gato satis sermone. Fuerunt & alia illius plura
 eximia opera in Christi Ecclesia probatissima.
 Hic Sigismundum regem in fide pietatis eru-
 diuit. qui agente illo postmodum Monaste-
 rium sanctorum Martyrum Agaunensium,
 Mauritij sociorumque eius, construxit. Quem
 postmodum captum & à Francis occisum ve-
 hementer doluit. Quantus autem in Ecclesia
 Christi vixerit, quisquis scire ad plenum vult,
 post eius innumera in diuinis laboribus opera,
 Epitaphium eius legat.

EPITAPHIUM B. AVITI EPISCOPI VIENNENSIS.

*Quisquis mœstificum tumuli dum cernis honorem,
 Cespitem concludi totum deslebis AVITVM ,
 Exue sollicitas tristi de pectore curas.
 Nam quem plena fides, celsa quem gloria mentis,
 Quē pietas, quē larga manus, quē fama perennat,
 Nil socium cum morte tenet. Quin prospice sanctis
 Gesta viri. primum florens indole quanta
 Spreuerit antiquo demissos stemmate fasces,
 Maturum tenoris animum dum præstat in annis,
 Et licitum mundi voti virtute relegat.
 Nec mora. Pontificis sic digna insignia sumit,*

*Augeat ut soliti felicia cœpta laboris.
Nec tamen ob summi culmen tumefactus honoris
Erigitur, sêque ipse aliis plus aestimat, immo
Subiicitur magnus, servat mediocria summus.
Distribuit parcus, pascit ieiunus, amando
Terret, & austeris indulgentissima miscet.
Cunctantes suasu iuuit, solamine mœstos,
Iurgia dissolvit, certantes fœdere iunxit.
Dissona veridicam inficiunt qua dogmata legem.
Hortatu, ingenio, monitis, meritisque subegit.
Unus in arce fuit, cui quolibet ordine fandi
Orator nullus similis, nullusque pœta.
Clamant quod sparsi per crebra volumina libri.
Qui vixit, vivit, p̄rque omnia sacula vivet.*



INDEX EORVM QVÆ in hoc volumine continentur.

E PISTOLÆ <i>Auiti ad diuersos,</i> <i>aliorumve ad ipsum.</i>	pag. 1
<i>Homilia de Rogationibus.</i>	150
<i>Homiliarum octo fragmenta.</i>	158
<i>Opusculorum, in quibus B. Pauli epi-</i> <i>stolæ citantur, fragmenta.</i>	167
<i>Poëmatum de Mosaicæ historiæ gestis</i> <i>libri V.</i>	213
<i>Ad Fuscinam sororem de laude virgi-</i> <i>nitatis liber unus.</i>	295
<i>Nota ad Auitum.</i>	

Epistola ad quos scripta sint.

A NASTASIO Imp.	Cæsario Episcopo.	9
nomine Sigismundi	Celero Senatori.	43
regis. 69. 83. 84	Chlodoueco regi.	41
Ansemundo viro illustri.	Claudio Episcopo.	56
49. 71. 72	Constantio Episcopo.	61
Apollinari Episcopo ger-	Contumelioso Episcopo.	13
mano. 12. 25. 63. 78. 79	Cuidam.	26
Apollinari illustrissimo. 12.	Elpidio Diacono.	35
viro illustri. 33. 45. 46.	Eufrazio.	38
Aureliano v. i.	Eustorgio Episcopo.	8
Caertio v. i.	Faulsto & Symmacho, Se-	
34		
74		

A L C I M I A V I T I

rit homo patri suo aut matri, corban, id est Hebraica lingua munus illud specialiter, quod obsequio deuotæ oblationis offertur, tibi profuerit, hoc est patri aut matri, & iam non missum facitis eum quicquam facere patri aut matri. Puto vos autem hoc sermone ordiri, quia reuera ipsum specialius in epistola memorastis, quid vel vnde dictum sit, Non missum facitis. Quod omnino nihil est aliud quàm non dimittitis. A cuius proprietate sermonis, in Ecclesiis, palatiisque, siue prætoriis, missa fieri pronuntia-
tur, cùm populus ab obseruatione dimittitur. Nam genus hoc nominis etiam in sæculariis auctoribus, nisi memoriam vestram per occupationes lectio desueta subterfugit, inuenietis. Ergo non missum facitis, id est non dimittitis eum quicquam facere patri vel matri, à quo honorari senio parentali, non verbis tantum, sed rebus obsequiisque præceptum est. Et similia, inquit, huiusmodi multa facitis, traditionem vestram institutis cælestibus præponendo. Sed hæc ad solos Scribas & Phariseos dicta, qui sibi de legis supercilio blandientes, quasi debita doctrinæ pretia reposcebant, nullum locum in sermone qui de fide tractatus est habuisse reperio. Racha verò Hebræum nomen est. Latine sonat inanis aut vacuus: quod vt nostis conuenientius exprimit vno vocabulo Græcus dicens κενός. Hoc autem conui-
tium fratri, id est sub vno Deo patre & vna Ecclesia matre in vna fide posito dicere prohibemur: quia inanitatis opprobrio indignè appetitur qui non est vacuus à salute. Sed his col-

lationis magis quàm lucidandæ fidei exercitio
 reseruatis, illud potiùs reuoluemus, quod à
 sacerdotibus vestris scripsistis obiectum. Igitur
 discutientibus vobis, vtrum Spiritus sanctus,
 qui in secreto baptisinate indiuisæ nominatio-
 nis vendicat vnitatem, creator an creatura cre-
 dendus sit, cùm si creator est à diuinitate ne-
 queat separari, si creatura, Deo non possit vni-
 ri: pro penuria respondendi, sub cuiusdam lu-
 brico quæstionis interrogatum est à parte di-
 uersa, vtrum spiritus noster creatus an sempi-
 ternus debeat iudicari. quasi exemplo scriptu-
 ræ cælestis interposito, quo dictum est, *Insuf-* Sap. 15.
flauit Deus spiritum in animam vitæ. Primum
 ergo coniiicite quid in expositione facturi sunt,
 qui de testimonio mentiuntur: aut qualiter
 adinventiones suas fallaciæ tumoribus im-
 plectant, qui dicta diuinæ auctoritatis immu-
 tant. Nam quod dixerunt, Insufflauit Deus spi-
 ritum in animam vitæ, artificiosa eorum frau-
 de confictum est. Quem locum si recensend-
 um sibi pietas vestra decernat offerri, sic in-
 ueniet scriptum: *Et fecit Deus hominem de limo* Gen. 2.
terra, & inspirauit in faciem eius spiraculum
vitæ: & factus est homo in animam viuentem.
 Perpendite nunc quanta sit in sermone distan-
 tia. Illi dixerunt, Insufflauit in animam; cùm
 scriptum sit, Inspirauit in faciem. Inspira-
 re enim incorporeus potest, insufflare nisi
 corporeus non potest. Deus autem non quasi
 animæ iam viuenti spiritum legitur insufflasse,
 quem addiderit: sed materiæ nondum viuenti,
 sicut antiqui codices habent, spiramentum vi-

ta, quo in animam viuentem sublimaretur, infudit. Ergo si inspiratione hac anima hominis facta est, & non est aliud anima humana quàm spiritus, restat spiritum principio non carere. Quod obiurgati à vobis senserunt sibi protinus opponendum, nisi per insufflationis carnale commentum spiritum ipsum animæ potius quàm corpori inditum mentirentur. Nam cum quærant intentione letali, non quomodo quæ sunt scripta cognoscant, sed qualiter scripta putentur esse quæ prædicant, quid putamus imperitis faciunt, qui instructionis vestræ reuerentiam non pauescunt? Tractemus, si propitij finitis, quanta ineptia proponatur, quòd si Dei spiritus creatura non est, ac sic nec in homine creatura poterit dici spiritus, quem Deus insufflasse perhibetur. Nihil omnino esse præter duo, id est creatorem creaturamque, sæpe definitum est. Dei porro spiritus factor, hominis verò, factura accipi debet. Vnde spiritus qui in nobis viuit, potentia Dei intelligitur, non natura. Nam si vegetandis nobis substantia sancti Spiritus credatur immixta, placabilis sit Dei & vester auditus, blasphemiam talis, vt etiam conuincatur, vix sine peccato repeti potest. Quoniam si præuentus carnaliter peccat spiritus humanus, Spiritus sanctus peccare in eo dicendus est: vel certè Spiritui sancto remissionem dari poscimus, cum pro defunctorum spiritibus supplicamus. Parùmne rogo hætenus fuit, vt alter Spiritus sanctus, alter Paracletus diceretur: nisi addatur hæc pro vltima perfugij necessitas.

te numerositas, ut mancipati insuper contagio delictorum tot diuini spiritus quot homines computentur? Et peritè scilicet decreuit sacerdotalis auctoritas, vno modo cunctis generaliter spiritum diuinitatis infundi. Perinde se fortasse Iudæo, hæretico, gentiliq; ut catholico, Spiritus sanctus insinuat, an forsitan patris vel filij iussione inuitus in criminorum membra contruditur? Sed quid facimus, quod spiritus ubi vult spirat? Qui si absque arbitrio suo corpora indigna sanctificat, reuincit Prophetam dicentem, quod non habitabit in corpore subdito peccatis. Quocirca humanus spiritus creatione inchoatur, diuinus autem benignitate conceditur. Non enim absque vitæ suæ spiritu erant, quibus in Apostolorum Aet. 8. gestis imponitur manus ut accipiant Spiritum 17. & 19. sanctum. Quod si ipsum quoque Spiritum sanctum, pro eo quod creatorum fidelium mentes introeat, volunt fieri creaturam, de supra scripta videlicet conclusione, qui peremptoriè nihil dicentes, Si Dei, aiunt, spiritus creatura non est, ac sic nec in homine creatura poterit dici: quid nunc de patris vel filij diuinitate censebunt, quam & creatam comminisci non poterunt, & lectione perterriti habitare sanctorum corpora non negabunt, Apostolo fidelibus protestante; *Templum enim Dei sanctum est, quod estis vos?* 1. Cor. 3. Sed cum incomparabiliter plura sint quæ sub præsentia gloriæ vestræ suggeri queant, illud in fine sermonis, cui non solum tribuitis sed iniungitis libertatem, Deum vósque; diuina vestraque promissione

fretus, obsecro, ne diutiùs sacerdotes vestri dicantur, qui sancto Spiritui contradicunt. ne deinceps coram vobis permittantur docere qui renuunt discere: ne ad perfectionem vestram aliquatenus differendam persistant blasphemare quod audiat, qui nolunt sentire quod creditis: ne tolerando imperitorum verberatias & ineptias callidorum, suspendamini à professione, cum iamdudum in confessione teneamini. Vobis per epistolam suam sanctus
 1. Cor. 6. Apostolus Paulus inclamat, *Qua pax fidei cum*
 12. & 17. *infidelibus? qua societas luci cum tenebris! Propter quod, inquit, exite de medio eorum, & separamini.* id est, ne communicaturos ultra peccatis alienis lætæ partis vicinitas maculet, quos dexteræ veritas acquisiuit,

AVITVS VIENNENSIS EPISCOPVS
 Domno Gundobado Regi.

II. VNI CVM simul & multiplex donum sæculo nostro nutu diuinitatis indultum est, ut inter regias ordinationes gloriosissimi principatus vestri, principaliter de tuenda catholice partis veritate curetis. De cuius studij pietate processit, quod dimissa nuper clementis præcepti auctoritate iussistis, ut contra Eutychiani dogmatis rediuium furorem, velut ab extincto resurgentis incendij fomite pullulantem, de sacro scripturarum cælestium fonte exemplorum flumina deriuentur. Ores dignissima, quam tantus præsul iuberet, si eligeretur qui iussionem dignus exciperet: si virtus

facundiã thematis responderet auctori: si ad multiplicandam populorum salutem sic nostra satisfaceret lingua proloqui, ut abunde sufficit benignitas vestra præcipere. cum deuincti vobis Imperatoris patriam personamque, non, ut regibus ceteris moris est, tantummodo ad commodum mundanæ pacis amatis: sed dum coram vobis præueniri timetis errore, omnem quæ inter vos est amicitiam in eo illi vultis prodesse ne peccet. Quem quidem & præconio attollitis, & fidelem Deo deuotumque laudatis. De qua præcipue ad triumphalis veniam plenitudinis veniant quis dignè meretur. Ego tamen Deum pro viribus quaeso, ut is ipse, de quo loquimur, Cæsar Græcorum, si fidelis vobis, etiam nobis honorabilis, persuadeatur à Principe nostro quod suadeat populo suo: & cum se ad tenendam veritatem vobis reddiderit docilem, ad expugnanda propria regionis contagia prædicationis vestræ factum se gaudeat adiutorem. Eutyches ergo, perficiei, cuius mentio est, funestus incentor, Constantinopolitanæ Ecclesiæ quidem presbyter, sed copiosæ monachorum multitudinis præpositus fuit: cuius officij personas Episcopi Orientales Archimandritas appellant. Hic ergo ad summum sacerdotium famæ suffragio comparandum, incommittendæ cuiuscumque nouitatis studio appetenter ardescens, istud quod in sectatoribus eius horremus, susurris dicitur magis inuexisse, quam litteris. Si quidem nihil extitit claræ eruditionis in viro, quod in aliqua recti similitudine sensum conceptæ animositatis

tis adstrueret. Infectis primitus monachorum animis hoc veneno, quos nefario docens sub colore gubernaculi naufragiis exponebat, numerosi, ut supra diximus, comitatus hæresiar-ches effectus, multorum Antistitum iudicante Concilio, nec non & presbyteris urbis Romæ in id ipsum directis, discussus, detectus, atque damnatus est. Sed quia nullum schisma sic unquam cum auctore suo potuit abrogari, ut ex integro depelleret perniciem magisterij, innox-
malum, quod digna Pontificum fuerat prouisione succisum, contagio susceptorum iam-
pridem semina seruans, velut ab infecta loliis tellure surrexit. Hinc nunc hæreseos, contra quam loquimur, audite propositum. Filium Dei, cum patre ante sæcula permanentem, quem idcirco ad salutem nostram descendisse de celo ut corpus assumeret fides recta confite-
tur, negant in alium femineam potuisse con-
trudi: cum Dei filius, utique Deus, qui dixerat
Hier. 23. per Prophetam, *calum & terram ego impleo*,
24. non potuerit venire quo erat, nisi per susce-
ptionem carnis acquiesceret, esse quod non
erat. Quam conclusionem metuens Eutyches
ille quem loquimur, cum in Synodo superius
designata studiosè ab auditoribus vrgeretur, ut
Mariam virginem *θεοτόκον*, id est, quæ Deum
peperisset, pronuntiaret atque subscriberet,
ad ingenij nequitiam fraude conuersus, *χρισ-
τοτόκον*, quæ Christum tantummodo videretur
edidisse, confessus est. ut scilicet diuisa credatur
persona quæ seruat diuinitatis naturam, ab ea
quæ sustinuit passionis iniuriam. Refrænan-

dam à prærupto ancipiti læuam fugiens, dextera non præsumens, ac perinde latus utrumque formidans, sub temperamenti medio viatior, in qua duplicem substantiam redemptoris discerni dicimus posse, nō diuidi. Neque nos nitimur, ut inuiolabilis diuinitas dolores corporis perpeffa credatur, cū omnis cunctorum corporum dolor secuturam mortem naturali quodam præcedat officio. Vnde sicut & ipsa caro nostra, resurrectionis dono impassibilis futura post mortem est: sic Deus, qui sentire obitum non potest, suscepto corpori, cui vnitus adhæserat, sine patiendi acerbitate compatiens, nec defuit in salutis nostræ glorioso agone, nec doluit. Contra huius distinctionis sensum hæresis aduersa se subrigens, veris cruciatibus nec Christum patitur inclinari: cū in ipsa diuinitate, in qua inueniri non potest afflictio corporalis, interdum tamen pietatis reperiatur affectio, sicut legimus dici de Israëlitis, *Exclamauerunt ad Deum, qui doluit super* Iud. 10. *miseriis eorum.* & Apostolus iubet, ut non contristemus spiritum sanctum Dei: & si qua Ephes. his sententia similis in sacris voluminibus recensita, bonitas potius misericordiæ, quàm necessitas est naturæ. Interim in consequentibus duorum assertione dilata, vnitas mihi in Christo substantiæ duplicis adstruetur. Vbi sunt enim tanta in Scripturis cælestia mysteria veritatis, quæ nihil aliud moluntur, nisi ut nobis incarnationem Verbi cum hominis diuinitate persuadeant: *In principio, inquit, erat* Ioan. 1. *verbum, & verbum erat apud Deum, & Deus*

erat verbum. Ecce agnouimus quid erat quod non cœptum est : nunc studeamus videre quid cœptum atque secutum sit. *Et verbum*, inquit, *caro factum est.* Quod Deus in principio erat apud Deum, & initio caret & termino : quod verbum carne vestitur, caret fine, sed constat à capite. Adsit nunc sermoni nostro Emmanuelille prisca prophetalis oraculi voce prædictus, qui vt nobiscum Deus esset, sicut dixit

Isa. 9. 6.

Esaias, *puer natus & datus est nobis filius Dei.* In cassum corporalitas à diuinitatis diuiditur sacramento, si veraciter propheta Dei filium processisse confirmat in puero. *Et vocabitur*, inquit, *puer ipse admirabilis, consiliarius, Deus fortis, pater futuri sæculi, princeps pacis.* Quantum pertinet ad vocabuli proprietatem, sufficit Emmanuel puerum nuncupari. At verd cum dicat, vocabitur admirabilis, consiliarius, Deus fortis, vel cetera quæ sequuntur, quæ rogo tot vocabulorum ratio reperitur, nisi vt agnoscamus veridicum vatem, in vna eademque persona, quæ diuinitati humanitasque competerent exprimentem, ex operibus secururis beneficia mediatoris potius enumerasse, quàm nomina? Cogam tamen hic hæreticum respondere, quis vocandus possit intelligi Deus fortis, pater futuri sæculi, princeps pacis. Si filius Dei ante sæcula manens, cur adhuc in futuro sic vocabitur qui semper hoc exitit? Si filius hominis qui nascetur, seruat copulanda diuersitatis mysterium temporum plenitudo. Quam cum vtrique consequenter

Gal. 4. 4.

Apóstolus replicaret, *Postquam*, inquit,

autem venit plenitudo temporis, misit Deus filium suum natū ex muliere. Quod mater peperit, pater misit, hoc est nasci corporeum, quod venire diuinum. Noluit Deus latere quem destinatus capiat mundus dominici aduentus indicia. Quem pater sine matre genuit, genitrix sine patre concepit, hic et quē Dei filius & hominis erit. Super sacramento tamen isto Gabrielem Archangelum consulamus: principem videlicet ministrorum, cui ineffabilia perspicua maiestatis arcana, ut potest qui indefessæ obsecrationis ministerio conspectibus perpetuæ claritatis adsistat, non intelligenda tantummodo, sed contemplanda monstrantur. Hic quippe primus legationem cælorum terris attulit: hic verbo virginem fecundatam diuini germinis promissione dotauit: hic vnius mulieris saluatione omnem mundum salute compleuit. Spiritus, inquit, sanctus superueniet in te, & virtus altissimi obumbrabit tibi: ideoque & quod nascetur ex te sanctum, vocabitur filius Dei. Luc. 1. 35. Cum ratio nulla reperiat, ut solus homo credatur de Spiritu sancto conceptus, cum omnem hominem Psalmista in iniquitate concipi & in peccato asserat nasci: ostenditur hic per Angelum, ob Spiritus sancti virtutem feminæ membris infusam, sanctum quod de tali ministerio esset dicendum, quod nunc separatione connexa intelligit Apostolus, ac definit quod ad redemptionem nostram Deus esset in Christo. Sed callidus forsitan contradictor sic Apostolici sermonis huius testimonio velit abuti, ut acquiescat Deum esse in Christo, sed

gratia, non natura: sicut est in corde Sancto-
rum, quorum mentes à peccato liberatas ha-
bitatio diuinitatis illustrat. Videamus nunc
pareátne commentum, si sententia complea-
tur. *2. Cor. 5. 19. Deus, inquit, erat in Christo mundum re-*
concilians sibi. Eligat hic actor aduersus,
quis mundum, inter ipsa pene sui exordij rudi-
menta, benignissimo creatori peccato primipa-
rentis offensum, sibimetipsi in sæculorum fine
conciliet. Si solus Deus, quid excuset sibimet
quod sufficit remisisse? si autem solus homo,
quo effectui sibi mortalis reconciliat quod di-
uinitas non relaxat? Vnus est ergo Deus & ho-
mo, qui sibi mundum ipse commendat: qui
pro sæculi vita sibi patris filio supplicet filius;
marris. Vnde non dixit Apostolus, mundum
reconcilians Deo, sed sibi: ne fortè pro redem-
ptione humani generis solum hominem oras-
se sentires. qui utique nisi in diuinitatis natu-
ram transiret assumptus, non solum obnoxie-
tatem humani generis nulla intercessione dis-
solueret, sed & ipse communis debiti sarcina-
nam parentali chirographo sustineret. Hoc
ergo remedium idem Apostolus dicit disposi-
tum esse per Angelos in manu mediatoris. Et
ostendens causam, qua medium se præberet,
assumptus ab infimis, inclinatus à summis,
Mediator, inquit, vnus non est: Deus autem vnus est. Quæ cum ita sint, sicut nisi inter duos
agat, incongruè mediario nominatur: ita ipse,
quem mediatorem dicimus, si solam quam ve-
his ex duabus substantiam reciperet, ad subeun-
dum mediationis officium ipse medium nihil

haberet. Quod vno quidem, & tali qui nulla calliditate fucetur, sermone concludit dicens: *Ipse est enim pax nostra, qui fecit utraque vnum.* Ephes. 2. 14. Ipse videlicet pax humilium atque celsorum, vnus factus ex utroque vnum reddidit ex vtrisque. Certè sicut suprà posuimus, aut expositione testimonium, aut argumento egere videtur exemplum. Quid vel illo Apostoli sermone lucidius, quo cum diuersis hominum generibus se coaptans, omnibus omnia se factum referret, vt omnium animas talentorum cælestium cupidus duplicator acquireret, *Factus* 1. Cor. sum, dixit, *his qui sine lege erant quasi sine lege* 9. 21. *essem, cum sine lege Dei non sim, sed in lege sim Christi?* Nunquid est quisquam tam in profunda demersus, qui istud censeat explanandum, si in lege Christi est sine lege diuina? Patet nempe, quòd vnus est lator legis, qui vnus idemque, vt significat Psalmus, præterita futuraque complectens, benedictionem dabit in baptismo, qui legem dederat in præcepto. Offendit quidem mentes carnalitate depressas, & coniecturis humanæ consuetudinis hebetatas, tantæ disparilitatis in vnum coacta proprietates: vt scilicet diuina plenitudo & humana conditio, vt serui humilitas dominique maiestas, vt creatoris virtus & seruitus creaturæ, vnā ex his omnibus videantur reddidisse personam. Sed nec ratio soliditatis istius à sapientum soliditate longinqua est, quæ videtur maximum tenere in hæredibus. quòd ille solus hominis statum potuit reformare de perdito, qui formauit è cæno. Vnde beatissimus Paulus,

1. Cor. 15. 47. *Primus, inquit, homo de terra terrenus, secundus de calo celestis. Verum quidem hominem dixit, sed terrenum cum contagio pollutionis, cælestem cum consortio diuinitatis. Rogo nunc, cùm Apostolus dicat hominem descendisse de cælis, quis est qui negare audeat Deum rediisse de terris? Adhuc si parum est, quod vas electionis asseruit, consulamus illum qui mentem electi pretiosissimi vasis impleuit. Nemo, inquit, ascendit in cælum, nisi qui de calo descendit, filius hominis qui est in calo. Si ita ipse Deus veritas cum sua incarnatione concordat, vt ante omne sæculum vniret præscientia, quod in sæculorum fine assumere disposuerat in natura: videte vtrumnam Deus sit qui conscendit post resurrectionis triumphum, si cum patre filius fuisse dicitur ante carnis exordium: aut quanta facta sit soliditas in præteritis, cuius tantâ vnitas prædicatur in futuris. Sed ne aliquid de hac immutabilitate cunctemur, ahuc addit Apostolus de Psalmo testimonium ponens: Propter quod dicit, Ascendens in altum captiuam duxit captiuitatem, dedit dona hominibus. Quod autem ascendit, inquit, quid est nisi quod etiam descendit in inferiora terra? Parum est, quod Deum dicit in terram venisse, nisi confirmet eum propter vnitatem personæ quam susceperat in inferna descendere. Certè circumfremementibus Iudæis, & in Dominum nostrum blasphemiarum tela vibrantibus, quid respondisse credimus, Amen dico vobis, ante Abraham ego sum, nisi quia per concordiam genitoris & geniti,*
- Ioan. 3. 13.
- Ioan. 8. 58.

ipse per traducem maternorum parentum descendit ex Abraham semine, qui sine annorum numero Abraham præiuit æternitate? Qui maximus Patriarcharum, cum videret illum diem, in quo sine fine permanet Deus, concupiuit tamen illum videre, quo homo vnitus est Deo. *Vidit, inquit, & gausus est.* quia sicut cernebat illum, in quo erat genuina maiestas, ita & istum desiderio conceperat, in quo adoptata illustrabatur humilitas. *Tulerunt ergo, inquit, lapides ut iacerent in eum.* Quid porro miramur Eurychianos contra catholicam fremere, cum videamus caput nostrum à suis ad quos venerat pertulisse, redditurumque perfidiam indignatione vna cum fine? Eo contumeliæ sensu hîc Iudæus sæuit, quo hîc hæreticus liuet. Parricidalis quidem illic fuit in dominum cæli lapidum iactus: sed putes & istos tempore suo veritati perspicuæ cum duris mentibus saxa iaculari. Ne Deus & homo vnum credatur, coniurat furor duorum. Liceat rogo quod facti sumus in melius prouehi: liceat compactam luto materiam supernorum honore sustolli. Quid tantum contra te homoniteris, ne in Deum transire posse credaris? Vocat te ad participationem sui superna maiestas: cur offerentem renuis? quid despicias ingerentem? Excolo pro adipiscenda similitudine veritatem, diligo pro sectanda imitatione doctrinam. Si caput nostrum est Christus, in sublimatione sument quantulæcumque sublimitatis consortium membra de vertice. Possint igitur alij destructores de vtriusque testa-

menti corpore exemplorum similitudinem, quibus proposita tueantur. negotio huic sic annisus bibliothecæ vtriusque constat, ut si confirmare quod loquimur testimonio adstipulante velimus, cuncta videantur in vnum opus canonicorum voluminum oracula congerenda. De quorum multitudine iustè, ad declinandam prolixitatem, electa quæque ac deflorata ponuntur. Quia sicut minimi effectus sunt, quæ tantum de nostro prolata, nullo scripturarum cælestium adminiculo fulciuntur: ita qui recipere pauca fastidit, non virtute, sed mole rem coniicit. quoniam vinci metuens, instrui nolens, ad deferendam veri cognitionem volumen potius quàm documenta desiderans, non causas putat rerum magnitudine constare, sed paginis. Dominus itaque ac redemptor noster, aduentum gloriæ suæ discipulis specialius inter præcepta omnia manifestans; *Cùm*, inquit, *venerit filius hominis in maiestate sua, & omnes Angeli cum eo, tunc congregabuntur ante illum omnes gentes, & separabit eas ab inuicem, & statuet iustos quasi agnos à dextris, impios autem sicut hædos ad laeuam. Tunc dicet rex illis, Venite benedicti patris mei; possidete regnum, quod paratum est vobis à constitutione mundi: & eis qui à sinistris sunt, ut discedant ab eo in ignem æternum, quem præparauit Deus pater Diabolo & angelis eius. Quid rogo hîc contemptibile in Christo superbia humana fastidiat? quid tam metu dignum? tam honore conspicuum? tam terrore venerandum? Excogitet hæreticus, vtrum istud patris gloriæ*

Matt.
25. 31.

gloriæ adiungat, an filij. Ad negotium quod gerimus audire mihi sufficit, *Cum venerit filius hominis in maiestate sua.* In præsentī sæculo, *Discite à me quia mitis sum & humilis corde.* In futuro, prænosce quia celsus & terribilis claritate in gloria sua veniet cum Angelis sanctis suis. Dicat nunc diuisor mediatoris vniti, in corpore contumeliis inclinato vnde sit quæcumque maiestas, si non est vlla diuinitas. vt taceam quod à patre seu regnis seu gentibus per singulorum merita destinatur. Formidabilius videri potest, hominem retributiones congruas iudicando decernere, quàm Deum patrem sentiat filio hominis instrumenta iudicij præparasse. *Filius enim hominis venturus est in maiestate patris sui cum Angelis suis sanctis, & tunc reddet unicuique secundum opera sua.* Non dixit, cum patris Angelis veniet, sed cum suis: quia quæcumque habet pater, & sua sunt. Vnde cum filius matris recipiat in celsitudine quod patris filius contemptus est in humilitate: quis vnquam sit hæreticus tam rebellis, qui Deum, cui immortalem Angelorum substantiam videt subici, ipse mortalis in mortem mortuus nollet inflecti? Dixit quodam Evangelij loco Abraham ille, cuius supra fecimus mentionem, cum à quodam pro remedio æstuantis incendij cassis serò precibus oraretur, quòd si quis Moysen, vel prophetas nolisset recipere, vtique nec venientem à mortuis audire. Quis est autem prædicator ex mortuis suscitatus, nisi Christus Iesus, in cuius duplicem quam loquimur substantiam duplicis

Mat. 18.
19.Mat. 16.
27.Luc. 16.
31.

testamenti vnitas ex diuersitate colligitur? Ea siquidem referuntur in Euangelis, quæ prædicata sunt in prophetis, & fit ex viribus testamenti, non diuersitate, sed tempore. Recens quippe, quod hodie compleretur: quod autem diu expectabatur, antiquum est. Nam quia de Abraham opportunitas sermonis exorta est, qui auctor vtriusque testamenti legitur institutus, vetusti scilicet intromittendo circumcisionem, noui verò placendo per fidem, in illo Iudæorum tantummodo, in isto autem multarum gentium pater: experiamur vtrum Euangelis de Christi generatione concordet, in quo se patrem gentium recognoscat, an æternitatem huius ipsius sobolis, quam erat geniturus, intelligat. Vtrum se iuniorem nepote cognoscat. vtrumnam redemptori, quod se ante Abraham ponit, & ipse consentiat: vtrum sine supercilio parentali, reuerenter impenderet ministerium semine corporali exorto creatori. Inferat se paulisper loco præsentis illa obtestatio, iuramenti fidem poscens, sed sacramenta patefaciens, qua dispensatorem domus suæ non sine mysterio gratiæ subsequenti ad-

Gen. 24. iurans, *Pone, inquit, manum tuam sub femore meo, & iura mihi per dominum celi, quod non accipias uxorem filio meo de filiabus Canaan.* Dicat mihi quæso, quæ iurisiurandi reuerentia putetur in femore. Quod si personaliter tantummodo fieret, facilius caput tangeret adiuratus. Aut quæ causa femoris, interposita Dei ac domini mentione iurandi; nisi quia per illum Deum ac dominum celi, quem inde sæ-

cula videbantur prolatura, iuratum est? Scit ergo nimirum, cui profapiæ non tam præmi-
neat ipse, quàm seruiat. Nouit quippe quid in
corpore suo debeat adorare: intelligit mem-
bra, quæ contra humanam consuetudinem
speciali honore veneretur. Post quæ præce-
dentum indicia, miracula subsequentum, licet
plurima testimoniorum de Euangelis Aposto-
lisque promamus, metuo ad vltimum, quòd
cùm Eutychiani nec patriarchalibus factis, nec
dictis prophetalibus excitentur, si Moysen &
prophetas non audierint, nec ei qui ex mor-
tuis reuersus est credent.

AVITVS VIENNENSIS EPISCOPVS
Domno Gundobado Regi.

PVTO nunc non parui operæpretium esse III.
momenti, si occasionem, quæ præsentis tem-
pore in abruptæ diuersitatis letabundum virus
erupit, pagellæ præsentis mentione contin-
gam. Quicuerat ergo post Acacij quondam
Constantinopolitanisacerdotis excessum, ma-
li eius quod expugnandum suscepimus, pullu-
lans ab Eutychete persuasio. Cuiusidem Aca-
cius, vt celsitudo vestra potest habere com-
pertum, amator magis trepidus, quàm asser-
tor publicus erat: laudans quidem quæ ab illo
repererat, sed prædicare ea deuoto tunc, ita-
que impolluto, populo non præsumens. Pro
cuius obumbratione figmenti simulati, ob gra-
tiam Imperatoris sæculi sui, non impunitus
tantummodò, verùm & indiscussus interiit.

Hinc se de impendenda defuncto communione in contrarium vulgi, immò, quod asperius fuit, & sacerdotum studia diuiserunt. Et ut quisque rectè aut prauè de fidei ratione conceperat, ita etiam de prædicatoris præteriti memoria sentiebat. Tracta est interim, non per manifesta sed subita, nec tam separatione quàm similitate dissensio. Actum est igitur cum rege Orientis anno superiore, ut hinc cum Episcopo urbis suæ quasi leni colloquio & blanda meditatione conferret. Est autem illic consuetudo in Ecclesiis nobilium ciuitatum, supplicationem cum laude diuina inter Missarum initia celebrari: quam tanta deuotione atque alacritate consonæ plebis clamor attollit, ut credant non immeritò, omne suffragium sacrificij subsequenti præmissio huius deuotionis obsequio placitum. Supplicationis verò ipsius imam partem, licet pietati vestræ notissimam, in loco, sicuti res postulat, suggerendam putavi. *Αγνος ὁ θεός, ἄγνος ἰσχυρὸς, ἄγνος ἀδάεπτος, ἐλέησον, ἡμᾶς. ὁ σωτὴρ τοῦ δή σου, ἐλέησον ἡμᾶς.* Itaque sicut insusurrarum fuerat principi, & ipse insinuat sacerdoti, nil in querelam venire, nullam fieri de schismate mentionem, si hoc quod in ipsa oratione animos aliquantum mouebat, à principe obsecratus Antistes aut iuberet aut permetteret abrogari. Illud molestè quospiam ferre, quod in ima prædicationis ipsius parte clameretur, *ὁ σωτὴρ τοῦ δή σου, ἐλέησον ἡμᾶς.* quod Latine intelligitis dici, Qui crucifixus es propter nos, miserere nobis. Persuaderetur Episcopo negligenti, nec vsque

sic docto, vt tantæ vrbis, perindèque totius
 Orientis Patriarcham decet. Concipit igitur
 atque disponit, sollennis huius præconij in-
 cautè definitionem factururus: eo maximè effe-
 ctu, quo res, nec de canonicis scripturis tradita,
 nec Apostolorum temporibus instituta, etiam
 contra vota populorum facile videretur posse
 mutari. Sed vbi primùm hymnus in Ecclesia
 cantari solitus, vltima orationis parte trunca-
 tus, minus audientibus satisfecit, quicquid pu-
 tabatur ab Eutychanis hæreticis concipi, pa-
 ruit totum hoc ab Episcopo prædicari. Quis
 enim fidelium non iure moueretur, audiens
 crucifixo pro nobis, vt misereatur, minimè
 supplicandum? Quid multis? crescente sedi-
 tionum procella, dum insistit populus, nec ob-
 sistit Augustus, antiqua sacerdos, quòdque
 magis dolendum est, nec innocens, sede pro-
 pellitur. sicut legimus quodam loco Scriptu-
 ræ, *Si peccauerit vir in virum, orabit pro eo* 1. Reg. 3.
sacerdos: quòd si peccauit sacerdos in Deum, 25.
quis exorabit pro eo? Super omnia verò deli-
 cta specialius in Deum peccat, qui doctrinæ
 Apostolicæ contradicens, à regula veritatis
 exorbitat: sicut nihil est grauius, quàm si cæ-
 cus, præsumpto ducatu, ex prædicatore fidei in-
 cipiat esse destructor. Vos modò perpendite
 amentiam totius hæresis in vnius reprobatio-
 ne sermonis. In quo parum est quidem quod
 auribus putetur ablatum: sed totus cum verbo
 illo catholicæ veritatis sensus excluditur. No-
 lunt enim à nobis ei qui crucifixus est suppli-
 cari, vt videatur tam nihil posse præstare per,



sona hominis, quàm nihil pœnæ pati potuit substantia maiestatis. quod quid est aliud, quàm odium pro dilectione reponere, & conuitia pro beneficiis repensare? Inserta est namque humano corpori dignitas supernorum. Deus quidem non subiacet cruciatui, sed diuinitas interest passioni. Dei iniuriam crucis tempore mundus diurnis fuscatus tenebris expauit: in cælum peccare Iudæos testata est terra quæ tremuit. Caret coniectura quæ per necessitatem veritas fulget: nec se affirmari à nobis expectat, cùm salua sibi auctoritate sufficiat. Audiamus ex his Apostolum protestan-

1. Cor. 1.
3.

tem: Qui si, inquit, cognoscerent, nunquam Dominum maiestatis crucifixissent: Sed dixerat

Mal. 3. 8.

hoc prius etiam ille propheta, qui ob præscientiam futurorum cognomento Angelus nuncupatur: *Si affiget homo Deum suum, quoniam vos affigitis me?* Rogo quis contentionis obstaculo tam aperta sibi obstruat? Si Dominus maiestatis pependit vel affixus est patibulo, dicat aduersarius, cur hominem non rogemus in cælo? Adhuc quippe cælestem potentiam in corporis secreto reposuerat: adhuc obitum ex ventre debebat: adhuc ad informationem nostram exercebat humilitatis studia etiam in opere claritatis. Cùm Cananæa quædam, credulitatis quidem Israëliticæ, sed gentis alienæ, virtute virili, petitione laudabili, obstinatione victrice, Christo pro filia supplicaret,

Mat. 15.
21.

Miserere, inquit, mei fili David, vicit hîc sensus interiore sapientia sexum carnis, supra humanum sentit in homine. Non acquiescunt

Eurychiani doctores ei qui propter nos crucifixus est supplicare. Ista in crucifigendo & diuinitatem precata est, quæ non poterat mori, & humanitatem, quæ poterat suscitari. *Fili David*, carnem resonat: *miserere mei*, Deum declarat. Dominus cæli inuocatus est in virtute: auctor hominis vocatus est in genere. Longè iam, ut opinor, post mortem David, de cuius semine terris per Mariam Christus effulsit, temporum serie stemmatis regij profapia ducebatur. Posco nunc, his proauorum successionibus ac nepotum, ex memorato patre usque ad virgineum fœtum, toto derivatæ hæreditatis accessu, phantasmatis linea ducatur, an traducis. Porro autem ambiguo caret, quòd & de genere caro vera processit, & phantasma genus habere non potuit. Experiamur tamen, utrum spreuerit Christus præfatæ Cananitidis in oratione sermonem, an fortassis exasperet ineptiam supplicantis. *O mulier*, ait, *magna est fides tua. fiat tibi sicut vis*. Si ista fides est, utique magna si constat, non erit recta, altera certè fuerat ad matrem illa responsio, cum comitante discipulorum choro festis nuptialibus inuitatus, deficiente vino ad faciendum miraculum posceretur. atque ille, *Quid mihi Ioan. 2.*
& tibi est mulier? nondum venit hora mea. Velut 4.
 si dicat, Cur illud tantummodo quòd peperisti esse me credis? Si hoc solum mihi putas constare quod carnis est, non possum comple-
 re quod exigis. Sublimia hæc quæ à me requiris de patre attuli, non in matre suscepi: formato in te corpori, debita infirmitatis institu-

tione, opera virtutis iniungis. Benè me putas posse quod petis, si te, sicut mei corporis, sic matrem tui intelligas creatoris. Quod si solum te edidisse hominem velis, *nondum venit hora mea*. Nemo autem sic ineptus reputandus est, ut istud quod dixit, *Nondum venit hora mea*, velut errore gentili, constitutis velit fatalibus applicare. Ad intelligendum horæ illius mysterium discretionem potius requiri conuenit, quàm decretum. quòd cum ipsa quoque nostræ mortalitatis conditio non eligatur, sed omnis status nostri necessitas gubernatoris perpetui sit voluntas: quanto magis Christus, qui potestatem habebat ponendi animam suam, & iterum sumendi eam, nullo se fati voluit implicare præscripto? Sed cum venerit subeundi hora patibuli, apparebunt cælestia quæ pater genuit, & corporea quæ alius effudit. Ergo cum ipse Dominus hîc, perficiendo miraculo actus diuini, non repulerit genitricem, sed instruxerit ignorantem, videamus quid hinc cum Apostolis suis tractatu impensiore contulerit. Interrogabat autem eos quodam Euangelij loco, quæ de persona sua vulgi variantis sentiret opinio. Cumq; diuersitate sententiæ populum, aut vnum ex vatribus priscis, aut Moysem, vel certè Heliam, illum credere suggessissent, *Vos autem*, inquit, *quem me esse dicitis?* Tum princeps condiscipulorum, principium responsionis assumens, *Tu es*, inquit, *Christus filius Dei vivi*. Sufficere planè potuerat quod confiteretur hîc Petrus, etiamsi hoc non tam manifesta respon-

Mat. 16.
25,

Gone confirmasset Christus. *Beatus es*, inquit,
Simon bar Iona, quia caro & sanguis non reuela-
uit tibi, sed pater meus qui in cælis est. Beatus
 es, inquam, quia vt Deum cerneret, non car-
 nem tantummodò, sed & sanguinem censui-
 sti: nec reuelandam tibi gloriam meam linea-
 menta sumpti corporis obtulerunt. Non auer-
 tisti generosæ mentis aspectum, quod & carne
 prolatum est. Sed pater meus qui est in cælis
 reuelauit tibi filium, cui adhæret in terris:
 cuius gloria paupertate nunc regitur, cuius
 honor contumeliis nunc celatur. Pendebat si-
 quidem in ligni salutaris excelsò, triumphali
 præminetia, mediatoris nostri corpus alta-
 tum, & vniuscuiusque sententiam de cordis
 penetralibus virtus salutiferi stipitis exigebat.
 Iniuriam ille deridebat, Ecce qui destruebat, *Matt.*
 inquit, templum Dei, vt illud tridudò suscita- *26.40.*
 ret; alter aceti potionem ferino felle corru-
 ptam spongiæ poculo porrigebat. Ipse tamen
 seruans inter pœnas hominis misericordiam
 Creatoris, dolens eos pro quibus venerat
 adhuc sub tempore ipsius redemptionis errare,
 clamabat, *Pater ignosce illis, quia nesciunt* *Luc. 23.*
quid faciunt. Quid est nesciunt quid faciunt, *34.*
 nisi quia credunt se solum hominem adduxisse
 iudicio? Ignorat quid faciat, qui non sentit
 in cruciato corpore maiestatem. Et si illi solius
 matris filium interficere se credentes quid fa-
 cerent ignorabant, cur adhuc hodie Eutyches
 ignorare se simulat, quod si illi tunc scissent,
 Christo & Apostolo protestante, nunquam
 Dominum gloriæ crucifixissent? Vnde quod

hîc Dominus nescientibus optat ignosci, constat expertorum conscientia non posse concedi. An fortè miramur, quòd tam euidenter Christus passionis suæ mysterium dignatur exponere? Ausim dicere, habemus hîc adhuc amplius quod mirari. Comitata est, vt legitis, dominicam mortem circumpendentium latronum coniuncta crucifixio: quos tamen temeritas crudelis iudicij, non seruilis culpæ meritum, coæquauerat innocenti. Non enim poterat sancti germinis incorruptum nitorem vicinæ pollutionis horror aspergere: sicut & sol, si radium in sæculenta dimittat, intactum prorsus nescit sentire contagium. Horum igitur vnus latronum, longi sceleris vitam brevis compendij sine permutans, ex interfectore medicus, martyr ex fure, nexus membris, criminibus absolutus, fixus clauo, liber affectu, *Domine*, inquit, *memento mei, cùm veneris in regnum tuum.* O felicitas beatitudo testimonij! O ineffabilis fortitudo credendi! Non istum, vt diuinitatem in homine sentiret, signa vicerant: sed virtutis dilectionem infirmitatum collegit indicio. Concupiuit inuocare similiter vinctum: & adhuc Eutyches orare despicit sublimatum. Obeuntem ille contremuit: regnantem iste fastidit. Iste mortem non timebat à iudicaturò, cùm ille vitam requirat à mortuo. Sed redemptori suo squalentis veterini mortificatione compassus, iunxit dominicæ propriam crucem. Adorauit expertem culpæ particeps pœnæ: dudum inuadendi cupidus, mutauit vota prædandi. arma-

tus trabalibus clavis vim intulit regno cælorum. Intellexit in Christo pauperem locupletem, vicinum inuenit quod tolleret nudo, sumpsit veniæ plenitudinem, rapuit innocentiam portionem. In ligno Deum contuitus, in cælo hominem confectus. Iam porrò, quoniam transacta passio docet hominem verum, cruciatum doloribus, latronibus comparatum, confectum supplicio, tumulatum sepulcro, per hæc omnia phantasmatis assertoribus assumpti corporis veritas contradicit. Quos cum in Christo vnitas vtriusq; substantiæ perspicua testimoniorum luce conuincit, omnem, quæ in consequentibus replicatur, dominicæ seriem passionis phantastica honoris contumeliosi molitione perturbant: asserentes quoddam nebulosi corporis extitisse figmentum, quod pro redemptore nostro iniuriis pœnarum dolorumque videatur oppositum, & per inanis hominis similitudinem, pœnis, quas maiestas incurrere non possit, addicta quoque vera caro non extiterit, quam execratur populus, cruciat iudex, pulsant verbera, quam contumeliæ illudunt, spinæ transpungunt, cui calamus illiditur, figitur clavis, sanguis excutitur. Adhuc cum omne quod spei est in solo redemptionis nostræ mysterio collocemus, nec sit aliud nostrum reuiuiscere, quam dominum necem pertulisse: falsum est quod sua incarnatione nos saluat, si & hoc in dubium venit, quod tolerandum pro nobis in carne suscepit. Veni potius sancte Esaia, propheta quidem tui, sed Euangelista temporis nostri,

Esa. 53.

4.

veni celeriter ad tuendam contra Eutychetis mendacia Christianorum salutem. Dicere te de Christo, immo etiam iurare non pigeat, *Verè languores nostros ipse tulit, & dolores nostros ipse portavit. & , liuore eius sanati sumus.* non medendi facultate securæ, sed voluntariè pro nobis dolendi veritate suscepta. Si veraciter dolores nostros ipse portavit, iam & nos securi sumus, quòd veros dolores commentitium phantasma non pertulit: & si liuore eius sanati sumus, in cassum collatam mihi sanitatem inuidet falsiloquus liuor. Ceterum rectè omni definitione concluditur, quòd si potuit esse commentitium, non potuit liuere simulatum. Sed etiam in hoc prophetæ sermone euidenter geminatæ substantiæ proprietas inuenitur. *Verè, inquit, languores nostros ipse tulit, & dolores nostros ipse portavit.* Duo sunt ista, quorum aut Deus solus, aut homo solus, vtrumque non fecerit, sed vnum Deus, aliud possit homo. Dicendo autem propheta, Ipse languores tulit, ipse dolores portavit, vnum euidenter expressit, qui ex diuinitate constaret & corpore. Languores enim, quos Adæ fauciata progenies ex vulnere corruptæ originis attrahebat, ille solus sanauit, qui sanum antè condiderat. Dolores verò nostros portavit, qui desudare prælia passionis, nisi cruciatibus ac labore, non potuit. Quocirca quod in natura malum habuimus, tulit Deus: quod in corpore malum patimur, pertulit Christus. Vnderespiciendum est hîc, quantum Eutychiani Bonosiacis baratro profundiore mergantur.

Illi Christo diuinitatis honorem tantummodo
 adimunt, isti & corporis veritatem. Phorinus
 hominis personam nos adorare deridet, hic ne-
 bulam. An fortè hæretici huius ipsius illusio-
 nis exordium ab ipsis in Christo sacræ natiui-
 tatis crepundiis ordiuntur, ac perinde falsum
 erit, quod iacuit in pannis, quod apparuit
 Magis, quod planxit in cunis? Taceo reliquos
 in succidua ætate profectus, quibus diuinam
 pariter humanamque naturam complectens,
 lassitudinem refectio pertulit, consolatio la-
 crymas effudit, lux dormiuit, panis esuriit,
 fons sitiuit. Taceo planctum illum, quem su-
 per defunctum Lazarum habuit, antequam Ioan. II.
 effectu resuscitandi ostenderet Deum, præmi-
 sisse humanæ conditionis affectum. Quod si in
 dubium vocatur qui tanta præstitit, necesse est
 vt ambigua incipiant esse quæ gessit: ac perinde
 falsò se putat sanatum paralyticus, claudus ere-
 ctum, circumscribendus solis radius, quem
 cæcus ab vtero post natiui carceris tenebras in-
 tuctur. aut hoc phantasmate Lazarus ipse de-
 lusus est, vt cum inter mortuos dormiret, iam
 resurrexisse se crederet. Quod si hæc omnia
 vera esse recipiunt, & solius passionis iniuriis
 contradicunt; respondeant vbi tunc fuerit fi-
 lius virginis, cum vmbram tenui nube fallen-
 tem pro se offerens, quem pro nobis putamus
 offerri, vana sui specie & persequentes falleret
 & fideles. Patrem quoque faciens hac illusio-
 ne mendacem, de quo Apostolus ait, quod
filio suo non pepercit, sed pro nobis tradidit illum. Rom. 8.
 Quem filium, si non verum, quomodo tradi- 32.

dit, si conlufit? qualiter non pepercit, si dolere prohibuit? vel certè, qua Dominus noster morte finitus fit, qui non potuit non aliquantulam mortem pro matris mortalitate debere foluturus conditionem obeundi legitimam, fed corruptionem pro refurgendi instantia non vilurus? Quam legem vtriusque naturæ fignificauit fel iftud, quod guftatum noluit bibere, dum mortem, quam ex Adam parente omnes debemus, pro diuinitate noluit bibere, fed debuit pro dispensatione guftare. At verò cùm factum eft quod Apoftolus dixit, quòd

Rom. 6. *refurgens Chriftus iam non moritur, & mors ei*
9. *ultra non dominabitur*, audeat nunc, fi quid va-

Ioan. Thomas, cùm reuerfus faluator à mortuis præ-
20. ſentia viſibili præſtolantium diſcipulorum vota repararet, & vacillantem quodammodo fidem fuorum reualeſcens à mortuis vita componeret. Referunt ergo diſcipuli Dominum ſe vidiffe. Negat ille ſe credere, nec ſe adhibiturum vllatenus fidem promittit, niſi contemplatione percepta. Tranſacto temporis interuallo, ſuperueniens ſecundò Ieſus, ſed iam omnibus ſimul, pacis ſalutatione præmiſſa, arguit increpatione mitiſſima cunctantis Apoftoli tarditatem: & iubente Domino, ne adhuc parum ſit quod viſus iudicat, fidem tactus explorat. *Infer*, inquit, *digitum tuum in latus*

Ioan. *meum, & noli eſſe ambigens, ſed fidelis*. qui
20. 27. vtrique inexcufabiliter iam perſeuerabis incredulus, cùm palpando reddaris expertus. Scrui-

tatur ille digito vestigia passionis. Permanebat ut inflictum fuerat medicum vulnus, & hiulcum transpuncti lateris aditum felici indicio vitalis plaga seruabat. Tunc demum in semetipsum reuersus, & sancto illuminatus corpore, *Deus meus*, inquit, & *Dominus meus*. Quid rogo sacer Apostolus de cælestibus intellexit in carne? quid curiosæ manus attractu diuinum sensit in vulnere? nisi quia iam pridem didicerat, Christum sine Deo esse non posse, & hæc ipsa vulnera quæ palpabat, præualuisse quidem homini, sed cessasse victori: ramen nec afficere mortem nisi hominem, nec vinci à Deo nisi resuscitante potuerunt. Hic itaque, magno miraculorum stupore conclusi, cum audiunt Dominum nostrum recepti corporis situ, visibilem oculis, digitisque palpabilem, locum quo Apostoli consueverant clausis foribus introisse, ad familiare commentum asserendi phantasmatis, & per fallaces inanum nebularum fraude præstigias, illusos humanæ caliginis queruntur obtutus. Sentiunt enim in facti magnitudine quiddam diuinum, vigoremque illius subtilitatis, quo foribus obseratis penetrabile secretum sine aditu corpus intrauerit, ne cogantur facere mirificum, comminiscuntur incertum. Quod videte ad quantam spectet diuinitatis iniuriam, si veritatis magister, qui nobis etiam verborum mendacia interdicit, ipse factis credatur potuisse mentiri. Proculdubio enim mendacij genus foret, si quod ipse non fuerit se credi à suis velit, & putaretur factum à Christo, quod non licet facere

Christiano. Qui ad cognoscendam mysterij dispensationem & visu instructus, quod sufficit sano, & tactu conuictus est, quod additur cæco. Sed caret remedio sponte petita debilitas. quicquid libet medicaminis oculis lippientibus imponatur, curari non potest qui cæcatus ire delectat. Aut quis in tali obstinatione vsus oculorum est, qui verum esse renuit quod annuit visum? quasi non minus sit Deum penetrasse conclusa, quàm homini paruisse cælestia. qui tamen suis post resurrectionem sæpe

Luc. 24. testatus est: *Palpate & videte, quia spiritus*
 19: *carnem & ossa non habet, sicut me videtis habere.* Quid Eutychi tam clausum? quid contra phantasmata tam apertum? velut si dicat, molem ossium carniúmque species ventura non recipit. Noluit se, vel solum quemlibet virum, hoc est sine corpore, spiritum dici: sed vt talem recognoscatis in iudicio, qualem reddisse conspiciatis è sepulcro. Vnde iam post passionis certamina triumphator nihil quidem habuit, quod mundanum indigentia rediuiui corporis postularet. Non illi quippe aut fames eibum, aut potum sitis, aut requiem labor, aut somnum poposcit operatio. Quæ omnia non solum in capite nostro, quod est Christus, exigua illa parui temporis morte decocta sunt: sed etiam in nobis sic vsque ad obitum valent, quod resurrectione finientur. & tamen, vt dicere cœperam, cùm membra illa dominica, nulli iam indigentiae obnoxia tenerentur, ad suspicionem phantasmaris suorum cordibus eximendam, cùm Apostolis visus est, cibum iussit

iussit apponi, quibus cōuesci commissâ benedictione dignatus est. Quod faciebant illi adhuc pro redēptione corporis, fecit bonus magister pro testimonio veritatis. Nisi forsitā dicat phātasinatis prædicator, caliginem illam, membrorum speciem seductricem, quæ apponebantur assumere, nec escam illam pignoris sancti in dominicum corpus sine onere corruptionis intrare, sed inanem ventrem incerti esus gravare ponderibus. Quem certè pastum fallens imago, aut futura est si subripuit, aut non est aëria, si comedit. Scio tamen, quòd non alter quàm Christus, inter suprema cibi illius monumenta testatur, *Quia oportet impleri omnia quæ scripta sunt in Lege, & Prophetis, & Psalmis de me.* Luc. 24. 44. Et nos pauca exemplorum quærimus, cùm ille omninò Scripturam in sua dicat vnitatem compleri. *Et post hac, inquit, cùm benediceret suos, ferebatur in calum.* Ibid. 51. Recede procul, Eutyches, cum præstigiis quas animo concepisti. Solus hac benedictione careat, qui se à phantasmate aut benedici lætatur, aut redimi. Interim ferebatur in cælum filius hominis, qui erat in cælo, dudum præscientia, nunc natura. Nec aliquo Angelicæ manus auxilio, quanquam portari dicatur, indiguit: sed ferebat matris filium filius patris: ibat quòd Deus erat, quod homo ferebatur. Patebat redeunti porta cælestis, & Deum suum cum accessu corporis reuertentem originalis patriæ claritas inuitabat. Quo recepto, duo, inquit, *Angeli adstiterunt, Apostolis sic loquentes, Viri Galilai, Iesvs hic, qui receptus est à vobis, id est, quem in sede Pater, seu* Act. 1. 7.

quem vos recepistis in fide, *sic veniet, quem admodum vidistis eum euntem in calum.* Habent ergo in hoc sermone quod sperent quibus phantasma videtur esse quod gestum est, si sic veniet quomodo vidistis eum euntem in calum. Vbi videbunt catholici quem ambiunt, aduersarij quem confixerunt. vbi ad eadem clauorum vestigia quæ cernuntur, vel illos ignes Eutyches simulatos putare desinat, quibus post phantasmatum fumum sera pœnitundine perpetuè torris ardebit. Ad cuius pristinum dogma denotandum, vel corrigendos aliquantisper, sicut optandum est, sectatores, pauca hæc dixisse sufficiat: vt ex similitudine testimoniorum quæ posuimus, etiam ipsi sibi necessariè numerosiora perquirant. Quod si fortè pristino scelere dogmatis sui, aut infidelitatis perseuerantiam seruant, aut aliquid nouæ molitionis accumulanti: si quidem peculiaris errantibus mos est, in obstinatione peruersa semper dicere velle quo pereant: dabit Deus, vt iussu vestro, meoque famulatu, prauitas quæ adhuc augmento accenditur, vno & semper æquali scripturarum cælestium magisterio propulsetur.

AVITVS VIENNENSIS EPISCOPVS
Domno Gundobado Regi.

IV. **S**CISCITATIO vestra plena religionis atque pietatis est. Sed quia inquisitione proposita, consultoris vel respondentis nomina præmisistis, suggerendum puto, fuisse in

Africa quendam Faustum Episcopum secta Manichæum, opusculorum quorumpiam conditorem, execrabiliū sanè, & in nonnullis etiam sermone turpissimorum. Hic autem, quantum ad frontem pertinet, quasi abstinentissimam vitam professus, & non secretam crucem, sed publicam vanitatem, iactantia ventosi tumoris exaggerans, quantum potuit, auditoribus venenatam disputationem velut indeclinabilis virtutum seruator indixit. Et quia legistis, consulenti cuidam Paulino Burdegalensi, ab Episcopo supradicti nominis fuisse responsum: cuius temporibus Paulinus quidam, Deus viderit vtrum is quem memoratis, tamen perinde Burdegalensis, non pauca stylo catholico & irreprehensibili fide conscripsit: præfati hæretici mentionem idcirco præmisi, ne Manichæi ipsius Fausti opus infustum, vel alterum, quem etiam gloria vestra nouerat, ortu Britannum, habitaculo Regiensem, titulo nominis accusaret: simul & qui aut consulere supra ambiguo quæstionum, aut dignus rescripto posteris reseruando potuerit inueniri. Cuiuslibet tamen eorum in manus vestras dicta peruenerint, sanctè, sollicitè, regiè, vos mouerunt. Pœnitentiam, quam propriè momentaneam nominastis; id est in ægritudine quasi sub momento mortis acceptam, nihil aut nulli prodesse, aduersa veritati & admodum cruda definitio est. Apud diuinam quippe misericordiam vel ipsa humilitas confitentis dici non debet fructu carere. Quia cùm legimus, quòd qualitate vitæ anterioris abolita,

quia plerumque contingit & peccare iustos, & resipiscere peccatores, in ea quis via iudicetur, qua obitus sui tempore fuerit deprehensus, incunctanter credenda est vel ipsa correctionis voluntas placere, si vera sit. Sed totum apud cælestem clementiam fidei qualitate pensatur.

Mat. 10. Vnde & inter illos operarios, quos in Euangelio legitis esse conductos, pro deuotionis ardore, mercedem prioribus exæquatam etiam qui tardiùs venerant sortiuntur. Sicut & Ninivitarum breuissima pœnitudo, omnem indulgentiæ summam triduo feruente mercata, gladium peccatricis vrbs ceruicibus imminentem, quem iam ictui destinato per manum Io-

Ionæ 3. næ prophætæ dies statuta vibrauerat, repagulo consonæ satisfactionis obrudit. Contradicant autem exemplis huiusmodi, quos veriùs reddit appetita superbia turgidos, quàm conscientia illibata securos. Hoc tamen loco quid sæpè doleam, quia fandi licentiam dignamini præstare, confiteor. Contristamur nonnunquam in hac nostrorum facilitate, quòd rem tam pretiosam pro leui accipere graue discrimen est. Cùm enim videntur pœnitentiam precibus ac lacrymis poscere, impium dicimus denegare. Sin igitur contingat interdum, vt acceptam quicumque pœnitentiam, si sanitatem corporis recipit, aut negligat, aut factus sit, vt Apostolus ait, canis reuersus in vomitum, qui veniabiliùs onerabatur fragilitate peccati, plectibiliùs opprimeretur abusione remedij. & diceretur illud, quod Ananiæ in Actibus Apostolorum: *Nonne manens tibi manse-*

rat, & de promittendo in tua potestate pende-
 bat? Melius est autem, vt ait Propheta, non
 vouere, quàm vouere & non reddere. Vnde con- Eccles. 5.
4.
 traxit consuetudo sermonis, vt donec quisque
 nostrum votum compleat, voti reus dicatur.
 Quocirca fateor, in necessitate positus non sine
 metu dari debere pœnitentiam. quos si absque
 capitalibus culpis, in vsu coniugalis copulæ
 dies suprema reperiatur, vtpote rem licitam
 præsumentes, nec damnatione dignos puta-
 mus, nec à sacrificio commemorationis exclu-
 dimus. E contra, si professam compunctionem
 sæculo retrahente vacuauerint, quasi iam apo-
 statas, id est ab standi firmitate deciduos, ne-
 cesse est à communione suspendi: cum melius
 sit manere intra quantulamcumque salutem
 humilitate mediocrium, quàm ipsam salutem
 ex toto destrui violatione summorum: & tu-
 tius inueniatur cum honestate in matrimonio
 viuere, quàm castitate mentita illicitis licita
 maculare. Quod præuidens Apostolus, & vi- 1. Tim. 5.
12.
 duas, quæ primam fidem irritam fecerint, ma-
 iorem damnationem denuntians subituras, per-
 sonas legitimi atque irreprehensibilis tori pace
 deuinctas, vacare orationi ad tempus, ac rur-
 sus in idipsum regredi sinit: ne Satanas, in- 1. Cor. 7.
 quit, per incontinentiam illorum, tentet in
 promissione perfidos, quos in carne non vice-
 rat coniugatos. In secunda quoque quæstione,
 quod negamus est, fidem solam homini pro-
 desse non posse, hoc minimè probo: neque
 ab illorum parte profiteor, qui, sicut ait Do-
 minus, graue super humeros discipulorum

pondus imponunt, quod ipsi tamen vno digito mouere detrectant. Propter quod, tam rigidam de fide sententiam, aut extraneus potuit præsumere, aut noster debuit temperare. Quod si dignanter admittitis, coniectura breuiter exemplisque patefaciam. Fidem esse omnium bonorum spiritualium fundamentum, per hanc primitus informata Christianorum rudimenta testantur. Nam si baptizatus, aut etiam translatus ab hæresi qualibet paruulus, vel forsitan æuo longiore prouectus, celeri post lauacrum sine rapiatur, nec ipse operis iactitator abnuerit, hominem sola fide saluaturn. Extra quam quodd nihil quælibet bonæ profuerint actiones, de sæculi philosophis æstimemus: quos contemptores mundi, amatorésque sapientiæ, castitate proposita, facultate despecta, quicquid hodie catholici prædicamus, quia fides defuit, non profuit operatos. Adeò machina vanitatis, nutabundis exulta fastigiis, quia sine fundamento surrexit, per se sola constare non potuit. Quid si nunc diuersorum in Scripturis cælestibus fidem retexam, quam semper desiderij compotem reddidit laudata credulitas? Abraham quodd solùm credidit Deo, reputatum est illi ad iustitiam. Raab meretrix vitam præteritam prostitutione sordentem, Israëlitarum populum per fidem præstolata purgavit. Sic illa Euangelij Cananitis, quanquam repulsa conuictio, dari tamen catulis suis filiorum panem perseuerantia petitionis elicit. Alia fluxum carnalitatis obscenæ tactu fideliter medente restrinxit. Suadetur tamen & bo-

Rom. 4.

5.

Ios. 2. 3.

Matt. 15.

Matt. 9.

20.

norum operum iungenda deuotio, quam negligere non pertinet ad fidelem. Sed cū dicat Apostolus, *quicquid non est ex fide peccatum est*, Rom. 14. videtis ipsam quoque quam rectam credimus operationem, nisi fidei suffragio fulciatur, in peccatum posse mutari. Expertus est hoc nimirum Phariseus ille in Euangelio, qui gratias se referre, quod non esset sicut ceteri homines, raptores, iniusti, adulteri, eleemosynas subinde facere, bis in Sabbato ieiunare, tumido ac resupino pectore iactitabat: cū Publicanus, fronte cernuus, fide rectus, merita bonorum operum, sola humilitate præripiens, domum suam, de qua non iustus exierat, iustificatus intraret. Quid plura commemorem? adhuc vñum patienter accipite. Latro ille, cuius assuetum sceleribus corpus, iuxta crucem Dominicæ puritatis, seruili patibulo criminum vindicta suspenderat, sentiens in morientis Christi corpore maiestatem, pro præmissa crudelitate addictus supplicio, pro subsecuta confessione additus paradiso, per iniustum deductus est æuum, vt de iusta raperet morte martyrium. Ecce sunt virtutes ex fide: ostendat quisque, si potest, sine fide virtutem. Dominus in Euangelio exiguitatem fidei, grano sinapis comparatam, quæcumque voluerit valituram promittit. Sic fit vt, cū opera sine fide possint esse, fides sine operibus esse non possit. quia si corde credatur ad iustitiam, & ore fiat confessio ad salutem. Apud sensum Spiritus sancti, promissiones sequentem, principium est boni operis integrè credidisse: si ta-

Matt. 13.

31.
Luc. 13.

19.

men, vt Apostolus ait, ipse spiritus testimonium reddat spiritui nostro: non, vt super audistis assertum, qui creatura nobis, sed qui creator infusus, auctor & testis est nostri spiritus, non natura. Ecce ad epistolam Fausti Episcopi, nec interest cuius, quæ veritati arbitror conuenire suggessi Mihi & eis quorum salutem sitio, fidei plenitudo donetur: illis opera sua, si fide fuerint viuificata, sufficient.

AVITVS VIENNENSIS EPISCOPVS
Domno Gundobado Regi.

v. **S**I gratiam priscae pietatis expertus, ritè artificium sanctæ dignationis interpretor, ad consolandum me, dominos & conseruos meos sacerdotes vobis iubentibus puto venisse. Quod ecce sub diuino testimonio loquar, pro debiti famulatus reuerentia præcellissimo Domno dependere non præsumpsi. Virtuti enim vestræ derogat, si quis super casu qui contigit, consolationis aliquid scripto verbóque suggererit. Neque porro cadet in regiam quidem, sed philosophicam, mentem mœroris abiectio. Lacesiuit, verum est, cunctorum lacrymas amor vester. Sed si ambienti sæculo salus vestra conceditur, parum est quod perdidit vnum pignus omnium pater. Temporalis luctus est, vbi tam innocens quis obiit, cuius mortem nullus putauit. Iudicet vnusquisque quod sentit, nihil vnquam vestris temporibus contingere potest, quod non semper arbitretur

profuisse. Vnde nihil hîc casuale præsumo, nihil asperum. Ordinavit hunc potius occulta dispensatio, quàm inflixit, angorem. Flebatis quondam pietate ineffabili funera germanorum, sequebatur fletum publicum vniuersitatis afflictio, & occulto diuinitatis intuitu, instrumenta mœstitiæ parabantur ad gaudium. Minuebat regni felicitas numerum regalium personarum, & hoc solùm seruabatur mundo, quod sufficiebat imperio. Illic repositum est quicquid prosperum fuit catholicæ veritati. Et nesciebamus illud tunc frangi tantummodo, quod deinceps nesciret inflecti. Aut quid de fraterna sorte dicamus? Ipse quem vocitari paruum vestra natura circumdedit, bonis vestris absque omni malitia militauit, cùm seruiret vobis nescientibus periculum gentis, cùm futuram pacem disponderet turbatio regionis. Experto credite, quicquid hîc nocuit hîc profecit: quicquid tunc fleuimus, nunc amamus. Non valentibus ista præscire potest equidem durum videri, vicinam thalamis virginem tædio incumbente præreptam. quæ tamen ambita est vt regina, defuncta est incontaminata. Quanquam reuera maiorem causam luctus sui reliquisse dixerim; si diem vltimum post recentia vota clausisset. Ibi enim fortè potuerit inueniri, vbi mihi post inuidiæ nodum, insultationis dentem fixisset æmulus liuor. At verò nunc, quæ mens tam barbara non misereatur virginitatem felicitatémque in paterno regiôque sinu receptam? Nec mutauit sedem, nec contigit peregrinationem: vbi non

diu esse potuit domina, nec breuiter extitit peregrina. Vnde cum lætitiā vestram, quasi serenitatem cæli, expectet vniuersitas, reddite vos gaudiis populorum: quia nunquam respublica orphanitatis incurrit perniciem, quandiu sustentantibus vobis mater Ecclesia non senserit orbitatem.

A V I T V S V I E N N E N S I S E P I S C O P V S
Victorio Episcopo.

De hereticorum oratoriis non recipiendis.

PE T I S T I, immo potius præcepisti, frater piissime, vt datis ad beatitudinem tuam literis indicarem, vtrum hæreticorum oratoria, siue basilicæ, ad vsus possent nostræ religionis aptari, cum conditores earum ad catholicam se legem erroris correctione transtulerunt. Digna profecto res, de qua tu consulis, si respondendi idoneum reperisses. Quia iussisti tamen, referabo in subditis quid consequens putem: ea scilicet definitione, vt locum succensendi aliis non reseruem, si modò id quod statuendum crediderunt, vel ratione perspicua, vel prolata de canonicis voluminibus auctoritate confirment. Istud, quod de oratoriis vel basiliculis priuatis interrogasti, perinde vt de Ecclesiis eorum, difficile definitur. Hoc namque suadendum est catholicis regibus, quod de subiectis eorum fuerit constitutum. Vnde primum quæso, si à principe regionis nostræ, cuius nobis Deus præstitit in vera religione consensum,

fortis sue Antistites consulantur, vtrum respondere possimus, fabricas à patre suo hæreticis institutas catholicis debere partibus applicari. Quod si aut nos suademus, aut ille consentiat, persecutionem in se commotam hæretici non immeritò causabuntur, cùm catholicam mansuetudinem calumnias hæreticorum atque gentilium plus deceat sustinere quàm facere. Quid enim tam durum, quàm si illi, qui aperta peruersitate pereunt, de confessione sibi aut martyrio blandiantur? Et quia post nos, nostrique regis, Deus tribuat, felicissimam longevitatem, si quidem nihil de processu temporum immutabili credi debet, poterit forsitan hæreticus quicumque regnare, & quicquid persecutionis Ecclesiis personisque commouerit, non sectæ suæ studio, sed ex vicissitudinis retributione fecisse diceretur, & nobis etiam post mortem grauandis ad peccatum reputabitur, quicquid fuerit perpeffa posteritas. Et forsitan adiciet diuina miseratio, vt proles principis, de quo loquimur, per receptam fidei plenitudinem catholicum sequatur auctorem. Quid tamen, si nunc quisquam de vicinis regibus legis alienæ vlcisci in regione sua similiter velit, quod hîc sacerdotibus suis doluerit irrogari? At si quis huiusmodi me deridens in hæc verba prorumpat, vtar gloria temporis mei, prospiciat statui suo subsequens ætas. Sed qui talia secum tractat, paulisper mihi redhibeat quam postulo rationem, vtrum hæretici à nobis cum veritate recipi debeant. recipiantur : lucidissima salus est, Psal. 115, quia sicut scriptum est, *Credidi propter quod lo-* 1.

cutus sum. Præcedit fides locutionem, & sequitur confessio credulitatem; & per impositionem manus sacerdotalis fit prauitatis amissio, fidei redditur plenitudo. Res autem insensibilis, quæ primùm innouata polluitur, ignorare me fateor qua deinceps sanctificatione purgetur. Dico certè, si potest pollutum ab hæreticis altare sacrari, posse & panem, qui super illum positus est, ad sacrificia nostra transferri. Idem primitus hæreticus conditor fecit. Transit ad repromissionem diuinam: libertate gaudens dimittat Ægyptum. Ad fidem rectam felici mutatione transmigrans, reliquit potiùs maculam, quàm attrahat. cùm aliquid non legitimum impurgabili errori, grauant magis polluta contactum, quàm capiant à tangente remedium. Vnde & in Aggæo propheta: *Hæc*

Agg. 1.12 *dicit Dominus exercituum, Interroga sacerdotes legis dicens: Si sustulerit homo carnem sanctificatam, & tetigerit de summitate eius panem, aut quodcumque aliquid, nunquid sanctificabitur? Respondentes autem sacerdotes dixerunt, Non. Et dixit Aggeus: Si tetigerit pollutus ex omnibus his, nunquid contaminabitur? id est ille panis, qui dudum sanctus extiterat: & dixerunt sacerdotes, Contaminabitur. Quapropter coniciendum est, si potest ille panis in his altaribus consecrari, quem si consecratus panis tetigerit, redditur inquinatus. Malachias quoque propheta sic dicit: Si offeratis cecum ad immolandum, nonne malum est? & si offeratis claudum, nonne malum est? & paulo pòst: Maledictus, inquit,*

Mal. 1.8. *Ibid. 14. dolosus, qui habet in grege suo masculum & vo-*

rum faciens immolat debile Domino. Quid hoc iudicio sincerius? quid tali auctoritate manifestius? Fabrica, quam iterata cupis innouatione præsumere, si sana est, quid benedicitur? si languida, cur offertur? Quantumcumque munerà à malis oblata in bonum trahere concupiscas, sequi te ad sanctitatem clauda non poterunt. Dicit Apostolus, suscepisse *viro virginem castam exhibere Christo*, id est Ecclesiam. ^{1. Cor. ii.} Ecclesia porro, quæ hæreticorum fuit, & si licet meliori nubere, non erat virgo. Cur ergo appetat sacerdos illicitam, qui prorsus à contactu repudiata ac viduæ prohibetur? Post incesti nexum sera coniunctio est. *Qui sociatur*, ^{1. Cor. 6.} inquit, *meretrici, unum corpus efficitur. nec tollam membra Christi, & faciam membra meretricis.* Vide si possit iunctis sibi Christi membris meretrix redintegrari, in cuius corpus vnita Christi, id est Christiani, per pollutionem membra vertuntur. Vnde & alio loco Apostolus dicit, talem se Ecclesiam velle, quæ non habeat maculam, aut rugam, aut aliquid huiusmodi. Nunquid vlllo pacto poterit istud de hæreticorum fabricis dici? Benedictio, quæ rebus sensu carentibus ac pollutis impenditur, nec purgat maculam, nec explicat rugam. Immo magis, si paulo attentius intuemur, caret macula quod symbolum est nouitatis rugosum. Porro quod iteratione duplicatum est, ruga tegitur. talem nequaquam sancta sinceritas, & Adam veterem exuens, nouo quod offertur homini comparetur. Quam nouitatem nobis auctoritas Testamenti noui Euangeliorum vo-

Matt. 19. ce commendat. Vnde etiam ipse sibi Domi-
 30. nus sterni pullum præcepit, cui ante ipsum nul-
 lus infederat: quem totius sæcularis vñs exper-
 tem, feliciter redderent non imposita flagella
 Luc. 17. subditum, sed exordia sancta mansuetum. Et
 60. vt ipsum quoque dominicæ mortis myste-
 rium nouitatis honore non careat, in monu-
 mento nouo, quod in petra excisum est, redem-
 tricem nostram dominicam carnem legimus
 quieuisse. Quis ergo mihi persuadere conetur,
 post errores funerum sepulcrum posse munda-
 ri? Quamuis putredinis humore siccato, con-
 sumptis iam carnibus, albis tumulis attollatur,
 remanet immunditia recordatione, etiamsi ab-
 esse putetur aspectu. Expulisti quidem morti-
 cinum dogmatis alieni, & fortitudinem eius
 emortuam de sepulcro suo, quasi ossa honore
 carentia proiecasti. Sed puto quòd imponi in
 fætores sacri corporis membra non debeant.
 Et dices forsitan hæreticos, si eis potestas detur,
 altaria nostra temerare. Verum est, nec refello.
 Sæuiunt quidem cùm possunt fædis vnguibus
 alienarum ædium peruasores. Sed vim inten-
 dere, loca peruadere, altaria commutare, non
 pertinet ad columbam. Specialiùs ergo fugien-
 dum, quod licere sibi hæreticus putat. Ab
 exemplo magis vitare conuenit quod hostis
 amplectitur. Nec mirum est, si dedicationes
 geminare audeant, qui baptismata confrequen-
 tant. Quòd circa non quid statuam, sed quid
 optem breuiter indicaui. Hæretici cultus loca
 peruadi nollem, cuperem prætermitti in mo-
 rem ergastulorum. Semper optandum est, non

Vt mutata tranſcant, ſed infrequentata torpe-
 ſcant. Salubri populorum correptione deſertis
 maneat æterna viduitas: nec vnquam recipia-
 tur à noſtris, quod conuerſionis ſtudio repu-
 diatur à propriis. De miniſteriis hæreticorum,
 quæ illis ſacra, nobis execrabilia iudicantur, id
 eſt patenis pateriſque, quia quid cenſeam per-
 inde reſcribere me iuſſiſti, validæ quidem ob-
 ſervationis exemplum eſt, quod legitur in He- Num.)
 ſtatycho, de thuribulis peccatorum, qui ignem^{16.}
 illicitum præſumentes, incendio temporalis
 gehennæ æternam ſignante conſumpti ſunt.
 Iacebant namque cineri pruniſque permixta,
 ad mortuorum iudicium, terrorémque viuen-
 tium, vaſa quæ diximus, & odoribus thuris af-
 ſucta, abominabilem immunditiam, peruerſi
 uſus ſætare contraxerant. Tunc duci legifero
 conſulenti præceptum eſt ſermone diuino, vt
 hæc inſufa fornacibus, & diſtenta per laminas,
 ſacro altari affigeret. Vides ergo, quòd illic pa-
 riter erudimur, uſum execrabilem metallorum,
 ad bonum, ſi ignibus careat, non poſſe trãſfer-
 ri. Adeo ad catholicam comparationem hoc
 præſtat metallis ignis, quod ſenſibus fides. Vn-
 de & in Pſalmo propheta ſic orat: *Vre renes* Pſal. 25.
meos, & cor meum. Reprehendat certè quiſ-^{2.}
 piam, pro ſenſus ſui diſcretionem, quod ſen-
 tio. Fateor miniſteriis illis minimè delectari,
 quæ ſuperioris Galliæ partibus ad Eccleſias le-
 gis noſtræ captiua venerunt: quæque nil volun-
 tarium, nil innocens præferentia, ſi dolentibus
 rapiantur, offerentibus prodeſſe non poterunt.
 Cur mihi dicat victor, quod altaribus tuis exhi-

Prou. 1.
9.

beo, quo quolibet ordine meo factum, si iube-
tur, *Honora Dominum de tuis iustis laboribus?*
Parum est de laboribus, nisi de tuis: parū est de
tuis, nisi de iustis. Nunquā oblata pronuntiem,
quæ antequā offerrentur, ablata sunt. Sed talia
sēper munera gratulor sanctis altaribus super-
poni, qualiter religiosè si non solūm propriè,
quia eis sua videtur vbicumque catholica est.
Cur de thesauris suis lectissima quæque produ-
cens, haud omni impendio curat, vt in his quæ
ad sanctum ministeriū pertinebunt, non magis
pretiositas possit placere, quā nouitas? Orate
quod restat, vt longo tempore post votorum
opes sibi à Deo creditas, non in secretis moli-
bus, sed in publicis muneribus possessuras, cum
populo sibi subdito gaudens vñibus sacris sem-
per habeat quod donabit.

AVITVS VIENNENSIS EPISCOPVS
Papæ Constantinopolitano.

VII.

DŪM domnus meus, filius vester, patricius
Sigismundus gloriosissimum Principem
officio legationis expetiit, nobis quoque defe-
rendi ad vos famulatus aditum dupliciter san-
cta opportunitate prospexit. Cū enim, vt
præcipuum sacerdotem, iusto vos desiderio si-
tiremus, adiecit vir illustris Laurentius hono-
rem vestri animis nostris, indicans apicibus
suis omne nubilum, quod quietem Orienta-
lium populorum ambiguo caligante fuscaue-
rat, reintegratæ pacis serenitate detersum: &
eam cum Romano Antistite vos habere con-
cor-

cordiam, quam velut geminos Apostolorum principes mundo adsignare conueniat. Quis enim, qui vel catholicus dici potest, de tantarum actalium Ecclesiarum pace non gaudeat, quas velut in cælo positum religionis signum pro gemino sidere mundus expectat? Quis non meritorè delectetur infirmantium reditu, incolumium statu, cùm aliis ouibus intra claustra saluatis, illa quæ vitio errantis arbitrij fuerat euagata, cælestibus caulis lætitia plaudente reuocatur? Custodite igitur, quasi patres, traditam vobis etiam super nos Ecclesiæ disciplinam. Concordiæ vestræ tantum opus est magisterio, quātum & exemplo. Quam caritatem populis suadebimus, si hanc in nostris rectoribus nesciamus? quid in corpore firmum videri poterit, quod nutat in vertice mancum? Ergo piam redeuntibus date, ne quis intentione percat, prædicationem. Prospicite ne speculata signa tam fera bestia populetur, si ab vnitatis sensus vestri Roma dissultet. Memores verò nostrī, quia si super dissensionem vestram Sol occidat, damnum Orientis est, prosperrimum quem supradixi nuntium per fidelissimum virum ad notitiam nostram firmate rescripto: vt expectans occidentalis Ecclesia in sermonibus vestris donum cælestis oraculi, quod se lætatur accepisse per condiscipulum, multiplicari sibi gaudeat per magistrum.

AVITVS VIENNENSIS EPISCOPVS
Eustorgio Episcopo.

VIII.

ADVENTV præsentium portitorum ecce iam secundo à te desiderandi reuerendique affatus vestri dona venerunt: quæ tamen plus fierent prosperitate secunda, si fierent numerositate copiosa. Reuera duplex in litteris vestris materia gratulationis accessit. Primum quòd saluam mihi gratiam, sic etiam in vestro, sicut in vestrorum extitit animo decessorum, hereditario monstratis affectu. Deinde quòd in eo me famulari negotio præcepistis, quod, dum tuendæ vel reparandæ libertatis curam geritis, etiam me non indignum tali ministerio censuistis. Impletum est igitur beatitudinis vestræ sanctum ac spiritale præceptum. Cumulastis oratione mercedem: interuentu vestro pretiosius factum est pretium quod misistis. Victa est per reuerentiam vestri in rigore barbarico humilitate immanitas, intercessione crudelitas, illatione cupiditas. Conicimus qualiter illic prædicationibus duriores animos edomatis, cum interueniendi viribus absentia vobis saxa sic frangitis. Visitatur opere vestro nostrarum ærumna regionum: & emanans ex largiendi thesauro irrigui fontis vbertas, cum Italiam rigauerit, adspersit & Galliam. Quapropter depenso salutationis honorificæ famulatu, me vestro intercessui vel fauori votis præfusa supplicatione insinuo: optans licet in cunctis, mihi tamen specialibus

causis litteras vestras: in quibus sic vobis per misericordiam comperat, vt etiam me per obedientiam vestrorum operum fructus attingat.

AVITVS VIENNENSIS EPISCOPVS
Cæsario Episcopo.

LICET ipsa sese venerandi portitoris persona animis fraternæ caritatis insinuet, sanctus tamen Maximianus Antistes hanc peculiariùs ad vos officij mei paginam petiit destinari: per quam me potiùs ab illo, quàm illum à me commendari debere manifestum est. Et quia iubere dignatus est, vt necessitates suas sermone meo panderem, nihil dicendum de peregrinationis labore suscepi: quia quantalibet vel temporum longitudine, vel itineris vastitate, genitalis patriæ linquat habitaculum, peregrinus sacerdos dici non potest, vbi catholica reperiri Ecclesia potest. Quanquam nec illa vobis regionis suæ subuersio quasi incognita exaggerari debeat: cum pietatem vestram, quærentem vbique misericordiæ aditus, non lateat vbi est miseræ locus. Principalis tamen ei, quantum dignatur asserere, causa veniendi est, vt peritiorum medicum quocumque perquirat, qui imbecillitati corporeorum luminum cuiuscumque remedij arte succurrat. Quanquam religiosæ mentis intuitus, contemplandis magis spiritalibus occupatus, nec nimium exterioris hominis cæcitate perterritus, eo temperamento hanc, quantum comperi, curam requirat, vt amato-

IX.

ribus potius suis satisfacere in huius studij necessitate contendat. Simul & ne videatur, per neglectæ sanitatis culpam, facultas in eo sacerdotalis officij reprehensibiliter minorata. Spem verò recipiendi obtutus, quantum arbitror, & Tob. II. ab exemplo requirit. quòd scilicet Tobiam nostrum, caligantem quidem terrestribus, sed quæ mundo erant inuisibilia contuentem, attentum æternæ luci, & iam penè dici mortalis immemorem, latens in Angelo medicina reduxerit per collyrium fellis ad dulcedinem sanitatis. Quocirca suscipite fratrem sinceritate solita, reuerentia digna: & si quid consolationis sancto deberur impendite. Implebitur autem commune desiderium, si etiam qualiscumque infirmitati medela prouenerit. Quod certè si minus, saltem incorruptibilem vultum pietatis alternæ, nulli obnoxius cæcitati sacerdotalis conscientia oculis recognoscat.

AVITVS VIENNENSIS EPISCOPVS Magno Episcopo.

X. **L**ICET nulla, quibus ad præsumendum hoc ipsum officium prouocarer, vestri Apostolatus scripta promeruerò, offerre me tamen paginam debiti famulatus, cum compellatione non iusseritis, opinione compellitis. Siquidem ad occurrendum animis vestris, si non meremur aspectibus, fama trahimur, etiam dum absentia cohibemur. His additur, quòd ita ærumnas infelicium Gallorum consolatione consilij & largitate palpatis, vt sub

specie eius quam comperi misericordiæ , ad agnoscendam suorum necessitatem in Italiam festinantes , post longam peregrinationem , cū duce Christo vestram meruerint videre personam , meritò propriam credant intrare se patriam. Commendo quod superest regionis nostræ presbyterum , præsentis scilicet obsequij portitorem. Qui licet pro redimenda cuiusdam propinqui sui filia laborem fatigationis aggressus sit, à quodam tamen nobili viro Prouinciali cum mea prosecutione directus est , vt præfati filium à Comite Betanco , nomine Auulum, ante hos circiter quatuor annos pro pignore obsidatus adsumptum , sub auxilio vestrę intercessionis requirat, ac reuocet. Quod superest obsecro , vt dignabili beatitudinis vestræ rescripto , & illic exultantibus ingenuitatis statum reparabilem, & hñc desiderantibus scribendi aditum doceatis esse communem.

APOLLINARIS EPISCOPVS AVITO
Viennensi Episcopo germano.

SATIS licet iam pœnarum dederit fera pœnitudo , tamen ad diem festum ante alios nobis colendum , ne vicario quidem famulari adesse merui. Qui deuotionem non ostendi, vel satisfactionem deferre curauit. Ad quod verè vt confido ipso sum , beate & reuerentissime domine , spiritu visitante commonitus. Nam in ipsa sancta nocte , in visione nescio quid manibus meis hæserat , quod consedens iuxta me fulgentissima , sed inusitato colore

XI.

rubea columba vellebat. Cūque expergefactus, quotidianum quidem manuum mearum horrorem recognoscerem, sed purgari me immeritò nihilominus meminissē, dum ipsum ambiguum mæstus mecum atque anxius voluo, repentē quasi stimulo percussus, illico sum reliquati sc̄noris recordatus. Iam quæ me hinc confusio, quæve presserit amaritudo, pietas sancta perpendit. Aliquatenus tamen hac spe solatus sum, quòd ignoscat quæ commovere dignata est, ut miserto mihi non omnis sancti obsequij opportunitas fraudaretur. Vnum tantum mixta debitis commemorationis eius officiis supplicatio deposcit, ut hanc quoque indulgentiæ suæ partem sensibus vestræ, quæ in me plus iam iusta est, imputationis inspiret.

AVITVS VIENNENSIS EPISCOPVS
Apollinari Episcopo.

XII. **A**PPARET liquidò quanta sit in vestro merito gratia Dei, aut quantus conici debeat virtutum cumulus, ubi error ipse tam sanctus est. Nam dum iustus accusator suū conatur in se conuincere quod peccare non potuit, confitentis humilitas crescit ad meritum, non confessionis veritas ad reatum. Excessisti fateor consuetudinem: sed pietatis augmento semper diei huius meminisse dignamini. Dulcis a vobis venit sollicitudo: sed non incomparabiliter præuenit obliuio. Minus enim proculdubio salua obseruatione apparet effectus: sed ostendistis quanta spiritualitate vos exerce-

re delectet, quod præterisse sic doluit. Verè secuta est dignitatem delicti vestri sancta reuelatio: & tale repertum est in dormiente supplicium, quale fuerat in vigilante peccatum. Ecce veritatem dico in Christo, non mentior, cum parturientibus lacrymas oculis legissem, somnium quod vidistis, omnis mentem meam subiit necessitudinis recordatio præmissarum, quibus per visitationem vestram honorem dependere nos admonitos intellexi. Porro autem de ipsa reuelatione quid senserim in simplicitate depromo. Sic ergo inquis: Nam in ipsa nocte sancta, in qua scilicet germanæ communis depositio celebrabatur, nescio quid manibus meis hæserat, quod confedens iuxta me fulgentissima, sed inusitato colore rubea columba vellebat. At verò, cum iuxta te pietas tua, nec longè auolans, celeri recordatione confedit, debitum, quod sanctissimè tu, piissimè propinquorum, tu inquam meritò hæc columba sentires, fulgentissima, cum simplicitate sic luceas, inusitato colore rubrata, cum innocens singulariter quasi propriis compuncta stimulis erubescas. Ampliastis ergo quidem, ut suprà dictum est, fœnus assuetum: nec illud tamen consuetudini defuit quod putastis. Nam nocti ipsi, quam vos excitante Christo non licuit obliuisci, adhuc de abundantia superioris anni vestra nihilominus luxit oblatio. Sic ex quodam supernæ benedictionis irriguo, quod impenditis annis singulis, sufficit multis. Deum quæso, ut hoc etiam mihi pietas vestra quandoque dependat.

AVITVS VIENNENSIS EPISCOPVS
Contumelioso Episcopo.

XIII. **Q**VANTVM, vobis apud Deum suffragantibus, qualiscumque voti mei dies propinquantur, tantum animi mei desiderium pudorque decertant. Benedictionem quippe flagito operi imperfecto. Esset quantulacumque excusatio, si in eo inertiae meae noxam velaret ac tegeret magnitudo. Nunc verò exiguò pariter atque impolito quid potest esse deformius? Vnum igitur est, quod trepidantem animum audaci solatur hortatu, vestro scilicet, si nos Deus exaudire dignatur, aduentu cuncta in melius esse vertenda. Neque enim est quod non possitis, aut orando componere, aut perorando excusare. Tantum sicut de compertae pietatis voto certi sumus, ita praevio praestolatae visitationis nuntio gaudeamus.

VICTVRIVS EPISCOPVS
Auito Episcopo.

XIV. **A**D separandum à tritico lolium in area Domini ordinationis vestrae ventilabra poscenda sunt: quia ille, qui vobis constituit tenere loci principis principatum, nos voluit exequi quod praeceperitis in opere, quod autem operandum est vos iubere. Quidam enim civium, ut nunc delatum est, ante quamplures annos sorori se defunctae coniugis in matrimonio sociauit, quod ego nunc sub mul-

torum præsentia aditus audiui. Accusator tanti criminis, non occulta susurracione atrocis facti differuit qualitatem, sed ipso coram qui gessit ista proposuit. Quique eodem quo illicita præsumpsit ausu, qui studio à vobis dispensantibus miserabilis propemodum non negavit. Proinde qua sit abstinendus conditione præcipite: siue ut pariter lugeant, vel si est indicenda sequestratio, vel qui modus pœnitentiæ edocete. Nam non est, ut puto, minus in coniugio germanam conjugis, quam uxorem fratris adsciri. Vos tamen, ut suggessi, statuite quod videtur: quia præter ordinationem vestram, de tali causa quid pronuntiari conueniat vix decerno. Communioni nempe cum trepidè subtraho, vel permitto, nisi auctoritate vestra roboratus extitero.

AVITVS VIENNENSIS EPISCOPVS
Victurio Episcopo.

PROBATÆ summæque pietatis est, ut de XV.
causis ad pontificium vestrum pertinentibus meum quoque consilium consulendum esse ducatis. Quod facere vos non, ut dixistis, ambiguitatis animo, sed dilectionis ostenditis. Quapropter contra culpam, quam litteris indicastis, arbitror meritò vos moueri. Quis enim vel laicus non aduertat, non sine grandi macula fieri de affinitatis propinquitate coniugium? Vnde, licet sollicitudini vestræ iustissimus dolor de necessitate ipsius districtiois incumbat, salubriter tamen exasperatur in tem-

poraneis, quem saluari cupimus in æternis. Oportet ergo, hominem maritum duarum scilicet germanarum, non irreuocabili anathemate percuti, sed propositis obsetuationibus, interim ab Ecclesia sequestrari. Et quia indicatis, laboriosum ipsum ante multos iam annos illicitam secundæ vxoris copulam fuisse sortitum, sufficiat impune bacchatum longo tempore crimen incesti. Nihil hîc quasi timore diuortij dubitetis: sed meritò censetur separatio legitima, vbi extitit coniunctio criminosa. Vtrique si videtur ergo, dum intam infelici obstinatione persistunt, notam excommunicationis indicite, donec à consortio criminali publica pœnitentiæ professione dissuescant: & tum, miserantibus vobis, ad timoris & correctionis exemplum, gratiam reconciliationis accipiant. Ego certè sinceritati vestræ quod rationabile credidi, quia tanti habuistis iubere, suggesti. Auctoritatis vestræ est, errantiû compunctione perspecta, seueritatis ordinem temperare. Quos tamen æstimo, si veraciter compunguntur, superscriptis conditionibus parituros.

AVITVS VIENNENSIS EPISCOPVS
Victorio Episcopo.

XVI.

CAUTE LÆ & caritati satisfacitis, dum me aliquid interrogādo, non minùs onerare, quàm honorare dignamini. Sed cùm noveritis rectè vos, si non de peritia mea, saltem de amicitia iudicare: nec aliquid vobis vnquam responsione mea suggeri, nisi quod volo

à Viennenſi Eccleſia cuſtodiri. Securus eſt ergo, vt indicatiſtis, filium noſtrum diaconum Vincomalus: quem Deus tribuat vt in bono vincatis malum. Vidi hominem nimie crudum: cuius miſeriis conſtat vix quenquam poſſe miſereri. Iuuenis virtute, ſenex fide, æuo friget, adulterio calet. Quid multis? optandum eſt vt per voluntatem diſparabilem, non quàm libet perire, tam liceat. Nam cùm adhortatoriè plus quàm aſperè, pro inceſti facinore culparetur, ſeueritatem noſtram ſola præſcriptione tarditatis accuſans, ſerò nos illicitæ iugationis tricennale conſortium damnaſſe cauſatus eſt. Ad hunc locum ceſſi, fateor, impudenti: quòd ſcilicet ſuæ dilectione ſententiam diſſerentes, maluſſemus correctionem viri compunctioni ipſius voluntatiq; ſeruare. ac perinde iuſtum eſſe, vt poſt ſpatia tot annorum vel criminalia reſtringeret, qui refrænare iam longæuitatis accèſſu etiam legitima debuſſet. Ad hæc, vt ſentire me credidi, non compunctus, ſed confuſus ingemuit, promittere aliquantisper aggreſſus, mulierè cohabitationis indignæ ab accèſſu aſpectuq; ſuo protinus coërcendam. Suaſi reſpondens vt vobis iſta promitteret, & facti pœnitens eo ſe ſolui quo ligatus fuerat poſtularet. Tamen, quia iuſſiſtis vt quicquid ſenſui meo videatur aperiam, ſufficiat cenſuræ veſtræ ſeparatio perſonarum. ſcindatur infelix coniugium innocentiore diuortio. ſufficiat diſtinctionis fructui terminus mali. Nec ſanè promiſſio eius fidelis putetur, cuius vita extitit infidelis. Ipſis fideiuſſoribus

emendatio secutura credatur, quibus intercedentibus prior culpa laxabitur. De cetero autem, quod ad pœnitentiam expectat, moneatur interim agere, accipere non cogatur. Sufficiunt infelici crimina sua: nec ingeratur laborioso cùm respuit, quod tam instabili animo vix committi debuerat si petisset. Cesset à fragilitate perfidia: nec subeat in carnalitatis cumulum rebellionis augmentum. Si iubetis, breuiter ad vltimum suggero. Excussus ab scelere, suscipiatur ad veniam: patiatur pœnitentiam, cùm perdit peccandi occasionem: profiteatur, cùm amiserit voluntatem.

AVITVS VIENNENSIS EPISCOPVS
Viuentiolo Presbytero.

XVII.

DVPLICITER pietatis plenum est quod fecistis, dum veniendo Lugdunum, hucque mittendo, studuistis de duobus fratribus illic requirere infirmum, istic visitare sollicitum. Nec à vobis propositum intermissum esse putabitur, cùm vos religioso fratri plus in affectu atque honore debentibus spiritualis officij huius conuersus, etiamsi non poposcisset ægrotus. quippe cùm sacerdotis germani iure vel adhortationem nouitas quæreret, etiamsi consolatione anxietas non egeret. Proinde laborem iusta fatigatione susceptum prorsus excusare desistite, ne videamini ad hunc arripienti vel definiendi ambiguitate peccasse. Iam verò qualiter dignas pro transmissio munere gratias agam, votis me magis sentio inuenire quàm litteris. Illud quoque vt de eremo talia

proferri posse dicatis, elegantia quadam desideria hominum ad locum vestræ cohabitationis attrahitis. Qui proculdubio, personæ vestræ sollicitudine, institutione, doctrina, etiam si inuenta sit eremus, fieret paradisus. Quapropter pro sella, quam transfinisistis, cathedræ vicissitudinem imprecans, quæso ut nutantem scholam cari communis Eugendi, & non minimum, quantum ad statum suum attinet, præfule viduatam, spiritali solatio, & sacerdotali magisterio foueatis. Neque illud ab impendenda caritate vos retineat, quòd simplicitatis magis, ut arbitror, quàm abusionis animo, minus dignè ab eis cura vestræ ordinationis ambitur: ut ad maiora, ut præstante Deo cupimus, gubernacula prouehendi, & ad duplicanda quinque talenta de duobus additis adsurgentes, probati in secundo gradu fideles, & maximus hanc secreti conscientia feratis ad populos, ut quo in aliis fraterna dissensio potuisset eremum facere, in vobis studuerit paterna dilectio monasterium continere.

* * * *

Vnde, etiam si pignus reliquiarum sacræ crucis putamus esse vobiscum, à sancto tamen Eliæ urbis Antistite hanc specialiter munificentiam credimus expetendam. Qui reuera sacramenti istius veram & inuiolabilem puritatem loci administratione conseruans, sic desiderabili potense est impetire nos dono, ut ab omni cunctationis absoluat ambiguo. Qua

XVIII.

de re plurimùm pagina famulante depono, ut ad præfatæ Ecclesiæ sacerdotem litteras Apostolatus vester tribuat portitori: quatenus gemina nobis veniat benedictione firmamentum, quòd Ecclesiarum præminentium mundo, vel consulta sedis vestræ auctoritas respondebit, vel humanitas illius obsecrata porrexerit.

DOMNVS GVNDOBADVS REX
Auito Viennensi Episcopo.

- XIX. **D**E prophetica lectione sanctitatem vestram censui consulendam, cuius lectionis exemplar subter adieci. Et ideo vtrum iam tempora ista fuerint, an futura sint, scripto vestro declarare dignemini: *Ex Sion procedet lex, & verbum Domini ex Hierusalem. & iudicabit inter plebes multas, & redarguet gentes validas usque longè. & concident gladios suos in aratra, & lanceas suas in falces. & iam non extollet gens super gentem gladium, & iam non stabunt belligerare. Et requiescet unusquisque sub vinea sua, & sub ficu sua: & non erit qui in timorem mittat eos.*
- Esa. 2. 3.
3. Reg. 3.
21.

AVITVS VIENNENSIS EPISCOPVS
Domno Gundobado Regi.

- XX. **L**ICET de lectione prophetica scitos magis, inter quos ipse profiteri non audeo, debueritis consulere sacerdotes: opto tamen iussioni vestræ satisfacere vel obedientia, & si nequeo respondere doctrina. Ita quod indicari

vobis iubetis, etiam textu, ne dicam expositione prolixum est: & maiorem disputationis vacationem postulat, quàm succincta celeritas rescripti epistolaris admittat. Et idcirco quanta possum breuitate respondeo, quod ex propheta Isaia directæ ad me termino paginæ subdidistis, iam dudum, id est tempore dominicæ incarnationis impletum. Nam cùm dicat, *Ex Sion egredietur lex, & verbum Domini ex Hierusalem*, tractate diligentius, an quæ adhuc expectari debeat promulgandæ legis restet auctoritas. Certè post verbum Dei quod caro factum est, vt per natiuitatem corporis habitaret in nobis, si adhuc ex Hierusalem aliud verbum sperandum est, istud quod suprâ diximus vnicum non est. Vnde incunctanter in eo quem proposuistis loco sermo patris Christus, & lex Christiana prædicata est. Quia cùm duæ leges sint, id est Iudaica quæ præcessit, & nostra quæ sequitur, & illa vetusta iam etiam prophetarum temporibus diceretur, videtis ab Isaia istam tantummodo nuntiari, quæ vocatione gentium magisterio Christi docentis exorta est. Vnde sequitur, *& iudicabit inter medium gentium, & increpabit populos multos*. quos ex cunctis cognationibus terræ intra vnâ Ecclesiam Dominus noster iudicando instituit, & arguendo conuertit. Quod verò ait, *concidet gladios suos in aratra, & lanceas suas in falces*, licet possit de corporea ætate Domini, in qua per orbem quietum inconcussa pax floruit, aliquantisper intelligi: euidentius hoc tamen Christianis fidelibus coaptatur. quorum cùm maio-

Esa 1.3.

ri numero desit ac defuerit vsus, quem in per-
niciem hominis malitia primæ natiuitatis ar-
mauerat, ad vsus salutis vitalémque culturam
natiuitas secunda conuertat. Nam cùm in
 Marc. 13. Euangelio de fine sæculi prædicetur, *Exurgent*
 8. *gens contra gentem, & regnum contra regnum.*
 & ex ipsiis malorum indiciis imminere iam penè
mundi terminum colligamus, nisi quod suprà
dixi de catholicis figuraliter accipiat, nescio
ut quid post sæculi finem obtunsa telorum
acies in ligones & vomeres commutetur. Il-
lud verò quod imò lectionis iussistis adiungi,
 3 Reg. 4. id est, *requiescet unusquisque sub vite suâ, &*
 23. *sub ficu*, nec esse in eadem lectione, nec ad
causam de qua consuluistis suggero pertinere.
Quod tamen temporibus priscis Iudæorum
populo, meriti alternante distantia, frequen-
ter, aut pro peccati emendatione concessum,
aut rursus pro succedentium culparum casti-
gatione sublatum est.

AVITVS VIENNENSIS EPISCOPVS
Domno Sigismundo.

XXI. **Q**UOD me de colloctione regali ad no-
titiam vestram non detulisse culpatis,
occursui meo exacta festiuitate seruaueram:
quia reuera indicari vobis litterario famulatu
cuncta per ordinem, disceptationis prolixitas
perplexitasque non patitur. Nam quantum in
animis domini mei, patris vestri, sensisse me pu-
to, feruet in eius studio conficta otij fronte
certamen. Nam quod credebamus animosita-

te

te deposita, silentio temperante, subitam opportunitatem potius quam quietem requirens, non cessavit præterita induciarum breuitate, sed latuit. Adeo ut nec ipsa contentionis arma, quæ quasi iam in nostra regione defece-
rant, poscantur extrinsecus, vel usque ad reditum legatorum suorum feruor meditationis expectat. Redeunti igitur mihi de eo quod notis itinere, nec aliquid interim de huiusmodi propositionibus opinanti, quicquid per implicatissimos quæstionum mendacium nodos longo spatio sagax industria potuit arare, commotum est. Feruet validus prolixa disputatione tractatus: placidus tamen, nec aliquid à supercilio dominandi turbulentæ commotionis interserens. sed curauit consultè, necessitatis opportunitate prouisa & rei, ut quicumque contentionis fuisset euentus, nec superiorem tumere, nec superatum pateretur erubescere. Quid multis? sine iactantia vobis liberè dico, ad proposita, quantum mihi videtur, quod si audissetis potuit placere suggestum est. Quod sanè vereor audientis plus iudicio satisfacere, quam studio placuisse. Sed cum præsentiam vestram, Deo largiente, meruero, per me seriem totius altercationis exponam. Interim sermonis cursum de fine colligite, & ex eo quod discedenti mihi præcepit, vtrum ad responsa motus fuerit æstimate. Iussit namque, ut quodcumque de scripturis nostris testimonium ad interrogata protuleram, seu si fortè occurrisset & aliud, ad singula quæ tempore colloctionis aptaueram, subnotata ei ordi-

E

natâque transmitterem. Quod cùm sibi ex maxima parte pronuntiaret incognitum, adiecit simpliciter sic scriptum misissem sacerdotibus, immo magis seductoribus, & vt adhuc veriùs dicamus sectatoribus suis. Vnde conicere pietas vestra potest, quanquam intento contradictori, tamen arbitro sapienti, non inualida vel absque viribus visa, quibus intentionem suorum, etsi non oprat corrigi, desiderat fatigari. Ego autem, licet sciens, quantum potestatibus diuino quoque iussu, frequenter & regibus, pro veritate non ceditur, vtrum parerem diu dubius fluctuaui: sciens, certè hominis animum timens, nunquam me per hæc satisfacturum, nec minus ab eo cauendû, quàm ab hoste, dum aduersa acies odia priuata publica obsidione circumdat. At quo Deo præstante polletis, fastigio culminis, studio religionis, privilegio auctoritatis, vallatam muris discordiam propulsate: & furentia in castris, velut per campos Æmathiæ, plusquam ciuilia bella dispergite. Quia cùm iamdudum simus pondere duplicato, & clamantum querimonia, & non audientium duritia fatigati, æquum est, si dignamini, vestram quoque seueritatem, aut illic castigandis consulere, aut hîc erubescen-
tibus condolere.

AVITVS VIENNENSIS EPISCOPVS
Apollinari illustrissimo.

XXII. **F**E C I T pietas vestra rem sollicitam, sollicitudinem tam porrigendo de nobis, quàm

de vobis nostram credendo. Nam reuera nuntio vestri discessus accepto, in summo metu trepidatione perpendimus : quia nobis diuersis nuntiis dicebatur, vos dominorum quibus obferuatis accitu, cunctos pariter euocatos. Vnde faciebat hoc meorum conscientia peccatorum, vt quantum mihi pauciores remanserant, tanto intelligerem remanentibus plus timendum. Sed Deo gratias, qui prospero reditu, in latitiam vestros, vósque reuocauit in patriam, Seruet Christus hanc, quod superest, desideriiis communibus libertatem, vt nobis, & consolari absentiam vestram sit possibile, & ad præsentiam peruenire.

AVITVS VIENNENSIS EPISCOPVS
Papæ Hierosolymitano.

EXERCET Apostolatus vester concessos à XXIII. diuinitate primatus, & quòd principem locum in vniuersali Ecclesia teneat, non priuilegiis solùm studet monstrare, sed meritis. Ornat pariter legem nostram cathedra vestra, cathedrámque persona. Vnde obligatus dignationi vestræ debito largitatis, per ipsum dependo gratiarum vota, per quem ad me munera peruenerunt, non quantitatis pretiis, sed salutis præmiis æstimanda. Ditastis namque sanctificationis opibus pauperiem orbis extremi, & obscuritatem solis occidui participato nobiscum fulgidi ortus lumine contigistis. Tersit à prouinciis nostris torpentis religionis rubiginem claritas doni: quæ boni semper cur-

rentis irriguo, fidem nostram contemplatione munerata est, cum patefactis à pietate vestra penetralibus cælestium thesaurorum, quicquid catholici credere iubemur inspeximus. Orate quod superest, ut dignis talia miseritis; commendate nos mysteriis, quæ nobis committere duxistis. Edificetur his deuotio nostra, regio defendatur: ut indulto nobis pignore salutari, quos terrestris Hierosolymæ non censuistis indignos, supernæ ac cælestis habitaculo redatis idoneos.

AVITVS VIENNENSIS EPISCOPVS
Stephano Episcopo.

XXIV.

QUAM LIBET attentis culturæ dominicæ famulis, inter assidua plantandi studia, semper etiam quæ succidi expediat oriuntur. Ergo periugibus sollicitudinis vestræ studiis opportunissimum his operibus acquirendæ salutis fœnus accrescit. Sed inter lolium Arriani germinis, numerosa quod peius est corruptione diffusum, conicere nequeo, unde sese facies seminis inimici, non quidem noua, sed satis rara, monstraueit, quis transmarinæ contagia orbi nitido ventus attulerit. Sed Deo gubernante vos, nullo fulta solamine, parum labes ista metuenda est. Non habet de multitudine tempestas profectum, nec tenuis perficit aura naufragium. Quocirca Donatistarum nomen, ne diu in loco viuere possit alieno, benedictione protinus sepelite vitali. In ipso fomitis sui ortu peregrinantis igniculi frigescat

incendium. De quo ne vel famæ fumus narem Galliæ innocentis aspergat, manus impositionem personæ, de qua scribitis adhibete, interdicta nominis ipsius in posterum, si ex corde conuertitur, mentione. quam constat, si reuera in supradicti schismatis professione versata est, cum ministerio baptismatis etiam chrismate consignatam. Hoc certè eos in regione illa obseruare manifestum est. In qua primum Deus tribuat, vt quicumque huius erroris fuerint corrigantur: tum deinde à nobis tam secta distante quàm patria, iam ad partem nostram, qui saluandi noluerint, agnoscendi transire non possint.

AVITVS VIENNENSIS EPISCOPVS
Apollinari Episcopo.

IV BETIS, & voti est, vt cultibus nouis pariterque consueteris studiis geminæ dedicationis occurram. Sed vereor ne nos hoc teneat, quodd potestates diutiùs tenuistis. Orate tamen vt par desiderio succedat effectus. Nisi fortè illam magis expensam numeras, quæ penū adhuc frigente animis tuis calet. Quocirca licet paucos rogasse te dicas, licet laxato aulico conuentu, releuaturn esse te gaudeas: si qua tamen mihi excurrendi copia fiet, vel inuitos qui superuenerint inuitabis. Prouidebit Deus epulas multitudini tibi conuiuiæ. Ibi pauperum cibū, olei cado & farris hydria persistente, cumulabitur. Ibi si vel quinque panes fuerint, geminum piscem prouidisse sufficiat. Illud autem

XXV.

E iij

fidus post hæc miraculorum experimenta promitto, quòd Christo pauperum suorum conuentui minimè defuturo, quanto plura populorum millia collegeris, plures cophinos reportabis. Apud filium nostrum verò, qui sicut scribitis reconciliationem mutuam dignatur ambire, vos estote vadimonio, quòd si ille pacifico voto agere cupit, ego & amico: si ille discordiam poscit tolli, ego cupio concordiam confirmari. Tamen homo ordinis mei, quem nec falli, nec fallere decet, crediturus catholico senatori, non ad hoc solùm securus incipiat fieri, vt incautus valeat inueniri.

AVITVS VIENNENSIS EPISCOPVS Cuidam.

XXVI. **E**PISTOLAS vestras post longum tempus accepi: in quibus me seruandæ caritatis, quamlibet noueritis tristem, nec sic debeatis credere negligentem. Nam verè testis Deus est, quòd ex magnitudine vestri affectus sit animo meo maior & gemitus. Nec valeo sine grandi vobis dolore suggèrere, quàm graui sanctitas vestra, date veniam, facilitate præuenta sit. Instruxistis aduersarios armis vestris, prodidistis imperfectis secreta nostra, cantastis canticum Domini in terra aliena. Protulistis velut vasa dominica spectaculo conuiuali quæ irrident. exposuistis velut nudatum Noe cachinnis nunquam opprobrio carituris. Si retinent aut sequuntur, periculosè subrexit qualitas veritati. Certè si pretiosum vobis erat quod publicari

Psal. 136.

4.

Dan. 5.

Gen. 9.

22.

*

debere putatum est, terrere vel Ezechia regis 4. Reg.
 culpa vos debuit, quem iactantiæ odore pec- 20.
 cantem propheta redarguit. Sed cum trepida- Esa. 39.
 tionem istam dicatis animo conuertentis ab-
 tersam, iustum est vt cum exultatione dica-
 mus, *Hæc est mutatio dextera Excelsi*. Nam Psal. 76.
 quod vobis inaniter contradicunt belluæ sic 11.
 minaces, Deo protegente, quod debiles, quâs-
 que plus mirum est carere dentibus, & furori-
 bus pasci: qui cum gemerent perditionis suæ
 perire discipulos, perdere ineipiunt & magi-
 stros. Salubriter coram Deo vel hominibus lu-
 era talia conquiruntur. Nihil in recipiendo ex-
 petente violentum est. vt volentis deuotionem
 benedictio præstanda confirmet, non est rapi-
 na, sed gratia. quod Christus dignatur accipe-
 re, dici non possumus inuasisse. De reliquo au-
 tem, quod me super conuersi statu creditis
 consulendum, definitio inspiratione diuina, ad
 quemlibet sacerdotij gradum hominem posse
 consurgere, si non est aut in ratione cōiugij, aut
 in quacumque regula moribûsq; quod prohi-
 beat clericatum. Cur enim non pascat Christi
 gregem, qui sapienter aduertit oues non esse
 quas pauperat? quique quia non fur latroque,
 meritò pastor futurus per ostia ingressus elegit
 altaria? Quare non fiat in sacerdotio nostro
 erectus, qui amore humilitatis à suo voluit esse
 deciduus? Sit verax sacerdos ex laico, qui fieri
 laicus ex fallace sacerdote contentus est. Te-
 neat in Ecclesia nostra plebem suam, qui in sua
 contempsit alienam. Datura est tantis bonis
 augmentum cælestis gratiæ plenitudo, vt &

ille consecutus incipiat gaudere quod doluit,
& hic quotidie fructuosior, præisse se magis
intelligat quos reliquit.

EPISTOLA AB AVITO EPISCOPO
dictata sub nomine domni Sigismun-
di regis, ad Symmachum Papam
Vrbis.

XXVII. **D**VM sacra reliquiarum pignora, quibus
per me Galliam vestram spiritali remun-
eratione ditastis, negare petentibus non præsu-
mo, me quoque sanctorum patrocinia postu-
lare ab irriguo vestri Apostolatus fonte neces-
se est. Quanquam etsi est adhuc apud nos de
dono vestro, quod catholicæ religionis de-
beat studio celebrari, etiam illud tamen con-
uenit iustæ deuotionis intelligi, vt directis lit-
terarij sermonis officiis alloquia illa captemus,
quibus me pontificatus vester, vel præsentem
monitis docuit, vel absentem intercessionibus
acquisiuit. Nec nunc paginæ præsentis obse-
quium reperta opportunitas complectitur: sed
destinato ad vos Diacono portitore, viro ve-
nerabili Iuliano, ad vniuersalis Ecclesiæ Præ-
sulem spiritu repræsentante concurrimus. Cre-
scit quippe beneficiorum recordatione deside-
rium: nec vnquam meis elui sensibus possunt,
quæ nobis apud Italiam vestram, vel pontifica-
lis benignitas, vel ciuilitas regalis impendit,
cùm post familiaritatem totius munificentiæ
commodis præferendam, quia istic liberius la-
xauit reditum, illinc tenaciùs vinxit affectum.

Attentior pro vestris quod superest incumbat oratio. In augmento namque ouium crescit custodia pastoralis. Sacris nos Apostolorum liminibus commemoratione assidua præsentantes, speciali dum vixero prædicatori vestro, vbi obtinuistis initium, impetrate profectum. Litteris nos, in quantum possibilitas patitur aut libertas, quibus nobis doctrina & incolumitas vestra floreat, frequentate. Et vt suprâ sperauimus, ambienda nobis venerabilium reliquiarum conferte præsidia: quarum cultu, & beatissimum Petrum in virtute, & vos semper habere mereamur in munere.

AVITVS VIENNENSIS EPISCOPVS
Domno Gundobado Rēgi.

REDIENS ab vrbe Lugdunensi sanctus XXVIII.
Chartenius Episcopus, in qua, nobis de Concilio discedentibus, ad priuata quædam negotia expedienda resederat, quæstionem sibi, immo magis omnibus nobis, proposuisse vos retulit. Quæ si fuisset coram positis indicata, subministrante sancto Spiritu, facile sciscitationi vestræ quæ ad causam pertinebant suggeri potuerunt. Sed quia tam sanctam sollicitudinem nulla debemus responsi dilatione fraudare, sciens mihi Christo propitio in fide fratrum meorum concordare sententiam, præsentis paginæ famulatu respondere ad consulta præsumo. Iuberis igitur, ostendi vobis rationem, vel potius auctoritatem, qua pateat Deum habuisse in diuinitate substantiam, priusquam

sumeret de incarnatione naturam: & per hoc perniciosissima hæresis illa vincatur, quæ Dominum nostrum ex Maria cœpisse contendens, etiam Deum patrē in filij execratione blasphematur. Necesse est enim, quantum ad illos, imperfectioni diuinę aliquid accreuisse, si tantis retro sæculis sine filio manens, penè iam in termino mundi labētis, cū Maria prolem, tum ille habere inceperit paternitatem. ac à semetipsis assertionis suæ necessitate cōstricti, quem nominant filium, denegant Deum. Sentiant enim, fanas aures ferre non posse, ut ante non multos adhuc annos Deus cœpisse credatur ex homine. Sed nescio in quem effectum redemptio nostra surrexit, si non creaturæ suæ pretium Deus extitit. Nec enim redimere homo solus hominem poterat: aut qui in supernis & Deus est eguit redemptione. Iubetis ergo, ut hæc quæ ratione colligimus, auctoritate doceamus. Sufficiat ergo acrimoniæ vestræ paucitas exemplorum, quæ sumpta de pluribus abundant cognoscere cupienti: ceterum renitentibus animis, & in sua incredulitate durantibus, si aliqua non fatisfecerint, cuncta non proderunt. Esaias conclamantissimus prophetarum, natiuitatem Christi spiritu reuelante prospiciens, *Paruulus*, inquit, *natus est nobis*, *filius datus est nobis*, & *vocabitur nomen eius admirabilis*, *consiliarius*, *Deus fortis*, *pater futuri sæculi*, *princeps pacis*. Intuemini quæso verbi vigorem. *Paruulus* natus est nobis, *filius* datus est nobis. *Paruulus* natus est, & *filius* datus. *natus est nobis hominis filius*, *datus est Dei*. &

Esa. 9. 6.

vocabitur Deus fortis. Ac si diceret, Deus & homo, Deus qui creauerat vitam, fortis qui vinceret mortem. Cuius diuinitatem, sub verbis scribæ ac discipuli sui, propheta Hieremias ostendens sic ait: *Hic est Deus noster. non assistabitur alius ad eum. Inuenit omnem viam disciplina. dedit Iacob puero suo, & Israël dilecto suo. & post hac in terra visus est, & inter homines conuersatus.* Quod si est fortè, cui hæc, quæ de antiquis ponimus, obscura videantur, legat Apostolum Paulum, qui cùm corporeos parentes Domini commemoraret, *Quorum* Rom. 9. 5. *patres, inquit, & ex quibus Christus secundum carnem, qui est super omnia Deus benedictus in sæcula.* Nam & Thomas Apostolus, cùm in resuscitati mediatoris corpore fixuras clauorum, hiulcum transpuncti lateris signum, digito tentante palpasset, virtutis experimenta inter infirmitatis indicia colligens, sic clamauit, *Dominus meus, & Deus meus.* Ecce quibus testimoniis, velint nolint, hæretici ipsi, Iudæorū in perditione confines, de filij diuinitate vincuntur. quorum verbo credas Iudæos in Euangelio Ioannis Dominum discussisse dicentes: *Qua-* Ioan. 8. 57. *draginta annos nondum habes, & Abraham vidisti?* At ille inquit, *Amen dico vobis, ante Abraham ego sum.* Est hîc, rogo, quod obscurare vel volens queat? Quid nunc restat, nisi vt qui senior ab Abraham cognoscitur, iunior vel mundo dicatur? Et istud, quamlibet contentiosum sit, vinci potest, ipso Domino inter passionis contumelias proclamante, *Pater clarifica me ea claritate, quam habui apud te antequam* 4.

Bar. 3. 36.

Rom. 9. 5.

Ioan. 10.

18.

Ioan. 8.

57.

Ioan. 17.

- mundus fieret. Sed fortè & hoc putatur addendum, vt cum filium nominatum cuiuscumque exempli auctoritate doceamus. In Psalmo ait,*
- Psal. 2. 7.** *Dominus dixit ad me, Filius meus es tu, ego hodie genui te. Hodie hîc æternitas significatur, quæ termino atque principio perinde caret: cui non pariunt crastina tempora futurum, nec rapiunt hesternum transactum. Penes nos ergo, per tenebrarum vices ista mutantur: apud Deum verò, cui nox non est, semper hodie est. Quod tamen si hæretici aliter volunt intelligere, nostrâ non refert. Nam cum de solo nomine filij Dei agamus, quale volunt hodie accipiant, concessuri sunt, vt antè genuerit filium pater, quàm mater ediderit. Certè vel Salomon, cui maximam in Scripturis veteribus auctoritatem singularis sapientia facit, planissimè filium in Prouerbiis & lucidissimè nominat dicens:*
- Prou. 30. 4.** *Quis colligauit aquas quasi in vestimento? quis suscitauit omnes terminos terræ? quod nomen eius, & quod nomen filij eius, si nosti? De præteritis ista sufficiant. Apostolus autem dicit: Postquam venit plenitudo temporum, misit Deus filium suum. Enimuerò qui mittitur erat antequam mitteretur. Qui si ante Mariam non fuisset, hunc similem ceteris adoptio fecerat Dei filium, non natura. Nec in Euangeliiis ipse dixisset, Tantùm Deus dilexit mundum, vt filium suum unicum daret. Non electum ergo ab ipsa ineffabili paternitate, sed genitum. cui tam Deo quàm homini vero, in vtraque natura fideliter proprio, in diuinitate mansisse de patre, in corpore cœpisse de matre*
- Ioan. 1. 16.**

est. Hæc ergo, quia iussistis, quædam respon-
sionis nostræ indicula, & ad elucidandam ve-
ritatem pauca testimoniorum semina transmi-
si. quæ possit quidem acrimonia vestra vel elo-
quentia in frugem salutis Christo irrigante nu-
trire. Sed si sit quisquam de his contra quos
agimus, quem his vestro iudicio ad totum re-
spondisse credatis, licet sint vigilantissimi in
catholica & fidelissimi tractatores, dabit ta-
men Deus, ut ego quoque possim vobis &
numeriosorum exemplorum numerum, & ra-
tionem quæ satisfaciat, præsumpta scribendi
vocatione suggerere.

AVITVS VIENNENSIS EPISCOPVS
Domno Sigismundo.

OMNI quidem vitæ meæ tempore debi-XXIX.
torem me asserendi famulatus agnosco:
sed impensius festiuitate præsentī, quæ sollici-
tudinē vestram non minū explorandis hæ-
reticorum conatibus, quā nostræ partis oc-
cupat cultibus celebrandis. Siquidem per an-
num quoddam contagium congregatis ad-
uersis, attento vobis labore cūrandum est, ne
alienæ calliditatis fraude pullulet, quod in Dei
nomine iam vestra victoria celebrabili virtute
succidit, quamlibet Christo propitio præsen-
tibus vobis obſistat. Hinc illa sollicitudine
pressior constipatio Genauensis, quæ in more
originis primæ, virilibus animis virus anguium
sibilo feminei sermonis insonuit. Vnde illud,
si mereor, quamprimum scire desidero, vtrum

cum domno clementiæ vestræ patre mentio illius ordinationis acciderit, quæ bonorum pestem ab infernalibus latebris excitatam, Catholicis Arrianisque certantibus intromisit: vel si seruetur adhuc credulitatis, immò simulationis illius dolus, quem non impressum animis, sed chartulis exaratum, paulatim in antiqua sui dogmatis crudelitate reuocat literata promissio. Quæ certè si adhuc, vt cœperat, societati Arrianæ communione immixta est, claret gloriosior sub principatu vestro noster triumphus, cum duabus hæresibus in vnum redactis, tam acquirentibus, quàm conuincentibus vobis, & schismaticorum numerus decrescit & schismatum. Hinc ergo seruitium curiositatis meæ dignanter aspiciate, & de peculiaris patroni vestri Apostoli festis expectationi nostræ prosperitatis & compellationis vestræ munera duplicate.

AVITVS VIENNENSIS EPISCOPVS
Domno Sigismundo.

XXX. **N**VPER cùm officia culmini vestro semper debita pro Apostolicæ festiuitatis consuetudine destinaui, non minus ciuilitate pretioso, quàm declamatione conspicuo sermone dixistis, idcirco vos tardiùs dedisse rescriptum, vt humilitas sui conscia, quæ à scribendi audacia iure temperat, eo diutiùs ariditatis supplicia penderet, quo fontem splendidum vestri alloquij plus sitiret. Vindiçtæ, sicut dignamini scribere, genus esse censentes,

ut portitor à me segniùs destinatus vobiscum diutiùs moraretur. O retributio ultionis blandissimæ! ô sententia crudelitatis optandæ! Quis scilicet tam intolerabilem pœnam æquanimiter ferat, ut paradiso vestri conspectus inclusus mora beatiore vos videat? Timeo planè, ne frequenter me iubeatis scribere, si disponitis tarditatem taliter vindicare. Aut si ego certus fuerim huiusmodi me animaduersione plectendum, ipse proculdubio scripta porrigerem, quæ iusto rariùs exarassem. Et utinam mihi vobiscum positò negaretur celeritas reuertendi: & verba quæ post longum tempus legere, diutiùs in ipso meatu sui tramite donarer audire. Certè Deus viderit, quid ego apud iudicium vestrum, vel audacia seruitij, vel trepidatione promerear: tamen officij mei portitoribus reus ero, si eos prolixitate præsentia vestra delicti quo arguor emendatione fraudauero.

AVITVS VIENNENSIS EPISCOPVS
Fausto & Symmacho Senatoribus
Vrbis.

PRIMUM fuerat talis status rerum deside- XXXI.
randus, ut ipsi per nos urbem orbi venerabilem pro dependendis diuinis humanisque expeteremus officiis. Sed quia istud iam dudum per rationem temporum fieri posse cessauit, velimus quod fatendum est, vel eò securitatis accedere, ut quæ in causa communi supplicari oportet, amplitudo vestra congrega-

torum Galliaē sacerdotum relatione cognosceret. Sed quoniam huius quoque nos voti non potes reddit prouincia præfixis regnorum determinata limitibus : quamprimum supplici prece posco , ne celeberrimo ordini vestro pagina hæc aliquod moueat quasi ab vno dictata fastidium : quoniam à cunctis Gallicanis fratribus meis, ad hoc ipsum non minùs per mandata, quàm per litteras oneratus, quæcumque à vobis omnes ambimus, vnus suggerenda suscepì. Dum de causa Romanæ Ecclesiæ anxianimi ac trepidi essemus, vt pote nutare statum nostrum in laceffito vertice sentientes : quos omnes vna criminatio vtique sine inuidia multitudinis percusserat , si statum principis obruisset : perlata est sollicitudini nostræ ab Italia in exemplaribus sacerdotalis forma decreti, quam de Papa Symmacho apud Urbem collecti Italiaē Antistites ediderunt. Quam constitutionem licet obseruabilem numerosi reuerendique Concilij reddat adsensus, intelligimus tamen, sanctum Symmachum Papam, si sæculo primùm fuerat accusatus, consacerdotum suorum, solatiùm potiùs adsciscere, quàm recipere debuisse iudiciũ. Quia sicut subditos nos esse terrenis potestatibus iubet arbiter cæli , staturos nos ante reges & principes in quacumque accusatione prædicens : ita non facilè datur intelligi, qua vel ratione, vel lege, ab inferioribus eminentior iudicetur. Nam cùm celebri præcepto Apostolus clamet, accusationem vel in presbyterum recipi non debere, quid in præcipuum generalis Ecclesiæ

1. Tim. 5.
19.

cri,

criminationibus licere censendum est? Quod Synodus ipsa venerabilis laudabili constitutione prospiciens, causam quam, quod salua eius reuerentia dictum sit, penè temerè susceperat inquirendam, diuino potiùs seruanit examini: perstringens tamen, prout breuiter potuit, nihil vel sibi, vel gloriosissimo viro Theodorico regi, de his quæ Papæ dicebantur obiecta paruisse. Quibus cognitis, quasi Senator ipse Romanus, quasi Christianus Episcopus obtestor, sic diuinitatis cælestis dono temporibus vestris prosperitas optata succedat, sic dignitas, in qua floretis, vniuerso orbi speciem Romani nominis mundo labente contineat, vt in conspectu vestro non sit Ecclesiæ minor quàm reipublicæ status. quòdque vobis Deus posse præstitit, prosit & nobis: nec minus diligatis in Ecclesia vestra sedem Petri, quàm in ciuitate apicem mundi. Si profundo illò tractatus vestri consilio rem videtis, non ea tantummodo quæ Romæ geritur causa cogitanda est. Sed & in sacerdotibus ceteris potest si quid fortè quod vocauerat reformari. at si Papa Urbis vocatur in dubium, episcopatus iam videbitur, non Episcopus vacillare. Nostis benè inter quas hæresum tempestates, veluti ventis circumflantibus, fidei puppem ducamus. Si nobiscum huiusmodi pericula formidatis, expedit vt gubernatorem vestrum participato labore tueamini. Aliàs autem quæ ultio est, si nautis in magistrum furentibus, non sine illorum periculo cedatur isto discrimine. Reddet rationem qui ouili dominico præest, qua com-

missam sibi agnorum curam administratione dispenset : ceterum non est gregis pastorem proprium terrere , sed iudicis. Quapropter reddite nobis principalem, si tamen necdum est restituta, concordiam. quoniam clienti vestro, venerabili Symmacho presbytero, idcirco laborem huius fatigationis iniunximus, ut nobis in vestrarum oraculo litterarum per re-integratæ pacis nuntium supplicationis nostræ referret effectum.

AVITVS VIENNENSIS EPISCOPVS
Liberio Præfecto.

XXXII. **P**OST QUAM multiplices Galliarum labores felicissimus potestatis vestræ visitauit aduentus, nullum sum antehac in affectibus vestris desiderij mei expertus effectum. Vnde licet etiam nobis prodesse credamus beneficia, quæ iam dudum Prouincialibus spargitis, mihi tamen hæcenus sitienti litteras vestras quasi primum modò venistis. Enimuero ut me offerendis vltro epistolaribus officiis non offerrem, illis occupationibus obstrepere timui, quibus me credebam tanto temporum spatio a votiua lectione suspendi. Sed quia etsi tardè, cōpellantibus vobis, mēque ad præcellos apices rescribente, ordo alternantis commercij in litterario sermone seruatus est, qui fecistis me absque verecundia respondentem, reddite ut cupio frequentia debitorem. Nec desunt si annuitis causæ iubendi: abundant quæ possitis iniungere cupientibus obedire. maior siquidem

potestate ciuilitas, nec minor est dignitate dignatio. Nam hæc ipsa causa, cuius vobis scribendi materiam merces ingessit, quibus inter tribunalia operibus magis studeatis florere perdocuit. Vnde quod nobis à viro spectabili, Vicario vestro, pro quorundam captiuorum liberatione suggestum est, ad præceptionem culminis vestri latus impleui, pretio tamen, quod portitores attulerunt, non recepto. Quia si aliquid præfato viro magnifico, filio meo Gemello, conditionis personæ ipsæ per originem debent, potest hoc quod mihi obtulerat, pro redimendis ingenuis distribuere. Si verò istos agnoscitis liberòs natos, sufficit pretium profuisse.

AVITVS VIENNENSIS EPISCOPVS
viro illustri Apollinari.

SCIO quòd reuertens ad deuinctissimos mi- XXXIII.
hi domnos Domnolus noster, coràm me vestræ piæ sollicitudinis ambiguitatibus æstuantem, aliter quàm voluit relaturus, aggrauauit magis redeundi festinatione, quàm minuit. Siquidem me apud Lugdunum in aduentu eius grauis oculorum dolor impotem luminis contruendi impetu ingruente reddiderat. Vnde quia nec ipse fuit eliciendi rescripti efficax, nec ego idoneus redhibendi, omnem gratiarum, quæcumque vel pretio munerum, vel animo munerantum deberi potuit, actionem verbo potius referendam portitoris auribus alligauit. Licet minimè dubitans, apud sanctæ dulcedi-

nis auiditatem paruipendendam mandatorum feriem desiderio litterarum. Sed cum primùm, rarefcentibus tenebris cubicularis ergastuli, aliquantis per ordinandi officia copia fuit, solutionem debiti non moratus, præsentem baiulum destinaui: cui vltra quàm dici potest verbosis salutationibus onerato, quantum pertinet ad mandata loquacia, perbreuem paginam dedisse me computo. Nam ecce mihi Deus testis est, quanto lumine præfatus carissimus noster in ipsa contenebrati recessus nocturnali habitatione resperfit, cum dulcissimi pignoris nostri reditu, quem antè nescieram, nuntiato, resolidatam Christo propitio familiam meam ab eo quem misissem inueniendam esse firmavit. Quocirca nec vos iam de vobis aliquid semiplenum putetis: quorum contubernio, diuinitate propitia, etiam oculi mei per præsentem paginam satisfacièntes accrescunt. Tum videlicet sinceritate perfecta hilares diei gratia recepturi, si me rescribere hætenus vestra dulcedo sic ignoscens, quamlibet infirmum atque anxium, ad voti uam tamen frequentiam litterarum in Dei nomen, Archadio iam dictante, solis subscriptionibus occupanda compellat.

AVITVS VIENNENSIS EPISCOPVS
viro illustri Aureliano.

XXXIV. **I**NDICIUM quidem quantulæcumque prosperitatis esse manifestum est, quod amicorum affatu tantisper interlucente temporariæ pacis colore visitamur. Verumtamen æstus ille

diluuij, quem procellis temporalibus comparastis, humanis rebus, dum per mundanum pelagus curritur, fluctu assiduæ perturbationis insistit. Quandoquidem hoc ipsum, quod inter aduersitates temporum respiramus, discriminum quæ patiamur interualla magis debemus putare, quàm terminum. Nam idcirco tantum inter incommoda calamitatum, circumscribendis potius quàm sanandis, lux quædam videtur alludere, vt mentes fallaci securitate laxatas, instaurato grauius metu succiduus angor afficiat. Quocirca desiste, vir optime, mala feruentia credere finem malorum: & cum se, motu dissimili tempestate mollita, facies tantillæ serenitatis alternat, varietate prouentuum non delectare, sed vttere. Nec sic te aut prosperitas erigat, aut frangat aduersitas, vt in animis tuis tam amicorum mutetur causa, quàm temporum. Mementote semper propositæ caritatis, si licet scribere; sin aliâ, quod prohiberi non potest, vel amate. & post gurgites, quos litteris descripsistis, in eo magis sæculo sperate portum, quo timere non poterit tranquillitas rata naufragium.

AVITVS VIENNENSIS EPISCOPVS
Elpidio Diacono.

PE R quosdam clericos legis alienæ diuini- XXXV.
num munus in nuntio tuæ incolumitatis
accepi. nec minuit diligentis gratiam qualitas
portitorum: sicut nec Eliæ nostro transmissi 3. Reg. 17.
calitus cibi inter horrida volatiliū baiulo 6.

F iij

rum rostra viluerunt. Ipsam tamen, quam satis auidus sumpsi, tuarum dulcedinem litterarum, illud aliquantæ amaritudinis asperitate resperfit, quo ad te scripta, quæ prius reddidi, abnegas peruenisse. Nam per Maiorem domus Tullij, qui amorem tuum, dominum meum Sigismundum, à patre suo in legatione directus, in Viennensium ciuitate repererat, epistolas tuas me accepisse lætatus, per ipsum rursus officia profusissimæ caritatis exsolui, & affectum tuum, quem corde conceperam, studio paginæ famulantis excolui. Quo euentu in manus tuas perlata non fuerit, Maior quem supradixi non potest ignorare. Et ego quidem molestè tuli, & tibi molestum fuisse gaudius sum, in tam idonea opportunitate desiderijs duorum vnus officij periisse commercium. Verum tamen cum de institutæ dilectionis proposito pars alterna secura est, nonnunquam casibus oportet ignosci, quibus colloquia nostra potius quàm vota frustratis, sollicitudini damnum potest contingere, non amoris. Neque tu putes, seu negatis occasionibus, seu repertis, vllum esse negligentiae tempus, quo apud me inter quaslibet alias actiones frequentandæ sospitatis tepescat ambitio. Illud igitur in mentibus amicorum censeo esse pretiosius, in quo constat fortuitis nil licere, quod nec itineris dissipat longitudo, nec obliuionis frustratur abusus. Compenso tamen in præsentis caritatis verbum, si pro damno dignatus es putare silentium. Simul & specialius adolescentem si dignaris insinuo, filium scilicet viri illustis

Ceteri, qui post Deum ut vnica soboli vitam incipiat sperare tu facies. Nam ita lacrymabili pignoris infirmitate constringitur, ut incertus optandi, cuius quasi pater mortem imminere compellitur, vitam quasi orbarus desistere cogatur. Quapropter opitulaturæ diuinitati iunge tua quantum conicimus de peritia singulari. vestrum promississe iam ex parte fecisse est. Tribuat Christus, ut exultando atque impensius laudando in hac cura magisterio tuo, simul tibi & Italia medicinæ opinionem, & Gallia pueri debeat sanitatem.

AVITVS VIENNENSIS EPISCOPVS
viro illustri Senario.

MAGNIFICENTIÆ vestræ gratiam frequenter expectus, quia dignanter accipitis, salutationis officium pagina famulante direxi. Et quia scitis Synodaliū legum esse, ut in rebusquæ ad Ecclesiæ statum pertinent, si quid fuerit dubitationis exortum, ad Romanæ Ecclesiæ maximum sacerdotem, quasi ad caput nostrum membra sequentia recurramus, ex consensu Antistitum prouinciæ Viennensis ad sanctum Hormisdam, seu quicumque nunc ille est, Papam debitæ venerationis obsequium cum sollicitudine destinaui: audite à præfata sedis auctoritate desiderans, quid de effectu directæ à se ad Orientem legationis agnouerit. Cum ergo, ut dixi, à prouincialibus meis consulor, respondere etiam ego, nil priorem consulam, non præsumo. Adminiculo igitur or-

[F iij]

dinationis vestrae opus est, ut istud ab utraque parte per ordinem compleatur, ut vel à nobis interrogatio perueniat, vel ad nos redeat ab exponente responsio. Non ad solos sacerdotes Ecclesiae pertinet status: cunctis fidelibus sollicitudo ista communis est. Quicumque vel quocumque videmur Ecclesiam regere, vestram in catholica religione rem gerimus. Cum de fidei regula vel ægrotat aliquis vel sanatur, nobiscum vos aut gaudere oportet, aut gemere. Vnde nec vos aliquid de causa quam consulo latere credendum est. Si mihi soli agerem, satis interrogationi meae notitia vestra sufficeret, nil plus à Papa quam à vobis possumus veritatis audire. Sed Ecclesiarum poscit utilitas, ut quae vos nostis doctor insinuet. Ego tamen peculiaris vester rescriptum, si dignamini, à vobis peculiariter praestolabor: quo reuera ut dixi, tantum mihi veritas innotescere poterit, quantum se Romanae urbis Antistes auctoritatis privilegio expetentibus respondisse gaudebit.

AVITVS VIENNENSIS EPISCOPVS
Petro Episcopo.

XXXVII.

ET I A M S I alia causa non esset, qua beatitudinem vestram litterario famulatu occursum meae deuotionis expeteret, iustum esset vos ab omnibus excoli, qui opinione sancta desiderium vestri omnibus intimatis. Dignum quippe est vos expeti non minùs sede Romana: quia non magis potestate illa, quam vos caritate fulgetis. Cuius reuerentiae ut debitum est

salutatione præmissa, fateor Apostolatui vestro, etsi cum verecundia, ignorantiam Gallicanam, Nec melius esse puto quemquam simulare quod sciat, quàm didicisse si nesciat. Quæ inter Romanam & Constantinopolitanam Ecclesiam res agantur, non quacumq; auctoritate cognoscimus, sed de rumoribus magis ac nuntiorum varietate captamus. Et ideo, ne fortè quàm rustici tam negligentes credamur, perinde sanctum Papam, & beatitudinem vestram, per Viennenses clericos prouincia tota nunc consulit, vt quæ vobis de statu fidei cum Orientis parte definita sint, rescripti salubris lumine declaretis. Quia cùm magistros etiam procul positos vltro deceat prorogare doctrinam, curandum est soliditati corporis, vt semper prosperitatem capitis sui membra cognoscant. Quocirca si seruis vestris filiis meis, quos in id ipsum direxi, tribuatur accedendi vsque ad Romam facultas, per duos Ecclesiæ principes abundabit Gallias erudiri. Quòd si forsitan à sede vestra quos misimus reuertantur, vestri Apostolatus fida responsio fiet nobis totius instructionis, quæ ad cunctos perueniat, plenitudo.

AVITVS VIENNENSIS EPISCOPVS.
Eufrasio.

IAM quidem per pueros meos litteras dedi, XXXVIII. quibus scire vos facerem, quantum fratri Imererio apud me commendatio vestra profecerit. Tamen non dubitans cum inter initia.

pontificatus sui, senioris germani, sicut dignum est, officia curaturum, has etiam per ipsum libenter adieci, quibus opusculi mei iam diu quæsitum prædonem in manus meas venisse plus gaudeo. Et quia libellum ipsum, quantum mihi indicauerat, vobis reportat, spero ut quæcumque est opusculum ipsum, nec vacanter editum, nec omnimodis emendatum, viro sublimi ac piissimo, si dignamini, fratri nostro Apollinari publicare atque excusare dignemini. Cui impium fuerat non hæc a me primum iure caritatis offerri, si non rursus fuisset absurdum, me domni Sidonis filio, inter faciundæ paternæ delicias, meis temporibus nauseaturum offerre etiam de præsumptione fastidium. Quocirca volumen per vos temperatius ingerendum, si supradictus frater vel infantibus legi debere censuerit, possum per quæcumque magnificentiæ suæ scripta cognoscere. Si autem post flumina fontium paternorum, ut potius reor, paupertatem venæ tenuissimo rore manantis abiecerit, sine verecundia mea suaque impietate, sufficiet me reprehensionis suæ censuram hinc tantummodo intellexisse, si taceat.

AVITVS VIENNENSIS EPISCOPVS
Domno Gundobado Regi.

XXXIX.

QUOD seruum, cui discussio necessaria credebatur, de Viennensi ad Lugdunensem basilicam sub eustodia destinaui, timoris & obedientiæ fuisse manifestum est. Nam sicut

eum hic inaccusatum tradere non præsumpsi, ita illic interrogationibus, quas audientia postulabat, viuum fieri procuravi. Cùm verò & regula vbique vna sit, & eadem seu impossibilitas, seu facultas, pro communis ministerij observatione nos maneat, non ego proprietatem Lugdunensis & Viennensis basilicæ, sed reuerentiam Ecclesiæ vtriusque tractavi: vnde intercessionem facilius de proximo suggerendam, quod vtrumque nostrum tangere poterat, præfens Episcopus allegaret. Siquidem in omnibus locis sanctis, sicut ministerio nostro eadem caritas, ita imperio vestro æqua potestas est. Ut taceam quòd seruus ipse, à domini colloquutione digressus, non debuit pro concitanda mihi offensa Viennensem expetere, qui illic positus intra Lugdunensem se potuit Ecclesiam continere. De causa verò, in qua coram examine celsitudinis vestræ callidus depositi negator arguitur, talis conscientia mea est, qualis Deo & vobis in omni actu meo & cōversatione monstratur. Quamquam etiam me restante interpellantis simplicitas, quæ ut pij domni dicatis non deuitarer operatione diffiteri, qui in eius consolatione volueram, si Christum cogitare putaretur, profiteri. Quod etiam præsentem reificationem de seruis vestris, ciuibus nostris, aliqui cognouerunt. Pulsatis autem laboriosis extra ordinem suum omnem parum stabilis dicitur esse responsio. Vtrum de me erit, suggerat Deus vobis. declaret & veritas. quia qui castigatus à me, eo fortè spiritu falsitatis irascitur, quo contra simplicem de depositi inficiatione

mentitur, licet Deo vobisque propitiis parum ad defensionem suam proficiente commento, dum se à me dicit admonitum ne redderet, diffiteri non potest quod accepit. Quæ professio sua, etiamsi censeatis quòd grauare me debeat, illum non potest subleuare. Ego tamen præceptum vestræ pietatis opperior. Quicquid habet Ecclesiola mea, immo omnes Ecclesiæ nostræ, vestrum est, de substantia, quam vel seruastis hætenus, vel donastis. Quod inspirante Deo præceperitis, in quantum vires habuero, parere conabor. Ceterùm diuinæ maiestatis aspectus nihil potest offensam suam, quam vestram semper timuissèm æternam. Hoc suppliciter quæso, vt infelix ille, ad cuius accusationem satis sufficit quòd excusat, apud iustitiæ vestræ animos non me faciat suæ infidelitatis socium, etiamsi viderit pro vestra commotione multatum.

A V I T V S V I E N N E N S I S E P I S C O P V S
Domno Sigismundo.

XL.

DE festiuitate, ad quam profectus fueram, sūma quidem festinatione reuersus sum, Sed quia iam duce Christo processeratis, lætificandus, vt de Deo credimus, reditu vestro, immodicè tamen attonitus reddor abscessu; quòd scilicet in ipso successuræ prosperitatis regressu, aduolui genibus domini mei, permulcere osculis manus, & in sancto illo pectore sedem fidei nostræ adorare non merui. Nec tamen dicere audeam, istud mihi peccato frau-

dante cessisse : ne diuinæ gratiæ, quæ mihi taliter vestram præsentit, reddar ingratus. Nam cum omnibus generale iustumque sit, in gloriæ vestræ cultum quod debemus ambire, illud singulariter accepisse me gaudeo, ut cum pro effectu voluntatum tenere secum à me seruitij debitum impossibilitas non ferat porrigi, apud vos pietas censeat impendi. Sed ego solus damno percellor, quoties consolationi meæ interesse non mereor : quoties accensus tribulationum æstus intra me solum, à sermonis vestri refrigerio exclusus, includitur : quoties mihi dolores internos medici illius manus experta non confouet. Qui pro tuendo inter talia famulo suo pietate studens, virtute persistens, cum satis esset si fauorem vellet offerre, laborem dignatur apponere. Sed præsumo maiestate diuina, hinc respectum mei sensibus vestris renaciùs adhæsurum, quo eum nobis amor catholice legis infudit. Sub cuius occasionis sancto præuentu, tum penes vos impossibile erit quem suscepistis seruum reicere, quem cognouistis dominum non amare. Quod superest, egressi felices, ite sospites, redite victores. Fidem vestram telis inferite, prouisionem diuinam promittendo admonete, auxilia cæli precibus exigite, iacula vestra voris armate. Dabit Deus, ut bellorum trophæa, quæ vobis ipse præstiterit, cuiuscumque sermonis obsequio sub materia eius, quem dudum exequor, triumphipretiosioris exaggerem.

AVITVS VIENNENSIS EPISCOPVS
Chlodoueco Regi.

XLI. **V**ESTRÆ subtilitatis acrimoniam quorumcumque schismatum sectatores sententis suis, variis opinione, diuersis multitudine, vacuis veritate, Christiani nominis visi sunt obumbratione velare. At dum status nostros æternitati committimus, dum quid recti unusquisque sentiat futuro examini reseruamus, etiam in præsentibus interlucentis radius veritatis emicuit. Inuenit quippe tempori nostro arbitrum quendam diuina prouisio. Dum vobis eligitis, omnibus iudicatis, vestra fides nostra victoria est. Solent plerique in hac eadem causa, si pro expetenda sanitate credendi, aut sacerdotum hortatu, aut quorumcumque sodalium suggestionem moneantur, consuetudinem generis, & ritum paternæ obseruationis opponere. Ita salutem nocentem verecundiam præferentes, dum parentibus in incredulitatis custodia inutilem reuerentiam seruant, confitentur se quodammodo nescire quid eligant. Discedat igitur ab hac excusatione, post talis facti miraculum, noxius pudor. De toto priscae originis stemmate sola nobilitate contenti, quicquid omnis potest fastigium generositatis ornate prosapiæ vestræ à vobis voluistis exurgere. Habetis bonorum auctores, voluistis esse meliorum: responderis proavis quod regnatis in sæculo, instituitis posteros quod regnatis in cælo. Gaudeat ergo quidem Græcia ha-

bere se principem legis nostræ : sed non iam
quæ tanti muneris dono sola mereatur illustra-
ri, quòd non desit & reliquo orbi claritas sua.
Siquidem & occiduis partibus in rege non no-
uo noui iubaris lumen effulгурat. Cuius splen-
dorem congruè redemptoris nostri natiuitas
inchoauit : vt consequenter eo die ad salutem
regenerari ex vnda vos pareat, quo natum re-
demptioni suæ cæli dominum mundus accepit.
Igitur qui celebrer est natalis Domini, sit & ve-
strî : quo vos scilicet Christo, quo Christus or-
tus est mundo : in quo vos animam Deo, vitam
præsentibus, famam posteris cōsecraſtis. Quid
iam de ipsa gloriosissima regenerationis vestræ
solennitate dicatur? cuius ministeriis etsi cor-
poraliter non accessi, gaudiorum tamen com-
munionem non defui. Quandoquidem hoc quo-
que regionibus nostris diuina pietas gratula-
tionis adiecerit, vt ante baptismum vestrum ad
nos sublimissimæ humilitatis nuntius perueni-
ret. Vnde nos post hanc expectationem iam
securos vestrî sacra nox reperit. Conferebamus
namque, nobiscumque tractabamus, quale es-
set illud, cū adunatorum numerus Pontifi-
cum, manu sancti ambitione seruitij membra
regia vndis vitalibus cōfoueret. cū se Dei ser-
uis inflecteret timendum gentibus caput : cū
sub casside crines nutritos salutari galea sa-
cræ vñctionis indueret : cū intermisso regmi-
ne loricarum immaculati artus simili cando-
re fulgerent. Faciet, si quid creditis, regum flo-
rentissime, faciet inquam indumentorum ista
mollities, vt vobis deinceps plus valeat rigot

armorum: & quicquid felicitas vsque huc præstitit, addet hinc sanctitas. Vellem verò præconiis vestris quiddam exhortationis annectere, si aliquid vel scientiam vestram vel observantiam præterirer. Numquid fidem perfectò prædicabimus, quam ante perfectionem sine prædicatore vidistis? an fortè humilitatem, quamiam dudum nobis deuotione impendistis, qui nunc primùm professione debetis? an misericordiam, quam solutus à vobis adhuc nuper populus captiuus gaudiis mundo insinuat, lacrymis Deo? Vnum ergo, quod vellemus augeri. Vt quia Deus gentem vestram per vos ex toto suam faciet, vlterioribus quoque gentibus, quas in naturali adhuc ignorantia constitutas nulla prauorum dogmatum germina corruerunt, de bono thesauro vestri cordis fidei semina porrigatis: nec pudeat pigre atque, etiam directis in rem legationibus, adstruere partes Dei, qui tantum vestras erexit. Quatenus externi quoque populi paganorum, pro religionis vobis primitus imperio feruituri, dum adhuc in alios videntur habere proprietatem, discernant potius gentem quam principem. Nulla igitur patria quasi speciali sede sibi vindicet rotis quos honorum gradibus attollitis. constat vos esse, quo communis vno solis iubare omnia perfruuntur. Vicina quidem plus gaudent lumine, sed non carent remotiora fulgore. Quapropter radiatè perpetuùm præsentibus diademate, absentibus maiestate. Successus feliciū triumphorum, quos per vos regio illa gerit, cuncta concedant.

brant. Tangit etiam nos felicitas: quotiescumque illic pugnatis, vincimus. Inter hæc tamen catholicæ religionis affectum seruat in vobis cura miserandi: & in apice rerum omnium gubernacula continente, non minus eminet sanctitas, quàm potestas. Ex qua utique factum est, vt dirigi ad vos serui vestri viri illustres Laurentij filium principali oraculo iuberetis. Quod apud domnum meum, suæ quidem gentis regem, sed militem vestrum, obtinuisse me suggero. Nihil quippe est in quo seruire non potest. Commendat directum. congaudi misso, inuidi vos visuro. Cui minus computandum est ad vtilitatem, parenti proprio restitui, quàm patri omnium præsentari.

EPISTOLA AB AVITO EPISCOPO
dictata sub nomine domni C. S. ad
Vitalianum Senatorem.

QUANTVM pertinet ad dignam iudicij XLII.
vestri integritatem, quoscumque honorum priuilegiis erigitis, Romanos putare debetis. Ex hac ergo fiducia, non conuenit vt ex toto credantur absentes, quos etsi patria separât, militia repræsentat. Vnde quod solum valeo, sedulitate officij animum deuotionis ostendens, quid ad fiduè cuperem, vel cùm possibilitas permittit allego. Vos nunc clementissimo communi Principi quid vellemus asserite. Insinuate attentius obedientiæ famularum, quem nunc in obsequio, semper habemus in voto. Suggestite, ac pariter commendate, ab amato-

re vestro domnō & patre meo impletam, me intercedente, principalis reuerentiæ iussione. Clientis vestri viri illustris Laurentij filius studio meo redditus additur regioni. Miseramus dudum in parente famulum. ecce adicimus in filio famulatum. Quo vno vobis directo, qualiter cum aliis agatur aduertite. Superest vt præfatus miles vester, cuius proles & illic gratiæ vestræ porrigitur, & hinc patriæ reseruetur, commendatus vobis studio meo, ipse commendet quoddam vel de illius sobolis adeptione iam compos, vel de istius quæ nobiscum redit prosperitate securus est.

AVITVS VIENNENSIS EPISCOPVS
Celero Senatori.

XLIII. **C**ONSTAT non minùs desiderij mei esse quàm debiti, vt officia, quæ meritò inclitæ magnitudini orbis deuotus impendit, à me, qui gratiæ eius iam dudum videor obligatus, specialiùs excolantur. maximè cùm opportuna nunc occasionem fauor diuinus obtulerit, in qua imperio celsitudinis suæ plena meruerim deuotione seruire. Quapropter cultoris vestri viri illustris Laurentij filium, quem ad mundum suum dirigi iussio reuerenda præcepit, magnificentiæ vestræ præfato largissimæ sospitatis honore commendo. Augete studio defensionis quod voluistis animo pietatis. In regione expetiit patrem, in vobis reperiat paternitatem. Tuimini etiam cum prole susceptum. Qui vobis licet satis sit debitor per ho-

norem, plus tamen incipiet debere per sobolem: quod per vos potietur proprii affectus solatio, compensaturus erga vos affectionis experimento. De cetero autem, quantum ad fideles vestros pertinet, expectatam semper cupimus iussionem, optamus obedientiæ facultatem. Vos propitia diuinitate præstate, ut Romanā sub gloriosissimo principe nostro prosperitatē, in cuius apice digna honoris arce fulgeatis, tam serenitate sermonis augusti, quàm dignitatis vestræ rescripto mereamur agnoscere.

AVITVS VIENNENSIS EPISCOPVS
Domno Sigismundo.

SI ut dignamini credere loqui possem, im- XLIV.
portunè tum obstreperet Græcis auribus sermo Latinus. At cum in lingua nostra hoc magis abiturum sit intelligibile, quod minus fuerit expolitum, in litteris, quas per consueuum meum offerri præcepistis, possunt & vitia cum securitate dictari. Ipsi certè quid velimus dicere quocumque scrutentur interprete, ego in affatu consueto dignatione plus, si dici potest, quàm piissimi domni experimento interpretante cognoui. De reliquo, Christus vobis pro perseverantia gratiæ, quam peculiaribus seruis seruatis, vicem rependat. Quod etiam in hoc ipso adolescente quem dirigitis tale monstratur, dum cogitantes in neutro quidem commodum, sed in vtroque mercedem, quasi vobis nutritis filium, & quasi patri reditis nutritum.

AVITVS VIENNENSIS EPISCOPVS
viro illustri Apollinari.

XLV. **D**Iv est, si aut verbo meo creditis, aut de affectu mutuo digna sentitis, quòd litteras aliquas vestri sumere desiderans, plus tamen officij mei offerre cupiebam, quòd in persona vestra, dilectioni primùm, deinde necessitudini, ad vltimum dignitati à me debentur. Non semper debemus occasionibus commementum soluenda committere. quia licet & ipsa nobis opportunitas portitorum propter frequentiam debeat esse votiva, necesse tamen est, vt illa sollicitudo præcellat, quæ se appetitu proprio, sine interuentu alienæ necessitatis insinuat. Huius obsequij me obnoxium sciens, intercludi redhibitionem iustam iniusto obstaculi præpedientis obice iam dudum tacitus ingemiscebam. Peruenerat quippe, non ad notitiam tantummodò, sed ad mæstitiã nostram, dispositi fumus incendij, quod sanctam ac simplicem innocentiam vestram, velut de effœtis cineribus, coniuratio procellosa ventis mendacibus sufflans, in cassum mouere tentauerat. Ob quam causam verebatur anxietatis vestræ sarcinam voto libaminis aggrauare, & mœroris augmentum pro consolatione transmittere. Sub huius ergo ambiguitatis nubilo confusa expectatione pendentibus, litteras vestras, serenitatis pristinæ, pietatis expertæ, inopinanti mihi Deus obtulit. Recognoui illic, qua satis delectatus sum, manum vestram, qua plùs,

paternam declamationem, qua maximè, hereditariam benignitatem. Scripsistis igitur, Christo præstante, iam reduces, omnia tuta esse, circaque vos dignationem domni regis Alarici illæsam & pristinam permanere. Quanquam ego censeam, quòd post quamcumque mutationem, gratia talium personarum ita sine augmento non redditur, sicut sine periculo non finitur. Volunt enim quasi satisfacere innocentia lacescit, tumque eligunt credidisse cum cernunt: & sic eis conscientia nostra sufficit, si scientia sua testis accedit. Ego tamen nuntio vestrae immo nostræ securitatis accepto, ecce Deo teste loquor, in lacrymas mixtas lætitiæ præteritorum recordatione prorupi. Animum namque, ut ait vester poëta, subiit cari genitoris imago, ut memoria retractavi, usque ad nostras quamlibet dispari professione personas, quandam parentum communium sortem parilitate laborum invidia exequente perducere. Illa tamen in Dei nomine etiam nobis suppetit, quæ illis consolatio fuit, quòd toto æmulum nisi, toto circumlatrantis undique livoris dente tentata, quotiescumque appeti visa est, criminationi subiacuit familia nostra, non crimini. Quoniam si vos à patre vestro Archadio didicistis, virum sæculo militantem minùs inter arma quàm inter obloquia periclitari, nec ego parum exempli à Sidonio meo, quem patrem vocare non audeo, quantum clericus perpetrari possit assumo. Quocirca illud diuinitas tribuat, ut nobis quàm novum non est talia obici, tam nos nulla novitas merito faciat ag-

Æneid.

1.

cusari. Sed desistat nunc lætitiæ tempore amaritudinis ex opportunitate sermo perstrictus: quin potius ineptia vacantis audaciæ unde rideatis exhibeat. Ante aliquot menses datas ad amicum quendam communem magnificentiæ vestræ litteras vidi, quibus salutatione præfata, in epistolæ declamantes parte succidua, scribebatis placuisse vobis libellos, quos inter occupationes seria & magis necessaria conscribendi, nihilominus tamen de spiritalis historiæ gestis etiam lege poëmatibus lusi. Hic nunc nihil falsò, nihil assentatoriè me loqui, coram sinceritate vestra imprecor testem Deum, tantum me tuo iudicio delectatum, veluti si auribus domni mei patris tui meditata confessus, cuiuscumque laudis momento sub censore donarer. Primùm namque gaudebam, quòd sensum vestrum huic liberiùs quàm alteri pandebatis. Deinde quòd agnoui, vos aliquod bonum de conatu fraterni operis non minus velle quàm credere: certè meritis dictionis non quantum volebatis inuentis, supplere vos voto quod non poteratis implere iudicio. Libellum tamen amicus, qui ut puto ad vos pervenire fecit, non de librarij, sed adhuc ex notarij manu, adeò mihi inemendatum crudumque præripuit, ut non faciliè denotes, auctoris magis scriptorisve vitiis irascaris. Quapropter opusculum ipsum in membranis redactum, nec adhuc quanta volueram correctione politum, ne moram desiderio meo facerem, celeriter destinaui. Si reuera non solùm amantibus, sed & iudicantibus vobis placet, quoniam apud

extraneos fortè non deerit, quem audacis conatus tangat inuidiâ, abundè mihi sufficit, ut vos quod cupio sentiatis. quia sicut non minus ad meam, quàm vestram gloriam peruenit, communis Sollij opus illustrare: ita vobis, favente Christo, militari actu magis magisque florentibus, si in minimis subtilius aliquid dignum lectione confecerit, etiam sine me quodcumque Archadium non puderet.

AVITVS VIENNENSIS EPISCOPVS
viro illustri Apollinari.

COMMUNI quidem sed veraci sermone XLVI.
vulgatum est, quòd sese mutux dilectionis intuitu concordantium cernunt motus animorum. Patet namque, tam vnâ nobis sollicitudinem nostrî esse, ut litteris, quas harum portitor filius meus attulit, antè si benè metiamini responderem, quàm venirent. Nam in pagina famulatus, quam per meos ex causa direxeram, & gaudium de vestra prosperitate conceptum plus affectionibus quàm sermonibus exhalavi, & necessitatem nostram patrûmque communium, mixta lacrymis exultatione perstrinxi. De cetero autem, tribuat diuina miseratio, quæ spem reparandæ prosapiæ in personæ vestræ honore constituit, & securæ posteritatis nostræ te vno genitore etiam nos patres esse concessit, ut calcatis iugiter, prosperante successu, inimicorum coniuratione & perfidorum liuore, primus victoriæ vestræ gradus sit, integritatem in conscientia ro-

ponere, secundus cūm discutitur in audientia comprobare, tertius criminantibus post sententiam pepercisse. Torqueatur animus etiam pro indulgentia sibi collata hostis oppressi, & duplici nostro bono, supplicio suo, cūm vos gemuerit non posse decipi, doleat posse misereri. Sic potestati vestræ ad hoc tantūm redditus ne periret, dum oblata ultro veniæ amarus irascitur, vitæ quodammodo suæ invidere cogatur. De reliquo, domine semper piissime frater, cura pectoris mei, pompa generis tui, fer paulisper trepidatē fraternæ admonitionis ineptiam. Cauete attentē à malis, & linguarum mordacium dolis sibilantibus, blandimenta venenāque machinantibus, doctius post experimenta non credite. Nec minus vos solertia faciat cautos, quā innocentia præstat securos. Siquidem intercluso probis explorandi nocendique aditu, vel ob hoc gratius debetis debellandis eorum conatibus laborare, quod ultionem diuino iudicio reseruantes, debellatis semper statuistis ignoscere. Quamquam, ut suprā iam fassus sum, non ex toto impunitus abeat quem gloria lacessistis.

AVITVS VIENNENSIS EPISCOPVS
viro illustri Heraelio.

XLVII. **D**V M incoffabilis de amicorum fide ac salute cura mihi est, nuper prosperitatis vestræ inter prima sollicitus agnoui, quod cūm familiari catholico Episcopus tacere non debeam: fructum tamen in vobis mercedis ta-

liter æquisitæ, non tam verbis valeo exaggerare, quàm gaudiis. Nam nisi vos à præconio vestro maturitate senatoria temperatissimi pudoris fræna cohiberent, effectum certaminis gloriosi ipsa forsitan lingua dignè laudaret apud proprios, quæ mirabiliter conuincit aduersos. Habuistis igitur, vt audio, cum rege tractatum, de quo, quantum comperi, quia non se ducebant lenibus, transistis ad prælium. Discussus est nutu diuino, qui cælis dudum notus, iam & hominibus appareret religionis assertor. Os sæcularis eloquentiæ pompis assuetum, & fluentis exundantibus Romulæ profunditatis irriguo, alacritate debita missam sibi de supernis materiam dignæ disputationis arripuit; & facundiam, quæ cùm interfuit, aut describendi mundi iucunditatibus, aut regaliū triumphorum præconiis patrocinebatur, vbi primū melior pars poposcit, adstruendæ veritati seruire non puduit. Itaque sicut aliàs laudando regem reddidistis Cæsari quod Cæsaris erat, ita hîc vt redderetis Deo quæ Dei sunt, nec Cæsari pepercistis. Quapropter habet hîc in vobis, etsi non sequitur, potestas regia quod miretur, quæ se aliquoties declamantibus vobis, nunc euidentius sentit ornaram. Siquidem nescire vos assentationis illecebram, cùm res admonuit, etiam resistendo monstrastis. Illos igitur denotet sapientiæ potestatum, facile humanis fidem posse mutare, quos diuinis vident terrena præponere. Ceterū cognosci in promptu est, custodem primarum partium etiam quæ sunt residua seruaturum. Hæc igitur

tur dicta sunt cùm de sæculari parte tractamus. Si verò ad sacerdotum causam venit, quorum adhuc non augetis scholam, sustinetis iniuriam, atque ornandam contubernio prius informatis exemplo, quis horum vos, quis inquam nesciat, ad certamen huius spiritualis palæstræ, non rudes aut ignaros legis, sed sub longo salutarium meditationum gymnasio peruenisse? Quocirca nouum sit aliis, vos necessitatem belli huius à perfectione virtutis ordiri. ego autem, in cuius animo caritatis arcem tenetis, iam dudum incunctanter agnoueram, ad catholicos sensus intuendos per studiū, tuendosque per verbum, probato in vobis deuotionis ardori non tam desideria deesse, quàm tempora. Quapropter famulatu salutationis oblato, pastu, quo mentem vestram ieiuno corpore satiaſtis, significans etiam me refectum, vnde paucula hæc saturitatis meæ gratulatio eructat, Deum quod restat exposco, vt cui prædicatoris officium iam imposuit, honorem subiungat, & quod exercetur actu, ostendatur & habitu: nec docilem sed doctum, nec discentem sed doctorem cathedra suscipiat. In qua, velut triumphatore conspicuo fertis gloriæ victricis euincto, inter acclamantium gaudio consonas voces, quantus in clypeum assurges, etiam nolens adstipuletur hostis expertus, nunquam inuenturus quod de qualitate meriti contradicat, sed habiturus semper de prælij inæqualitate quod timeat.

RESRIPTVM VIRI ILLVSTRIS
Heraclij.

VT IN AM mihi subinde contingat, vt XLVIII.
alloquij vestri fœcunditate augear, eru-
ditione corroborer. Duplicis siquidem gloriæ
fructus tali succedit euentu, dum & fides tepo-
re marcida feruentis hortaminis calefcit affatu,
& ingenium naturali paupertate ieiunum per-
spicui cultoris ope ditescit. Vnde si dignamini,
comitante salutationis officio, maximas gratias
referre præsumo, quòd responsio mea apud
Principem habita, & ad vos vt indicastis ru-
more perlata, competens iudicium, non ex
meo ore, sed ex vestro amore promeruit.
Quamquam præcellentissimus princeps, cùm
sit ad inueniendum igneus, profluus ad dicen-
dum, ita sensus scrutatur humanos, vt sem-
per conuentibus mitissimo pareat auditu: ta-
men laboris mei seriem amputato æquore pro-
lixitatis insinuo. Laborem inquam dico, quia
procellas inopinatis flatibus irruentes imperi-
tus nauta vix sustinet. Ergo cùm, Dei benefi-
cio, tandem cessante tædio, tranquillitas publi-
ca redisset, quasi mutatis diu castris destinatum
certamen inueni. Semper enim ignauas im-
bellésque personas petulantior conflictus ag-
greditur. Primùm quidem è diuersa parte pro-
prij luctaminis sermo prælusit. Deinde velut ab
insidiis repentinis fusus est vomitus transmarin-
us. Denique incidi in chartam vacuum, veteri
obliterata, quæ ita se circûductis irridebat er-

roribus, vt salua respondentis libertate, propositionis prauitas exitum non haberet, & ex propriis instrumentis in iugulum suum resistenti arma suggereret. Quid multis? pagina quæ legi cœperat ad silentium conferre se maluit: vt omnibus probabiliter innotescat, quàm sit diuisa, quàm facilis, quàm spernenda persuasio, quæ excogitatis multiplicibus argumentis diuinæ instructionis inopem turbare non valuit. Hæc itaque replico, vt quicquid est quod in causa Dei placeat, vobis proculdubio sentiam adscribendū. Enim verò in pro opatulo habetur, quodd me sic olim colloctionis vestre lima componit, omnisque in commune prædicationum vestrarum cultus inuberat, vt sedes illa, cui vos contulit cæleste iudicium, multum administratori muneris præstitisse, sed non minus in administrantis persona meruisse videatur. Incumbe ergo orationi, domine pectoris mei, & auxilium Dei, quantum pro te tam pro omnibus, sicut facere consueisti, pius & peruicax tutor implora, vt fidei murus nulla oppugnatione quassetur. Procurandum autem est, vt filios alumnosque tuos vulgata indefinenter castigatione tuearis, & validissimis doctriinæ armis, sicut legimus, tecum vincere cogas.

AVITVS VIENNENSIS EPISCOPVS
viro illustri Ansemundo.

XLIX.

PLVRIMVM miror quodd persona, pro qua intercedere dignamini, mihi Lugduni posita sola negaret crimen, quodd vniuersitas

conclamabat, & post ad hoc resipiscendo peruenit, ut vobis pro venia supplicaret. Quod si simpliciter petit, constat hominem etiam reatus ordinem confiteri. Quocirca licet in omnibus causis, pro dignatione quam mihi impenditis, liberum non habeam aliud facere quam iubetis: non possum tamen, quia sic vobis visum est, remissurus nisi prius exaggerare quod doleo. Sic enim pietas vestra, & in Ecclesia legi frequenter audiuit, in ipso adulterij malo quantos scriptura diuina gradus exprimat. Primo fornicandi lapsu peccauit, qui feminam coniugio carentem libidine inflammatus appetiit. Secundo quo peiori, qui furto super cuncta damnabili simplicis tori pudicitiam violauit. Cumque nihil grauius hac iniuria humanus animus putet, vos conicite qualiter cælestis iustitiæ castitas moueatur, si sponsam Christo deuotam, & in sancti altaris thalamo benedictione dotatam, ut nihil amplius dicam, vel petulanter aspexerit. Audio tamen dicere iuuenem ipsum, non se virginem temerasse, cuius turpibus votis prior multorum carnalitas sit abusa. Quapropter, cum reum facinoris manifesti, nisi satisfactio sua & intercessio vestra non liberet, dici non potest quantum miserum sit, pro reconciliatione sua aliorum crimina confiteri. Accuso in hac parte nostri temporis negligentiam sacerdotalem. Non nos ista perquirimus, offert se nobis inexplorata criminum magnitudo. Quis in malis socium quærat? quis in aliis maculis se inserat? Atque utinam & ipsius vel sic se temperasset obscenitas ut la-

teret. Deinde ex duobus eligat vtrum velit. Si primus in puellam carne peccauit, adhuc expectat quod prædicit Apostolus, *Si quis templum Dei violauerit, disperdet illum Deus.* Si
 1. Cor. 3. 17. autem corruptionem, quam non inchoauerat, grauauit augmento, quid excogitari turpius, quid horribilius potest, quàm vtillum nec hoc profliberet à meretrice, propter quod solum Deus separari virum permittit à coniuge? Nec solus, si respicitis, ex hac parte commoueor. Gemunt religiosi parentes scelus admissum, & quasi perditam prolem lugentes, orbitatem in planctibus profitetur. Quid de matris mœstitia loquar, quam prædicti iamdudū mariti omni morte deterius turpis vita viduauit? Et quamquam coitu moueri solitus, tamen patiēter hæc tulerat, filius sine pietate, maritus sine sobole, pater sine hærede. & nutritum insuper eius studio quamlibet ortum ex generosis adulteris nobile malum: sic tamen quòd in desiderati natiuitate portenti, non est augmentum profapiæ, sed infamiæ documentum. Et quidem salua quam mihi Deus in vobis præstitit defensione, plùs culpam præfati quàm pœnitentiam pertimesco. Sed rogo ne irascatur ista dicenti. Speculator sum, tubam teneo, tacere mihi non licet. Atque vtinam peccans humano animo fuerit, cui solitum est labi per facilitatem, & per satisfactionem reuerti: ceterum iracundia calere, tumere superbia, lasciuiæ fœtere taurinum est. Quocirca licet diuersas in me iterum flammæ euomat, & ad Romanæ forsitan Ecclesiæ audientiam vocet, & si adhuc placet, etiam

*

filios habere me dicat, nec minas suas assentatione placabo, nec fatigationes itinerum verebor, qui ciuicis criminibus in patria plus fatigor, nec multos filios habere me negabo, qui vnum ex eis peperisse iam doleo. Et quidē mihi hæc paucula error extorsit. Sed vos, quibus summæ potestatis priuilegio maior facultas superit castigandi, hominem violenter arguite. Conciliationem illi meam, quia ita præcipitis, indicate: méque, ne malum hoc vel mandatis aut nuntiis renouetur, curaturū esse prædicite: vt ei, si non corrigendo per voluntatem, certè vel per custodiam reprimendo, saltem facultas culpæ possit erui, si pœnitentiæ salubritas non possit persuaderi.

AVITVS VIENNENSIS EPISCOPVS
viro illustri Messiano.

MAXIMVS desiderio nostro cumulus optata gaudiorum vbertate confertur, si magnificum vestrę pietatis statum florenti prosperitate pollentem auida sollicitudinis nostrę vota cognouerint: quia hoc profectibus nostris compendio indubię felicitatis accrescit, quicquid eminentiæ vestrę cælestium beneficiorum pietas diffusa contulerit. Nam in eo metimur felicibus incrementis nostrorum propagationē successuum, in quo actionis vestrę crescit sine fine suffragium. Quapropter honorificum salue persoluens, rogo quodd si, vt cupimus, felicia erga vos cuncta geruntur, magnitudo vestra occurrentis paginæ elocutione perdoceat.

L.

AVITVS VIENNENSIS EPISCOPVS
Viuentiolo Rhetori.

- LI. **A**V D I V I quòd in Homilia, qua nuper ad
populum Lugdunensem in dedicatione
Basilicæ videor concionatus, barbarismum
me incurrisse dicatis palam scilicet castigantes,
quòd publica oratione peccauerim. Fateor
istud potuisse contingere: præsertim mihi, cui
si qua in annis viridioribus fuerunt studia lit-
terarum, omnia fert ætas. Ambieram tamen
hoc ipsum à vobis coram positus audire,
etsi iam sciendi in me facultas minuitur. Sed
quia vos absentes dicere comperi, quanquam
absens respondere curavi. Igitur culpasse vos
ferunt, quòd P O T I T V R media longa sylla-
ba dixerim, Virgilium in hoc verbo scilicet non
secutus, qui syllaba ipsa correpta vsus est di-
cens *vi potitur*. Sed istud remissibile est poëma-
tis necessitate, quod in opere suo sæpè inueni-
mus Virgilium præsumpsisse: vt scilicet metri
legem, sicubi opus est, barbarismo contentus
expediat, & syllabarum naturam certis qui-
busque locis artem minimè secutus inuertat.
quale est illud, *Non erimus regno indecores*, vel
Fernere Leucatem, vel illud, *Namque ut supre-*
mam falsa inter gaudia noctem Egerimus. Nul-
lus litterator si inficias ierit, productas natura-
liter penultimas syllabas ab oratore ponendas:
Virgilius vsus licentia poëtarum, secundum ea
quæ suprà diximus, corripiciens mediam syllaba
præsumpsit, id est P O T I T V R. Quod

vera

verbum, sequestrata paulisper poetica libertate, artis potius lege tractemus. Commune verbum, tempore præsentis, numero singulari, personæ primæ potior, secundæ personæ longa media potioris: restat nunc personæ tertiæ, id est potitur, similiter longa sit necesse. Sicut dicimus, sortior, sortiris, sortitur: sic tempore præterito perfecto, primæ, secundæ, tertiæ personæ, potitus sum, es, est: sic imperatio modo, tempore præsentis, ad secundam personam potire, sicut sortire. Similiter optatio modo, tempore præsentis & præterito imperfecto, sub totis tribus personis, æquè syllaba producta, utinam potirer, potireris, potiretur. Ceterum si tertiæ personæ ut potitur breuem ponas, idem facere cogeris & secundæ, ut potiris dicas. quod utique ab omni exemplo atque usu integritas Latinitatis excludit. Ecce verbum, pro quo à vobis reprehensus fueram, de qua audeo ratione mutuari. Nunc autem, honorificum salve persoluens, impensis precibus quaeso, ut quia ego amicitiae iure quid mihi videretur stylo paginæ liberioris expressi, vos quoque ad vicem, sublato ut supra dictum est Virgilianæ auctoritatis exemplo, quem vel ob hoc in barbarismorum usurpatione non debemus consequi, licet idem Virgilius potitus vel potiti productè posuerit, sicut est illud *auròque* Æn. 6.
potiti, vos mihi rationem, quam sequi debeam, rescripto exponente tradatis. Aut si certè sciscitantem testimonij cuiuscumque eligitis docere compendio, spero ut de priscis magis oratoribus, quos discipulis meritò traditis, perquisi-

rum diligentius repertumque pandatis. quod sine argumento artis, nec oratorio, inueniatur pater & communis filius, quorum ingenia mallem presenti tempore ut primus quam solus imbueris, hoc vno tantum vitio esse contentus. Qui tamen ex illo quo profluitis vberi fonte doctrinae iam nunc inter initia sua non minus quam litteras bibant, quod amicum attrahere magis studiis quam detrahere, & oratorem eloqui potius quam obloqui decet.

AVITVS VIENNENSIS EPISCOPVS
Viuentiolo Episcopo.

- LII. **F**ESTIVITATI sanctae cumulus, quam prosperè vestra intercessione transegimus, caritatis apicibus quos direxistis accreuit: & ob id multipliciter reddidit lætiores, quod Ecclesiam, quæ ubique vna est, vnitas complectitur gaudiorum. Tribuat Christus, ut sicut anno presenti desideria nostra felicibus complestis iudiciis: ita quoque tempore secuturo visitationem semper optandam Viennensi Ecclesiae conferatis.

AVITVS VIENNENSIS EPISCOPVS
Gemello Episcopo.

- LIII. **L**ITTERAS beatitudinis vestrae, quas diuturnitas temporis fecerat desiderabiles, vicina festiuitas reddidit gratiores, quam in Dei nomine prosperè celebrauimus, & à vobis commodè transactam esse gaudemus. Orate

illud semper Ecclesiæ catholicæ Sanctorum
suffragio prouenire, quod diuinitas regulæ
nouit ac paci salua in omnibus fraternitatis
caritate congruere.

AVITVS VIENNENSIS EPISCOPVS
Apollinari Episcopo.

POST sancta dominicæ Natiuitatis officia, LIV.
quibus ægerrimus & verè plusquam fessus
interfui, quod mihi post Deum primum ac sin-
gulare est, nuntium vestrum expecto. quem si
meruero sumere, quæcumque illa qua dignus
sum fuit, vt ego confido temperabitur, vt vos
mèremini detergetur asperitas.

AVITVS VIENNENSIS EPISCOPVS
Victorio Episcopo.

PROSPERA Deo propitio festiuitatis ex- LV.
ordia, quia obtinueratis suffragio, visita-
tis affectu. Nam dum & curam patri solito ge-
ritis, & de incolumitate vestra quæ votis con-
ueniant nuntiatis, pariter quod gaudemus of-
fertis, & quod debemus exigitis. Tribuat Chri-
stus huius ipsius pietatis ac dignationis vestræ
vberem com meatum, in quo à vobis munero
magisterij geminati, & per sollicitudinis bene-
ficium confortentur senes vestri, & per carita-
tis exemplum posteri doceantur.

AVITVS VIENNENSIS EPISCOPVS
Claudio Episcopo.

LVI. **P**RO consuetudine desideria nostra votiuis
indiciis pietatis studio cumulatis: quorum
visitatione suscepta, Natiuitatis dominicæ no-
bis festa prosperitatis vestræ geminantur au-
gmento. Pro qua gratia, quam erga nos bea-
tudo vestra assidua dignatione multiplicat,
præsentiam vestram succedentium annorum
numerositate diuinitas propitiata longauit.

AVITVS VIENNENSIS EPISCOPVS
Gregorio Episcopo.

LVII. **M**AGNÆ quidem & nimis admirandæ sunt
deliciæ quas misistis, copia, tempore, di-
gnitate: sed tamen affectui, pietati, sollicitu-
dini non æquantur. Per quæ probatur, non tam
dignatio vestra nobis quàm præsentia defuisse.
Expedita est suffragiorum vestrorum prosperi-
tate festiuitas: cui quantum accessit corpora-
lium, tantum à consuetudine spiritualium de-
fuit epularum. quas mihi Deus si in futuro tri-
buit commeatu, sicut nunc per vos transmit-
tere, ita tunc vobiscum exhibere dignetur.

AVITVS VIENNENSIS EPISCOPVS
Viuentiolo Episcopo.

LVIII. **N**ISI frequenter vota communia pecca-
torum impedirentur obiectu, iussioni

consuetudinariæ caritatis solito volueram parere seruitio. Nam cum festiuitati vobisque occurrere duplicis compendij res fuisset, videris ad mei solius pertinere dispendium, quod nequeo implere præceptum. Ita namque apud nos per momenta singula potestatum speratur aduentus, vt nisi illis venientibus præsens esse curauero, ab eis qui solent in nobis etiam leuiora culpate, quolibet simplex abscessus meus, non solum negligentia, sed etiam contumaciæ deputerur. Quapropter, communi necessitate perspecta, impossibilitati meæ clementer ignoscite, & vt desideriis nostris, si non iugiter, vel interdum satisfacere possimus orate.

VIVENTIO LV AVITO EPISCOPO.

AD similitudinem diuinæ benignitatis de-
 liberatio vestra cultorum suorum peti-
 tionibus temperetur, vt in sollempnitate sancti
 Iusti plebeculam suam Apostolatus vestri visi-
 ratio benedicat. LIX.

AVITVS VIENNENSIS EPISCOPVS
 Viuentiolo Episcopo.

AD firmitatem promissionis diuinæ, sit LX.
 quod antea concessistis Est Est, quod
 postea repetistis Non, non. quia si bene occu-
 patione præsentium qualitas pertractatur, con-
 ditionem inter vos habitam, etiamsi tunc non
 debuisset interseri, modo specialiter dece-
 ret impleri.

H iij.

AVITVS VIENNENSIS EPISCOPVS
Constantio Episcopo.

LXI.

LITTERAS sanctitatis tuæ in Pascha quidem sed non paschales accepi. nihil utique de caritate aut sollicitudine præferentes: sed quibus iubebas, ut fratrem & confacerdotem nostrum Candidianum, quem ego quasi peculiarem commendaueram, non solum ad clericorum, verum etiam ad laicorum audientiam destinarem, à quibus constat diaconum eius pro ciuili causa seruili custodiæ mancipatum. Et ided, si censes omnia de clericis vestris laicorum testimonio credenda, rescribite. Consequens erit, ut dum sæcularium notitiam ex omnibus quæ in rumorem veniunt consulamus, clericorum libertatem prodamus. Illud tamen quasi amor tuus suggerere ac mone-re præsumo, ne propter leues causas, & non ad Deum sed ad sæculum pertinentes, ne laici quidem, non dicam clerici, sancta communio- ne priuentur. quia nescit cuius dignitatis sit ip-sa communio, qui non eam, omni animositate seposita, & cum magno dolore suspendit, & cum maxima festinatione restituit.

APOLLINARIS EPISCOPVS
Auito Episcopo.

LXII.

COGITANS atque pertractans, in officio- sitatem vestram qua ultione percellerem, nil dignius iudicavi, quàm si declinata iniuria

nihil segniùs intentarem. Ne quam igitur in posterum vercamini, qui cernitis præsentem noxam protinus expiari.

AVITVS VIENNENSIS EPISCOPVS
Apollinari Episcopo.

NE festiuitati occurrerem, necessitas ob- LXIII.
stitit: vt mihi festiuitas occurreret, humanitas procurauit. Scribitis ergo indeuotionem meam marinis vos copiis luisse. Dignum scilicet genus supplicij, quod me faciat * * cum desiderio gulæ conflictum. Satis vobis præsentari cuperem, si non taliter puniretis absentes. Vtinam censuræ vestræ in contumace pœna non desinat. Nihil magis timeo, quàm quod me iubetis in posterum nil vereri. Indulgentiam illi qui rogauerit date, cui auari esse volueritis ignoscite. Ceterùm me, qualitatem distriktionis expertum, offensam magis vestram constat desiderare, quàm veniam. De cetero, orationibus vestris tribuat Deus noster, vt qui festiuitati huius præsentis anni officijs magis quàm delicijs abfui, in tempore futuro vestris me orationibus affectu non simili præsentetur, & cùm rediero, seueritate simili absentasse credatis. Octo palustres quis quia se duo paria solearum, quæ dentibus maceretis, aliquatenus commotus, non tamen ex integro malum pro malo reddens direxi.

H iij-

AVITVS VIENNENSIS EPISCOPVS
Viuentiolo Episcopo.

LXIV. **S**ERVATIS dulcedinis morem, immò vè
Sverius dicatur augetis. Refecistis sollicitu-
dinem nostram de vobis prospera nuntiando:
visitastis festiuitatem de nobis quæ optabatis
agnoscere cupiendo. Inter has tamen multi-
plices epulas animorum, etiam corporalibus
quoque deliciis ornastis & mensam, qui spiri-
talibus pauperatis Ecclesiam. Quapropter im-
par ad gratias conuerto ad preces, diuinam
misericordiam rogans, vt caritas, cuius pro-
fectum studio asseritis, vobis ad præmium, mi-
hi ad gaudium, cunctis proficiat ad exemplum.

AVITVS VIENNENSIS EPISCOPVS
Maximo Episcopo.

LXV. **Q**VANTVM ad infernum spectat & finem,
aliquantulis corpusculi viribus vigeo,
anxiustamen, quòd de domno filio vestro, vel
absolutione colloquij nil agnosco, quòd nec
eo loci fuerim vt agnoscere potuissem. Nam
monasteriis. Grenencensibus occupatus, ali-
quandiu iam habitaculo ciuitatis abfueram.
Siquidem deliciæ, quas dignatione solita dire-
xistis, in itinere me & adhuc ab vrbe remotius
positum repererunt. Quasque, quod multi-
pliciter mirum, seruus vester Leonianus, mul-
tùm gemens, minimùm sumens, auido quidem
sed vacuo ventre transmisit. Putasses eulogias

vestras tenaci coruorum rostro ad Eliæ pastum
 baiulis vnguibus exhiberi. Adeo ab insultatio-
 ne mea in vos iustiùs exercenda, misit esuriens,
 quod vorare non potuit concupiscens. Vellem
 nunc scire quid prosit quòd gulæ peculiaris fa-
 muli sic studetis, cui ne mihi datas à Deo vobis-
 que epulas de ore vel manibus raperet, optabi-
 lis absentia causa me rapit. Ceterum de recen-
 tibus, quia præcipitis, & meas partes cedo, &
 multiplices suas. Utatur paterarum capacitate
 procapis: atterat labris phialas, quas circumdet
 pitaciorum densitate pro circulis. Nam cura-
 bo ego quoque, quod Deum velle cognosco,
 quocum simile aliquid de vestra benedictione
 eruero, ad multiplicandas recentes gulæ ca-
 lenti, si non excogitatur modus in calicibus,
 ponatur in piscibus.

3. Reg.
 17.6.

AVITVS VIENNENSIS EPISCOPVS
 Victorio Episcopo.

FACTVM quod litteris indicastis, leui ad
 me ante affatum vestrum rumore peruene-
 rat. Cuius per sanctum Archidiam acerbitate
 comperta, si credere dignamini, non minùs
 quàm vos dolorem vestræ commotionis inge-
 muì. Siquidem satis grauis exempli est, vt nunc
 sacerdotalis ordinatio à populis regenda dica-
 tur: cum idcirco tantum in consecrandis Epi-
 scopis plebibus seruetur electio, vt assiduitas
 constitutionis velut per quoddam mandatum
 electis liceat legere quod videtur. Non autem
 vos pro nouo debetis accipere, quid tribulan-

LXVI.

dis nobis valeat comminisci clericalis nequitia, fulta subsidio insolentia secularis. Puto sanè districtioni Ecclesiastica filij vestri expeti debere consensum, propter illos quorum abusioni consuetudinaria parum de excommunicationibus curare decretum est. Litteras quoque, quas ad presbyterum illicita præsumentem non minus piè quàm regulariter direxistis, inspexi. in quibus verè plus quàm persona meruit patientia reservastis. Quapropter, licet factis diabolo in tam horribili rebellionem licuerit, vos tamen sine aliqua animi perturbatione Dei ac vestram iniuriam castigatè. Et ne quid in posterum similis ausus arripiat, impensa districtione perspicite.

A V I T V S V I E N N E N S I S E P I S C O P V S
Domno Sigismundo.

LXVII.

DV M alij sanctis ac serenis præsentia vestra epulantur, ego sterilitatem desiderij mei sustento magis pauperis officij tenuitate quàm ratione. Vnde post festiuitatem, cunctis quidem semper amabilem, sed nunc Cabillonensibus singularem, famula sollicitudinis litteras destinaui. Quæ si quantulamcumque particulam laudum vestrarum niterentur attingere, nec hoc quidem sufficienter excolerent, quòd eas vel humilitati meæ licet porrigere, vel dignationi vestrae sumere liber. Coniciens ergo de tantorum lætitia multipliciter vos Deo propitio lætos, peto Paschales nobis dies felici reditu faciatis. quia cùm in absentia vestra

quædam nobis Quadragesimæ perduret austeritas, omnibus catholicis principem Christianum, peculiari seruuulo piissimum domnum, etiam per sollennitatem vidisse sollenne est.

AVITVS VIENNENSIS EPISCOPVS
Domno Sigismundo.

CELEBRAVIMVS vobiscum, diuinitate LXVIII.
propitia, vobiscum inquam, non loco sed animo, pauperuli Viennenses vestri Paschale festiuium. Si autem interrogetis & qualiter: quia vicinum quenquam, quia adesse facilius poterat, plus doleat defuisse. Nec tamen, cum ista dessemus, discrepare nos à vestra voluntate dicaris. Iam dudum ab illo, sanctè credimus, affectus illic cohibet, non hinc despectus excludit. Vnam in vtraque ciuitate vestra Ecclesiam perinde diligitis: sed pio patri, in quantum expedit, donec vos ad quamlibet sequi consentiat, adhæretis. Vnde sicut iussu est, primùm Deo de sollennitate, tum quod debetur soluimus Cæsari. Vos de lætitia vestra & incolumitate sollicitis, licet Cæsares sitis, quod domnis exigitis, reddite pietati.

EPISTOLA AB AVITO VIENNENSI
Episcopo dictata, sub nomine Sigismundi, ad Imperatorem.

SI deuotionem nostram, qua vobis animo LXIX.
militamus, etiam corporaliter præsentari obex temporum regionumque non patitur,

quod tamen habemus in votis, exerere tentamus officiis. Credimus enim toties coram sacris gloriæ vestræ obtutibus intromitti, quoties sollicitudinis debitum studio paginæ famulantis offerimus. Nam licet mundum latere nequeat vestra prosperitas, & orbem suum radiis perspicuæ claritatis illustret : dulce tamen est, si hi, quos militiæ fascibus, & peculiaris gratiæ pietate sustollitis, quos in extremis terrarum partibus aulæ pollentis contubernio, & veneranda Romani nominis participatione ditatis, specialiter gaudia vestræ perennitatis agnoscant, quæ generaliter cunctis fama celebrat. Ornat quippe imperij vestri amplitudinem longinquitas subiectorum, & diffusio nem reipublicæ vestræ asserit quòd remotiùs possidemur. Vnde suscipite propitij cum obsequio portitorem. Et quanquam vniuersis expectantibus ad honoris apicem sufficiat, si vos merentur aspicere, & nos tamen insinuèt quos præsumpsimus cōmendare. Quorum etiam carorum familiariumque personas, hoc intercurrendi commercio nobis quoque profore iudicantes, desiderij prosiliente compendio in his quos destinamus occurrimus. Illud super omnia deprecantes, ut quia dignatio celsitudinis vestræ obliuisci non potest beneficia sua, pro gratiarum actione qua fungimur, quamprimùm serenissimi oris responsa mereamur.

AVITVS VIENNENSIS EPISCOPVS
Domno Sigismundo.

PRÆSENTIA domni patris gloriæ vestræ LXX.
biduana occupatione detentus aliquatenus portitorem tardiùs ordinaui, per quem annum de sancti Vincentij sollennitate seruitium consuetudinariæ sollicitudinis cura dependerem: & interactiones, quibus vester pro salute nostra labor inuigilat, debitus semper animus cultum meritæ deuotionis offerret. Sufficit ergo ad consolationem desiderij mei, si omnium nostrum sanitas in vestra post Deum prosperitate consistit. Ceterum non absque scrupulo potest accipi, quòd de Sapaudia itineribus exquisitis videmur ad prouinciã præteriri.

AVITVS VIENNENSIS EPISCOPVS
viro illustri Ansemundo.

TANTVM seruulus vester domni nostri LXXI.
recenset, quantum sentio. nondum plene deterfa inæqualitate, attentos reddit & anxios. vt pro contemplatione pietatis illius, quam festis specialius optare consueuimus, sufficere nobis commoditatem vestram pro omni sollennium iucunditate credamus. Vnde seruans post cultum Natalis dominici solitæ sollicitudinis seruitutem, tota nosse vos voti ambitione desidero, si decus commune, quod Viennensis Ecclesiola præsentì vice non meruit, vel Lugdunensium populorù gaudia duplicauit. Nam

si vos, Christo fauente, aut ad Ecclesiam potuisse procedere, aut deuotionem consuetudinariam rescripseritis impleſſe, participes redditi lætitiæ vicinorum, epulatuſcos nos proſitemur auditu, ſi illos, quibus præſentia veſtra donata eſt, reſectos cognouerimus intuitu.

AVITVS VIENNENSIS EPISCOPVS
viro illuſtri Anſemundo.

LXXII. **C**VM peculiarium vernularum abſentando ſuſpenditis vota, facitis nos non ad plenum conſequi vel nuntiare votiua. Feſtis ergo Natalis Domini, in quantum ſine vobis potuit, ſollenniter celebratis, proſperitatem piſſimi Domni noſtri, quam iuſto deſiderio optaueramus videre, tam dignabili alloquio præſtolamur agnoſcere. Illam plebem reſeciſtis gaudio, iſtam ditare reſcripto. quam per me veſter illuſtret affectus, donec vobis eius ſeruitium meus præſentet occurſus.

AVITVS VIENNENSIS EPISCOPVS
viro illuſtri Valeriano.

LXXIII. **C**ONSUETUDINEM ſollicitudinis ſuæ pietas veſtra cuſtodit, nos dignatione patriter ac litteris viſitâdo. Addidiſtis ſollennitati, quam gaudenter Deo præſtante ſuſcepimus, & quod ſpectabatur in votiua cultus conſummatione ſuppleſtis. Mihi autem de lætitiâ veſtra, in quantum eam cognouero, gratulanti non minus dulce eſt, poſt longum tempus abſentiæ

prosperè vos redisse, quàm festa Paschalia cum exultatione transigere.

AVITVS VIENNENSIS EPISCOPVS
viro illustri Caertio.

AD Domnum communem litterarum ser- LXXIV.
uitio destinato, etiã deuinctæ mihi sub-
limitati vestræ officia semper debenda persol-
uo: suadens, immo quia tantum obduruistis
& supplicans, vt stomachos multis Saxonie
deliciis nausiantes tandem parcioribus iatriæ
vestræ ieiuniis atteratis. Quod si adeo nescitis
desiderij vicissitudinem repensare, vt nondum
vobis videatur absentia vestra sufficere, iniuria
coactus hoc opto, méque baculo huius impre-
cationis vlciscor, vt mutantur præsentiae vices,
& quod Vienna abundat Cabilonis obtineat.
Vt si hîc non habemus quod debeat expeti,
illic mittamus quod libeat declinari. Et quia
quod dico in via est, si adhuc in loco retardatis,
excipite: si iam redire disponitis, præterite.

AVITVS VIENNENSIS EPISCOPVS
viro illustri Helladio.

CVM ad officium vestræ magnitudini de- LXXV.
ferendum perpetua semper causa suppet-
tat caritatis, & specialem deuotionis obseruan-
tiam iure debeam obnixæ impensius pietati:
nunc tamen desideratam mihi necessitatem ra-
tio festiuitatis indixit, vt affectui vestro vel lit-
terarum præsentarer officio, qui cuperem &

occurſu. Idcirco reuerentia ſupplicans debita, quàm ex voto feſta celebraueritis inquirò, Redemptoris noſtri inexhauſtam deprecans largitatem, vt uſque ad ætatem centenariam ſua proteſtatione uos prouehat, & ad ornatum noſtrum, ſicut hætenus fecit, bonis omnibus remuneratos attollat.

AVITVS VIENNENSIS EPISCOPVS
viro illuſtri Riconi.

LXXVI. **P**OST feſtiuitatem, in qua de præſentia vel incolumitate Domni noſtri vota ueſtra & merita claruerunt, paginis ad ipſum officiis deſtinatis, iure uobis peculiaribus pectoris mei etiam præſentium litterarum famularus offertur. per quem nos inter tantos, vt fieri potuit, rerum rumores Paſcha proſperè tranſegiffe ſignifico. ſic mihi iudicans eius plenitudinem diuini muneris beneficiis prouenturam, ſi ueſtri quoque colloquij dignationem cum ſimili proſperitatis agnitione meruero.

EPISTOLA AB AVITO VIENNENSI
Epifcopo dictata, ſub nomine Leoniani Archidiaconi, ad virum ſpectabilem Sapaudum.

LXXVII. **L**ICET pompam conuiuij principalis, marinis deliciis terreſtribusque fulgentem, luſculento ſermone deſcripſeris, incunſtanter tamen declarare tuum amorem conſuetum eſt.
Secu-

Securus enim taliter recitas, postquam datam tibi materiam non versibus sed dentibus expendisti: cum in vno prandio, quod vix duorum burdonum terga detulerāt, vnus venter inclusit: cum in pransu negligens crimen, aluum nimietate concretam pectinibus pexuisti. Quod licet ad insultandum mihi exaggerasse te pateat, ego tamen constanter affirmo, nullum similem nostrī, seu esuriat ille, seu comedat, beatum meritò nuncupari. Nam vt de prime quod exposuisti ferculo colloquamur, paruum tibi pœnæ genus putabas afflictum, quod appetitum interioribus inhiantem deuorabili regmine paucus ificio conclusus exclusit, & trepidans accensis faucibus gula aliquantula temporis mora sub docti incisoris pependit arbitrio. Sicque factum est, vt bibendo cibos, pocula ruminando, primam prandij partem esuriens querelis, mediam comedens rapinis, vltimam satur lacrymis exegeris. Nec tibi dixirim profuisse quod defui. Vel id nobis, quantum tibi superfuit, omnibus satisfecit. Nam cum tu in tanta conuiuij beatitudine deliciatus maximè, tardissimè satiatus, vix te possis probare felicem, quid de me misero censeas interrogare præsumo, qui à regalis mensæ abundantia non permittor, & in Ecclesiastica frugalitate non saturor. qui sub honoris nomine custodiæ mancipatus, quasi ad primam vocatus & à meliore prohibitus, ne possim fugere iacere compellor. impleor oleribus, & inflor napis: abundo leguminibus, sed quæ tellus non ponitur emisit. Inter hæc qualia fuerint bonæ me-

moræ quondam ostrea nec recordor. Si modicum quid vasculo vno minimo semipleno vini pallentis apponitur, & hîc modus vel regula custoditur. Iam de cibis taceo: in accipiendis recentibus maior est pœna. musta deposcens, aut inediam patior, aut aliquid rapuisse confingor. summa importunitate perago vt tres recentes aliis plus præsumam. Ipsæ etiam paterræ, quas confictis casibus frango, quotidiana reparatione decrescunt. Quapropter laborioso in his tantum insultare deliste: quia cum vtrique nostrum quotidianum fatum sit quod quisque sortitus est, tum familiaris miseræ obliuisci potero, si epulo suo domnus noster sic adesse me iubeat, vt te deesse contingat.

A V I T V S V I E N N E N S I S E P I S C O P V S
Apollinari Episcopo.

LXXVIII. **C** O N F I D O planè, nec dubito, diuino munere communem lætitiâ communi præsentia nuntiatam. Nam quod & ad vos iam suspicor peruenisse, etiam illi qui vastare limitem dicebantur reuersi sunt. Vnde causa sollicitudinis has direxi, vt quæ ad vos postea de cuiuscumque securitatis augmento peruenerint indicetis: aut si iam ad ciuitatem liber recursus à consuetudine vos, immo potius ab amore obsidionis extraxit. Præterea magdaliola illa, quæ promisistis, posco vt cum obseruationis breuiculo dirigi iubeatis. Hactenus familiariter, hinc quod restat, quia iam liber, paulo hilariùs indicabo. Signatorium igitur,

quod pietas vestra non tam promittere quàm offerre dignata est, in hunc modum fieri volo. Anulo ferreo & admodum tenui, velut concurrentibus in se delphinulis concludendo, sigilli duplicis forma geminis cardinulis inferatur. Quæ ut libuerit vicissim, seu latitabunda, seu publica, obtutibus intuentum alternaturnantis lapilli vel electri pallentis fronte mutetur. Nec quidem talis electri, quale nuper, ut egomet hausi, in sancto ac sincerissimo impollutæ manus nitore sordebat, cui corruptam potius, quàm confectam, auri nondum fornace decocti crediderim ineire mixturam: vel illam certè, quam nuperrimè rex Getarum, secuturæ præfagam ruinæ, monetis publicis adulterium firmantem mandauerat. Sed sit eiusmodi color, quem æqualiter ac modestè, ruborem ab auro, ab argento candorem, pretiositatem ab utroque, à ceteris rapientè fulgorem, artificiosa siquidem medioxima viroris commendet amœnitas. Si quæras quid insculpendum sigillo. Signum monogrammatiss mei per gyrum scripti nominis legatur indicio. Medium porrò anuli, ab ea parte qua volæ clausæ vicinabitur, delphinorum, quorum superius capita descripsimus, caudæ tenebunt. Quibus lapisculus ob hoc ipsum quæsitus, oblongus scilicet, & acutis capitibus formatus indetur. Ecce habes quoddā tantummodo speculū dogmatis exsequendi. Nectamen amplitudinem elegantia tuæ sic ad memoratum exemplar coarcto, quasi liberum non sit addere quod videtur. Licebit porrò supercurrenti ingenio vestro

terminos præscriptæ demandationis excedere.
 In fine autem epistolæ, luteo operi, sine quo
 tamen non transigetur, sæculentus sermo de-
 poscit, vt artificem figulum breui tenendum
 cuestigio dirigatis, qui nobis, qualibus strui
 * mensuris crebrati cænaculum furni, vel intra
 quod spatium fossilis glebæ scrobis sordibus
 septæ animalium pedibus coctilis cæni gluti-
 num lentari possit, instituat.

AVITVS VIENNENSIS EPISCOPVS
 Apollinari Episcopo.

LXXIX. **I**N NEVS pariter ac grauatus vestræ di-
 gnatione sollicitudinis, magnitudine mu-
 neris, consuetudine pietatis, qua digna vel
 gratiarum actione, non dicam obsequij sedu-
 litate, respondeam? Nisi fortè multipliciter in-
 ualidus eadem in hoc sustenter gratia vestra,
 quæ nos onerat. Concedat vos ornatui Eccle-
 siæ, consolationi & refectioni nostræ, omni-
 tens Deus: vt quia reuera non solum vobis vi-
 uitis, per aliorum solatia vestra merita cumu-
 letis. Fecerunt quidem peccata mea non qua-
 lemcumque necessitatem, qua nos in die sus-
 ceptæ vestræ festitaturæ nostræ, corporali ve-
 stræ pietatis præsentia fraudaremur. Sed red-
 didistis ac repræsentastis nobis vicissitudinem
 vestri aspectus in lumine, oris in sermone, ta-
 ctus in opere. Spero in Dei nostri misericordia,
 quòd non meo tantum tempore, sed etiam se-
 cuturo, donum vestræ oblationis Ecclesiola
 nostra venerabitur. Quod sicut ego dum viuo

in testimonium inexhaustæ largitatis seruare desidero: ita mihi Deus præstet, vt etiam ei quem post me, cùm Deus iusserit, electio vestra decreuerit, peculiariter auctoritas vestra commender.

AVITVS VIENNENSIS EPISCOPVS
Quintiano Episcopo.

DIV est quòd rem valde necessariam, & XXC.
non sine diuina inspiratione à patribus institutam, aut obliuione aut occupatione deserimus. Sed rumpenda sunt interdum vincula necessitatum, vt aliquando impleri possint à præceptore. Conuentus ergo, quos bis per annum à sacerdotibus fieri seniorum cura decreuerat, si benè perpenditis, vtinam vel singula post biennia faceremus. Nam & venerabilis Papæ vrbis, nobis hanc negligentiam succensentis, mordacia mihi nonnunquam scripta perlata sunt. Vnde supplicat per me, si dignamini, Ecclesia Viennensis, poscit intermissæ consuetudinis rediuiua salubritas, quod hætenus infrequentatum torpuit excitari. Iustum est, quantum reor, vt constitutis prioribus sub communis præsentia opportunitate tractatis, nostris simul nobisque, prout ordo colloctionis inuenerit, vel insinuemus vetera, vel si necesse est, etiam nostra iungamus. Idcirco cunctos simul poscimus fratres, vt Deo fauente octauo Iduum Septembrium in parochia Epouensi adesse dignemini. qui locus, omnium fatigue perpenſa, conuentui satis opportu-

nus electus est: sicut & tempus, in quantum potest, ab instantia ruralis operis vacuum, liberiores cunctis permittit excursus. quam Ecclesie potior causa intermittere quolibet terrarum posceret actiones. Supplicamus ergo & quæsumus, testamur, obtestamur, ne quem à dispositione tam sancta obex vilius excusationis abducat, ne quem à tali caritatis vinculo nexus temporaneæ necessitatis impediat. Sed si fortè, quod Deus auertat, tanta cuicumque acerbitas corporeæ infirmitatis ingruerit, ut spiritale desiderium carnali vincatur incommodo, duos presbyteros magnæ ac probabilis vitæ, mandati instructione firmatos, fratribus pro se præsentare procuret. Sed tales dignetur eligere, quos Episcoporum Concilio non minus scientia quam reuerentia iure faciat interesse. cum quibus delectet summos Pontifices conferre sermonem, quos ad definitiones pro Episcopo suo sanciendas, subscribendasque, cum fuerit sollertia eligi, sit auctoritas legi. Sed istud non extorqueat nisi summa necessitas. Ceterum dilectionis fraternæ ac pastoralis diligentia magnitudo, nisi laboris magnitudine, non probatur. Conicit enim sanctitas vestra, post hoc longum abusivæ nostræ silentium, qualiter aut definiri debeant quæ Deo præstante tractanda sunt, aut quæ definita fuerint, vniuersi Ecclesiarum provinciarum nostræ ministri debeant imitari.

AVITVS VIENNENSIS EPISCOPVS
Domno Sigismundo.

XXCH

SCIO quidem curis atque occupationibus, quibus sub ope cælesti pro salute patriæ fideliter excubatis, importunè suggeri seruitium litterarum. Sed cùm præcellsa pietatis vestræ dignatio adeo peculiaris famuli non sit oblita, vt in ipso susceptæ expeditionis procinctu, sensibus meis desiderium suū sancto duplicaret alloquio, quis non intelligat quàm patienter ineptiam tolerabitis, quam clementia prouocatis? Vnde qualiter sani confortante Deo fixis, sollicitus esse præsumo, aut quomodo cæptis spes voti communis arrideat. Illud autem non solum rogo, sed per illam, quam à Deo accepistis, mihi que præstatis, gratiam precor, vt quamquam meritò de indictæ fidei firmitate securis nobis, magis impenso cautelæ vestræ munere trepidationi nostræ & ignauix consulatis: neque plus cogiteris, quod vniuersitas pro vobis deuota supplicat, quàm quod suspensa formidat. Sed licet pauidi ex conscientia peccatores, incunctabili tamen fide præsumimus, quòd etiam si vobis, protegente Christo, hic metus noster risum mouerit, vel diuinas aures ad donandam nobis felicitatis vestræ lætitiā permouebit.

AVITVS VIENNENSIS EPISCOPVS
Domno Sigismundo.

XXCII. **V**IDE TVR quidem de diuina promissione diffidere quicumque minùs de vestra prosperitate securus est. Sed si animum meum solida dignatione perpenditis, facilem intelligitis veniam ignauix meæ pro nimia trepidatione deberi. Quippe cùm quicumque veraciter catholicorum nomen vsurpant, peruigili prece Deo supplicare nunc debeant, vt vobis vota nostra illibata atque integra relaturis, & fideliter vicina coniungat, & feliciter aduersa subiciat. Sicque in rerum necessitate multiplici ambifariam vobis Christo propugnante contingat, & pars quæ cupitur, & victoria quæ debetur. Quapropter si memoriæ meæ gratiam de animo vestro nutantem anxietatis tempus imminuit, famulus specialis salutationem quidem deferre non ausus, sed salutem vestram à Domino præstolaturus, satis suspensò attentoque animo seruitium præsentis paginæ destinaui, primùm de vestra, pòst de exercitus sanitate sollicitus. Vnde licet in Dei nomine per quoscumque transeuntes prospera cognoscamus, potestis tamen piissimi domni conicere, quantum mihi dulcius erit, sicut me quibuscumque referentibus pascit illa sancti affectus recognitio, sic me rescriptio lætificet, in qua ad quandam præsentix vicem verba vestra pro conspectibus adipisci, & subscriptionem pro manu merear osculari,

AB AVITO EPISCOPO DICTATA
sub nomine Domni Sigismundi re-
gis, ad Imperatorem.

NOTUM est omnibus, celsitudinem ve- XXCIII.
stram non impedimenta temporum, sed
subiectorum vota nectiri. Sub cuius fiducia se-
curitate atque lætitia, gloriosissimo principi
nostro, qui corpore absumus animo præsentamur.
Et quanquam istud famula vestra prosa-
pia mea ex deuotione persoluerit, me tamen
gratiæ debitorem non magis parentalia debita,
quàm beneficia mihi impensa fecerunt. Vester
quidē est populus meus, sed me plus seruire vo-
bis quàm illi præesse delectat. Traxit istud à
proauis generis mei apud vos decessorēsque; ve-
stros sēper animo Romana deuotio, vt illa no-
bis magis claritas putaretur, quam vestra per
militiæ titulos porrigeret celsitudo: cunctisque
auctoribus meis semper magis ambitū est quod
à principibus sumerent, quàm quod à patribus
attulissent. Cūque gentem nostram videamur
regere, non aliud nos quàm milites ve-
stros credimus ordinari. Impartit nos gaudio-
rum munere vestra prosperitas; quicquid illic
pro salute omnium curatis, & nostrum est. Per
nos administratis remotarum spatia regionum,
patria nostra vester orbis est. Tangit Galliam
suam lumen Orientis, & radius, qui illis parti-
bus oriri creditur, hīc refulget. Iubar quidem
conspectus vestri contemplatione non capi-
mus: sed lucem serenitatis, quam vbique dif-

funditis, desiderio possidemus. Dominatio-
nem vobis diuinitus præstitam obex nulla con-
cludit, nec vllis prouinciarum terminis feli-
cium sceptrorum diffusio limitatur. Saluo di-
uinitatis honore sit dictum. Non minuit ma-
iestatem vestram quòd accurrere non omnes
valent: satis ad reuerentiam vobis debitam suf-
ficit, quòd omnes è propriis sedibus vos ado-
rant. Virrute orbi Eoo, felicitate regnatis Oc-
ciduo: licet vos vbicumque diligi, etiamsi non
datur omnibus intueri. Sed cùm iure istud de
vniuersitate dicatur, conicite nunc quantum
debeant quos honoribus fastigatis, quos socios
triumphorum omnium successuumque vestro-
rum dignitatum titulis applicatis: vt sic virtu-
tis vestræ decora nostra sint, & ad honorato-
rum ornamenta pertineat quicquid gesserit
fons honorum. Offero igitur, principum in-
clyte, litterarum obsequia, vota gratiarum: præ-
stolor oraculum sermonis Augusti, ambio si
quid sit quod iubere dignemini. Quia etiamsi
indigere se famulatu nostro perennitas vestra
non credat, quisquis tamen felici meruerit ser-
uire, sibi militat. Offerat ergo supplex Orien-
talium quoque gentium distantia cruditatem
exposcat principari præfulem nostrum. Par-
thicus ductor, propter pacis commodum, in
Romanum imperium gaudeat transire. Indus
ipse, post experimenta mansueti oris, stridula
voce compressa, leges quibus seruire iubeatur
Græco cognoscat interprete. Si quis feruor est
quo axis meridianus exæstuet, refrigerio tem-
perate, & edomate per reuerentiam quicquid

ante vos indomitum fuerat per naturam. Incumbentia sibi sceptrā religionis inuictæ quisquis non optat excipiat. Prorogetur per vos non minùs potestate religio, quæ famulantibus populis ad cælestia paritèrque veneranda, & veritatem adstruat, & porrigat libertatem: quaque mediante, vobis culmine æternæ salutis innisis, non humano tantùm ordine, verùm etiam diuino amore, longùm seruire nos deceat.

EPISTOLA AB AVITO EPISCOPO
dictata sub nomine domni regis C.
S., ad Imperatorem Anastasium.

QUAM piæ maiestatis iudicio serenitas vestra, vel paruipendat impedimenta temporum, vel censeat corda famulorum, nullo indicio meliore cognoscitur, quàm quòd in sacris apicibus longiquiùs porrigendis, implet desiderantum vota, & supplicum non expectat officia. Appetunt occursum vestrū omnium mentes: nec tam gloriosum est quòd pauci possunt, quàm quòd cuncti videre vos cupiūt. Quòd autem nunc Augustæ compellationis affatus debitz vobis paginæ præuenit obsequium, nihil indeuotioni pius arbiter, nihil imputet tarditati. Nisi aditum conatibus nostris obex interiecta suspenderet, iam nunc profectò verbum mundo venerabile responsa potius quàm oracula destinasset. Nec tamen remorando mihi tantùm nocuit, quantum inuidit æmulus liuor. Non me quidem legistis offi- XXCVI.

cij mei compotem, sed reddidistis pijoris compellatione felicem. Nec interest excipiat nos sermo Augustus, an expectet: à celsissima dignatione tantum est nostra non despici, quantum vestra concedi. Igitur post obitum deuotissimi fidelissimique vobis patris mei, proceris vestri, cui ad felicissimos integra prosperitate successus, id quoque contigit diuino fauore votiuum, vt lætam florentemque rempublicam vobis orbem regentibus sciret, vósque dominos nationum placido receptus sine derelinqueret: ad hæc intimanda, vobisque commendanda quinetiam meæ militiæ rudimenta, quæ genitore quidem meo superstitute nutritis, sed magis magisque post eum cumulo sacræ dignationis augebitis, sicut debebam, vel optare par fuerat, vnum de consiliariis meis, qui quantum ad ignorantiam Gallicanam, ceteros præire litteris æstimatur, venerandi comitatus vestri auribus offerebam, specialiùs securitate concepta, quòd rector Italiæ de pace vestra publicè plauderet, & rumore disperso redditam sibi Orientis gratiam coloraret. Interclusum est ergo atque prohibitum relationibus destinatis iter arreptum. Certè ipsa viderit quid hinc apud Augustam lætitiæ spectet series veritatis. paruum tamen amicitiae videtur indicium, eum quem te colere asseras, nolle à ceteris honorari: cùm omnes qui vos digno cultu suspicimus, id ipsum à cunctis fieri velle debeamus. Parum enim propriæ deuotionis ostendit, si quis occurrendi libertate damnata, alios quoque facere studeat indeuotos: cùm tamen

sanctitas cælestis ingenij nequeat censere culpabilem, quem vel sola voluntas reddiderit innocentem. Vnde euidenter ipsum videtis allegare quid cuperem, qui tam sollicitè conatus est impedire ne possem. Itaque quoniam diuino vestroque munere & sacri apices & opportuni proueniunt quam discrepat, orant augmentum regni vestri quibus noua profertis, optant custodiam quibus consueta seruat. Sic pij moderamine gubernaculi, remedia quidem altera conquisiuit, & si repulsam neutra pars pertulit. Inter hostamen peculiariùs illud ego debeo, quodd huius petitionis effectum respectui meo præstitum supplicantes. Quantum peculiari seruo impenderitis gratiæ, gratis præstando monstrastis: solaque ob hoc commodum in thesauris vestris mercede reposita, quod pauperibus donabatis, non pretio voluistis constare, sed præmio. Et hoc ipsum quæ elegantia dignè meretur, reddere quod à famulis oblatum fuerat, quàm spernere maluistis, & quo lætius fieret donum, contristare voluistis obsequium? Et licet quicquid ad manus vestras peruenit, vergatur in pauperes, atque idcirco ille vos forsitan dehortetur accipere qui inuidet erogare: subministrare tamen retributionis diuinæ, vnde & dispenseretis cum egent inopes, & concedatis cum supplicant debitores. Currite quapropter piissimi via gemina vestri operis vnitatem. Nunquam si creditis sufficientia deerit animo tali. ipso possibilitatem largiente, vnde præstetur habetis, à quo voluntati infusum est ne aliquid negare possitis.

nota formidinis, quem magis trepidum prouiso claustris commissa designet. Ego vrbis caueas dedignatus, inter vicina discrimini constantiam pectoris planis exposui, & iamdiu ad parentium, locorum æquora perueni, rem vt virtutis audaciam libertate habitationis ostenderem. Vos autem, rumore comperto, ad septa vrbis tanquam venturo æmulo conuolastis: & quem pacis diebus iugiter rura tenuerunt, nunc de murorum latebris non educunt. Enimuerò quàm vos tunc ciuitas flagitabat, tam nunc intra mœnia collocatos querit relicta possessio.

DOMINO SANCTIS MERITIS
præcellentissimo, in Christo gloriosissimo, & Apostolica sede dignissimo,
Papæ Hormisdæ Auitus.

DV M religionis statui, & plenis catholicæ fidei regulis perspicitis conuenire, vt grægem per tota vobis vniuersalis Ecclesiæ membra commissum peruigil cura vestræ adhortationis informet, Viennensem prouinciam superiore anno, si meminisse dignamini, datis ad humilitatem meam litteris visitastis, quæque ad me, secundum quod opportunitas oblata conrulerat, per Arelatensis Ecclesiæ clericos peruenierunt, & quidē plenissimæ sollicitudine pastorali. In quibus nos, sicut per conuersionem prouinciarum, id est Dardaniæ, Illyrici, vel Scythiæ, ad communionem gaudiorū prouocatis, sic admonitione cautissima quid nos per

XXCVII.

ignorantiam præuenire possit instruitis. Euty-
chetis igitur Nestoriique damnatio, quos iam-
dudum per beatissimos decessores sanctæ sedis
vestræ calcavit auctoritas, ad notitiam iampri-
dem nostram Apostolicæ ad nos diligentie pro-
uisione perlata est. Sed illud nos modò suspen-
sos multum redigit & anxios, quòd cù n pen-
dere nos ad effectum legationis secundò Con-
stantinopolim destinatæ omni expectationis
studio iusseritis, nec quid filius vester sanctus
frater meus Ennodius retulerit, nec vtrum se-
quuta redierit, indicastis, & promissionem ve-
stram tanta silentij diuturnitate suspenditis, vt
non minùs modò prædicatoris taciturnitas
reddat attonitos, quàm antea fecerat legatio-
nis mora suspectos. Vnde sola hac causa seruos
vestros filios meos, Alexium presbyterum, &
Venantium Diaconum, totius prouinciæ Vien-
nensis nomine, quæ Ecclesiæ ad me pertinenti
ab vniuersis decessoribus vestris & Apostolica
sede commissæ est, cum præsentis famulatus
pagina destinaui: per quos oraculo beatissimæ
responsionis agnoscam, vtrum feruor schisma-
tum præfatorum, qui intra Constantinopoli-
tanam urbem vitio perniciosæ obstinationis
exarserat, cuique, quod magis dolendum est,
Alexandrinam vel Antiochenam Ecclesias di-
citis illigatas, vobis Christo fauente docenti-
bus, digna fuerit correctione restinctus. aut si
reuerfa legatio in paginis euidentibus quod
simplex legeretur exhibuit. an fortè nuntio
magis retulit, vnde vobis ad hoc qualiscum-
que suspicio referuetur. Veremur enim, ne Pon-
tificatus

tificale iudicium, dum non indicat prospera, sensisset aduersa. His adiicitur, quod diuersorum fida relatione comperimus, de reconciliatione vel cōcordia Ecclesiæ Romanæ iactitare se Grāciam. quod sicut amplectendum, si veraciter dicitur, ita metuendum est ne callidè simuletur. Quāsumus ergo seruitio meo cuncti, vt quid filiis vestris fratribus meis, id est Gallicanis, si consular, respondere debeam instruatis. & quia securus, non dicam de Viennensi, sed de totius Galliæ deuotione polliceor, omnes super statu fidei vestram captare sententiam: orate vt sic nos perditorum professio fucata non fallat, sicut ab vnitae quam regitis veritas comperta non separat. Accepta III. Kalendas Februarij, Agapito Consule. per Alexium presbyterum, & Venantium diaconum.

HORMISDA AVITO EPISCOPO,
vel vniuersis Episcopis Prouinciæ
Viennensis, sub tua diœcesi consisten-
tibus.

QVI de his quæ ad disciplinam catholicam pertinent maximè sciens instrui cupit, quid studij circa mandata diuina habeat euidenter ostendit. Non enim potest esse huiusmodi cura, nisi vbi fides fuerit infucata. Atque ideo exultamus à sinceritate propositi tui, dilectissime frater, dum te secundum directas per Alexium presbyterum atque Venantium diaconum litteras intuemur, & de impiis transgressoribus Eutychete atque Nestorio sedis

Apostolicæ constituta recolere, & si quid aduersum eos admonitio nostra promouerit, per quos Orientales Ecclesiæ confunduntur, inquirere. Digna planè sollicitudo fidelibus, vt de miserorum lapsibus ingemiscant, & ipsi ne aliena polluantur contagione prouideant: Sed ne nos quidem hoc supersedisse credatis, vt ad notitiam vestram, si quid actum fuisset, competens perferret instructio. Verùm breuiter silentium nostrum, quod dilectio mordet vestra, purgamus. Nam quòd non sæpiùs nostra admonitio vos frequentat, de conscientia vestra & fidei stabilitate confidimus. Sollicitudo impendenda fortasse sit dubiis: satis est vitanda indicasse perfectis. Legationis verò nostræ, quam semel, non secundò, sicut scribitis, misimus, si votius contigisset euentus, alacres illico vobiscum fueramus desiderata partituri: scientes hoc rationi, hoc nostro proposito conuenire, vt quos participes sollicitudinis fecimus, cum his reintegratæ vnitatis gaudia iungeremus. Sed quantum ad Græcos, ore potiùs præferuntur pacis vota, quàm pectore, & loquuntur magis iusta, quàm faciunt: verbis velle se iactant, quod operibus nolle declarant: quæ fuerint professi negligunt, quæ damnauerint hæc sequuntur. Nam vnde est, quòd cum per Ennodium fratrem & coepiscopum nostrum, sacerdotales viros ad confirmanda ea quæ Sedes Apostolica poposcerat, directuros se esse promississent, multa quoque, quæ ad correctionem prauitatis suæ à nobis quæsita fuerant pollicentes, non solùm non religiosos viros,

penes quos causæ ipsius plena esse posset instructio, secundum constituta propria non miserunt: verum etiam quasi res parua gereretur, laicos & alienos ab Ecclesiastico corpore destinantes, non se studuerunt de cæno, quo immersi tenentur, euoluere, verum etiam catholice fidei claritate fulgente, sua quod absit se posse crediderunt obscuritate fuscare. Hæc fuit nostri causa silentij, quam vos quoque spiritali vobis prudentia reuelante vidistis. Quid enim de hac causa poteram directis litteris indicare, quam in statu suo videbam duram pertinaciter custodire perfidiam? Noui exitus sollicitè diligentiam relationis inquirant: qui de rebus cognitis nihil indicat, abundè in statu suo manere priora declarat. Quapropter, dilectissime frater, & vos præsentibus hortamur alloquiis, & per vos quoque, quia occasio data est, alios per Gallias, quos fides eadem nobiscum amplectitur, admonemus promissam & amabilem Deo fidei seruare constantiam, & transgressorum societate declinata, constantiam vestram vni viro virginem castam, sicut spondidistis, exhibere Christo, & cauere ne sicut serpens Euam seduxit astutia sua, ita sensus aliquorum corrumpantur à simplicitate & castitate quæ est in Christo Iesu. Perniciosa sunt blandimenta nocentium, atque ideo vigilare vos conuenit: quia aduersarius salutis humanæ, sicut leo rugiens circuit, quærens quem deuoret: cui resistite fortes in fide. quia hæc speciale habent patris sui de cæli arce deiectioni, qui vestigia eius sequuntur & diligunt, vt illa

veritatis luce priuati, & alios gaudeant sua obscuritate fuscari: & cum peruersitatis suæ poenas luituros esse se sciant, exultent si miseros cum sua condemnatione coniungant. Nam vnde est, quodd cum pro magna parte à conterminis suis Thracibus, Dardanis, Illyricis, cognita eorum peruersitate deserantur, procul positis ignorantia spe, fraudibus aut variis artibus nituntur allicere, nisi vt lucem quam ipsi non habent, in aliis quoque impia contagione commaculent? Vt autem quæ sint partium earum studia possitis agnoscere, plures Thracum, licet persequentium incurfibus atterantur, in nostra tamen communione persistunt, scientes fieri fidem per aduersa clariorem. Dardania, & Illyricus vicina Pannoniæ, à nobis, quod iam fecimus vbi necessarium fuit, vt sibi Episcopi ordinarentur expetiit. In tantum se à consortio perditorum separare gaudentes, vt remedia quærerent, dummodo commune cum transgressoribus nil haberent. Epiri Metropolitani, hoc est Nicopolitani Episcopus, cum Synodo sua nuper segregatus ab impiis, ad Apostolicam communionem deprompta, quæ efficeret, professione se contulit. Quæ ideo scriptis æstimauimus indenda præsentibus, vt sicut sortem nos conuenit dolere pereuntium, ita lætemur pariter de salute remeantium: & vt fideles constituti ab eis longius instruantur, qua virus eorum sollicitudine debeat effugi, quos & à suis videant tam iusta detestatione virari. Et nos quidem dispensationis nostræ memores, necesse est eos repetitæ legationis offi-

cio cōuenire, quòd si affectu saluationis suæ, si respectu Dei, si rationis intuitu non mouentur, saltem pulsantibus importunè & pertinaciter acquiescant, & aut ad rectam viam declinatis erroribus reuertātur, aut propter impœnitens cor, ab omnibus inexcusabiles iudicentur, qui & moniti toties in perfidiæ obstinatione persistant. Vos orate, & nobiscum ad Deum preces & vota coniungite, vt per opem misericordiæ eius, nostra actio, laborans pro catholicæ fidei stabilitate, promoueat immaculatos vos & integros ab omni transgressorum societate seruantes, vt aut cum correctis sensus & corda iungamus, aut ab eorum venenis intacti esse mereamur. Nam qui, sicut vos quoque conscientiam vestram non latere testamini, nouimus Eutychetem atque Nestorium, Apostolicæ, id est catholicæ sententiæ auctoritate damnatos, quemadmodum salui esse poterimus, si eorum sectatoribus ac posteris, qualibet parte cōmunionis hæreamus, cū Belial cum Christo nostro portionem habere non possit? Instructionis autem vestræ interesse credimus, vt ea quæ apud nos à Nicopolitanis vel Dardanis acta sunt, vel quo in communionem ordine sint recepti, vobis nota faceremus ipsarum lectione chartarum. Data xv. Kalendas Martias Agapito consule.

FINIS EPISTOLARVM.

K. iij

ALCIMI AVITI
EPISCOPI VIENNENSIS
HOMILIA DE ROGATIONIBVS.

Vnde consuetudo Rogationum processerit.

CVRIT quidem tramite vitali, non per Gallias tantummodò, sed penè per orbem totum Rogationalis obseruantia fluxu annuæ satisfactionis expurgat. Peculiarior tamen nobis in hac ipsa institutione seruitij & gaudij causa est, quia quod hinc modò ad cunctorum vtilitatem defluit, ex nostro primitus fonte manauit: & fortè nunc pertineat ad cuiuscumque priuilegij ornatum sumptæ primitus institutionis exordium. Ceterum cum ad huiusmodi humilitatem ineffabilis necessitas rigida Viennensium corda perdomuit, sentiens Ecclesia nostra causam ægritudinis suæ, non sibi quasi maximè præ omnibus, sed quasi soli ex omnibus existimans opus esse instituenta obseruatione præsentis, sollicitius captauit remedium, quàm primatum. Et quidem terrorum temporis illius causas multos nostrum recolere scio. Siquidem incendia crebra, terræ motus assidui, nocturni sonitus, cuidam totius orbis funeri prodigiosum quoddam bustuale miniabantur. Nam populosis hominum concursibus domestica siluestrium ferarum species obuersabatur, Deus viderit an

Iudificans oculis, an adducta portentis. Quicquid tamen ex iis duobus foret, perinde monstruosum intelligebatur, seu sic veraciter immania bestiarum corda mansuescieri, seu tam horribiliter conspectibus territorum falsæ visionis phantasmata posse conungi. Inter hæc diuersa vulgi sententia, dispariumque ordinum variæ opiniones. Alij quod sentiebant dissimulando, quæ fletui nolebant dare, casui dabant. alij spiritu salubriore, abominabilia noua quoque congruis malorum proprietatis significationibus interpretabantur. Quis enim in crebris ignibus imbrēs Sodomiticos non timeret? quis tementibus elementis, aut decidua culminum, aut disrupta tetrarum imminere non crederet? quis videns, certè videre se putans, pauidos naturaliter ceruos per angusta portarum vsque ad fori lata penetrantes, non imminetē solitudinis sententiam formidaret? Quid multis? Tracta sunt hæc inter timores publicos & rumores priuatos vsque ad imminetē solennium vigiliarum noctem, qua celebrari festum Dominicæ resurrectionis annua consuetudo poscebat. Siquidem hanc omnes, laborum opem, malorum finem, metuētium securitatem, communibus animis operiebantur. Adfuit ergo nox illa venerabilis, quæ ad spem publicæ absolutionis votium solenne patefecerat. Sed mox illic multo vehementior strepitus ictu flagelli grauius ferientis intonuit. vtpote quem iam emensis gradibus, superlatium nihil sequi aliud quàm chaos intelligeretur. Ædes namque publica, quam

præcelso ciuitatis vertice sublimitas immensiter fastigiata prætulera, flammis terribilibus conflagrare crepusculo cœpit. Interpellatur itaque nuntio discriminis iucunditas solennitatis: pleno timoribus populo Ecclesia vacuatur. Omnes namque similem facultatibus vel domibus propriis casum de quadam præminentis incendij arce metuebant. Perstitit tamen coram festiuis altaribus inuictus Antistes, & calorem fidei suæ accendens flumine lacrymarum, permissam ignibus potestatem incendio abscedente compescuit. Desperatione deposita reditur ad Ecclesiam, & restincta flammarum luce clarescit luminum pulchritudo. Nec sanè vlteriùs trahitur de arripiendo compunctionis medicamine mora. Prædecessor namque meus, & spiritalis mihi à baptismo pater, Mamertus sacerdos, cui ante non paucos annos pater carnis meæ accepto, sicut Deo visum est, sacerdotij tempore successit, totas in ea quam supradiximus vigiliarum nocte sancto Paschæ concepit animo Rogationes: atque ibi cum Deo tacitus definiuit quicquid hodie psalmis ac precibus mundus inclamat. Reuoluta ergo solennitate paschali, non iam quid, sed quomodo aut quādo fieri debeat, secreta primùm collatione tractatur. Putabatur à quibusdam Viennensis senatus, cuius tunc numerosis illustribus curia florebat, inuentis non posse addici, cùm vix adquiesceret legitimis inclinari. Sed pius ac sollicitus pastor, sapientiæ salibus largus, mansuefaciendarum ouium priùs orando animum, quàm perorando molliuit auditum. Pandit igit-

tur dispositionem, indicit ordinem, exponit salubritatem: & viro tam religiosi quàm solertis ingenij parum fuit, si obedientibus propositum tantummodo institutionis promeret, nisi inter initia etiam vinculum consuetudinis assignaret. Inspirante igitur compunctorum cordibus Deo, auditur à cunctis, confirmatur, attollitur. eligitur tempori triduum præsens, quod inter Ascensionis sacræ cultum diemque Dominicum, quasi quodā opportunitatis propriæ limbo circumpositis solennitatibus marginaretur. Explorante autem Episcopo feruorem inchoationis, & maximè verente, ne ob tardam populi sequacitatem, paucioribus eductis observatio ipsa confestim in sui nouitate reuilesceret, ad Basilicam, quæ tunc mœnibus vicinior erat ciuitatis, orationem primæ processions indicit. Itur celebri alacritate, copiosa multitudine, maxima compunctione: vt reuera populi lacrymis laboribusque breuis atque angusta processio videretur. Vbi verò sanctus Sacerdos de minorum effectu maiorum indicia collegit, sequenti die institutum est, quod nunc primo, id est crastino, si Dominus annuit, die laboraturi sumus. Sequuntur sunt succiduo tempore quædam Ecclesiæ Galliarum rem tam probabilis exempli: sic tamen, quòd hoc ipsum non apud omnes iisdem diebus, quibus penes nos institutum fuerat, celebraretur. Nec porrò magni intererat quòd triduum eligeretur, dummodo psalmorum officia lacrymarum functionibus annuis persoluerentur. Tamen cum dilectione rogationum etiam

sacerdotum crescente concordia, ad vnū tempus, id est ad præsentes dies, vniuersalis obseruantiae cura concessit. Porro autem eo attinuit ista præsari, vt seu recolentibus hæc seu ignorantibus fortè retulimus, omnes tamen attendant, quòd Ecclesia, quæ misit aliis formam institutionis, multipliciter est debitrice ostendendæ alacritatis, & prima debet esse compunctionis officio, quæ in re tam necessaria omnibus facta est mater exemplo. Vnde imminere nunc, si Deus annuit, rogationum nostrarum operosissimam festiuitatem, non quasi nescientibus indicimus, sed quasi expectantibus commendamus. Quia licet non absque labore constet seruanda professionis ipsius consuetudo, delectat tamen asperitas medicaminis, in quo frequenter inueniri probata est spes salutis. Si

dixerimus, inquit Apostolus, quia peccatum non habemus, nos ipsos seducimus. Et si confiteri debemus assidue nos peccare, opus est confitendi officio, humilitate pœnitendi. Præsertim cùm plebis adunatæ cōpunctio, sic ad incitamentum boni operis possit aptari, vt rebellis magis conuenientiùs erubescat, si cunctæ multitudini propriæ mentis solitudine contradicens, peccata sua vel vitia cum populo flente non defleat. Necessaria est igitur boni operis conspiratio. Sumit alter ex altero, aut de humilitate exemplum, aut in confessione solatium. Periculosius agitur singulare certamen, in quo vires altrinsecus experiri posse paucorum est. At verò, cùm contra hostem communem multitudinis pugnat assensus, trahit etiam timidum

1. Ioan.

1. 8.

HOMILIA DE ROGAT. 155

militem virtus aliena. Robustis bellantibus infirmitas delitescit, & quodam vnitatis suffragio, laus fit inualidis, in exercitu fortium computari. Denique cū victoria contigerit, totis adquiritur : & cū paucorum dextra pugnauerit, omnium gloria triumphauit. Hoc dico de infirmitate communi, quæ si se rogantibus non subtrahat, etiam cū ipsa per se minus fecerit, non tamen ad integrum fructu carebit. In illa gloriosa & admodum singulari historia Niniuitarum, contra exertum commotæ diuinitatis gladium, iuncta seniorum viribus etiam infantilis ætas pugnare compulsa est. Humani quoque mercedem & gratiam ieiunij pecorum fames adauxit. Quin & ipsa irrationalis creatura, quæ offensam timere non potuit, quodam modo veniam postulauit. Et quia homines in morem animalium viuendo peccauerant, rursus animalia sua quasi homines ieiunare coëgerunt. Propter hanc ergo discretionem, in Euangelio Dominus ait, *Petite* Mat. 7. 7.
& accipietis, quærite & inuenietis, pulsate & aperietur vobis. Petere enim docti est, quære-
 re deuoti. petit sciens, quærit nesciens. Cū peris, vis accipere quod intelligis : cū quæris, adhuc conaris inuenire quod petas. Ideo qui iam superiores sunt, orando petant : qui infirmi, laborando quærant. Porro autem pulsare commune est. Nullus quippe obstructum adiutum vocibus pulsat : istud ad manus pertinet, & corporis actus est. Petat ergo scientia, quærat amor, pulset operatio, maximè in obseruatione præsentis. Festiuitas si quidem est, cuius

Matt. 8.
24.

iocunditas tota sola sobrietas, cuius epulæ lacrymæ, cuius pastus esuries est: cuius principium ex necessitate, perseverantia in dilectione, actus in requie, requies in labore: cum tota ista obseruantia confessio pœnitendi pro culpa sit, & rogandi pro venia. Etiam verò Euangelica præsens lectio utilitatem supplicationis exposuit, dum in naui Dominum dormientem chorus discipulorum sub tempestatis strepitu trepidus suscitaret. Neque porro aliud fuit, in tanto repugnantium sibi inuicem ventorum fluctuumque conflictu, sopitum profundius Dominum nostrum interrita quiete iacuisse, nisi ut ad eum inter discrimina quæ patimur timoris nostri causa cōfugeret. Assiduo nos ictu tempestas ista fatigat, impulsu terribili contra nos tonitrus sæculi clamat, scintillantibus ad punctum radiis mundana commotio non illuminat sed coruscat. Ecclesia est naus, quæ nos per varios casus velut inter marinos gurgites ducit. Aures quidem nostras obtrectationibus & blasphemiarum stridore, quasi laxata laterum compage, reuerberat: sed puppim veritatis soliditate constructam penetrare non potest quod fatigat. Et quia promisit Dominus noster Ecclesiæ, *Ecce ego vobiscum sum omnibus diebus usque ad consummationem sæculi*, in naui quidem est in qua sumus: sed metuere iam non potest quod timemus. Post resurrectionem enim ascensionemque suam, totus inter pericula nostra requiescit. Alienæ magis formidini opus est, ut qui securus iacebat euigilet. Clametur ergo vocibus supplicationis: & si ingra-

Matt. 28.
20.

HOMILIA DE ROGAT. 157

uante periculo necdum audit, pulsetur manibus largitatis, & dicatur ei, *Exurge, quare ob-* Psal. 43.
dormis Domine, oblitus inopia & tribulationis 23. 24.
nostra? Dicturus est quidem expergefactus, *Curtimidi estis modica fidei?* Reddat salutem, Matt. 8.
& increpet infirmitatem. Et si parua fides est, 26.
quia timemus sæcularia, est tamen aliquantula, si recurramus ad Dominum. Non autem timeretur coram ipso, si ipse timeretur. Sed minima conscientia recti maxima causa trepidandi est, in nostra præcipuè vita, cui criminum continuatio fit discriminum multitudo. Quocirca si non diximus Christo, Vigila nobiscum, saltem dicamus, Euigila propter nos. Non rogauimus ne discederet, obtineamus vt redeat, nec deferat cursum nauigationis infirmæ, donec vento & mari silentium iubeat, & furorem insanientis sæculi celerrimo fine compescat, & fiat in retributione iudicij tranquillitas magna, quæ in hoc mundo esse non potest. Quia si de mundo essetis, mundus quod suum erat diligeret. Sed deuicto mundo perueniatur ad supernam quietem: vbi quoniam possibilitas pereundi aberit, nec periculi causa nascetur. vbi semper nobiscum Dominus, semper cum illo si dederit nos erimus: & qui hîc aliquoties negligentibus dormit, illic perpetuò fruentibus sine fine vigilabit.

LECTORI,

Præter Homiliam superiorem, & alteram in conuersione Sigismundi regis habitam, cuius meminit Agobardus, restant in vetustissimis schedis Thuanæ Bibliothecæ tituli aliarum octo, cum primis cuiusque verbis, in hunc modum.

HOMILIARVM OCTO

Tituli & initia.

1. *Diſta in dedicatione ſuperioris Baſilica.*

Diſpoſueram patientia taciturnitatis hodiernæ.

2. *Diſta in Baſilica ſancta Maria.*

Statueram, dilectiſſ. & quantum arbitror.

3. *In reſtauratione baptiſterij in ciuitate ſua Vienna.*

... temporum perturbationes quibus.

4. *Diſta in dedicatione Baſilica Geneua.*

Nouimus & miramur ex Euangelica lectione diuitem.

5. *Diſta in dedicatione*

Pertinet ad locum.

6. *Diſta in Baſilica S. Petri, quàm ſanctus Episcopus Tarantasia condidit.*

.. par eſt decreſcat facultas virium, creſcente materia gaudiorum.

7. *Diſta in Baſilica ſanctorum Agaunensium, in innouatione Monasterij ipſius, vel paſſione Martyrum.*

Præconium feliciſ exercitus, in cuius congregatione.

8. *Homilia diſta in conuerſione Domni Segifrici, poſtridie quàm ſoror ipſius ex Ariana hereſe eſt recepta.*

Sæpenumero diuinitate quod dilecto ſuo principi noſtro.

FRAGMENTA EARVMDem AVITI
Homiliarum ex schedis iisdem.

I.

Sic quondam Petrus Apostolorum caput, Matt. 14.
id est principum princeps, quamlibet commo- 29.
tum ventis pelagus formidaret, adreptum ta-
men fluidi tenens callem victor explicuit:
atque vndis ponti furentis, velut hostilium tur-
binum molibus cluctatis, flatum tentationis
adversæ, priusquam sede contingeret, fide con-
trivit. Secuta est illic serenitas iter peractum.
Hic quoque nō minū ad habitationem, quā
ad imaginem, Petri ædem fide fundatam secu-
ritas quæ non præcesserat insequitur. Innouet
autem idem nunc Apostolus dignam sui nomi-
nis sedem. Iisdem clauibus pandat hīc locum,
quibus aperit regnum. Soluat nunc quæ sibi
ostensæ fuerint compedes criminum. *Et paulo*
superius. Soliditas quæ faciendis fabricis in
principiis quæritur, hīc & culmen obtinuit.
Firmissimo aliarum ædium fundamine cacu-
mina nostra tutiora sunt.

II.

Quid mihi laudet antiquus Moysem suum Exod.
aqua ab quo asperas ligno castigante dulcasse? 15. 23.
quid Elisæum, virtute non imparem, agrestis 4. Reg.
cibi amaritudine plenum lebetem medici far- 4. 41.
ris infusione condisse? Hæc quidem gesta
exempli admirabilis fuisse quis nesciat? Sed
non minū hodie vestro datum est Sacerdoti,
quem par diuersitas felicitis euentus parem pa-

ribus adprobabit. Cùm minoris panè virtutis sit creaturas orando conuertere, quàm hoste depulso creatorem ædibus inuitasse. Implet hîc porrò gentilium vices vicinantium Arrianorum turbidus liuor. Et si paganus hîc fortè iam deest, qui plures Deos velit excoli, gemit hæreticus, qui vnum conspicit exorari. Diligit quippe Trinitatis diuisor numerositatem Deorum : & consanguineo separationis affectu, pariter soliditate perrupta, multos Deos fieri à consentaneis adquiescit, sub quorum fauore quasi excusabiliter ipse tres numeret. Quid ingemiscat Christi vacuus nominator, locum numinibus interclusum patuisse virtutibus ? Nullus à salutis consortio prohibetur. Sit eis pariter commune cum saluis, quod hætenus nostrum nolimus esse cum perditis. Profanis cultibus claustra damnamus : conuersuris cultoribus templa patefacimus. Expetat ergo hîc solidum, quisquis amauerat antè diuisum. recognoscat nunc Christum petram, quisquis hîc dudum saxa veneratus est. Sacrilegiis ara perit, venit ara sacrificiis. Nomen vnum, causa diuersa est. Medetur serpens æreus, quo mormordit ignitus.

III.

GENERALI exultatione gaudèdum est, quòd florentibus sceptris catholicæ potestatis, orationum loca, Martyrum templa, liminum sacra, ornantur oppida non minùs ædibus, quàm patronis. immo potiùs, illustratæ patrociniis fiunt vrbes ex oppidis. Quòd si & specialis festi gaudium præconio currente tangamus, est equi;

equidem fabrica præfens iocunda loco, immi-
nens fluuio, & confragosum vicini torrentis
tumultum, velut impendentis reuerentiæ ter-
rore castigat. Cohibetur venerabilibus ripis
amnis artatus, & pendulam interiecti pontis
femitam, ad altrinsecus experenda sacrorum
culminum loca substernit. Ædes sufficiens dif-
fusioni facta est angusta conuentui: quæque
ficiocunditate habitaculi tam terrestria quam
superna sollicitans, cùm populo suo vix suffi-
ciat, sufficit de fabrica. Multifor mi opificum
ingenio nitens, expulit noctem, adpulit lucem,
qui diu tristibus tenebris artificio proturbatis,
lætior intra quoddam claritatis ergastulum, fe-
lici custodia clausus est dies. Sic quondam car- Act. 12
cer retificis Petri pretiosorum ligaminum radio
illustrante resplenduit: cùm ferrum supplicii
coaptatum, metallis pretiosioribus plus luce-
ret, ferræ fugerent patente aditu, catenæ ca-
derent perstrepen te tinnitu.

I V.

GAYDE igitur, inuicte mercator, dispensa-
tione commissa: profer de thesauro tuo noua
& vetera, institutor rudium, labentium resti-
tutor: sit vna in multiplici consecratione solem-
nitas. Erexisti lacrymarum machinis quod ho-
stis alliserat: rediit quæ perierat forma tem-
plorum; recurra t & sanctiras. Non tu traditam Luc. 19
tibi minam, damnante sudario, terrenis scrobi-
bus suffodisti: nec hoc tantùm contentus red-
dere, quod dudum fuerat consignatum, illa re-
ferens, offerens ista, vt frugem primitiarum
meliùs porrigas, priùs studuisti soluere quod

Iob. 42.
10.

debebas. Quocirca, dilectissimi, orate quod superest, ut si quid sacrum furatur aduersitas, Deo vlciscente sic redeat. In multiplices fructus granum tritici, quod maturum putabatur, excresecat. Velut Iob nostri opes, inter prælia tentationis amissas, victoriæ meritum patientiâ duplicante restituat. Et ut breuiter cuncta concludam, agnoscat præsentibus, præteritisque successibus, tam perpetrans, quàm tolerans, quàm in æternis salubres lacrymæ nostræ erunt tribuere, quas videmus fidelibus etiam in temporaneis non perire.

V.

In gloria præsentis æui parum est, si permitti ad hæc fabricanda dicamur: illud supra est, quòd ad tales conatus, si otari vellemus, impellimur. Nouerunt siquidem sceptræ sæculi nostri, in quo sit virtus temporis sui. quorum inexpugnabiliter, rectè ut confidimus, plus hæc basilicis quàm propugnaculis vrbs munitur. Cingitur vndique tutamine sacrarum ædium diues accessus, & ad portarum quauis patentium limina tutiora, nisi sanctis ianitoribus, non venit. Desistat hinc planè nutu superno vsus armorum. Ne hostilis conatus hinc valeat, hos sufficit prouidisse custodes. Sic iste, meritorum vigore discretus, aut indigenas deducat aditus, aut insidias repellat obiectus. Has sibi per circuitum, velut Hierusalem, quæ ædificatur ut ciuitas, turres attollat: vbi lætaturis, quoties in domum Domini ibimus, hæc sanctorum cultibus turres, hæc populorum abundantia contingat in turribus. sicque ei fiat pax

Psal. m.
111.

OPERV M FRAGMENTA. 16;

in virtute, virtus in pace: virtus scilicet rectoribus, pax regendis: præfidentibus illa, ista famulantibus. quarum tamen, principibus nostris vtramlibet optantibus, vtramque meritis, conuentus subiectionis deuotæ pax confo-ueat, virtus adiiciat. Ad te nunc sermo liberior, ô præsens, si quæ sunt vsquam, catholicarum gentium pater, religionis lumen, columen regionis, exemplorum virtus, Ecclesiarum pignus, temporum decus, ciuilitate sublimis, communione terribilis, reuerentia * * * quàm cum adoraris à populo. Qui in tribunali vnus præ omnibus, in altari vnus ex omnibus, stipatus cœtibus subiectorum, non fulgore diadematis, sed mentis luce discerneris. Iam recognoscas tempus est in manibus nostris munera tua. Paremus quidem iubenti tibi, vt secreta sint cum donantur: sed tu clamas, talia conferendo, quæ nisi princeps habere non poterat. Gloriosissimum quippe in his quoque ædibus quod fecisti: sed in quiddam sublimius tuorum gaudia se reseruant. Communem hîc quidem hodie lætitiâ oblatio vestra peperit: sed adhuc maior est quam præstolatio nostra concepit. Porrigitur hîc, præludens per coniecturam præsentium, contemplatio subsequendum. Iustè æstimatur tantum in nobis quantum per te potior eris in summa. Certè, sicut rationem illic operum perpendimus, hîc donorum, non quidem solus in præsentibus adspicis quod delectet, sed solus in futuris poteris proferre quod superet.

VI.

PRÆCONIVM felicis exercitus, in cuius congregatione beatissima nemo periit, dum nullus euasit, cum iniustam sanctorum Martyrum mortem quasi sortis iustitia iudicaret, qua bis super aciem dispersa mansuetam, centuplex decimatis fructus ad cresceret, & odio in prosperum suffragante, eatenus eligerentur singuli, donec simul colligerentur electi, ex consuetudinis debito series lectæ passionis explicuit.

VII.

Cuius aditus nocte non clauditur, quia non habet noctem: cuius fores semper paratas, iustis patulas, impiis inaccessas, non alternant claustra, sed merita. Cuius fundamentum Christus est, fides machina, murus corona, margaritum porta, aurum platea, agnus lucerna, chorus Ecclesia. Cui inter diuinas laudes, omnis operis necessitate seclusa, sola erit requies sinceritas actionis. Multa sunt, piissime Præsul, in tribunali aliquibus iunior, in altario omnium prior, multa sunt, inquam, in operibus tuis, quibus nos hactenus gratias debuisse dicamus. Ditati donis, pauperes verbis, percepimus magna, pauca persoluimus. Ornasti Ecclesias tuas gazarum cumulo, numero populorum. Struxisti sumptibus quæ muneribus cumulares altaria. Nunquam quidem contulimus verba virtuti: sed cum ad præsens psalmisum solenne peruentum est, parum puto si dicam, verba nostra, vicisti hodie in super & opera tua. ET POST ALIA. Gallia nostra floreat. Orbis desideret quod locus

inuexit. Incipiatur hodie exustioni æternitas, dignitas regioni. Laudantibus in præfenti sæculo Deum, laudaturis pariter in futuro, renouet magis obitus quàm terminet actionem. Recognoscatis in cælo quam de hac tellure portabitis consuetudinem præmiorum: tantusque perseuerantiam vestram honor sequatur, ut quod vobis in exercitio erit operis, hoc solvatur in præmio pro retributione mercedis.

Agobardus in libro de picturis & imaginibus.

*H*is ita se habentibus, est modus diuinæ, sue angelicæ, vel etiam humanæ gloriæ, sicut Alcimys Auitus Episcopus Viennensis in Dialogo, ubi cum Gundobado rege loquitur, dicit: Illud tamen quòd ab æqualitate cælestis gloriæ patrem & filium, perinde ut creaturam Angelicam secludentes, quandam mihi inuidiam illicitè supernis virtutibus delati honoris obtenditis, dicentes, Ergo & Angelis atque Archangelis, & quæcumque in excelsis sunt, gloriæ ferre debemus: licet minimè pertinent ad causam, etiam ad præfens non omnino sic renuo, quasi creaturæ sublimi atque præstanti gloriæ ferre timeamus. Est quippe diuinæ, est Angelicæ, est etiam humanæ gloriæ modus, quem in multis Scripturarum locis inuenimus; & sanctorum meritis, & apicibus regum sine vitio adfentationis adscribi. Quæ enim inter homines prima gloriæ, gloriæ hæc est omnibus sanctis eius. & in Euangelio Dominus dicit, quòd nec Sa-

Matth. 6.
19.

lomon in omni gloria sua sic vestitus est, sicut lilij flosculus specie naturali.

Agobardus idem in libro aduersus
legem Gundobadi.

QVID iste venerandus & sanctus vir saepe dicto Gundobado de supradictis certaminibus responderit, audiat si placet benignitas vestra. Cum de his inter utrumque sermo esset, & beatus Auitus talia certamina reprehenderet, respondit ei Gundobadus: Quid est quodd inter regna & gentes, & etiam inter personas saepe singulas, dirimendae praeliis causae diuino iudicio committuntur, & ei maxime parti, cui iustitia competit, victoria succedit? Ad quod beatus Auitus intulit dicens: Si diuinum, inquam, iudicium, regna & gentes expeterent, illud prius quod scribitur formidarent, dicente Psalmista: *Disipa gentes quae bella volunt.* & illud diligerent quod perinde dicitur, *Mihi vindictam, ego retribuam, dicit Dominus.* An forte sine telis & gladiis causarum motus aequitas superna non iudicat, cum saepe, ut cernimus, pars aut iuste tenens, aut iusta deposcens, laboret in praeliis, & praeualeat iniquae partis, vel superior fortitudo, vel furtiua subreptio?

Psal. 67.

31.

Rom. 12.

19.

Agobardus idem libro de picturis.

SICUT Alcimus Auitus Episcopus Viennensis in Dialogo, ubi cum Gundebado rege loquitur, dicit: Est quippe diuinæ, est Angelicæ, est etiam humanæ gloriæ modus.

LECTORI.

Alia post hæc diuerforum Auiti operum plurima & illustria fragmenta suppeditauit nobis ex Cartusie maioris bibliotheca, codex Flori diaconi, Ecclesie Lugdunensis, in quo B. Pauli epistolas ex veterum aliquot patrum scriptis exponere aggressus, post Cypriani, Hilarij, Fulgentij, aliorumque sententias, quas singillatim ordine describit, Auiti quoque operum, eorum duntaxat, qui Pauli locum aliquem tractant, segmenta vltimo tandem loco digerit in hunc modum.

SENTENTIÆ EX EPISTOLA B. PAULI Apostoli ad Romanos, à sancto & illustrissimo doctore Ecclesie Auito Episcopo Viennensi expositæ, atque ex eius Opusculis in ordinem digestæ.

1. *Qui factus ex semine David secundum carnem.*
2. *Vt sit pater circumcisionis, & sit pater credentium per praputium.*
3. *Igitur sicut per unum hominem in omnes homines in condemnationem, ita & per unum hominem in omnes homines in iustificationem.*
4. *Nam quid oremus sicut oportet, nescimus.*
5. *Qui etiam proprio filio suo non pepercit.*
6. *Item de eodem.*
7. *Optabam ego ipse anathema esse à Christo pro fratribus meis.*
8. *Quorum patres, & ex quibus Christus secundum carnem, &c.*
9. *O altitudo diuitiarum sapientie & scientie Dei!*

10. *Omne quod non est ex fide, peccatum est.*
 11. *Vt per patientiam & consolationem scripturarum spem habeamus.*

Ex libris contra phantasma.

I. IDEO in capite dominicæ generationis totiens David scriptura commemorat, ut cum paruerit veritas de auctore, nulla possit dubitatio esse de sobole. Nam ut taceamus illud, quod in Euangeliiis duo cæci vna consonantis fidei voce clamabant, *Miserere mei Domine fili David*, scientes de Patriarcha genitum rectè hominem credi, & nihilominus fructuosè miserranti Deo pro sanitate luminum supplicari: quis euentius quàm sanctus Paulus hoc explicat? *Segregatus in Euangelio*, inquit, *Dei*,

Rom. I.
1.2.

Matt. 9
47

sicut antè promiserat in scripturis sanctis per prophetas suos de filio suo, qui factus est ei ex semine David secundum carnem. Afferuit duplicem plena descriptione naturam. Vnam, in qua secundum diuinitatem factor est omnium, & alteram, in qua factus est ex semine David secundum carnem. In quarum neutra substantia suspicio potest phantasmatis inueniri: quia sicut per se inuisibilis erat diuinitas, quæ inclinabatur è cælo, ita de David stirpe descendens nihil ludificatorium habere potuit veritas carnis Christi: quæ non solum vsque ad David per proauos suos, sed per ipsum David vsque in Adam, expressa parentum nominatione reuoluitur. Et ideo dicit Apostolus, esse ex semine David secundum carnem, ut eum consubstantialem exponeret matri, de qua utrique sumpsit

& mortem, cùm phantasma nec nasci; nec mori possit, sed principium eius deludere, finisque vanuisse sit.

Ex libris contra phantasma.

ABRAHAM auctor vtriusque Testamenti, I I.
&c. ut in epistola II. pag. 18. usque ad, multarum gentium patre.

Ex libris contra Arrianos.

ABRAHAM, Moysen, & prophetas, non III.
solum saluos, sed & beatissimos esse pronuntio, eosque non nisi per Christum saluatos esse conuincio, dicente in Euangelio ipso Domino,
Abraham pater vester concupiuit ut videret diem meum, vidit & gaudens est. Ioan. 8.
De Moyse, Si crederetis Moyse, utique crederetis & mihi. De me enim ille scripsit. Ioan. 5.
Etiam de prophetis similiter. 46.
Quanti propheta cupierunt videre quae videtis, & audire quae auditis? Matt. 13.
Et alio Euangelij loco 17.
ipse Dominus, ista quae singillatim memorauimus cuncta perstringens, ut impleantur omnia quae Luc. 24.
scripta sunt in lege, & prophetis, & in psalmis de me. 42.
Vos porro coniciite vtrum crediderint Christum, quos tam manifestè constat scripsisse de Christo. Nam & Paulus Apostolus, qui ante ortum Christi saluati sunt, in Christo redemptos exponens, sic omnem causam definit:
Sicut in Adam omnes moriuntur, sic in Christo omnes viuificantur. I. Cor. 15.
Vnde sicut nemo perit nisi 22.
per Adam veterem, ita nullus acquiritur nisi per nouum.

Ex libris contra Arrianos.

IV. *QVIA quid oremus, sicut oportet, nescimus,*
 Rom. 8. firmum debet apud nos fixumque teneri, quod
 26. quicquid omnipotens non fecerit, restat v
 nolit.

Ex sermone die sexto Paschæ.

V. *POST* lucidæ nubis coruscationem, sic pa-
 tris æterni super filium dulcis terribilisque vox
 Luc. 17. intonat, *Hic est filius meus dilectus, in quo mi-*
 5. *hi bene complacuit, ipsum audite. Omnes qui-*
 Gal. 3. 26. dem, sicut ait Apostolus, *filij Dei sumus*, & in
 oratione clamare præsumimus, Pater noster
 quies in cælis. Sed aliter filius est, de quo cla-
 matur, *Hic est filius meus dilectus*. Illum vt
 habeat pater filium, non præcessit voluntas ge-
 nerationem: nos autem per quam efficimur fi-
 lij, in lauacro accipimus natiuitatem. Et ideo
 quicumque homo potest filius Dei esse, potest
 & non esse. Vnde dicit Ioannes Euangelista,
 Ioan. 1. quod *dedit eis potestatem filios Dei fieri, his qui*
 12. *credunt in nomine eius*. vt aut permaneat filius
 benè viuendo, aut certè per carnalem conuer-
 sationem reiiciat paternitatem. Christus autè,
 quem Dei patris filium non fecit gratia, sed na-
 tura, nullo modo potest non hoc esse quod
 genitus est: adeo vt substantiæ illi, quæ ex Deo
 procedit, nec ipsa quæ ex homine nata est
 præiudicaret.

Ex libris contra phantasma.

VI. *SI hæc omnia vera esse recipiunt, &c. vt in*

OPERV M FRAGMENTA. 171

epistola III. pag. 29. *vsque ad*, qualiter non percipit, si dolore prohibuit?

Ex sermone de Natali calicis.

IN affectu quarumcumque rerum non facta VII.
sed vota cogitanda sunt: & abominabili eo qui
inuitus profuerit bonis, Deo magis gratia refe-
renda est, quâ promptissimè pius benè vtitur
malis. Nam licet Ioseph nostrum sola peregrina-
tio fecerit principem, non tamen laudat pie-
tas vëditorem. S. autem Paulus Apostolus, sim-
pliciter contentus à Christo anathema esse pro Rom. 9.
fratribus, præter labores proprios, etiam pro
fratribus, quos lucratus fuerat, coronatur: Iu-
das è contra, quia non fratrum dilectione per-
sequens Christû, anathema est factus à Christo.

Ex libro de Christi diuinitate.

ESAIAS conclamantissimus prophetarum, VIII.
&c. *ut in epistola* XXVIII. pag. 74. *vsque ad*, quam
habui apud te, priusquam mundus fieret.

Ex libris contra Arrianos.

O, inquit, *altitudo diuitiarum sapientia &* IX.
scientia Dei! quàm incomprehensibilia sunt iu- Rom. II.
dicia eius, & inuestigabiles via ipsius! Quis
enim cognouit sensum Domini, aut quis consilia-
rius eius fuit, aut quis prior dedit ei, ut retri-
bueretur illi? Quoniam ex ipso, & per ipsum, &
in ipso sunt omnia: ipsi gloria in sacula saculo-
rum. Non ergo altitudo sapientiæ & scientiæ
soli patris, sed Dei, in quo & filij annuitis

esse personam. cuius nec consiliarius quisquam fuit, nec sensum ullus scrutator agnouit, quanto minùs, qui summo, nec augmentum recipienti, conuiuium etiam minorationis intendit? cùm ipse Apostolus inscrutabilem Dei altitudinem pro corporea infirmitate suspiret. Quis autem prior dat Deo, vt retribuatur illi, nisi qui dat initium creatori, vt & ipse quasi ab inchoata substantia Dei inchoationem sui recuperasse videatur? Vnus hic nempe nominatur, vnus exponitur Deus. Certè si secus, quàm ex ipso, & per ipsum, & in ipso sunt omnia, si hæc vt vultis trium sunt, dicite nunc cui ipsi gloria in sæcula sæculorum. Si tribus, quare non ipsis? si ipsi, cui de tribus? Certè, si vt vultis, tripartita est substantia maiestatis, cur non dixit, ex ipso per alterum in tertio, nisi quatenus nominatus ipse vnus in tribus est? De quo & Apostolus alio loco. *Et ipse est, inquit, ante omnia, & omnia in ipso.* Porro autè, si vt dixistis, omnia in Spiritu sancto constant, & ipse est ante omnia, ne post multa esse incipiat, non erit creatura, & cùm creatura non fuerit, seruitium non debet. restâtque vt sit Deus, si non est seruus: & qui famulari ratione non colligitur, dominari veritate credatur.

Coloss. 1.
17.

Ex epistola contra Faustum.

- X. FIDEM esse omnium bonorum spiritualium fundamentum, &c. *vt in epistola IV. pag. 38. usque ad*, testis est nostri spiritus, non natura.

Ex libris contra Arrianos.

LIBERA responsione profiteor, quòd Deo
 suorum animos inspirante, longè fulget clari-
 tas veritatis. Illud namque Apostolicum, quod
 sæpè repetitis, sufficit in redemptore cognos-
 ci: quia si confitearis Dominum Iesum, & quia
 Deus illum suscitauit à mortuis, saluus eris. Sic
 tamen vt intelligatur diuinitas sua cum patre,
 vitam crucifixo homini reddidisse. Sicut ipse in
 Ioanne Euangelista testatur, *Potestatem habeo*
ponendi animam meam, & potestatem habeo ite-
rum sumendi eam. Porro nequāquam saluat, de
 homine Christo tantummodò rectum credere,
 nisi iungas etiam catholico intellectu de diuini-
 tate sentire. Nam & Photiniani mortuum ac re-
 suscitatu asserunt Christum. Et quoniam scele-
 tissimam in hoc eorum blasphemiam, perinde et-
 iam vestræ vt nostræ legis sententia detestatur,
 si tantummodò assumptum hominem interiisse,
 ac sola patris virtute resuscitatum esse dici-
 tis, quæso quid in supradictæ pestis professioni-
 bus arguatis, cum ipse Dominus noster, vt legi-
 tur, suo nutu suscitet templum ab aduersariis
 dissolutu? Quod certè de quo templo dicatur,
 in promptu est, cum reparatio templi, inter bi-
 duum, in statum pristinum reuertentis resurre-
 ctionem dominicæ carnis, quam diuinitas sua
 templi vice habitauerat, euidenter exponat.
 Idem ergo filius Dei Deus, qui mori non po-
 tuit, defunctum hominem suscitauit, & tem-
 plum inimicis manibus dissolutum, in vnitatem
 personæ solidata rursus diuinitati quam assump-
 serat carne restituit.

XI.

Ioan. 10.
18.

Ex sermone die 11. Rogationum.

XII.
Rom. 15.
4.

DICIT beatissimus Paulus, quòd *per patientiam & consolationem scripturarum firmam spem habere debeamus*, cùm omnes Christiani, tum specialius illi, quibus datur in hoc mundo, aut pro Deo persecutionem pati, aut pro veritatis amore tribulari, aut pro vitæ huius peregrinatione compungi.

AD CORINTHIOS PRIMÆ.

1. *Et ignobilia, & contemptibilia mundi elegit Deus, &c.*
2. *Si enim cognovissent, nunquam dominum gloria crucifixissent.*
3. *Item de eodem.*
4. *Spiritus enim omnia scrutatur, etiam profunda Dei.*
5. *Ita & quæ Dei sunt, nemo cognovit, nisi Spiritus Dei.*
6. *Nescitis quia templum Dei estis, & Spiritus Dei habitat in vobis?*
7. *Etenim Pascha nostrum immolatus est Christus.*
8. *Cùm sine lege Dei non essem, sed in lege essem Christi.*
9. *Caput autem Christi Deus.*
10. *Nam oportet & hæreses esse, &c.*
11. *Item de eodem.*
12. *Deus qui operatur omnia in omnibus.*
13. *Omnia autem hac operatur unus atque idem spiritus, diuidens singulis prout vult.*
14. *Cùm tradiderit regnum Deo & patri.*

OPERV M FRAGMENTA. 175

15. *Cum autem subiecta fuerint illi omnia, &c.*
16. *Primus homo de terrena terrenus, secundus de calo celestis.*
17. *It em de eodem.*

Ex sermone in ordinatione Episcopi.

A D magisterij testimonium nascendi causa I.
non pertinet. neque ille cælorum ianitor Pe-
trus, quem piscatorem hominum retia con- Matt. 4.
tempta fecerunt, origine placuit natalium, sed 15.
fine meritorũ. sicut Matthæus cùm de telonco
assumptus est, illic inchoauit lucrum, vbi ius-
sus est terminare negotium. Quid de singulis Matt. 9.
loquor? Talis omnium assumptio fuit, in quo- 9.
rum personis ignobilia & contemptibilia mun-
di eligens Deus, præposuit pauperes spiritu di-
uitibus censu, illum iure locupletissimum pro-
bans, qui ad veram & integram nobilitatem,
non susceptis bonorum, sed depositis crimi-
num fascibus peruenisset.

Ex libris contra phantasma.

N O L V N T enim à nobis ei qui crucifixus II.
est supplicari, &c. *ut in epistola III. pag. 21. vsque*
ad, non rogemus in cælo. Et mox, pag. 27. Veni
potius sancte Isaia propheta, &c. vsque ad, quod
in corpore malum patimur, pertulit Christus.

Ex libris contra Arrianos.

D O M I N V S maiestatis crucifixus exponitur, III.
cùm si alternæ substantiæ respicias proprieta-
rem, diuina celsitudine ab omnibus crucis con-
tumeliis sequestrata, sola suscepti corporis

- humilitas senserit passionem. Nam postquam Deus in Christo, mundum reconcilians sibi, creaturæ quam assumpsit vnitus est, significatur plerumque homo per Deum, Deusque per hominem, sicut est illud: *Cum venerit filius hominis in maiestate sua*, cum maiestatem Deo potius quam homini nemo conuenire dubitet. quod & Psalmista de Deo exponens: *Et videbitis*, inquit, *in maiestate sua*. Et Malachias propheta, ob dictorum perspicuitatem Angelus cognomento, de crucaria Domini passione; Mal. 3. 8. *Si affigit*, inquit, *homo Deum suum, quia vos configitis me*. Cum tamen, quod nullus inficiabitur, non Deus, sed homo confixus sit.

Ex sermone de symbolo.

- IV.
Matt. 11. 27. **AVDITE** quid veritas dicat: *Nemo novit filium nisi pater, neque patrem quis novit nisi filius*. Et si nemo assequitur hanc in sæculo isto notitiam, vnde Arrianus assumit in substantiæ ipsius diuisione mensuram? Si solus pater novit filium, solus filius patrem, vnde dux cæcus maiorem intelligit, vel minorem? An fortè respondet, & si sibi notitiæ huius reseruat diuinitas sola secretum, vnde tu æqualem patri filium cognouisti? At ego inquam, paternitatem filius loquitur, omnipotentiam creatura testatur: de substantiæ autem intimo, si nemo novit filium nisi pater, neque patrem quis novit nisi filius, vbi æqualis est consilio alternante notitia, vna est proculdubio in substantiæ perfectione natura. Neque enim maior aut minor est, qui nec minùs nec ampliùs notus est

est. Quid nunc de Spiritu sancto dicemus, quem credere consequente symboli parte in Trinitate præcipimur? Neque enim, si patrem & filium sibi inuicem confert ista notitia, alienus ab ea erit Spiritus sanctus, de quo scribitur quòd spiritus *omnia scrutatur, etiam altitudines Dei*. Ergo non tantummodò se pater & filius, sed spiritum suum norunt: cui idèd nihil omninò celatur, quia nihil sine illo in veritate cognoscitur. Quocirca sic est cognitio, sicut cooperatio Trinitatis. Nam post istud generationis diuinæ mysterium, si in Christo cogitemus humana, quòd celebramus Virginem peperisse, Pater misit, Filius venit, Spiritus sanctus infudit. Quapropter nec in humilitate minorationis absconditur claritas æqualitatis;

1. Cor. 2.
10.

Ex libris contra Arrianos.

NOBIS autem Deus reuelauit per spiritum suum. Spiritus enim *omnia scrutatur, etiam altitudines Dei*. Quis enim hominum nouit, quæ in homine sunt, nisi spiritus hominis qui in ipso est? Sic & quæ in Deo sunt nemo nouit, nisi spiritus Dei. Rogo suppliciter, locum istum, utpote illuminati à Deo arbitri, iudicate: & utrum æqualis sit Patri vel Filio Spiritus sanctus, ex ipsa scientiæ suæ profunditate perpendite. Nemo nouit filium, nisi pater, neque patrem quis nouit nisi filius. Sed quia nec pater, nec filius, sine spiritu aliquid nouit, idèd quæ in Deo sunt nemo scit, nisi spiritus Dei: quia nec spiritus scire aliquid sine patre vel filio potest. Quid est, nemo nouit præter patrem, nemo

V.
1. Cor. 2.
10. 11.

præter filium, nemo præter spiritum sanctum, nisi quia in Trinitate præter unitatem nihil possumus inuenire? Legimus alio loco, *Qui filium non habet, nec patrem habet.* Itémque alio loco, *Si quis spiritum Christi non habet, hic non est eius.* Quod non potest non simul totum haberi, quomodo poterit diuidi?

Ex sermone de Pentecoste.

V I. *AN nescitis quia templum Dei estis, & spiritus Dei habitat in vobis?* Ecce ergo & spiritus
 1. Cor. 3. 16. Deus est, si habitat templum; quod præter
 1. Cor. 6. 19. Deum nullus inhabitat. Vnde inquit, *Membra vestra templum in vobis est Spiritus sancti, quem habetis à Deo.* Ergo si habetis à Deo Deum, & templum Dei estis, & corpus vestrum templum est Spiritus sancti, quocumque non receptus fuerit Spiritus, non capitur Deus. Igitur cùm talia dicimus; non nobis obirascantur, quibus sanctum Spiritum persuadere conamur. quia nisi Deus creditur, ignoro quid de præsentī festiuitate dicatur, aut quid in eius aduentu honoris hæreticus excolat, quem quantum ad se est, etiam nomine seruitutis inclinatur: cùm licet, si vos filius liberauerit, tunc verè liberi sitis, vbi tamen spiritus Domini, ibi libertas.

Ex sermone de Natali calicis.

V II. Eo superstitionis ritu plectitur impietas rebellantium Iudæorum, vt animal corruptibile, id est agnum, cum veneratione comedant, qui veri & immaculati agni esum periculosissi-

ma fame contemnunt. Vnde sibi videntur Paschalis festi agere sacramentum, cuius hodie omnis Ecclesia initium sumit, mysterium intelligit, præmium concupiscit, quod sermo Domini discipulis suis euidenter insinuat dicens, *Scitis quia post biduum Pascha fiet?* Aliud sonat erit aut celebrabitur, aliud autem Pascha fiet. Numeret ergo mihi Iudæus, vsque nunc ab exitu Israël, quantos vult annos: cæterum Pascha primum adhuc post biduum fiet, cum præteritas implens figuras, sicut Apostolus ait, *Pascha nostrum immolatus est Christus.* Matt. 26.
1. Cor. 5.
7.

Ex libris contra phantasma.

QVIBUS vel illo Apostoli sermone lucidius, VIII.
&c. *ut in Epistola 11. pag. 13. vsque ad,* qui legem dederat in præcepto.

Ex sermone de Iona.

PELAGVS, inquit, *operuit caput meum.* Nec istud frustra de solo capite dicebat, quem absque dubio pelagus omni ex parte contexerat: sed celauit contumelia mundi dominum cæli. Caput viri Christus, caput autem Christi Deus. Velauit humilitas mea gloriam meam, & Deus, qui quasi caput inerat Christo, mundum reconcilians sibi, ab eis qui hominem patibulo confixerant, non potuit peruideri. IX.
Ion. 2. 6.

Ex sermone die 111. Rogationum.

PRÆSENTIS sæculi actio, dilatis causarum euentibus, omnium operum perversitate confusa, non est tempus, sed causa iudicij. M ij

porro in præsentibus evidentem bonorum maiorumque distantiam, & examini quid remansit? Da ut hîc malum nulli liceat facere, quid
 1. Cor. II. 19. æternitas plus habebit? Da ut hîc à fide nullus exorbitet, & hæreses esse qualiter oportet? Neque enim possumus dissimulare, quin oporteat quod oportere veritas clamat. Oportet verò esse hæresem, non quia eius commentis Christus minuitur, sed quia eius insidiis Christianus augetur. Sic sunt etiam, præter fornicationem quæ sola in corpus proprium peccat, cetera mala, si non vestias nudum, si punias innocentem, si rapias proximo, si parato etiam pallium cedere tunicam tollas, si malam dexteram verberes etiam læuam offerenti, si per mille passus onustum dirigas, & per alia duo seruire meditantem. Aut quid diutiùs violentiæ genera persequar? In omni imperio fortioris superbia temporalem habet iubendi fructum, æternum verò innocentia patiendi.

Ex libris contra Arrianos.

XI. Dicit Apostolus, quodd oporteat hæreses esse.
 1. Cor. II. 19. Oportet autem, non hæreticis quod sunt esse, sed catholicis sustinere quod non sunt. Sicut de Iuda traditore suo Dominus dixit, quodd
 Matt. 26. 24. bonum fuerat homini illi non nasci. Inde enim ait illi, quia suum nasci illi malum erat qui tradidit, nobis bonum, ad quos salus ex traditione peruenit.

Ex libris contra Arrianos.

XII. CUM apparuissent Angeli in terra clamaue-

OPERV M FRAGMENTA. 181

runt, *Gloria in excelsis Deo*. Si Pater & Filius Luc. 2.
& Spiritus sanctus in excelsis est, benè dicimus 14.
Gloria Patri & Filio & Spiritui sancto: nec pos-
sumus patri sine filio gloriam honorémque da-
re, cùm ipse in Euangelio iubeat, ut omnes sic Ioan. 5.
honorificent filium, sicut honorificant patrem. & 13.
Apostolus dicit, quòd *nemo honorat Dominum* 1. Cor. 12.
Iesum, nisi in Spiritu sancto. 3.

Ex epistolis contra Arrianos.

D E diuinitate Spiritus sancti, quem nec fa- XIII.
ctum legimus, nec genitum, nec creatum, Apo-
stolus ait, *Deus qui operatur omnia in omnibus.* 1. Cor. 12.
Et eodem loco, *Omnia autem hac operatur unus* 6. & 11.
atque idem spiritus, diuidens singulis prout vult.
Et Petrus in Actibus Apostolorum, *Quid con-* Act. 5.
uenit, inquit, inter vos mentiri Spiritui sancto? 3. & 4.
& post, *Non es mentitus hominibus, sed Deo.* 1. Cor. 3.
Item alio loco, *Nescitis quia templum Dei estis,* 16.
& spiritus Dei habitat in vobis? Et alibi, *Si quis* Rom. 8.
spiritum Christi non habet, hic non est eius. 9.

Ex sermone de ascensu Helix.

E T si multa sunt dona, *omnia tamen hac* XIV.
operatur unus atque idem spiritus, diuidens sin- 1. Cor. 12.
gulis prout vult. Non in paucioribus minor, nec 11.
in maioribus amplior: per quem etiam si alius
alio minus accipit, intelligat donum potius
posse minui, quàm donantem.

Ex libris contra Arrianos.

Q V I A posueram de Euangelio, *Data est* XV.
mibi omnis potestas in celo & in terra, ut pote- Mat. 28. 18.

statem illam, quam sibi dicebat datam, semper in natura diuinitatis suæ saluam fuisse monstrarem, commemoravi Apostolicum illud quod
 1. Cor. 15. de filio dictum est, *Cum tradiderit regnum Deo*
 24. *patri*, cum utique pater nullo tempore sine regno esse potuerit: nec ideò patrem qui potestatem filio dedit esse maiorem, cum & ipse filius regnum patri traditurus esse dicatur. Vbi enim quis beneficio aliquid confert, iure censetur maior accipiente qui donat. In diuinitate autem, ex qua quod ineffabiliter filio datur non est gratia, sed natura, restat dantis & accipientis æqualitas.

Ex libris contra Arrianos.

XVI. CUM antem subiecta fuerint illi omnia, tunc
 1. Cor. 15. etiam ipse filius subiectus erit illi qui sibi subiecit omnia, ut sit Deus omnia in omnibus. Istud Apostolus ab octauo Psalmi posuit exemplo.
 28. Psal. 8. 6. Sic namque scriptum est, *Minorasti eum paulominus ab Angelis: omnia subiecisti sub pedibus eius.* Ergo eius pedibus omnia subdidit, quem paulominus ab Angelis minorauit. Nec mirum est, ut in ea creatura patre dicatur minor, in qua ei etiam beatitudo Angelica extitit maior.

Ex libris contra phantasma.

XVII. ILLE solus hominis statum, &c. ut in Epistola II. pag. 13. usque ad, quam susceperat, in inferna descendere.

Ex libris contra Arrianos.

XVIII. APOSTOLVS Paulus ad Galatas, persona

inseparabilitatem designans, ipsum dicit natum de muliere quem misit Deus filium suum: sicut alio loco, *Primus*, inquit, *homo de terra terre-* 1. Cor. 15. *nus, secundus de calo celestis.* cū vnus idē- 47. que mediator, de cælo Deus, homo de terra sit: qui de vtero Virginis editus, antequam cælos ascenderet, cælestis congruè dictus est, quia cellitudini substantiæ cælestis immixtus cæli dominus factus est.

AD CORINTHIOS SECVNDÆ.

1. *Vt non possent intendere filij Israël in faciem Moysi, propter gloriam vultus eius.*
2. *Item de eodem.*
3. *Quoniam dum sumus in corpore, peregrinamur à Domino, &c.*
4. *Quoniam quidem Deus est in Christo, mundum reconcilians sibi.*
5. *Audiuit arcana verba, quæ non licet hominibz loqui.*

Ex sermone de Natali calicis.

VIDEAMVS comparatam Moyse, & multo præcellentem, eam quæ nostri est gratiam redemptoris. Nam vt noua paululum veteribus conferamus, ille ad hunc populum venit velata facie, iste operta diuinitate: ille sublimitate cornutus, iste humilitate mansuetus: illius vultus radiis & decore luminosus, istius sputis & cæde foedandus: illius humanam faciem conseruus videre non meruit, istius diuinam leprosus aspexit.

Ex sermone die sexto Paschæ.

II. CUM caro, necdum mortis fornacibus defacata, aggrauet sensum multa cogitantem, & impediatur visum pauca cernentem, interlucet tamen in aliquibus gestis dignitas futurorum, & secretorum immortalium splendor etiam mortalibus oculis rara reuelatione subradiat. Sed hoc illis tantum, quos sola caro, non etiam carnalitas tenet, & cordibus mundos mundana cohabitatione non polluit. Sicut præstabatur quondam vati legifero cæleste colloquium; & eo usque diuinæ gloriæ quodam intuitu donabatur, donec quiddam in leui fronte cornutum, non asperitas videretur produxisse, sed claritas.

Ex sermone de symbolo.

III. LEGIMUS quodam loco, quod *dum sumus* 2. Cor. 5. *in corpore, peregrinamur à Domino*, Quicquid enim nobis de cælestibus mysteriis traditur, quamlibet indubitabili veritate subsistat, credere debemus, quia videre non possumus. Nam in isto sæculo, nostrum nosse tantummodo credere est. *Beati enim mundo corde, quoniam ipsi* Matt. 5. *Deum, non dixerunt vident, sed videbunt.* Vnde qui in præsentibus habuerit fidem, ipse in futuris accipiet contemplationem.

Ex libris contra phantasma.

IV. INTELLIGIT Apostolus ac definit, &c. *ut in Epistola II. pag. 11. usque ad, parentali chirographo sustineret,*

OPERVM FRAGMENTA. 185

Ex sermone die sexto Paschæ.

INSONVIT Pauli Apostoli auribus, quod V.
non licet homini loqui, quodque ille permit- 2. Cor. 12.
teretur dicere, si nos mereremur audire. Si 4.
enim in modico fideles non fuistis, quod ma- Luc. 16.
ius est quis credet vobis? 12.

AD GALATAS.

1. *Mediator autem unus non est, Deus autem unus est.*
2. *Misit Deus filium suum factum ex muliere.*
3. *Item de eodem.*
4. *Mihi autem absit gloriari, nisi in cruce Domini nostri IESV Christi.*

Ex libris contra phantasma.

Hoc remedium Apostolus dicit dispositum, I.
&c. ut in Epistola II. pag. 12. usque ad, vnum reddidit ex utrisque.

Ex libris contra phantasma.

AD SIT nunc sermoni nostro Emmanuel, II.
&c. ut in Epistola II. pag. 10. usque ad, hic & Dei filius & hominis erit.

Ex libro de Christi natiuitate.

APOSTOLVS dicit, *Postquam verò venit,* III.
&c. ut in Epistola XXVIII. pag. 76. usque ad, in corpore exipisse, de matre est.

Ex sermone die III. Rogationum.

- IV. SICUT enim Iudæorum lex, ita gentium gloria, gratia est. Et ideo Apostolus Paulus ad
 2. Cor. 5. vnam partem dicit, *non bona gloriatio vestra:*
 6. Gal 6. ad aliam verò, *mibi autem absit gloriari, nisi in*
 14. *cruce domini nostri IESU Christi.*

AD EPHESIOS.

1. *In quo signati estis in diem redemptionis vestre.*
2. *Vnus Dominus, una fides, unum baptisma.*
3. *Qui descendit, ipse est & qui ascendit super omnes celos.*
4. *Quia membra sumus corporis eius, de carne eius, & de ossibus eius.*
5. *Et erunt duo in carne una, &c.*

Ex libris contra Arrianos.

- I. VNUM nomen est Trinitatis. *Neque enim*
 Act. 4. *est aliud nomen, ut in Actibus Apostolorum*
 12. *legimus, in quo oporteat nos saluos fieri. Si se-*
questrato filio, de solo istud nomine patris cre-
ditur, dicendus est non saluare saluator. rur-
susque si patre secluso, in solius redemptoris
 Psal. 110. *nomine adquirimur, cessauit ab hac redem-*
 4. *ptione pater, de quo scriptum est, quòd redem-*
 Ephes. *ptionem miserit populo suo. cùm & de Spiritu*
 4. 30. *sancto Apostolus dicat, In quo signati estis in*
die redemptionis vestre.

Ex libris contra Arrianos.

- II. VBI plurale aliquid in diuinitate subreso-

nat, non dualitas videtur intelligenda, sed Trinitas, sicut in ipso Sodomiticæ urbis refertur exitio. *Apparuit, inquit, Dominus Abrahæ sedenti in ostio tabernaculi, in ipso fervore dici: cùmque leuasset oculos, apparuerunt ei tres viri, quos cùm vidisset cucurrit in occursum eorum, & adoravit in terram, & dixit, Domine, si inveni gratiam in oculis tuis, ne transeas servum tuum.* Certè non in aliquo horum trium, aut cultior habitus, aut eminentior forma præstabat. Et tamen Abraham, sacramentum indivisæ Trinitatis intelligens, vno nomine tres precatur, quia trina in vnitæte persona, & vna est in Trinitate substantia. de qua & Apostolus dicit, *Vnus Dominus, una fides, unum baptisma.* Quis præsumat contrā vas electionis unitatem istam pluralitate confundere? Nouerat namque cum patre vel filio dominari Spiritum sanctum, cui quasi domum corpora nostra sacrabat dicens: *Nescitis quia templum Dei estis, & spiritus Dei habitat in vobis?* Quo vnquam magis testimonio Deus probabitur Spiritus sanctus, quàm quod habitaculum ipsius sumus, & Deus habitat in nobis? Sed iam dudum huiusmodi credulitatem diuinæ vocationi Paulus debebat. Sic quippe in Apostolorum actibus scribitur: *Deservientibus autem illis & ieiunantibus, dixit Spiritus sanctus, Segregate mihi Paulum & Barnabam ad opus quod vocavi eos.* Non ex superioris præcepto, sed spontanea est vt opinor ista vocatio. Sibi sequestrari præcipit, sibi dicit assumi. Deus est sine ambiguo qui inspirat

Ephes.
4.5.

eligit, vel mittit Apostolos. Et tamen idem sanctus Paulus, cū distinctè aliquotiens patrem, filium, vel Spiritum sanctum Dominum esse doceat, fidei culmen ea qua suprà dixi definitione consummat, *Vnus Dominus, una fides, unum baptisma*. Sic ergo non possumus duos Deos, sicut nec duas fides, nec duo baptismata dicere. Deos nominare gentilitas appetit, crebro se lauacro à peccatis ablui Iudæus credit, fides plurali numero quasi multas dici veritas prohibet, nec Latinitas finit. Vnus Dominus est, non diuidimus: una fides, non scindimus: unum baptisma, non iteramus. Cui honorem suum etiam in Bonosiacorum aliorūque receptione seruantes, si se in nomine Patris & Filij & Spiritus sancti baptizatos esse respondeant, quod benè confessi sunt, seruando recipimus, quod perperam crediderant, benedicendo sanamus, & quod minus fuerat nominatione præmissa, suppletur credulitate firmata.

Ex libris contra Arrianos.

III.
Psal. 18.
7.

Ephes. 4.
3. & 9.

PSALMVVS dicit, *A summo cali egressio eius, & recursus eius vsque ad summum eius*. Nemo porro recurrit, nisi quo fuit: sed ascendente Christo, filius hominis recurrit in cælum, qui erat prius in cælo. Sic etiam sanctus Paulus exponens ait, *Ascendens in altum captiuam duxit captiuitatem, dedit dona hominibus*. & paulo post, *Qui descendit, inquit, ipse est & qui ascendit super omnes calos, ut impleret omnia*. Cūque per omnem eloquij sui locum Deum ve-

nisse prædicet, hominem redisse concludens, hîc tamen ipsum dicit ascendere qui descendit: quia in Christo Deus & homo, non alter, sed ipse, non duo ex diuersis, sed idem ex utroque mediator. Gemina quidem substantia, sed vna forma est.

Ex sermone de Passione Domini.

APOSTOLVS somno Adæ dominicam mor- IV.
 tem coaptans, in ipso mundi principio, ædifi- Ephes. 5.
 cationem mulieris de costa dormientis viri, 31. & 32.
 nascentis Ecclesiæ dicit signasse compagem.
 Namque cùm formato de terra homini, si lecta
 recolimus, coniunx deesset, & quanquam inex-
 perti, tamen solatij cõtubernium rudis animus
 flagitaret, ligatur Adam sensu, soluitur somno,
 celebratõque huius similitudinis sacramento,
 tam pressum noui soporis pondus incubuit, vt
 meritò mortem significasse ex ipso immobili
 atque insensibili quiete videatur. Taliter au-
 tem iacenti detrahitur vna costarum, atque in-
 de formata muliere, reuiuiscienti admodum
 viro, pro dispendio membri, repensantur lucra
 coniugij. Ecce & hîc hodie Adam novum,
 culpas veteres sanaturum, oppressum somno
 impactæ crucis suscipit quies. Nunc viden-
 dum est quid sit, quòd de solo eius latere Eccle-
 sia formari dicitur, cùm totus ipse homo pro
 Ecclesiæ salute moriatur. Refert Ioannes Euan- Ioan. 19.
 gelista, quomodo crucifixo Domino cum duo- 31. 32.
 bus latronibus, scilicet sexta Sabbati circa ve-
 speram, vti ne pendentium corpora feriat dici
 solennitas inueniret, fractis pro acceleranda

morte latronum cruribus, cum iam exspirasset
 Dominum cognouissent, aduerterunt à suppli-
 cij similitudine temperandum. quia etiamsi
 prematur veritas inimicorum coniuratione,
 non frangitur: maxime cum & de agni esset
 Exod. 12. immolatione prædictum, *Os non confringetis*
 46. *ex eo.* Et tamen hic circa Dominum, sic quo-
 que, quod non fuit necessarium fieri pro exi-
 tio, pro sacramento perfectum est. Vnus nam-
 que de militibus arrepto missili, ut sermonem
 ipsum ponam, *latus eius aperuit.* Ergo non ru-
 pit, non transfodit, non iugulauit ad ultimum,
 sed inquit aperuit: ut patetis plagæ portam
 vitalem, non tam vestigium vulneris, quam sa-
 Gen 6. lutis esse intelligamus ingressum. Nam & ar-
 6. cam illam, cuius claustro tutus Noe, tumentes
 sæculi fluctus, mortemque bacchantem, impune
 solus cunctis pereuntibus enatauit, ostium quo
 vel ad salutem ingressus, vel regressus ad lu-
 cem est, in latere legimus habuisse. Agnosco
 igitur & hodie in Domino, qui surgit per cru-
 cem in requiem suam, ipse & arca, id est caro,
 sanctificationis suæ: agnosco, inquam, in la-
 tere arcæ istius aditum nostrum. Videamus
 primum quid inde procedit, aduertamus post-
 ea quomodo ibi Christianus introiit. Patefacto
 ergo latere Domini, processit vbertim ma-
 nantibus riuis aqua vel sanguis. Quid admi-
 rabilius tali facto? quid lucidius indicio? quid
 mysterio plenius? Certum est quidem quod
 doluit Christus, quod interiit certum: sed ser-
 uat in eo dignitatem suam etiam veritas mor-
 tis. Quæ conditio vnquam humani corporis

habuit aquæ vel sanguinis fluxum? Est, quod tamen vix consuetudinis ratione permittitur, vt continuërit cruorem suum caro defuncta, vbi latuit viuentis aquæ fonticulus in corpore morientis? Vnde procedit duplex riuus aren-tem mundum fœcundaturus, purus laticis, pretiosus cruoris? Vnde sancti fluminis vnda prosumpit, sola restinguendis gehennæ satisfactura vaporibus? Ecce videtis de latere Adam nostri coniugem suam strui. Ecce sponsam victuro, dum moritur, præparari. Ecce dormienti præcipi quod lenificet vigilaturum. Omnis autem Ecclesia duo sunt genera hominum. Vnum est, quod fidei morte, aliud quod sublimi passione saluatur: vnum quod pro Christo occubuit, aliud quod Christo vixit. Nos ergo excipiamus aquam de latere Domini, martyres sanguinem. Illos pretiosa sanguinis purpura vestiat, nos niuea baptismatis vnda respergat.

Ex libris contra Arrianos.

CONSULTVS in Euangelio Dominus, v. quid de vinculi matrimonialis soliditate de- Matt. 19. cerneret, *Non sunt, inquit, iam duo, sed vna*^{6.} *caro. Propter quod dico vobis, Quod Deus iunxit, homo non separet.* Ecce quod ait Apostolus de coniugio, *Sacramentum hoc magnum.* Ephes. 5. *ego autem dico vobis, in Christo & in Ecclesia.* 32. Nascitur nempe ab humilitate exempli, altitudo mysterij. Si ex duobus dicitur vnum facere copula corporalis, quare totam Trinitatem non solidauerit vna substantia? aut cum dica-

mus, in terrenis separari non licere quod Deus iunxit per concordiam, quanto periculo in supernis separari velimus quod Deus iunctus est per naturam? Iam ut illud taceam quod scriptum est, quod *multitudinis credentium erat anima una, & cor unum*. quorum singula corda vnum cor reddebat vnanimitas, sicut proprias in Trinitate personas solidat & exunat æqualitas.

Act. 4. 32.

AD PHILIPPENSES.

1. *Qui cum in forma Dei esset, semetipsum exinanivit, &c.*
2. *Factus obediens usque ad mortem.*
3. *Propter quod & Deus illum exaltauit, & donauit illi nomen, quod est super omne nomen.*
4. *Et in nomine IESU omne genu flectatur.*
5. *Et omnis lingua confiteatur, quia Dominus Iesus in gloria est Dei patris.*
6. *Item de eodem.*

Ex libris contra phantasma.

I. CUM in forma Dei esset, semetipsum exinanivit formam serui accipiens, & humiliavit semetipsum usque ad mortem, mortem autem crucis. Verus Deus est qui dignatur inclinari: verus homo est, qui potuit mori. Propter quod, inquit, & Deus pater exaltauit illum, & donauit illi nomen, quod est super omne nomen. Inter eum qui dat, & eum qui accipit honorem, trium est omne nomen. Imum est homo, medium Angelus, summum Deus. Hoc nomen donauit, quod super omne nomen est, non ei quem

Philip. 2.
8. & 9.

OPERV M FRAGMENTA. 193

quem genuit, sed illi quem misit, qui factus est obediens vsque ad mortem. Aut quid novum est, credi in eo formam serui, qui nec maledicti opprobria ferre despexit? Apostolo protestante, *eum qui non noverat peccatum, pro nobis maledictum fecit.* Quia scriptum est, inquit, *Maledictus omnis qui pendet in ligno.* Propter quod exaltatus est, ut in nomine **I E S V** omne, id est non solum hominis, verum etiam Angeli, genu flectatur: ei scilicet, qui secundum eiusdem Apostoli dictum, *propter vos pauper factus est cum dives esset, dives ab æternitate, pauper ex ventre: dives in cælis, pauper in pannis.*

2. Cor. 5.

21.

Gal. 3. 13.

2. Cor. 8.

9.

Ex libris contra Arrianos.

NON per hoc minuit æqualitatem filij Dei, quod filius hominis obediuit. Quomodo enim non obediret patri, qui subditus erat matri? dicente Euangelista de parentibus eius: *Et venit Nazareth, & erat subditus illis.* Sic enim factus est, dicente Apostolo, *obediens vsque ad mortem, sicut ipse Dominus dixit, Tristis est anima mea vsque ad mortem.*

II.

Luc. 2. 51.

Philip. 2.

8.

Ex libris contra Arrianos.

AN fortè solus pater dicendus est Dominus? In Evangelio Christus discipulis ait, *Vocatis me magistram & dominum, bene dicitis, sum enim.* Et Apostolus ait, quod post mortem Christi, mortem autem crucis, exaltaverit eum pater, & dederit ei nomen, ut in nomine **I E S V** omne genu flectatur, celestium, terrestrium, &

III.

Ioan. 13.

13.

Philip. 2.

8. & 9.

N

infernorum, id est adoret, dicente alibi ipso
 Matt. 4. Domino, *Dominum Deum tuum adorabis, &*
 10. *illi soli servies.*

Ex sermone de Pentecoste.

IV. CRUX illa, in qua vita pendente mors per-
 Ioan. 19. iit, sicut in passione Euangelista Ioannes enar-
 20. rat, quia multiplicem capere non potuit, tri-
 plicis linguæ pagina fuit: ut à roto mundo in-
 cunctabiliter crederetur, quod Hebraicis lite-
 ris, necnon Latinis Græcisque conscriptum,
 quasi in ore trium testium firmaretur, ac dein-
 Philip. 2. ceps omnis lingua confiteatur quia Dominus Ie-
 11. sus in gloria est Dei patris, id est in vna cum
 patre. Quod quamlibet aliquorum intentio
 negare persistat, & si non omnium sermo, cer-
 tē omnis lingua proclamat.

Ex libris contra Arrianos.

V. DIXI cum patre filio æqualem gloriam ho-
 Phil. 2. norēmque nos dicere: quia legimus, *ut omnis*
 11. *lingua confiteatur, quod Dominus Iesus Christus*
in gloria est Dei patris. Si tantummodò dixis-
 set in Dei, fortē putaretur, esto in Dei, certē
 minoris. at cū in patris gloria, quid inæqua-
 le? quid exiguum? quid diuisum? Non enim in
 Angelica vel humana, sed in gloria est Dei pa-
 tris. Aliàs autem, nisi æqualis gloria ista cre-
 Ioan. 5. datur, contra ipsius Domini iussionem, **non**
 23. omnes sic honorificabunt filium, sicut honori-
 fificant patrem. Nulla enim ratione sic honorari
 poterit maior ut minor. Sed quicumque non
 sic honorificauerit filium sicut honorificat pa-

trem, quicquid gloriæ dempserit, contumeliæ deputauit.

Ex sermone in dedicatione Ecclesiæ
Archangeli Michaëlis.

ISTE sit ille, quàm dulcis, tam terribilis lo- VI.
cus, in quo Iacob cernens Dominum scalis in- Gen. 28.
nixum, perque eas ascendentes descendentes. 12.
que Angelos videns, domum diuinitatis intel-
ligit. vbi parato mysteriis lapide caput efful-
tus, futurorum causis aptauit vnguentum. siue
cùm passuri mediatoris pendulum crinem, iu-
stificatæ peccatricis obsequio, fragrantis ala-
bastri vnda perfudit. vt quod lapidibus viuus
in spiritualem fabricam congruenter necessa-
rium flueret, ex irriguo angularis lapidis fonte
manaret, sicque Abrahæ filij, per lauacrum ex
lapidibus suscitati, vt ariditatem contagij na-
turalis euadant, odoriferi chrismatis munere
gratia fecundante pinguescerent. Istud Iacob
sopitus vidit in spiritu, expergefactus gessit in
signo. Cùm nobis inde oratio consecrantis in-
clamat, nobis ibi somnium dormientis inui-
gilat. Scalæ verò quas vidit, gradus sunt sup-
plicationis humanæ, quibus quisque pro viri-
bus in diuinas aures precum qualitate mittat-
ur. Ascendunt autem per eas Angeli, cùm
vota nostra in cælum porrigunt: descendunt,
cùm de cælis obtenta transmittunt. Adstant
hi precibus nostris, non pennarum flatu, sed
donorum spiritu, quorum volasse voluisse est.
Intérque hos sibi vindicat Michaël princeps Dan. 10.
principem locum. Quem Daniel ille sublimis 13.

vir desideriorum, visionum potens, dissolutor ænigmatum, expositor figurarum, hebdomada triplicis feruente ieiunio, parum fuit vt haberet visibilem, nisi acciperet adiutorem. Quocirca etiam hic Michaël noster, sinceritate voti, iocunditate loci, deuotione populi, prouocatus adstat, conferendo magna, maxima obtinendo, conspectum diuinitatis, quo semper illustratur, huc attrahat. Ad quem, quia multis Scripturarum locis agnouimus, subuchentibus Angelis, siue quod pium poscitur, siue quod rectum geritur peruenire, acceptabilium operum, salubriumque votorum prospiciamus in studio beatitudinem, qui prouidimus in Archangelo portitorem.

AD COLOSSENSIS.

i. *Qui est principium primogenitus ex mortuis.*

Ex sermone die primo Paschæ.

I. FIT Christus in hodierna festiuitate non
Coloss. i. vnigenitus, sed sicut Apostolus dicit, *primogenitus ex mortuis*. Video tamen posse aliquos
88. hinc moueri, cur Christus primogenitus ex mortuis nominetur, cum factum sit, sicut plerumque nos facer cælestium lectionum cursus instruxit, vt aliquos mortuorum, etiam sanctorum intercessionem rediuuios, laxatis naturæ vinculis, lux secunda susciperet. Quod admirabiliter quoque ac triumphaliter ipse Dominus fecerat, cum prohibitis prius duobus spiritibus
Matt. 9. de inferno, corporibus de sepulchro, Lazarum
24.

OPERV M FRAGMENTA. 127

nouissimè suscitans, iussione tertia, die quarta, Luc. 7. 12.
 non de fauce, sed quadammodo de ventre Ioan. 11.
 mortis, vinctas funere, putredine relaxatas, 43.
 fortentes tempore, iussione viuentes retraxit
 exequias. Sed quicumque sic temporaliter re-
 surrexerunt, vt deinceps moreretur, hos mor-
 tuorum primitias, id est primogenitos ex mor-
 tuis, quod de solo Christo dictum est, appella-
 re non possumus. Si quidem isti de morte cum
 mortis vinculis reuertētes, nec sub remedio, sed
 adhuc sub chirographo, non sunt à conditione,
 liberi, sed pro opportunitate laxati. *Christus*
autem resurgens, vt Apostolus ait, iam non mo- Rom. 6. 9.
ritur, mors ei ultra non dominabitur. Ergo ha-
 etenus ipse solus est, qui non moriturus resur-
 rexerit, hoc etiam suis postmodum largiturus,
 cum eos à morte perpetuò victuros resusci-
 rabit. Quocirca illa iam secunda lætitia erit,
 qua fideles resurgent. Ceterum primum re-
 surgendi gaudium primogenito ex mortuis
 iure debetur.

AD THESSALONICENSES PRIMÆ.

1. *Quoniam ipse Dominus in iussu & in voce*
Archangeli, & in tuba Dei, &c.
2. *Rapiemur in nubibus obuiam Christo in aëra.*
3. *Item de eodem.*

Ex sermone de Ascensione Domini.

V A s electionis gentium doctor, in quo ad- L.
 huc mortali homine Angelicus sermo viuebat,
 cum resurrectionem mortuorum non mortuo
 sermone describeret, Dominumque nostrum

2. Thess. *in iussu*, id est cum imperio, & *in voce Archangeli* affore, quasi cum præconis terrorem monstraret, tum *deinde* inquit, *etiam nos rapiemur in nubes obuiam Christo in aëra*. Tunc erit possibile, quod modò arduum. Quod nunc in Christo veritas diuinitatis, tunc in nobis poterit similitudo. Tunc etiam nostris aëre pedibus subiugato, leuibus elementis defæcatorum corporum membra ponemus: si tamen veniente eodem Rege nostro, non in præteritum timida differendi conscientia retrahat, sed fida securitas ad percipiendam citiùs dignitatem gloriæ cælestis occurrat.

Ex sermone die primo Rogationum.

II. PRÆPARARE *in occursum Dei tui Israël*.

Amos 4. Dicit quidem Paulus Apostolus, ubi Redemptoris describit aduentum, qualiter rapiemur ad nubes obuiam Christo in aëra. Hic tamen puto occursum istum ad alium pertinere. Nam & hic viuentes quasi occurrimus Deo, si præceptum quod porrigitur amplectimur: & quia paratus est ille ad ignoscendum, occurrat ei correctio ad pœnitendum. Sed & quicumque propter amorem æternæ vitæ, non solum ab illicitis abstinet, verum etiam à licitis se coerçet, sponte occurrisse iudicandus est. Nam, ut exempli gratia vnum quodcumque dicamus, adulterio generaliter interdicto, simplex coniugium lege permittitur: cui tamen virginитatis nitor sine comparatione præfertur, vnde qui dat nuptum virginem suam benè facit, & qui non dat meliùs facit. Hoc ergo de omni de-

OPERV M FRAGMENTA. 199

bemus obseruatione sentire. Qui malè facit, fugit; qui benè, expectat; qui meliùs, occurrit.

Ex libris contra Arrianos.

INTELLIGENDVM est, quòd dicente filio, III.
Nemo ascendet in calum, nisi qui de calo descen- Ioan. 3. 13.
dit, diuinitatis tantum potestas, vnde venerat
 ascensura dicatur, non eo modo, quo ascensum
 sanctis vel tribuit idem Dominus, vel promi- Hebr. 11.
 sit. Ex quibus Enoch propter meritum transla- 5.
 tus à terris, Helias curru elatus est cælis. Taceo 4. Reg. 2.
 illum, qui in corpore an extra corpus nescio 11.
 Deus scit, in triplicibus supernorum secretis 2. Cor. 12.
 audiuit verba quæ non licebat hominibus elo- 2. &c,
 qui, quia videbat arcana quæ non licuerat mor-
 talibus intueri. Sed fortè parum videtur de a-
 scensu fidelium personalia replicari. Nouerat
 videlicet Apostolus præmia futurorum, cum
 sponderet illis ad quos scribebat, quòd rectè
 viuentium conuersatio iam nunc esset in cælis,
 quo vtique post resurrectionem corporis &
 habitatio seruaretur: sicut & Dominus noster
 discipulis suis in Euangelio Ioannis insinuat
 dicens, *Vado parare vobis locum. Et si abiero,* Ioan. 14.
& parauero vobis locum, iterum venio, & ac- 2.
cersio vos ad me, ut ubi ego sum & vos sitis.
 Iuxta quam promissionem sancti in cælo futuri
 sunt. Nunquid sine ascensu celsitudinem regni
 cælestis intrabunt? Et quomodo *nemo ascendet* Ioan. 3. 13.
in calum, nisi qui de calo descendit? Sed quia
 incommutabilis veritas, tam de se falli cum
 protestatur, quàm de nobis fallere non potest
 cum pollicetur, quamlibet illic cum illo fu-

turi sint qui fuerint glorificandi, ille solus ascēdit, qui leuari alterius ope non indiget. Cui cū voluit solidè substratus est aëris gradus. Cuius quòd venerat reuertentis, de superno vigore vibratum, de terrestri substantia corpulentum, viz famulata pendenti sustinuit aura vestigium. Præter hunc ergo solum, cui ut sæpè iam dixi, per duplicem generationem suppetiit hæc potestas, multi in cælo futuri sunt, sed nullus ascendet. Quia ut impleatur fidelibus diuina promissio, non ascensuris sed assumendis dabitur altitudo. Quod præuidebat

1. Thess. 4. 13. Apostolus, cū sociandos nos Domino, & apud ipsum semper futuros, per nubem rapiendos in aëra præmoneret. Porro intelligi promptum est, quòd alieno subiectus arbitrio non graditur propria libertatis sponte qui rapitur. Nec semper inuitos rapi rearis: frequenter raptos suos monstrat & gratia. Siquidem teste Euangelio, & pater trahit qui ad filium veniunt, & à violentis rapitur regnum cæleste.
- Ioan 6. 46. Matt. 11. 12. Quæ sic rapina desiderij sui sancti efficit compotem, ut Dei, cui hoc violenter eripitur, magis prouocet largitatem.

AD TIMOTHEVM PRIMÆ.

1. *Vnus & mediator Dei & hominum, homo & Christus IESVS.*
2. *Si quis Episcopatum desiderat, bonum opus desiderat, &c.*
3. *Cū enim luxuriata fuerint in Christo, nubere volunt, &c.*
4. *Nihil intulimus in hunc mundum, &c.*

Ex libris contra Arrianos.

I. IN Christo Deus & homo, non alter sed ipse: non duo ex diuersis, sed vnus ex vtroque mediator. Gemina quidem substantia, sed vna persona est. Quam soliditatem si quis scindere dualitate præsumat, primum est quòd publicè contra Apostoli sententiam profitetur, dicentem, *Vnus mediator Dei & hominum Christus*. 1. Tim. 2.
Iesus. Deinde eligat necesse est de duobus, id est diuina humanaque, quam naturam mediationis huius velit mysteria suscepisse. Si solus Deus mediator, non est alius apud quem intercedat: si solus homo, non est qui reconciliare præualeat. Iunge porrò vt sit Deus in Christo, & est mundum reconcilians sibi. Ipse videlicet, penes quem agendum est, ipse qui agat: sic idem missus, & idem regressus, sicut ipse iudicatus, & ipse iudicaturus.

Ex sermone de ordinatione Episcopi.

II. SUPEREST nunc, vt lectionis huius semper meminerit, quæ peculiariter ei nunc lecta est, inclamante Apostolo, acclamante populo, conclamante iudicio, *Si quis Episcopatum desiderat, bonum opus desiderat*. 1. Tim. 3.
Solent autem plerique, propriæ ambitionis incendium dicti huius Apostolici quasi refrigerio temperare, quòd iam & libertate permixta res boni operis concupiscatur. Sed statim cessaret tale desiderium, si sequentia tractarentur. *Oportet*, inquit, *huiusmodi irreprehensibilem esse*. Hic secum rogo

crescens ambitus & animosa honorum vota
 decertent. hîc permissam sibi desiderij securi-
 tatem merita semetipsa scrutata considerent. si
 ab omni interdictæ reprehensionis nœuo can-
 dida diuinæ imaginis integritas custoditur : si
 quandocumque mentis impetus moderationis
 limitem non excessit : si quibuscumque indigen-
 tibus superfluum quippiam manus auara non
 tenuit : si nunquam sermonis petulantia hone-
 statem silentij salubrioris irrupit : si calentem
 diei ferventis iracundiam limes occidui solis
 absoluit : si nunquam corde duplici diuersum
 sonantis cogitantisque aliud verba quàm vota
 moliantur : si ad vltimum digna obseruantia
 cura , vt de iuramentis taceam , vel periuria
 formidantur. Non quòd ab his omnibus liberi
 esse omnes possimus : sed quòd periculosum sit
 vnumquemque merita sua non recolere , &
 quod solis irreprehensibilibus debetur ambire.
 Iam quid de illis dicatur , quos pretiositatem
 gratiæ pretij vilitate mercantes , vsque ad iactu-
 ram pecuniæ verecundiæ iactura producit ?
 Quorum acclamationibus militant conducta
 mendacia , quorum prurientes scalpentibus
 præconiis aures mercenarius clamor inflam-
 mat. quique non reminiscentes Simonem Ma-
 gum diuini muneris dispensationem pretio vo-
 luisse mercari , cum pecunia sua non in facer-
 dotium , sed in interitum deputantur. Liberè er-
 go hæc coram ambitu electo compulsoque de-
 tester : placere Deo penitus nequit , qui vsque
 ad sui electionem sibi ipse placuerit. Quin po-
 tius de innocentum Antistitum labore dica-

AA. 3. 12.

mus. Neque enim levis est administraturi causa Pontificis, quem manet dupliciter, sermo ut populi magistrum, actus ut Christi discipulum: qui plebem non minus pietate, quam severitate recturus est. Quem timere convenit dispensis suis, quem communicare non convenit criminibus alienis. Qui alium onerat se contestante, qui dānum patitur alio pereunte. Quando audit, *non turpis lucri cupidum*, temperaturus est ut sit cupidus; & quidem lucri, nec tamen turpis. id est ut studeat commissa sibi talenta assiduæ prædicationis sermonibus exponere, & adquisita multiplicatæque gregis sui salute geminare. Iuberur esse *ornatus*: nec istud corporaliter accipiendum est. Episcopum, cui iniuncta meritò ornamenta suppeditent, non comit pompa, sed gratia. Sic itaque sacerdotalis locus, artam illam & contribulatam Evangelij semitam tenens, perque angustias eius post se etiā populum trahens, sinistram fugiens, dexteram non præsumens, periculosum ex utraque parte lubricum pertimescat, & sermonis Apostolici libram æqualitate considerationis appendens, si districtus esse voluerit, legat *non percussorem*: si humanus, *non vinolentum*: si sobrius, *non avarum*: si subditus, *non abiectum*: si servus, *non elatum*: si misericors, *non remissum*: si terribilis, *non cruentum*: si domum suam benè regentem, utique ordinantem omnia, negligentem nulla, adquirentem multa, plurima dispensantem. Ergo & huic ex administratæ domus probato rectoque iudicio, super Evangelici illius numularij mensam pecunia

multa committitur, quæ multiplicato reddenda compendio vos eritis.

Ex epistola contra Faustum.

III. FATEOR in necessitate positus, &c. *ut in Epistola IV. pag. 37. usque ad*, in carne non viderat coniugatos.

Ex sermone die II. Rogationum.

IV. AGE nunc, in quantum potest fieri, videamus quæ nostra quæve aliena sint. Ait Paulus Apostolus, *1. Tim. 6. Nihil intulimus in hunc mundum, sed nec auferre possumus.* Et quid nostrum dici potest, quod non intulimus, quodque non recelaturi sumus? *Iob. 1. 21. Nudus*, inquit Iob, *exiui de utero matris meæ, nudus reuertar in terram.* Parec quàm infidelis sit usus diuitiarum, qui nos nec in principio nostro, nec in fine comitatur. Quid aurum & argentum auarè multiplicas? quid tuum dicis, ad quod nudus venisti? Mundi est facultas quam tuam, communis est quam propriam putas. Via itineris cuiuscumque, quam gradimur, breuiter dici nostra potest, dum à nobis ambulatur: nobis verò prætergressis, illorum est qui sequuntur. Quomodo potest nostra esse facultas caduca atque terrena, si non pascat egenum, cum possit pascere violentum? Quomodo nostrum est, in quo nec capiendo innoxij, nec continendo iusti, nec possidendo certi, nec conseruando securi sumus? Et quàm pro certo tenemus, nos nudos in terram venisse, tam certò sciamus, de terrestribus nos auferre nihil posse. Apostolus se recolat nihil in-

tulisse, nihil ablaturum esse. Iob fatetur nudum se natum, nudumque moriturum. Salomon omnibus parem clamat interitum, & similem exitum. *Sap. 7. 6.* Quantumlibet ambitione velit quisque discerni, principio & fine coniungitur. Nam quod dixit, *vnus introitus omnibus ad vitam, & par egressus ad mortem*, non meritorum æqualitatem, sed æqualem docuit conditionem. Vnde si apparet, vt opinor, nec infida fidelium, nec peritura esse saluorum, quæ sint nostra paululum discernamus. Ecce vt suprà dixi, cum in hunc mundum venientes nihil terrenæ facultatis inferimus, animam tamen arbitrij compotem, capacemque rationis ad eligendum bonum, si Deus inspirauerit, exhibemus. Cumque processu temporis voluntatis nostra qualitas confirmatur, Dei voluntas est vt benè faciamus, sed nostrum est quod fecerimus. An fortè dicit aliquis, & hanc ipsam boni actionem potest homo insidiante diabolo perdere: Verum est, quòd amittere homo bonum proprium furante aduersario potest. Sed hinc magis nostrum coniici debet, quia non violenter aufertur. Non enim taliter perdimus mercedem, qualiter facultatem. Quod enim extra nos est, carnalis inimicus rapiendo auferre potest: quod verò intra nos, non potest spiritualis nisi insidiando furari. Et ideo, *si scires* *Luc. 12. 39.* *paterfamilias qua hora fur venit, vigilaret vique, & non sineret perfodi domum suam.* Illa ergo est domus nostra, quæ si vigilamus, non potest dirui: illa verò prorsus aliena est, quæ potest vigilantibus nobis occupari.

AD TIMOTHEVM SECVNDÆ.

1. *In magna autem domo non solum sunt vasa aurea, & argentea, sed & lignea, & fictilia.*

Ex sermone die III. Rogationum.

- Esai. 66. **QVOMODO** si, inquit, inferant filij Israël
 20. munus in vase mundo in domum Domini. Le-
 1. Tim. 2. **gimus** in Apostolo, *In domo magna non solum*
 20. *argentea vel aurea, sed etiam lignea vasa & fictilia* reperiri. Quæ in ipsa graduum diuersitate omnia possunt esse vsui, etiamsi non sunt æqualia dignitati. Cuilibet distantie nitior opus est. Potest in fictilibus vasculis, dummodo munditia non desit, diuinæ domui munus offerri, si vas ex eadem massa fictum, quia peccando ceciderat in contumeliam, pœnitendo redeat ad honorem. Habemus enim thesaurum istum in vasis fictilibus. Hæc ergo vascula, vt dixi, pœnitērium teneant compunctionem. Porro lignea legitimam coniugatorum præferant simplicitatem : cruore martyris aurea rubeant; virginitatis radio argentea perlucescant. Vasorum talium capacitas est, quod rationabilis naturæ conditi sumus. In hæc modò prouideat de suo quisque quod offerat, pro qualitate munerum sit pretiositas vasculorum. Istis
 4. Reg. 4. **credo** vasculis Heliseus quondam liquorem olei viuacis infudit, quod cùm flueret irriguum, non effluxit impletum,

AD HEBRÆOS.

1. *Filius meus es tu, ego hodie genui te.*
2. *Minorasti eum paulo minus ab Angelis.*
3. *Vbi enim testamentum, mors necesse est intercedat testatoris.*
4. *Fide obtulit Abraham Isaac, cum tentaretur.*
5. *Lapidati sunt, secti sunt.*

Ex libro de Christi diuinitate.

FILIVS meus es tu, ego hodie genui te. HO- I:
die hîc æternitas, &c. ut in Epistola XXVIII. Psal. 1.7:
pag. 76. usque ad, nomen filij eius, si nosti.

Ex libris contra Arrianos.

MINORASTI eum paulo minus ab Ange- II.
lis. Quod Apostolus de Christo exponit di- Psal. 8.6.
ctum, cum in natura diuinitatis suæ maior esse
Angelis à nemine dubitetur. De quo dicit Apo-
stolus ad Titum scribens, ut abnegantes impie- Tit. 2.12.
tatem, & secularia desideria, prudenter, & iuste,
& piè viuamus in hoc sæculo, expectantes bea-
tam spem, & aduentum gloriæ magni Dei & sal-
uatoris nostri IESV Christi, qui dedit pro nobis
semetipsum. De quo alio loco Scriptura nostra
dicit, Qui est, qui erat, qui que venturus est Apoc. 11.
omnipotens. Si omnipotens, vnde minor? Nam 17.
& illud omnipotens dicit iam post resurrectio-
nem suam secundum Matthæum, Data est mihi Matt. 28.
omnis potestas in celo & in terra. Quod si quis 18.
minorem putat accipientem eo qui dat, legat 1. Cor. 15.
& de Christo per Apostolum dici, Cum tradi- 24.

derit regnum Deo & patri. cū sic non possit esse pater sine regno, quod ei filius dicitur esse traditurus, sicut nec filius sine omni potestate, quam sibi dicit datam in cælo & in terra. De quo sanctus Paulus ad Colossenses, prohibens ne credamus secundū traditionem hominum, secundum elementa huius mundi, & non secundum Christum. Quoniam, inquit, in ipso
 Coloss. 1. *habitat omnis plenitudo diuinitatis corporaliter.*
 9.

Ex sermone de Natali calicis.

III. IMPETRVS redemptor noster sacramentum carnis assumptæ, sicut æternus & piissimus pater, creatis à se redemptisque filiis spem indultæ adoptionis aperiens, substantiamque nobis cælestem ante diem suæ mortis assignans, testamentum fecit, quo nos hæredes ab his quæ largiebatur instituit, humana quidem comparatione, sed non humana necessitate. non amissurus quod filiis deputabat, sed habiturus magis filios cum hæreditate quam scripserat. Testamentum hoc appellamus testamentum nouum. In quo exhæredatis omnibus, solus hæres instituitur populus Christianus. Non autem iuxta terrenum morem hæreditas ista diuiditur, nec corruptibili distributione in plures dispersa tenuatur. Omnes recipit, omnes inuitat. nec de portione tenentum tollitur quod aliis nascentibus deputeretur. Crescat quantum vult, & multiplicatur renascendi cupida filiorum voluntas, omnibus se incontaminatam reseruat hæreditas. Sed istud testamentum nouum vetere suppleto ordine
 suo

suo agitur, & totius firmitatis mysteriis celebratur. Quod ipse ineffabilis redemptor noster, adhibitis valde idoneis testibus, discipulis suis, conscripsit traditus, signavit passus, aperuit suscitatus. Et quia cuncta ritè peracta sunt, meritò Apostolus Paulus dicit, *Quod hominis confirmatum testamentum nemo irritum facit, aut superordinat*, id est mutat. Agnoscamus nunc fideliter summam hæreditatis indeptæ. Illud est videlicet, quod cœnantibus Apostolis æterni libaminis ordinem consecrauit. Itaque videmus, quòd nihil nobis de substantiæ plenitudine minuit, qui quod pro nobis assumpsit, totum nobis reliquit. Alij hæredibus suis sua tribuunt, ille semetipsum, id est carnem vel sanguinem corporis sui.

Ex sermone die Paschæ.

VNI VERSIS igitur ferte quæ sumitis. IV.
 Quod mensæ apposui, mundo transmissi: calix, quem vos gaudetis gustasse, cunctorum est. Noui & æterni testamenti paucos testes adhibuit, multos hæredes. Nulla tamen sortis conditio admittit alienum. Certos quosque recipit cælestis cognitio. populus est quidem adoptione, sed vnicus.

Ex sermone de Ezechia rege.

ILLE quondam Patriarcharum maximus V.
 pater, qui immolandum filium iussus offerre, Gen. 22.
 viriliter præsumpsit, nec maiestati hominem posse resistere, nec pietati præceptum parricidij conuenire. Et tamen, cùm mysterij ignoraret

cuentum, altari filium quasi iugulaturus imposuit. vnum certissimè tenens, si huius hostiæ Deo irreuocabilem libuisset tenere sententiam, non homicidium, sed sacrificium fore quod obedientia commisisset.

Ex sermone die 11. Rogationum.

- VI. Nos magis instruunt isti prophetae, & infirmitatem nostram quasi sub suæ impatientiæ sermonibus consolantur. Illorum porro patientiam testantur multiplices in infirmitate virtutes. Quorum vt vel paucissimos, propter istum, qui dolet iustum ab impio deuorari, exempli gratia proferamus, probat hoc de Ieremiagloriosior in captiuitate libertas, neque per ligamen corporis licentia vincta sermonis. Probat Esaias, quem ob præconium veritatis, diuaricante ferra obtusis dentibus, doloribus acutis, sæuiens ciuicus furor, quantum ad pœnam mortaliter torsit, tantum ad gloriam vitaliter occidit. Cùmque victore defuncto, victus superstes doleret, per laniatam carnem mentem nequiuisse lacerari, cùm multas membrorum partes quas disiunxerat numeraret, plusquam vnam fidem inuenire non potuit.

Ex veteri Codice.

Ex dictis patrum diuersis Catholicorum
Hæc Lugdunensis Florus colligit in vnum.

Omissa pag. 165. ante Agobardum.

Gregorius Turonensis libro II. Historia
ræ Francorum.

CUM autem cognovisset Gundobadus assertiones hæreticorum nihil esse, à sancto Auito Episcopo Viennensi, Christum filium Dei & Spiritum sanctum aequalem patri confessus. clam ut chrismaretur expetiit. Cui ait Sacerdos: Si verè credis hoc quod nos ipse Dominus edocuit, exequere. Ait autem, Si quis me confessus fuerit coram hominibus, confitebor & ego eum coram patre meo qui est in calis, Sic & ipsos sanctos ac dilectos suos beatos Apostolos cum de futuræ persecutionis tentationibus doceret, insinuavit dicens: Adtendite vobis ab hominibus. Tradet enim vos in cõciliis, & in synagogis suis: flagellabunt vos, & ante reges & præsides stabitis propter me, in testimonium illis & gentibus. Tu verò cum sis rex, & à nullo adprehendi formides, seditionem pauescis populi, ne creatorem omnium in publico fatearis. Relinque hanc stultitiam, & quod corde te dicis credere, ore profer in plebe. Sic enim & beatus Apostolus ait: Corde creditur ad iustitiam, ore autem confessio fit ad salutem. Sic & Propheeta ait: Confitebor tibi Domine in ecclesia magna, in populo gravi laudabo te. Et iterum: Confitebor tibi in populis Domine, psalmum dicam nomini tuo inter gentes. Metuens autem populum, ô Rex, ignoras quia satius est ut popu-

212 AVITI OPERVM FRAGMENTA.

Ius sequatur fidem tuam, quàm tu infirmitati
faucas populari. Tu enim es caput populi, non
populus caput tuum. Si enim ad bellum pro-
ficiscaris, tu præcedis cæteruas hostium, & illæ
quo abieris, subsequuntur. Vnde melius est,
vt te præcedente agnosceant veritatem, quàm
te pereunte permaneant in errore. Nam Deus
non irridetur. Non enim diligit illum, qui pro-
pter terrenum regnum, eum non confitetur in
sæculo. *Ista illeratione confusus, vsque ad exi-
tum vite sue in hac insania perduravit, nec pu-
blicè aequalitatem Trinitatis voluit confiteri.*

FINIS FRAGMENTORVM.





ALCIMI ECDICII
 AVITI
 EPISCOPI VIENNENSIS
 POEMATVM
 DE MOSAICÆ HISTORIÆ GESTIS
 LIBRI V.

PROLOGVS.

DOMINO SANCTO IN CHRISTO
 piissimo ac beatissimo Apollinari
 Episcopo Alcimus Ecdicius
 Auitus frater.

NUPER quidem, paucis Homiliarum
 mearum in vnum corpus redactis,
 hortatu amicorum discrimen edi-
 tionis intraui. Sed adhuc te maiora
 suadente, in cothurnum petulantioris audaciæ
 edurata fronte procedo. Iniungis namque, vt
 si quicquam de quibuscumque causis metri le-
 ge conscriptum est, sub professione opusculi
 vestro nomini dedicetur. Recolo equidem

O iij

nonnulla me versu dixisse: adeo ut si ordinarentur, non minimo volumine stringi potuerit epigrammatum multitudo. Quod dum facere seruato causarum vel temporum ordine meditarer, omnia penè in illa notissimæ perturbationis necessitate dispersa sunt. Quæ quoniam singillatim aut requiri difficile, aut inueniri impossibile foret, abieci ea de animo meo, quorum mihi vel ordinatio saluorum, vel dispersorum reparatio dura videretur. Aliquos sanè libellos apud quendam familiarem meum postea reperi: qui licet nominibus propriis titulisque respondeant, & alias tamen causas inuenta materiæ opportunitate perstringunt. Hi ergo, quia iubes, etsi obscuri sunt opere meo, tuo saltem nomine illustrabuntur. Quanquam quilibet acer ille doctusque sit, si religiosi propositi stylum non minus fidei quàm styli lege seruauerit, vix aptus esse poëmati queat. Quippe cùm licentia mentiendi, quæ pictoribus ac poëtis æquè conceditur, satis procul à causarum serietate pellenda sit. In sæculari namque versuum opere condendo, tanto quis peritior appellatur, quanto elegantius, immò, ut verè dicamus, ineptius falsà texuerit. Taceo iam verba illa vel nomina, quæ nobis nec in alienis quidem operibus frequentare, ne dicam in nostris conscribere licet: quæ ad compendia poëtarum, aliud ex alio significantia plurimum valent. Quocirca sæcularium iudicio, qui aut imperitiæ, aut ignauix dabunt, non uti nos licentia poëtarum, plus arduum quàm fructuosum opus adgressi, diuinam lon-

gè discreuimus ab humana existimatione censuram. Quoniam in asserēdis quibusque rebus, vel etiam prout suppetit explicandis, si quacumque ex parte peccandum est, salubrius dicente clerico non impletur pompa quàm regula, & tutius artis pede, quàm veritatis vestigio, claudicatur. Non enim est excusata perpetratione peccati libertas eloquij. Nam si pro omni verbo otioso, quod locuti fuerint homines, rationē reddidere cogentur, agnosci in promptu est, illud periculosius lædere, quod tractatum atque meditatū, & antepositum viuendi legibus, loquendi lege præsumitur.

ALCIMI AVITI EPISCOPI VIENNENSIS

POEMATVM LIB. I.

De initio mundi.

QUICQUID agit varios humana in gente labores

Vnde breuem carpunt mortalia tempora vitam,

Vel quod polluti vitiantur origine mores,

Quos aliena premunt priscorum facta parentum,

Addatur quanquam nostra de parte reatus,

Quòd tamen amisso dudum peccatur honore,

Adscribam tibi, prime pater, qui semine mortis

Tollis succidua vitalia germina proli.

Et licet hoc totum Christus persoluerit in se,

10 *Contraxit quantum percussa in stirpe propago:*

Attamen auctoris vitio, qui debita leri

O iij

*Instituit, morbósque suis ac funera misit;
Vixit peccati moribunda in carne cicatrix.*

*Iam pater omnipotens librantis pondere verbi
Undique collectis discreuerat arida lymphis,
Littoribus pontum constringens, flumina ripis:
Iam proprias pulchro monstrabat lumine formas,
Obscuro cedente die, varióque colore
Plurima distinctum pingebat gratia mundum.*

20 *Temporibus sortita vices tum lumina calo
Fulsere alterno Solis Lunaque meatu.*

*Quin & sidereus nocturno tempore candor
Temperat horrentes astrorum luce tenebras.
Ætatum suavi producens omnia fœtu,
Pulchra repentino vestita est gramine tellus.
Accepere genus sine germine iussa creari,
Et semen voluisse fuit. Sic ubere verbi
FronDESCUNT sylva; teneris radicibus arbor
Duravit vastos paruo sub tempore ramos.*

30 *Protinus in varias animalia multa figuras
Surgunt, & vacuum discurrunt bruta per orbem:
Elate in altum volucres, motúque citato
Pendentes secuere vias, & in aëre sudo
Præpetibus librant membrorum pondera pennis.
Post etiam clausi vasto sub gurgite pisces
Respirant lymphis, flatúsque sub aquore ducunt,
Quæque negant nobis, illis dant humida vitam.
Nec minus in pelago viuiscunt grandia cete,
Accipiuntque canis habitacula digna latebris:*

40 *Et quæ monstra solet rarus nunc prodere pontus,
Aptat ad informes condens solertia formas.
Quódque hominum falsò credit mens nescia fœdû,
Per propriam speciem natura indice pulchrum est
Ergo ubi completis fulserunt omnia rebus,*

Ornatúque suo perfectus constitit orbis:
 Tum pater omnipotens aeterno lumine latum
 Contulit ad terras sublimi ex aethere vultum,
 Illustrans quodcumque videt: placet ipsa tuenti
 Artifici factura suo, laudátque creator

50 Dispositum pulchro quem condidit ordine mundũ.
 Tum demum tali sapientia voce locuta est:
 En praeclara nitet mundano machina cultu.
 Et tamen impletum perfectis omnibus orbem
 Quid iuuat ulterius nullo cultore teneri?

Sed ne longa nouam contristent otia terram,
 Nunc homo formetur, summi quem tãgat imago
 Numinis, & nostram, celso donatus honore,
 Induat interiũs formosa in mente figuram.

Hunc libet erectum vultu praeponere pronis,
 60 Qui regat aeterno subiectum fœdere mundum,
 Bruta domet, legem cunctis ac nomina ponat,
 Astra notet, calique vias & sidera norit,
 Discat & inspectis discernere tempora signis:
 Subiiciat pelagus seuum, ingenioque tenaci
 Possideat quacumque videt: cui bestia frendens
 Seruiat, & posito discant mansueta furore
 Imperium iumenta pati, iussique ligari
 Festinent trepidi consueti in vincla iuueni.

Quoque magis natura hominis sublimior extet,
 70 Accipiat rectos in calum tollere vultus:

Factorem quarat proprium, cui mente fideli
 Impendat famulam longæno in tempore vitam.

Hæc ait, & fragilem dignatus tangere terram,
 Temperat humentem consperso in pulvere limum,
 Moliturque nouum diæes sapientia corpus,
 Non aliter, quàm nunc opifex, cui artis in usu est
 Flectere laxatas per cuncta sequacia ceras,

*Et vultus implere manu, seu corpora gypso
Fingere, vel segni speciem componere massa.*

- 80 *Sic pater omnipotens victurarum protinus aruum
Traëtat, & in lento meditatatur viscera cano.
Hinc arcem capitis sublimi in vertice signat,
Septiforem vultum rationis sensibus aptans,
Olfactum, auditum, visum, gustumque potentem.
Tactus erit solus, toto qui corpore iudex
Sentiatur, & proprium spargat per membra vigorem.
Flexilis artatur recauo sic lingua palato,
Pressus ut in camera pulsantis verberare plestri
Percussore resonet modulatus in aëre sermo.*
- 90 *Exin succiduum porrecto in corpore pectus
Spargit ramosas post brachia fortia palmas.
Succedit stomacho medius, qui tegmine molli
Inter utrumque latus foveat vitalia, venter.
Diuiduam partem femur excipit, aptius ut se
Alternus moneat duplicato poplite gressus.
At parte ex alia, fingit quam conditor unus,
Occipiti submissa suo descendere ceruix
Incipit, & vastos compagibus addere nervos.
Spina rigens crebris inter commercia nodis*
- 100 *Diffundit duplicem costarum ex ordine cratem.
Pars interna nonos vita formatur ad usus,
Naturale parant tegmen vitalia cordi,
Massaque congestis pendens absconditur extis.
Additur his tenui pascendus ab aëre pulmo,
Qui concepta trahens lenti spiramina flatus,
Accipiat reddens, reddat quas sumpserit auras,
Inque vicem crebro pellatur anhelitus haustu.
Dextra tenet iecoris vegetandum sanguine fontem,
Quo clausum vena spargunt per viscera flumen.*
- 110 *Lienis laueam sortitur regula partem,*

*Qua crines perhibet unguésque recrescere sectosa
Nec concisa dolent. hinc nunc augmenta resumunt
Quae viuunt sensuque carent in corporis usu.*

*Postquam perfecta iacuit nouitatis imago,
Formatumque lutum speciem peruenit in omnem
Vertitur in carnem limus, duratâque molles
Visceribus mediis traxerunt ossa medullas.
Inferitur venis sanguis, viuoque colore
Insicit ora rubor. toto tum corpore pallor
120 Pellitur, & niveos depingit purpura vultus.
Inde ubi perfectis consuescit viuere membris
Totus homo, & sumat calefacta ut viscera solam
Expectant animam, puro quam fonte creator
Promat, & erectos. recturam mittat in artus:
Lenem perpetuo flatum profundit ab ore,
Inspiratque homini. quem protinus ille receptum
Attrahit, & crebri discit spiraminis auras.*

*Postquam nascentem solers prudentia sensum
Imbuit, & puro rationis lumine fulsit,
130 Surgit, & erectis firmat vestigia plantis.
Tum varias mundi species, calique figuras
Mirantem; tali compellat voce creator:
Hac quae mundanis cernis pulcherrima rebus
Incrementa nouis, ornatum tensa per orbem,
Sola habet, totisque prior dominare fruendo.
Tu mihi, cuncta tibi famuletur. maximus ordo est.
Te parere pio qui subdidit omnia patri.
Non species vllæ, nec numina vana colantur,
Non si quid calo sublime nouumque coruscat,
40 Non quæ vel terris viuunt formata, vel undis,
Nec quod forte premens prohibet natura videri.
Vsbis ista tuis non cultibus esse memento,
Præcellens factis factorem pronus adora.*

AD TIMOTHEVM SECVNDÆ.

1. *In magna autem domo non solum sunt vasa aurea, & argentea, sed & lignea, & fictilia.*

Ex sermone die III. Rogationum.

- Esai. 66. *Quomodo si, inquit, inferant filij Israël*
 20. *munus in vase mundo in domum Domini. Le-*
 1. Tim. 2. *gimus in Apostolo, In domo magna non solum*
 20. *argentea vei aurea, sed etiam lignea vasa & fi-*
ctilia reperiri. Quæ in ipsa graduum diuersi-
tate omnia possunt esse vsui, etiamsi non sunt
æqualia dignitati. Cuilibet distantiae nitior
opus est. Potest in fictilibus vasculis, dummo-
do munditia non desit, diuinæ domui munus
offerri, si vas ex eadem massa fictum, quia pec-
cando ceciderat in contumeliam, pœnitendo
redeat ad honorem. Habemus enim thesaurum
istum in vasis fictilibus. Hæc ergo vascula, vt di-
xi, pœnitētium teneant compunctionem. Por-
ro lignea legitimam coniugatorum præferant
simplicitatem: cruore martyris aurea rubeant:
virginitatis radio argentea perlucescant. Va-
sorum talium capacitas est, quod rationabilis
naturæ conditi sumus. In hæc modò prouideat
 4. Reg. 4. *de suo quisque quod offerat, pro quali-*
tate munerum sit pretiositas vasculorum. Istis
credo vasculis Heliseus quondam liquorem
olei viuacis infudit, quod cùm flueret irrigu-
um, non effluxit impletum,

AD HEBRÆOS.

1. *Filius meus es tu, ego hodie genui te.*
2. *Minorasti eum paulo minus ab Angelis.*
3. *Vbi enim testamentum, mors necesse est intercedat testatoris.*
4. *Fide obtulit Abraham Isaac, cum tentaretur.*
5. *Lapidati sunt, secti sunt.*

Ex libro de Christi diuinitate.

FILIVS meus es tu, ego hodie genui te. HO- I.
die hîc æternitas, &c. ut in Epistola XXVII I. Psal. 1.7.
pag. 76. usque ad, nomen filij eius, si nosti.

Ex libris contra Arrianos.

MINORASTI eum paulo minus ab Ange- II.
lis. Quod Apostolus de Christo exponit di- Psal. 8.6.
ctum, cum in natura diuinitatis suæ maior esse
Angelis à nemine dubitetur. De quo dicit Apo-
stolus ad Titum scribens, ut abnegantes impie- Tit. 2. 13.
tatem, & secularia desideria, prudenter, & iustè,
& piè viuamus in hoc seculo, expectantes bea-
tam spem, & aduentum gloria magni Dei & sal-
uatoris nostri IESV Christi, qui dedit pro nobis
semetipsum. De quo alio loco Scriptura nostra
dicit, Qui est, qui erat, qui que venturus est Apoc. 11.
omnipotens. Si omnipotens, unde minor? Nam 17.
& illud omnipotens dicit iam post resurrectio-
nem suam secundum Matthæum, Data est mihi Matt. 28.
omnis potestas in celo & in terra. Quòd si quis 18.
minorem putat accipientem eo qui dat, legat 1. Cor. 15.
& de Christo per Apostolum dici, Cum tradi- 14.

derit regnum Deo & patri. cū sic non possit esse pater sine regno, quod ei filius dicitur esse traditurus, sicut nec filius sine omni potestate, quam sibi dicit datam in cælo & in terra. De quo sanctus Paulus ad Colossenses, prohibens ne credamus secundū traditionem hominum, secundum elementa huius mundi, & non secundum Christum. Quoniam, inquit, in ipso habitat omnis plenitudo diuinitatis corporaliter.

Coloss. 1.
9.

Ex sermone de Natali calicis.

- III. IMPETRVS redemptor noster sacramentum carnis assumptæ, sicut æternus & piissimus pater, creatis à se redemptisque filiis spem indultæ adoptionis aperiens, substantiamque nobis cælestem ante diem suæ mortis assignans, testamentum fecit, quo nos hæredes ab his quæ largiebatur instituit, humana quidem comparatione, sed non humana necessitate. non amissurus quod filiis deputabat, sed habiturus magis filios cum hæreditate quam scripserat. Testamentum hoc appellamus testamentum nouum. In quo exhæredatis omnibus, solus hæres instituitur populus Christianus. Non autem iuxta terrenum morem hæreditas ista diuiditur, nec corruptibili distributione in plures dispersa tenuatur. Omnes recipit, omnes inuitat. nec de portione tenentum tollitur quod aliis nascentibus deputeretur. Crescat quantum vult, & multiplicatur renascenti cupida filiorum voluntas, omnibus se incontaminatam reseruat hæreditas. Sed istud testamentum nouum vetere suppleto ordine suo

suo agitur, & totius firmitatis mysteriis celebratur. Quod ipse ineffabilis redemptor noster, adhibitis valde idoneis testibus, discipulis suis, conscripsit traditus, signavit passus, aperuit suscitatus. Et quia cuncta ritè peracta sunt, meritò Apostolus Paulus dicit, *Quod hominis confirmatum testamentum nemo irritum facit, aut superordinat*, id est mutat. Agnoscamus nunc fideliter summam hæreditatis indeptæ. Illud est videlicet, quod cœnantibus Apostolis æterni libaminis ordinem consecrauit. Itaque videmus, quòd nihil nobis de substantiæ plenitudine minuit, qui quod pro nobis assumpsit, totum nobis reliquit. Alij hæredibus suis suæ tribuunt, ille semetipsum, id est carnem vel sanguinem corporis sui.

Gal. 3. 15.

Ex sermone die Paschæ.

VNI VERSIS igitur ferte quæ sumitis. IV.
Quod mensæ apposui, mundo transmissi: calix, quem vos gaudetis gustasse, cunctorum est. Noui & æterni testamenti paucos testes adhibuit, multos hæredes. Nulla tamen sortis conditio admittit alienum. Certos quosque recipit cælestis cognitio. populus est quidem adoptione, sed vnicus.

Ex sermone de Ezechia rege.

ILLE quondam Patriarcharum maximus V.
pater, qui immolandum filium iussus offerre, Gen. 22.
viriliter præsumpsit, nec maiestati hominem posse resistere, nec pietati præceptum parricidij conuenire. Et tamen, cùm mysterij ignoraret

euentum, altari filium quasi iugulaturus imposuit. vnum certissimè tenens, si huius hostiæ Deo irreuocabilem libuisset tenere sententiam, non homicidium, sed sacrificium fore quod obedientia commisisset.

Ex sermone die 11. Rogationum.

- VI. Nos magis instruunt isti prophetæ, & infirmitatem nostram quasi sub suæ impatientiæ sermonibus consolantur. Illorum porrò patientiam testantur multiplices in infirmitate virtutes. Quorum vt vel paucissimos, propter istum, qui dolet iustum ab impio deuorari, exempli gratia proferamus, probat hoc de Ieremiæ gloriosior in captiuitate libertas, neque per ligamen corporis licentia vineta sermonis. Probat Esaias, quem ob præconium veritatis, diuaricante serra obtusis dentibus, doloribus acutis, sæuiens ciuicus furor, quantum ad peccatam mortaliter torsit, tantum ad gloriam vitaliter occidit. Cumque victore defuncto, victus superstes doleret, per laniatam carnem mentem nequiuisse lacerari, cum multas membrorum partes quas disiunxerat numeraret, plusquam vnam fidem inuenire non potuit.

Ex veteri Codice.

Ex dictis patrum diuersis Catholicorum
Hæc Lugdunensis Florus colligit in vnum.

Omissa pag. 165. ante Agobardum.

Gregorius Turonensis libro II. Historiæ Francorum.

CUM autem cognovisset Gundobadus assertiones hæreticorum nihil esse, à sancto Auito Episcopo Viennensi, Christum filium Dei & Spiritum sanctum æqualem patri confessus. clam ut chrismaretur expetiit. Cui ait Sacerdos: Si verè credis hoc quod nos ipse Dominus edocuit, exequere. Ait autem, Si quis me confessus fuerit coram hominibus, confitebor & ego eum coram patre meo qui est in calis, Sic & ipsos sanctos ac dilectos suos beatos Apostolos cum de futuræ persecutionis tentationibus doceret, insinuavit dicens: Adtendite vobis ab hominibus. Tradet enim vos in cõciliis, & in synagogis suis: flagellabunt vos, & ante reges & præsides stabitis propter me, in testimonium illis & gentibus. Tu verò cum sis rex, & à nullo adprehendi formides, seditionem pauescis populi, ne creatorem omnium in publico fatearis. Relinque hanc stultitiam, & quod corde te dicis credere, ore profer in plebe. Sic enim & beatus Apostolus ait: Corde creditur ad iustitiam, ore autem confessio fit ad salutem. Sic & Prophetia ait: Confitebor tibi Domine in ecclesia magna, in populo gravi laudabo te. Et iterum: Confitebor tibi in populis Domine, psalmum dicam nomini tuo inter gentes. Metuens autem populum, ô Rex, ignoras quia satius est ut popu-

O ij

212 AVITI OPERVM FRAGMENTA.

Ius sequatur fidem tuam, quàm tu infirmitati faucas populari. Tu enim es caput populi, non populus caput tuum. Si enim ad bellum proficiscaris, tu præcedis cæteruas hostium, & illæ quo abieris, subsequuntur. Vnde melius est, ut te præcedente agnoscant veritatem, quàm te pereunte permaneant in errore. Nam Deus non irridetur. Non enim diligit illum, qui propter terrenum regnum, eum non confitetur in sæculo. *Ista ille ratione confusus, usque ad exitum vite sue in hac insania perduravit, nec publicè aequalitatem Trinitatis voluit confiteri.*

FINIS FRAGMENTORVM.





ALCIMI ECDICII
 AVITI
 EPISCOPI VIENNENSIS
 POEMATVM
 DE MOSAICÆ HISTORIÆ GESTIS
 LIBRI V.

PROLOGVS.

DOMINO SANCTO IN CHRISTO
 piissimo ac beatissimo Apollinari
 Episcopo Alcimus Ecdicius
 Auitus frater.

NUPER quidem, paucis Homiliarum
 mearum in vnum corpus redactis,
 hortatu amicorum discrimen edi-
 tionis intraui. Sed adhuc te maiora
 suadente, in cothurnum petulantioris audaciæ
 edurata fronte procedo. Iniungis namque, vt
 si quicquam de quibuscumque causis metri le-
 ge conscriptum est, sub professione opusculi
 vestro nomini dedicetur. Recolo equidem

O iij

nonnulla me versu dixisse: adeo ut si ordina-
rentur, non minimo volumine stringi potuerit
epigrammatum multitudo. Quod dum facere
seruato causarum vel temporum ordine medi-
tarer, omnia penè in illa notissimæ perturba-
tionis necessitate dispersa sunt. Quæ quoniam
singillatim aut requiri difficile, aut inueniri
impossibile foret, abieci ea de animo meo, quo-
rum mihi vel ordinatio saluorum, vel disper-
sorum reparatio dura videretur. Aliquos sanè
libellos apud quendam familiarem meum post-
ea reperi: qui licet nominibus propriis titulif-
que respondeant, & alias tamen causas inuen-
ta materiæ opportunitate perstringunt. Hi er-
go, quia iubes, etsi obscuri sunt opere meo,
tuo saltem nomine illustrabuntur. Quanquam
quilibet acer ille doctusque sit, si religiosi pro-
positi stylum non minus fidei quàm styli lege
seruauerit, vix aptus esse poemati queat. Quip-
pe cùm licentia mentiendi, quæ pictoribus ac
poëtis æquè conceditur, satis procul à cau-
sarum serietate pellenda sit. In sæculari nam-
que versuum opere condendo, tanto quis peri-
tior appellatur, quanto elegantius, immò, ut
verè dicamus, ineptius falsà texuerit. Taceo
iam verba illa vel nomina, quæ nobis nec in
alienis quidem operibus frequentare, ne di-
cam in nostris conscribere licet: quæ ad com-
pendia poëtarum, aliud ex alio significantia
plurimum valent. Quocirca sæcularium iudi-
cio, qui aut imperitiæ, aut ignauix dabunt,
non uti nos licentia poëtarum, plus arduum
quàm fructuosum opus adgressi, diuinam lon-

gè discreuimus ab humana existimatione censuram. Quoniam in asserēdis quibusque rebus, vel etiam prout suppetit explicandis, si quacumque ex parte peccandum est, salubrius dicente clerico non impletur pompa quàm regula, & tutius artis pede, quàm veritatis vestigio, claudicatur. Non enim est excusata perpetratione peccati libertas eloquij. Nam si pro omni verbo otioso, quod locuti fuerint homines, rationē redhibere cogentur, agnosci in promptu est, illud periculosius lædere, quod tractatum atque meditatū, & antepositum viuendi legibus, loquendi lege præsumitur.

ALCIMI AVITI EPISCOPI VIENNENSIS

POEMATVM LIB. I.

De initio mundi.

QUICQUID agit varios humana in gente labores

Vnde breuem carpunt mortalia tempora vitam,

Vel quod polluti vitiantur origine mores,

Quos aliena premunt priscorum facta parentum,

Addatur quanquam nostra de parte reatus,

Quòd tamen amisso dudum peccatur honore,

Adscribam tibi, prime pater, qui semine mortis

Tollis succidue vitalia germina proli.

Et licet hoc totum Christus persoluerit in se,

10 *Contraxit quantum percussa in stirpe propago:*

Attamen auctoris vitio, qui debita leri

O iiij

*Instituit, morbosque suis ac funera misit;
Vixit peccati moribunda in carne cicatrix.*

*Iam pater omnipotens librantis pondere verbi
Undique collectis discreuerat arida lymphis,
Littoribus pontum constringens, flumina ripis:
Iam proprias pulchro monstrabat lumine formas,
Obscuro cedente die, varioque colore
Plurima distinctum pingebat gratia mundum.*

20 *Temporibus sortita vices tum lumina calo
Fulsere alterno Solis Lunaque meatu.*

*Quin & sidereus nocturno tempore candor
Temperat horrentes astrorum luce tenebras.
Actutum suavi producens omnia fœtu,
Pulchra repentino vestita est gramine tellus.
Accepere genus sine germine iussa creari,
Et semen voluisse fuit. Sic ubere verbi
FronDESCUNT sylva; teneris radicibus arbor
Durauit vastos paruo sub tempore ramos.*

30 *Protinus in varias animalia multa figuras
Surgunt, & vacuum discurrunt bruta per orbem:
Elate in altum volucres, motuque citato
Pendientes secuere vias, & in aëre sudo
Præpetibus librant membrorum pondera fœnnis.
Post etiam clausi vasto sub gurgite pisces.
Respirant lymphis, flatuque sub æquore ducunt,
Quæque negant nobis, illis dant humida vitam.
Nec minus in pelago viuiscunt grandia cete,
Accipiuntque canis habitacula digna latebris:*

40 *Et quæ monstra solet rarus nunc prodere pontus,
Aptat ad informes condens solertia formas.
Quodque hominum falso credit mens nescia fœdū,
Per propriam speciem natura indice pulchrum est
Ergo ubi completis fulserunt omnia rebus,*

Ornatúque suo perfectus constitit orbis:
 Tum pater omnipotens aeterno lumine latum
 Contulit ad terras sublimi ex aethere vultum,
 Illustrans quodcumque videt: placet ipsa tuenti
 Artifici factura suo, laudátque creator

50 Dispositum pulchro quem condidit ordine mundū.
 Tum demum tali sapientia voce locuta est:
 En praclara nitet mundano machina cultu.
 Et tamen impletum perfectis omnibus orbem
 Quid iuuat ulterius nullo cultore teneri?

Sed ne longa nouam contristent otia terram,
 Nunc homo formetur, summi quem tēgat imago
 Numinis, & nostram, celso donatus honore,
 Induat interiūs formosa in mente figuram.

Hanc libet erectum vultu praponere prorsus,
 60 Qui regat aeterno subiectum fœdere mundum,
 Bruta domet, legem cunctis ac nomina ponat,
 Astra notet, calique vias & sidera norit,
 Discat & inspectis discernere tempora signis:
 Subiiciat pelagus seuum, ingenioque tenaci
 Possideat quacumque videt: cui bestia frendens
 Seruiat, & posito discant mansueta furore
 Imperium iumenta pati, iussique ligari
 Festinent trepidi consueti in vincla iuueni.

Quoque magis natura hominis sublimior extet,
 70 Accipiat rectos in calum tollere vultus:

Factorem quarat proprium, cui mente fideli
 Impendat famulam longæ in tempore vitam.

Hæc ait, & fragilem dignatus tangere terram,
 Temperat humentem consperso in pulvere limum,
 Moliturque nouum diæ sapientia corpus,
 Non aliter, quàm nunc opifex, cui artis in usu est
 Flectere laxatas per cuncta sequacia ceras,

*Et vultus implere manu, seu corpora gypso
Fingere, vel segni speciem componere massa.*

- 80 *Sic pater omnipotens victarum protinus aruum
Tractat, & in lento meditatur viscera cano.
Hinc arcem capitis sublimi in vertice signat,
Septiforem vultum rationis sensibus aptans,
Olfactu, auditu, visu, gustuque potentem.
Tactus erit solus, toto qui corpore index
Sentiat, & proprium spargat per membra vigore.
Flexilis artatur recauo sic lingua palato,
Pressus ut in camera pulsantis verberare plestri
Percussore sonet modulatus in aëre sermo.*
- 90 *Exin succiduum porrecto in corpore pectus
Spargit ramosas post brachia fortia palmas.
Succedit stomacho medius, qui tegmine molli
Inter utrumque latus foveat vitalia, venter.
Diuiduam partem femur excipit, aptius ut se
Alternus moneat duplicato poplite gressus.
At parte ex alia, fingit quam conditor vnus,
Occipiti submissa suo descendere cernix
Incipit, & vastos compagibus addere nervos.
Spina rigens crebris inter commercia nodis*
- 100 *Diffundit duplicem costarum ex ordine cratem.
Pars interna nouos vita formatur ad vsus,
Naturale parant tegmen vitalia cordi,
Massaque congestis pendens absconditur extis.
Additur his tenui pascendus ab aëre pulmo,
Qui concepta trahens lenti spiramina flatus,
Accipiat reddens, reddat quas sumpserit auras,
Inque vicem crebro pellatur anhelitus haustu.
Dextra tenet iecoris vegetandū sanguine fontem,
Quo clausum vena spargunt per viscera flumen.*
- 110 *Lienis lauam sortitur regula partem,*

*Qua crines perhibet unguésque recrescere sectose
Nec concisa dolent. hinc nunc augmenta resumunt
Quae viuunt sensûque carent in corporis usu.*

*Postquam perfecte iacuit nouitatis imago,
Formatumque lutum speciem peruenit in omnem
Vertitur in carnem limus, duratâque molles
Visceribus mediis traxerunt ossa medullas.
Inseritur venis sanguis, viuoque colore
Insicit ora rubor. toto tum corpore pallor
120 Pellitur, & niveos depingit purpura vultus.
Inde ubi perfectis consuescit viuere membris
Totus homo, & sumat calefacta ut viscera solam
Expectant animam, puro quam fonte creator
Promat, & erectos. recturam mittat in artus:
Lenem perpetuo flatum profundit ab ore,
Inspirâtque homini. quem protinus ille receptum
Atrahit, & crebri discit spiraminis auras.*

*Postquam nascentem solers prudentia sensum
Imbuit, & puro rationis lâmine fulsit,
130 Surgit, & erectis firmat vestigia plantis.
Tum varias mundi species, calique figuras
Mirantem, tali compellat voce creator:
Hac quae mundanis cernis pulcherrima rebus
Incrementa nouis, ornatum tensa per orbem,
Solus habet, totîsque prior dominare fruendo.
Tu mihi, cuncta tibi famuletur. maximus ordo est,
Te parere pio qui subdidit omnia patri.
Non species ulla, nec numina vana colantur,
Non si quid caelo sublime nouumque coruscat,
140 Non quae vel terris viuunt formata, vel undis,
Nec quod forte premens prohibet natura videri.
Vsbis ista tuis non cultibus esse memento,
Pracellens factis factorem praeus adora.*

- Interea sextus noctis primordia vespere*
Rettulit, alterno depellens tempore lucem :
Dùmque petunt dulcem spirantia cuncta quietem,
Solvitur & somno laxati corporis Adam.
Cui pater omnipotens pressum per corda soporem
Iecit, & immenso tardavit pondere sensus,
 150 *Vis ut nulla queat sopitam solvere mentem.*
Non si forte fragor securas verberet aures,
Nec si commoto calum tunc intonet axe,
Sed nec pressa manu rupissent membra quietem.
Tum verò cunctis costarum ex ossibus unam
Subducit leno lateri, carnemque reponit.
Erigitur pulchro genialis forma decore,
Inque novam subito procedit femina vultum,
Quam Deus aeterna coniungens lege marito,
Coniugij fructu pensat dispendia membri.
 160 *Istius indicium somni mors illa secuta est,*
Sponte sua subiit sumpto quam corpore Christus.
Qui cùm passurus ligno sublimis in alto
Penderet nexu, culpas dum penderet orbis,
In latus extensi defixit missile lictor.
Protinus exiliens manavit vulnere lymphæ,
Quæ vinum populis iam tum spondete laucrum,
Fluxit martyrium signans & sanguinis unda.
Inde quiescenti, gemina dum nocte iaceret,
De lateris membro surgens Ecclesia nupsit.
 170 *Principio rector tanti sacræ figuræ*
Disponens vincli, nectit connubia verbo:
Vinite concordi studio, mundumque replete,
Crescat longæum felici semine germen,
Non annis numerus, vita nec terminus esto.
Progeniem sine fine dedi, quam tempore toto
Aspicias, generi primus qui poneris auctor.

*Pronepos eductos spargens per sacra nepotes
 Viuentes numeret proauos, inque ora parentum
 Ducant annosi natorum pignora nati.*

180 *Tum lex coniugij, toto venerabilis aeo,
 Intemerata suo seruabitur ordine cunctis.
 Femina persistat, de viscere sumpta virili,
 Coniugio seruare fidem: nec separet alter
 Quod iungit sociatque Deus: patrēque relinquat
 Et matrem iusto constrictus amore maritus.
 Ista parentales non rumpant vincula cura,
 Vita sed amborum carnem teneatur ad unam.
 Taliter aeterno coniungens fœdere vora,
 Festinum dicebat hymen, castoque pudori*

190 *Concinit angelicum innēto modulamine carmen.
 Pro thalamo paradysus erat, mundusque dabatur.
 In dotem, & latis gaudebant sidera flammis.†
 Est locus Eoo mundi seruatus in axe
 Secretis natura tuis, ubi Solis ab ortu
 Vicinos nascens aurora repercutit Indos.
 Hic gens ardentem calī subteriacet axem,
 Quam candor feruens albenti ex aethere fuscet.
 His semper lux pura venit, caloque propinquo
 Natiuam seruant nigrantia corpora noctem.*

200 *Attamen in tetrīs splendentia lumina membris
 Captiuo fulgore micant, visūque nitente
 Certior accrescit pullatis vultibus horror:
 Casaries incompta riget, quæ crine supino
 Stringitur, ut refugo careat frons nuda capillo.
 Sed magnum nostros quicquid defertur ad vsus,
 His totum natura dedit telluris opima.
 Quicquid odoratū pulchrūque adlabitur, inde est.
 Concolor his ebeni piceo de fomite ramus
 Surgit, & hīc, eboris munus quæ porrigit orbi.*

- 210 *Informis pulchros deponit bellua dentes.
Ergo ubi transmissis mundi caput incipit Indis,
Quo perhibent terram confinia iungere calo,
Lucus inaccessa cunctis mortalibus arce
Permanet, aeterno conclusus limite, postquam
Decidit expulsus primæni criminis auctor,
Atque reis dignè felici à sede reuulsis,
Calestes hac sancta capit nunc aula ministros.
Non hîc alterni succedit temporis unquam
Bruma, nec æstivi redeunt post frigora soles,*
- 220 *Excelsus calidum cùm reddit circulus annum,
Vel densante gelu canescunt arua pruinis.
Hîc ver assiduum cali clementia seruat;
Turbidus Ausster abest, semperque sub aëre sudo
Nubila diffugiunt ingi cessura sereno.
Nec poscit natural loci quos non habet imbres,
Sed contenta suo dotantur germina rore.
Perpetuò viret omne solum, terraque tepentis
Blanda nitet facies. stant semper collibus herbe,
Arboribusque coma: qua cùm se flore frequenti*
- 230 *Diffundunt, celeri confortant germina succo.
Nam quicquid nobis toto nunc nascitur anno,
Menstrua maturo dant illic tempora fructu.
Lilia perlucet nullo flaccientia sole,
Nec tactus violat violas, roseùmque ruborem
Sernans perpetuo suffundit gratia vultu.
Sic cùm desit hyems, nec torrida ferueat æstas,
Fructibus autumnus, ver floribus occupat annum.
Hîc qua donari mentitur fama Sabais
Cinnama nascuntur, vinax que colligit ales,*
- 240 *Natali cùm sine perit, nidòque perusta
Succedens sibimet quasita morte resurgit:
Nec contenta suo tantùm semel ordine nasci,*

- Longa veternoſi renouatur corporis ætas,
 Incensamque leuant exordia crebra ſenectam.
 Illic deſudans fragrantia baſamaramus
 Perpetuum promit pingui de ſtipite fluxum.
 Tum ſi fortè leuis mouit ſpiramina ventus,
 Flatibus exiguis, lenique impulſa ſuſurro,
 Dines ſilua tremit foliis, ac flore ſalubri,
 250 Qui ſparſus latè ſuaues diſpenſat odores.
 Hic fons perſpicuo reſplendens gurgite ſurgit.
 Talis in argento non fulget gratiâ, tantam
 Nec cryſtalla trahunt nitido de frigore lucem.
 Margine riparum virides micuere lapilli,
 Et quas miratur mundi iactantia gemmas,
 Illic ſaxa iacent: varios dant arua colores,
 Et naturali campos diademate pingunt.
 Eductum leni fontis de vertice flumen
 Quattuor in largos confeſtim ſcinditur amnes.
 60 Euphratem, Tigrimque vocant, qui limite certo
 Longa ſagittiferis faciunt conſinia Parthis.
 Tertius inde Geon, Latio qui nomine Nilus
 Dicitur, ignoto cunctis plus nobilis ortu.
 Cuius in Ægyptum lenis perlabitur vnda,
 Ditatura ſuam certo ſub tempore terram.
 Nam quoties tumido perſcumpit flumine ripas
 Alueus, & nigris campos perinundat arenis,
 Vbertas taxatur aqua, calòque vacante
 Terreſtrem pluuiam diſfuſus porrigit amnis.
 70 Tunc incluſa latet lato ſub gurgite Memphis;
 Et ſuper abſentes poſſeſſor nauigat agros.
 Terminus omnis abeſt, æquatur indice fluctu
 Annua ſuſpendens contactus inſurgia limes.
 Gramina nota videt latus ſubſidere paſtor,
 Inque locum pecorum viridantis inſerere campi

- Succedunt nantes aliena per aquora pisces.
 Ast postquam largo fœcundans germina potu
 Lympha maritavit sitientis viscera terra,
 Regreditur Nilus, sparsâsque recolligit undas,
 280 Fit fluvius pereunte lacu: tum redditur alueo
 Pristina riparum conclusis fluctibus obex,
 Donec diuivium spargens per devia finem
 Gurgite septenopatulū percurrat in aquor.
 Sed cur dicatur tantū mundana latere
 Vertex Nile tuus? nam qui nesciris ab ortu,
 Non solus, sed quartus eras, diffusus ab illo,
 Despicit excelsō qui flumina cuncta meatu,
 Ipsus atque pater pelagi supereminet omnes,
 Quas montes, quas plana vomunt, quas nubila,
 Lymphas.
 290 Quartus Physon erit, quē possidet India Gangē,
 Motus odorifero quoties qui vertice creuit,
 Deciduas pulchro quas spargunt flumina luco
 Pralambens furatur opes, & gurgite nostrum
 Ducit in exilium. Nam ripa largus utraque,
 Amnibus ut nostris enodes ferre papyros,
 Aut scirpos algâsque leues deducere mos est,
 Excrementa trahens magnus sic ditia Ganges
 Hoc etiam donat mundo, quod proiicit alueo.
 Interea primi, summus quos iunxerat auctor,
 300 In paradisiaca ponuntur sede parentes.
 Tum rector tali proponit pramia lege:
 O summum factoris opus, quos sola creavit
 Nostra manus, nasci cū cetera voce iuberem,
 Aspicitis quanto pulcherrimus ubere lucus
 Per multas famuletur opes? hac cuncta dabuntur
 Ad vestras sine fine cibos, hinc esca petatur:
 Sumite concessas fruges, & carpite poma.*

Hic

- 310 *Hic operis dulci studio secura quiescat
 Delitiisque fruens longauo in tempore vita.
 Est tamen in medio nemoris quam cernitis arbor,
 Notitiam recti prauique in germine portans:
 Huius ab accessu vetitum restringite tactum.
 Nec vos fortè premat temeraria discere cura
 Quod doctor prohibet: melius nescire beatīs
 Quod quassisse nocet. testor quem fecimus orbem,
 Quod si quis vetitum præsumpserit arbore pomū.
 Audax commissum mortis discrimine pendet.
 Non immensa loquor, facilis custodia recti est,
 Seruator vitam, finem temerator habebit.*
- 20 *Accipiunt iuuenes dictum, lætisque sequuntur,
 Spondentes cuncto seruandam tempore legem,
 Sic ignara mali nouitas, nec conscia fraudis,
 Incautas nulla tetigit formidine mentes.
 At pater instructos sacrata in sede relinquens,
 Lætus in astringeram cali se sustulit aulam.*

ALCIMI AVITI
 EPISCOPI VIENNENSIS
 POEMATVM LIBER II.

De originali peccato.

VITIVR interea, venturi nescia casus;
 Libertas secura bonis; fruiturque beata
 Vbertate loci. Largos hinc porrigit illis
 Tellus prompta cibos: fruticis quin alter opimū
 Sumitur assiduus tenui de cespite fructus.

P.

- At si curvati fœcundo pondere rami
 Milla submitunt sublimi ex arbore poma,
 Protinus in florem vœcuus turgescere palmes
 Incipit, inque novis fœtum promittere gemmis.*
- 10 *Iam si prædulces delectat carpere somnos,
 Mollibus in pratis, piætaque recumbitur herba.
 Cùmque voluntati sacrum nemus offerat omnes
 Delicias, opibûsque novis se præbeat amplum:
 Sic epulas tamen hi capiunt, escâmque requirunt,
 Compellit quòd nulla fames, nec lassâ fouendo.
 Indigus hortatur compleri viscera venter.
 Et nisi concessum libuisset noscere pastum,
 Esuries ignota cibos non posceret ullos,
 Nullâque constantem fulcirent pabula vitam.*
- 20 *Corpora nuda vident, & mutua cernere membra
 Non pudet, atque rudis fœdum nil sentit honestas.
 Non natura hominis, vitium sed causa pudori est.
 Nam quacumque bonus formavit membra creator,
 Ut pudibunda forent, carnis post compulsi usus.
 Tunc mens intactos servabat candida visus,
 Angelica qualis narratur gloria vite
 Sidereas habitare domos: qualémque redemptis
 Spondet reddendam mortis post tempora Christus,
 Queis neque coniugium cura, nec fœdere turpi*
- 30 *Miscebit calidos carnalis copula sexus.
 Cessabit gemitus, luxus, metus, ira, voluptas,
 Fraus, dolor, atque dolus, mœror, discordia, linor.
 Nullus egens, nullus cupiens, sed pace sub una
 Sufficiet cunctis sanctorum gloria Christus.*
- His protoplastarum sensum primordia sacra
 Continuere bonis, donec certamine primo
 Vinceret oppressos fallacem culpa per hostem.
 Angelus hic dudum fuerat, sed crimine postquã*

- Succensus proprio, tumidos exarsit in ausus,*
40 *Se semet fecisse putans, suus ipse creator*
Quòd fuerit, rabido concepit corde furorem,
Auctoremque negans, diuinum consequar, inquit,
Nomen, & eternam ponam super aethera sedem,
Excelsa similis, summis nec viribus impar.
Talia iactantem præcelsa potentia calo
Iecit, & eiectum prisco spoliavit honore.
Quique creatura præfulsit in ordine primus;
Primas venturo pendet sub iudice pœnas.
50 *Quandoquidem grauior talem sententia punit,*
Quem mirum cecidisse putes. nam crimen acerbat
Auctor, in ignaro minor est peccante reatus,
Durius atque malum quod maior fecit habetur.
Sed quòd vinaces pertendit in abdita sensus,
Quòdque futura videt, rerumque arcana resignat,
Angelici feruens superest natura vigoris.
Horrendum dictu, signisque notabile monstrum.
Nam quicquid toto dirum committitur orbe
Iste docet, scelerumque manus ac tela gubernat;
Pugnat & occultus per publica crimina latro.
60 *Et nunc sæpè hominum, nunc ille in saua ferarum*
Vertitur ora, nouos varians fallentia vultus.
Alitis interdum subito mentita volantis
Fit species, habitusque iterum confingit honestos.
Apparens nec non pulchro cœu corpore virgo,
Pertrahit ardentes obscena in gaudia visus.
Sæpe etiam cupidis argentum immane cornuscatur,
Accenditque animos auri fallentis amore,
Delasos fugiens vano phantasmate tactus.
Nulli certa fides constat vel gratia formæ:
Sed quo quemque modò capiat, teneatque nocendo,
70 *Opportuna delis, clausæque accommoda fraudi,*

*Sumitur exterior simulata fronte figura.
 Maior adhuc etiam sauo permissa potestas,
 Ut sanctum vincat: dudum collata creato
 Sic natura valet, rectam quam condidit auctor;
 Sed post ad pranos subuersor transtulit usus.*

- Vidit ut iste novos homines in sede quieta
 Ducere felicem nullo discrimine vitam,
 Lege sub accepta domino famularier orbis,
 80 Subiectisque fœni placida inter gaudia rebus:
 Commonit subitum zeli scintilla vaporem,
 Excreuitque calens in saua incendia liuor.
 Vicinus tunc fortè fuit, quo concidit alto,
 Lapsus, & innexam traxit per prona cateruam.
 Hoc recolens, casumque premens in corde recentẽ,
 Plus doluit periisse sibi quod possidet alter.
 Tunc mixtus cum felle pudor sic pectore questus
 Explicat, & tali suspiria voce relaxat.*

- Prò dolor, hoc nobis subitum consurgere plasma,
 90 Inuisumque genus nostra crenisse ruina!
 Me celsum virtus habuit, nunc ecce reiectus
 Pellor, & angelico limus succedit honori.
 Calum terra tenet, vili compage leuata
 Regnat humus, nobisque perit translata potestas.
 Non tamen in totum periit: pars magna retentat
 Vim propriam, summamque cluit virtute nocendi.
 Nec differre iuuat. iam nunc certamine blanda
 Congrediar, dum prima salus, experta nec ullos
 Simplicitas ignara dolos, ad tela patebit.
 100 Et melius soli capientur fraude, priusquam
 Fœcundam mittant aeterna in sacula prolem.
 Immortale nihil terra prodire sinendum est,
 Fons generis pereat, capitis deiectio victi
 Semen mortis erit. pariat discrimina leti*

*Vite principium. cuncti feriantur in uno :
 Non faciet vinum radix occisa cacumen.
 Hac mihi deiecit tandem solatia restant.
 Si nequeo clausos iterum conscendere celos ,
 His quoque claudetur. leuius cecidisse putandū est.*

- 110 *Si noua perdatur simili substantia casu ,
 Si comes excidij subeat consortia pœna ,
 Et quos prauideo nobiscum diuidat ignes.
 Sed ne difficilis fallendi causa putetur ,
 Hac monstranda via est, dudū quam spōte cucurri
 In prouum lapsus : quæ me iactantia regno
 Depulit, hac hominem paradisi limine pellet.
 Sic ait, & gemitus vocem clausere dolentis.*

*Fortè fuit cunctis animantibus altior astu ,
 Amulus arguto callèt qui pectore serpens :*

- 120 *Huius transgressor de cunctis sumere formam
 Eligit , aërium circumdans tegmine corpus ,
 Inque repentinum mutatus tenditur anguem :
 Fit longa cernice draco , splendentia colla
 Depingit maculis , teretisque volumina dorsi
 Asperat , & squamis per terga rigentibus armat.
 Qualis vere nouo, primis cū mensibus ætas
 Premittit latos post frigora pigra tepores ,
 Euadens veterem reparatis motibus annum ,
 Et siccum nitido discingens corpore tegmen ,*
- 130 *Procedit coluber , terrarūque abdita linquens ,
 Praefert terribilis metuendum forma decorem .
 Diramicant oculi : tum lumine visus acuto
 Latior optatum discit consuescere solem.
 Nunc simulat blandum, crebro ceu carmine fauces
 Eudunt, & trifidam dispergunt guttura linguam.*

*Ergo ut vipeream maleuada fraude figuram
 Induit , & totum fallax processit in anguem ,*

- Pernolat ad lucum. nam fortè rubentia lati
 Carpebant iuvenes viridi de palmitè mala.*
 140 *Tum veritus serpens, firma ne mente virili
 Non queat iniecto subvertere corda veneno,
 Arboris erectæ spiris reptantibus alto
 Porrigitur, tractumque suum sublimibus æquans,
 Auditum facilem lepi sic voce momordit.
 O felix, mundique decus pulcherrima virgo,
 Ornat quam roseo præfulgens forma pudore,
 Tu generi ventura parens, te maximus orbis
 Expectat matrem: tu prima & certa voluptas
 Solamenque viri, sine qua non viveret ipse,*
 150 *Vt maior, sic iure tuo subiectus amori
 Prædulcis coniunx, reddes cui fœdere prolem.
 Vobis digna datur paradisi in vertice sedes,
 Vos subiecta tremis famulans substantia mundi:
 Quod calu, quod terra creat, quod gurgite magna
 Producit pelagus, vestros confertur in usus.
 Nil natura negat, datur ecce in cuncta potestas.
 Non equidem inuideo, miror magis. ut tamen una
 Contineat liber dulci super arbore tactus,
 Scire velim quis dira iubet, quis talia dona*
 160 *Inuidet, & rebus ieiunia miscet opimis.
 Hac malè blanditam finxerunt sibila vocem.
 Quis stupor, ô mulier, mentem caligine clausit
 Cum serpente loqui? verbum committere bruto
 Non pudet, ut vestram præsumat bellua linguam
 Et monstrum pateris, responsumque insuper addis?
 Ergo ubi mortiferum seductilis Eua venenum
 Auribus accipiens cladi consensit iniquæ,
 Tunc ad serpentem vano sic ore locuta est.
 Suauibus ô pollens coluber dulcissime dictis,
 Non, ut rere, Deus nobis ieiunia suavit,*

- Nec prohibet largo curari corpora passu.
 Ecce vides epulas totus quas porrigit orbis:
 Omnibus his licitò genitor promptissimus uti
 Præstitit, & totas vita laxavit habenas.
 Hæc sola est nemoris mediæ quam perspicis arbor
 Interdicta cibus, hæc tantùm tangere poma
 Non licitum, dines præsumit cetera victus.
 Nam si libertas temeravit noxia legem,
 Iurans terribili prædixit voce creator,*
- 180 *Quadam nos statim luituros morte reatum.
 Quid vocitet mortem tu nunc, doctissime serpens,
 Pande libens, quoniam rudibus non cognita res est.
 Callidus inde draco, & leti tum sponte magister,
 Interitum docet, & captas sic-fatur ad aures.
 Terroris vacuum formidas femina nomen.
 Non veniet vobis rapida sententia mortis:
 Sed pater inuisus sortem non contulit aquam,
 Nec vos scire dedit, sibi met quæ summa reſervat.
 Quid iuvat ornatũ compredi aut cernere mundũ,*
- 190 *Et cæcas misero concludi carcere mentes?
 Corporeos pariter sensus, oculosque patentes
 Sic brutis natura creat, soli omnibus vnus
 Seruit, & humano non distat bellua visu.
 Consilium mage sume meum, mentemque supernis
 Insere, & erectos in calum porrige sensus.
 Namque hoc quod vetitũ formidas tangere pomũ,
 Scire dabit quacumque pater secreta reponit.
 Tu modo suspensos tantùm ne contine tactus,
 Ne captiua diu franetur tege voluptas.*
- 00 *Namque ubi diuinum libaueris ore saporem,
 Mox purgata suo facient te lumina visu
 Equiparare Deos, sic sancta ut noxia nosse,
 Iniustum recto, falsum discernere vero.*

*Talia fallaci spondentem dona susurro
 Credula submisso miratur femina vultu.
 Et iam iamque magis cunctari ac flectere sensum
 Incipit, & dubiam leto plus addere mentem.
 Ille ut vicino victam discrimine sensit,
 Atque iterum nomen memoras arcemque Deorum,*

- 210 *Vnum de cunctis letali ex arbore malum
 Detrahit, & suavi pulchrum perfundit odore,
 Conciliat speciem, nutantique insuper offert.
 Nec spernit miserum mulier male credula munus.
 Sed capiens manibus pomum letale retractat.
 Naribus interdum labiisque patentibus ultro
 Ingit, & ignorans ludit de morte futura.*

*O quoties ori admotum compuncta retraxit,
 Audacisque mali titubans sub pondere dextra
 Cessit, & effectum sceleris tremefacta refugit!*

- 220 *Diis tamen esse cupit similis, serpitque venenum
 Ambitione nocens. rapiunt contraria mentem,
 Hinc amor, inde metus: pulsat iactantia legem,
 Interdumque etiam lex subuenit. aestuat anceps
 Diuidui cordis dura inter praelia fluctus.
 Nec tamen incensor desistit fallere serpens:
 Ostentatque cibum dubia, queriturque morari,
 Et inuat in lapsum pendentis prona ruina.*

*Vt tandem victa granior sententia sedit,
 Aeternam tentare famem per criminis escam,*

- 230 *Serpentem satiare cibo quem sumeret ipsa,
 Annuat insidiis, pomumque vorata momordit.
 Dulce subit virus, capitar mors horrida pastu.
 Continet hic primum sua gaudia callidus anguis.
 Dissimulatque ferum victoria sana triumphum:*

*Ignarus facti diuersa parte reuertens
 Adam, diffusi latus per gramina campi*

- Coniugis amplexus atque oscula casta petebat.
Occurrit mulier, cui tunc audacia primum
Flabat femineos animosa in corda furores.*
- 140 *Et sic orsa loqui, semesum namque gerebat
Asseruans misero pomum exitiale marito.
Sume cibum dulcis vitali ex germine coniunx,
Quod similem summo faciet te fortè tonanti,
Numinibûsque parem. non hoc tibi nescia donum
Sed iam docta fero. primus mea viscera gustus
Attigit, audaci dissoluens pacta periclo.
Crede libens, mentem scelus est dubitasse virilem
Quod mulier potui. præcedere fortè timebas,
Saltem consequere, atque animos attolle iacentes.*
- 150 *Lumina cur flectis? cur prospera vota moraris?
Venturòque diu tempus furaris honori?
Hæc effata dabat victura fercula mortis,
Intereunte anima letum dum crimina pascunt.
Accipit infelix malesuadi verba susurri,
Inflexòsque retro deiecit ad ultima sensus.
Non illum trepidi concussit cura panoris,
Nec quantum gustu cunctata est femina primo:
Sed sequitur velox, miseraque ex coniugis ore
Constanter rapit inconstans dotale venenum,*
- 160 *Faucibus & patulis inimicas porrigit escas.
Vix uno pomum libarat succida morsu
Ingluuiæ, summumque dabat vix esca saporem:
Ecce repentinus fulgor circumstitit ora,
Lugendòque novos respergit lumine visus.
Non cecos natura dedit, nec luminis usu
Priuatam faciem peperit perfectio formæ.
Nunc mage cæcus eris, cui iam non sufficit illud
Noscere, quod tantus voluit te nosse creator.
Ad vitam vobis cernendi facta facultas:*

- 270 *Vos etiam letum vestra sed sponte videtis.
 Tum patuisse gemunt oculos. nam culpa rebellis
 Falsit, & obscenos senserant corpora motus.
 Tunc primum nudos (dubium quid dicere possim)
 Extinctus natúsne pudor circumspicit artus.
 Erubuit propria iam mens sibi conscia culpa,
 Regnavitque suis carnis lex indita membris.
 Námque hinc posteritas vitiato germine duxit
 Artibus illicitis cognoscere velle futura,
 Arcanisque sacris tardos immittere sensus,*
- 280 *Edita vel celo, vel tetro mersa profundo
 Rimari, & cautas natura irrumpere leges.
 Querere nunc astris quo quisquam sidere natus,
 Prospera quàm ducat restantis tempora vite,
 Dissimilem paribus pronentum discere signis.
 Nec non & geminos uno sub tempore fusos,
 Quos indiscretus luci produxerit ortus,
 Motibus aduersis varia sub sorte notare.
 Indigetes quosdam stellis adscribere diuos,
 Iunior antiquis atas quos pratulit astris:*
- 290 *Atque infernali iam dudum nocte sepultis
 Vana per immensum disponere nomina celum.
 Iam magicam dignè valeat quis dicere frandem
 Occultas tacito tentantem pectore vires,
 Diuinis iungi virtutibus & cupientem?
 Legifer ut quondam vates, sub rege superbo,
 Dum nova monstraret iussi miracula signi,
 Commouit linore magos ut talia tentent,
 Accumuléntque suas zelo fervente ruinas.
 Illis suppeteret recta si fortè potestas,*
- 300 *Demere, non etiam festinent addere monstra.
 Emula sed signis tantum, non viribus aqua,
 Quod remouere nequit, duplicavit in finis ira.*

*Hinc est laudato quod possunt carmine Marfi,
 Cum tacita sanos producunt arte dracones
 Absentes, & saepe iubent conflagrare secum.
 Tunc ut quisque grauem bello praeferat hydru,
 Aspidis aut dura clausas cognouerit aures,
 Concutit interius secreti carminis arma:
 Protinus & lassis verbo luctante venenis,*

- 310 *Mox impune manu coluber tractatur inermis,
 Et mors tantum non virus in angue timetur,
 Interdum perit incantans, si callida surdus
 Adiuratoris contempsit murmura serpens.
 Hoc quoniam de matre trahit, & origine prima,
 Anguinea fraudis quod sic linguaeque periti,
 Mutua per speciem reddunt commercia fandi,
 Nec minus his pulsat contraria cura salutis,
 Angit praescitus ducti quos terminus ani:
 Cum tamen eductas infernis sedibus umbras*
- 320 *Colloquium miscere putent, & nota referre.
 Spiritus erroris sed qui bacchatur in illis,
 Ad consulta parat vanis responsa figuris.
 Et ne porrecto dicantur singula verbo,
 Praesenti illusus, damnabitur ille perenni
 Iudicio, quisquis vetitum cognoscere tentat.*

- Nec iam sola fuit scrutatrix Eua malorum:
 Dicam nunc aliam, tali qua peste laborans,
 Et coniuncta viro, proprium non vicerit Adam.
 Peccandi quasdam fenuor succenderat urbes,*
- 330 *Cinica permittens laxatis crimina franis.
 Incestus pro lege fuit, totumque libido
 Ius habuit, regni sedem metata voluptas
 Indigenas populos domina sub carne tenebat:
 Et scelorum studio, fida quod plebe localis
 Dandum parendi promptis respublica iussit,*

- Abstinnisse nefas, & non peccasse pudendum.*
Credebant omnes, facinus quos iunxerat unum.
Talibus offensus index atque arbiter orbis
Cum fureret, flammâsque loco finemque pararet.
 340 *Quendam dissimilem cunctis, tectoque latentem.*
Qui tunc fortè fuit propria peregrinus in urbe,
Atque inter multos solum sic alloquitur Loth.
Oppida lasciuo iamdudum plena furore
Respergunt calum maculis, nostrâsque fatigant
Quamvis obstructas scelerum clamoribus aures.
Imminet exitium, tellus succensa reatu
Ignibus ardebit, restinguet fulminis imber
Quæ non extinxit feruentia crimina fletus.
Ipsa in perpetuas soluetur terra favillas,
 350 *Quæ viuos cineres & post incendia seruans,*
Sicque solum fingens, leniter si calce teretur,
Ad minimum fugiens discedet pallida tactum.
Tu nunc lingue domum, perituras desere terras,
Et rea cum dignis subsidant arua colonis.
Nec te te impendens letam coniunxerit illis,
Non iunxit quos vita. Tibi solatia coniunx
Præbeat, hac tantum socia contentus abito.
Accelerate fugam, tendatur tramite recto,
Neu subuertendas quisquam respexerit vrbes,
 360 *Vos nescite malum. pœnas quicumque subibit*
Aspiciat, mortisq; suæ spectacula secum
Qui meruere ferant, saluandis terror abesto.
Hec pater. ast illi properant abscedere terra,
Inciduntque moras, crudeliâque arua relinquunt.
Cæperat obduci victum caligine densa,
Atque ignota prius demittere marmura calum.
Nec sic ut tonitru crebro cum percitus ather
Ostendat pauidis innoxia fulmina terris.

Sed prorsus finale malum stridore minaci

370 *Tetra per aërios mittebant signa tumultus.*

Tendebant moniti simul, & mandata tenentes

Concessam rectis ad sedem vultibus ibant.

Callidus alta petens sed qui subuerterat Enam

Serpens, femineam consuetus tangere mentem,

Hic quoque formidans animum tentare virilem,

Coniugis inspirat votis, ut nosse ruinas

Vellet, & enasas visu deprendere clades.

O demens animi, cui iam non sufficit unam

Succubuisse dolo: caruit iam parte bonorum

380 *Quae mala cognouit. si non exempla priorum.*

Terrent, exemplum fies. nostròque timori

Vel post te pereat secreti dira cupido.

Illicitum quod scire fuit, vetitumque tueri,

Respicias tantum, nec narratura videbis.

Ergo ubi maiorem vicina ex urbe tumultum

Accepit mulier, vultum deflexa retortum,

Vix primo in visu restrictis motibus haesit,

Cernere desistens cum cæperat. inde gelato

Sanguine marmoreus perfudit viscera torpor,

390 *Dirignere genae, pallor nouus inficit ora.*

Lumina non clausit, non saltem concidit illo

Pondere, quo pulsant demissa cadauera terram.

Sed stetit horrendo perlucens massa nitore,

Servauitque suam species decepta figuram.

Nec facile ut nosset, vitrum, lapis, anne metallum

Succedens homini, si non sal fauce notetur.

Extunc insipido mulier prauenta reatu

Plus falsum sine mente sapit, quae pungere sensus,

Exemplique potest salibus condire videntes.

400 *Hoc tamen hic magnum, quod non inflectitur iste,*

Nec sequitur sociam, fortis nec vincitur Adam.

*Credo equidem melius, quod non occurrerit uxor
Enarrare viro. nam si comperta referret,
Forsan & hunc visu suasset temnere iussa,
Ceu proprium gustu fecit prima uirago:
Qua postquam sese pariter comitemque fefellit,
Et nondum natam percussit uulnere prolem.*

- Tum victor serpens certamine letus ab ipso,
Puniceam crispans squamoso in vertice cristam,
410 Iam non dissimulans quæ presserat antè triumphū,
Acrior insultat victis, & talibus infit.
En diuina manet promissa gloria laudis.
Quicquid scire meū potuit, iam credite vestrū est,
Omnia monstravi, sensumque per abdita duxi;
Et quodcumque malum solers natura negabat,
Institui, dextrisque dedi coniungere lauam.
Isthinc perpetua vosmet mihi sorte dicani.
Nec Deus in vobis, quanquam formauerit antè
Iam plus iuris habes: teneat quod condidit ipse,
420 Quod docui mecum est, maior mihi portio restat.
Multa creatori debetis, plura magistro.
Dixit, & in media trepidis caligine linquens,
Constitum perii linquens per nubila corpus.*

A L C I M I A V I T I
E P I S C O P I V I E N N E N S I S
P O E M A T V M L I B. I I I.

De sententia Dei.

T E M P V S erat, quo sol medium transcen-
derat axem,
Pronus & excelsi linquens fastigia centri,

- Vicina iam nocte leues pramiserat auras.*
Illis sed maior curarum voluitur æstus,
Ferventèsque tenent malè conscia corda dolores.
Utque pudor capto detorsit lumina sensu,
Reppulit & miseros alterno à corpore visus,
Nec iam secura præstatur luce tueri
Signatam fixo peccati stigmate carnem,
10 *Indumenta petunt, foliis ut mollibus ambo*
Membra tegant, nudùmque malà de veste patefcat.
Umbrosis propter stabat ficulnea ramis,
Frondentes diffusa comas, quas protinus Adam,
Humentem capiens raso de cortice librum,
Assuit, & viridi solatur veste ruborem.
Induitur simili mulier lacrymabilis arte, &
Quos pavit misero fallax insania pomo,
Vestivit folio: sæva quos arbore nudos
Reddidit, hos gravius tenui super arbore texit.
10 *Et tamen adueniet tempus, cum criminaligni*
Per lignum sanet purgètque nouissimus Adam,
Materiamque ipsam faciat medicamina vite,
Quà mors innaluit, leto delebere letum.
Æreus excelsò pendeat stipite serpens,
Cùmque venenatum simulauerit, omne venenum
Purget, & antiquum perimat sua forma draconè.
Interea genitor viridis per mollia luci
Rorantes sudo capiebat ab aère ventos.
Protinus attonitis senserunt auribus ambo
30 *Præsentem dominum, tristi tum luce parosam*
Expanere diem detecto in crimine testem.
Illos nam vastis specubus si fortè baratrum
Panderet, aut subitum tellus monstraret hiatus,
Non pigeat prono trepidos descendere saltu.
Et si suppeteret iam tum sententia leti,

Hanc etiam raperet solandi cura pudoris.

*Seu flammis lymphisve darent, vel pectora ferro
Appeteret vindex crudeli vulnere dextra.*

Sic miseri mortem, nondum discrimine notam,

40 *Cum primum mervere volunt. exordia finem
Signant, & similes predicunt affore luctus,
Ultima cum mundi senium consumpserit atas,*

*Cumque repentinus percussit omnia fulgor
Calorum, clangente tuba, qua nuncius ante
Iudicis aduentu concussum terreat orbem.*

*Tunc cum sinceris pastor discreverit agnos,
Hædis disparibus diversa in parte locatis,
Per medium dirimente chaos, quod fluctibus implet
Sulphureis voluens undosa incendia gurges,*

50 *Flammarum stagnantelacu, quo feruida quondam
Dicitur attracto nubes Sodomitica nimbo*

*Guttatim sparsum fudisse in crimina fulmen,
Cum plueret nox tetra focos, caloque caduca.
Aëra per calidum stillarent undique mortes.*

*Taliter ignifero missi de fonte gehenna
Fluxerunt tristes aliena in secula rini.*

*At quos terribili iudex decreverit hora
Vivere post mortem, pœnæque ardore perenni,
Subtrahet optato gravior sententia leto:*

60 *Cumque foret melius, dispersis corpora membris
Carpere perpetuum dura sub morte soporem,
Inuitos tamen urna vomit, queis sola voluntas
Rursus posse mori, sensûque carere dolendi.
Sed sic accipiet ferventis flamma camini,
Ambustura suas ut nunquam finiat escas.*

*At primi interea inuenes conamine casso
Per deserta ruunt, tutoque abscondita furto
Facta putant, cæcis optant latuisse tenebris.*

Quid

Quid iuuat infelix oculos à iudice flecti?

70 *Te index cernit, nolis cur ipse videre,
Cum videre palàm? Solem non fuscet amœnum;
Si depressa grauem formidant lumina lucem;
Debilis & clarum visus non sustinet orbem.
Tum sic terribili primùm Deus increpat ore,
Atque ubi sit miserum noscens interrogat Adam.
Qui trepidam pavidò produçens pectore vocem,
Vix hæc pauca refert. Tuus ô celsissime terror
Mentibus insidens latebram tentare coëgit.*

Nam quia nuda forent inopertis corpora membris;
80 *Erubui fateor, calúmque per abdita fugi.*

*Et quis, ait, subitum concussit corde pudorem?
Visus & unde nouus? Nam te nec vellera dudum;
Nec contexta priùs velauit tegmine vestis.
Forma radis, proprio meliùs contenta decore;
Iudice se placuit. sed postquam fœdere rupto
Interdicta tuus perstrinxit germina gustus,
Naturale tibi tegmen non sufficit unum,
Hactenus & nudis nunc denudata patefcunt;
Arguit obscenus quia turpia corpora motus.*

90 *Ille ubi conuictum claro se lumine vidit,
Prodidit & totum discussio iusta reatum;
Non prece summissa veniam pro crimine poscit;
Non votis lacrymisue rogat, nec vindice fletu
Præcurrit meritam supplex confessio pœnam.
Iàmque miser factus, nondum miserabilis ille est:
Erigitur sensu, tumidisque accensa querelis
Fertur in insanas laxata superbia voces.
Heu malè perdendo mulier coniuncta marito!
Quam sociam misero prima sub lege dedisti;
100 *Hac me consiliis vicit denicta sinistris,
Et sibi iam notum persuasit sumere poinum.**

*Ista mali caput est, crimen surrexit ab ista.
 Credulus ipse fui, sed credere tu docuisti,
 Connubium donans, & dulcia vincula nectens.
 Atque utinam felix, quæ quondam sola vigebat,
 Calebs vita foret, talis nec coniugis unquam
 Fœdera sensisset, comiti non subdita prave.*

*Hac igitur rigidi commotus mente creator,
 Mœrentem celsis compellat vocibus Euam.*

110 *Cur miserum labens traxisti in prona maritum?*

*Nec contenta tuo deceptrix femina casu,
 Sublimi sensum iecisti ex arce virilem?
 Illa pudens, tristisque genas suffusa rubore,
 Auctorem sceleris clamat decepta draconem;
 Qui pomum vetito persuasit tangere morsu.*

*Post hac finalem promit sententia legem,
 Serpentemque reum prima sic voce notavit.
 Tu coluber, cuius peccavit femina fraude,
 Errorisque virum consortem reddidit ipsa,*

120 *Propter utrumque reus pendes quod fecit uterque:*

*Nec tibi sublimi constabit pectore vertex,
 Callida sed pronus per terram pectora volues:
 Utque fuga trepido sinuosa volumina currant,
 Non gressus sed lapsus erit, teque ipse sequeris
 Flexibus, & spiras vincentia vincula nectent.*

*Tum propter suam miserorum cordibus escam;
 Tellurem captans pastu vesceris inani:
 Mensibus & certis supero depulsus ab orbe,
 Inclusus terris communi sole carebis.*

130 *Inter cuncta replent quæ nunc animantia mūdum*

*Auctor mortis eris, fies gravis omnibus horror.
 Precipue infelix mulier, cum prole futura,
 Sic inimicitias odio currente reponat,
 Semina seminibus mandent ut vota nocendi.*

*Insistens semper panida sectabere calcem.
Conterat illa caput, victorémque ultima vincat.*

*Post hac attonitam index commotus in Enam,
At tu, quæ primam violasti femina legem,
Accipe succiduum vita quod restat in anum.*
140 *Imperium patiere tori, dominúmque timebis,
Quem socinm dederam: parebis subdita iussis,
Et curuata caput libitus assuesce viriles.
Moxque ubi concipiens fœtum præsenserit alius,
Ventris onus gemitu testaberis, ac tibi clausum
Anxia crescentem portabunt viscera fascem:
Donec transacto fastidia tempore complens,
Naturale malum partu sub vindice pendat
Producens vitam proles sic pœna parentis.*

Quid diuersa loquar postiam discrimina matris?
150 *Nam cum præduro mulier confecta labore
Optatam sobolem tali produxeris ortu,
Lugebis vacuos nonnunquam orbata dolores.*

*Interea trepidus iam dudum sustinet Adam;
Quid sibi terribilis tandem sententia seruet.
Cui pater, attentis, inquit, nunc auribus & tu
Accipe quid mereare, leuis quem femina vicit.
Impolluta prius pulchro sub germine tellus,
Non iam fida satis, nec puro semine simplex,
Pristina monstrabit corruptum terga per orbem;*
160 *Exemploque tuo semper tibi terra rebellans,
Vepribus ac tribalis armata resistere discet.
Aut si frangenti cedens succumbet aratro,
Vomeris & fixo mordaci dente subacta est,
Pingua decipient mentito germine culta.
Nam pro triticeo lolium consurgere fructu,
Et fictas segetes, vacuâsque dolebis auenas.
Sic vix extortum producent iugera panem,*

*Sudore assiduo nitens quem sumat egestas,
Illecebramque cibi pœnalis vindicet esca.*

- 170 *Æqualem brutis facient tibi pabula vitam;
Et simul herbarum succos pastumque requirens;
Stercore consimili depressa grauabitur aluus.
Ærumnosa diu voluetur talibus atas,
Donec præscriptum ponant tibi secula finem,
Et compacta lux solvantur tempore membra.
Limo formatus rursus redigeris in aruum.
Antè tamen proprium nati præcurrere letum
Conspicies, pœnasque tuas in prole videbis,
Vt metuenda magis cernatur mortis imago;*
- 180 *Peccasse agnoscas quid sit, quid mortua fleri,
Quidue mori. ac ne quid desit tibi fortè malorum,
Qua castigandis corruptus parturit orbis,
Acrior immensa miscebitur ira dolori.
Nam cum prima tibi producent tempora natos;
Liniore edax arto certabit limite mundi:
Nec iam sufficiet vacuus qua tenditur orbis,
Totaque germanis stringetur terra duobus.
Alter in alterius consurget funera frater,
Telluremque nouam cognato sanguine tinget.*
- 190 *Exin posteritas, varios passura labores,
Casibus in multis mortalia debita pendet,
Dum veterem ductus dissoluat terminus orbem;
Occidat omne vicens, finisque redarguat orta.
Audierat, metumque dedit conterrita tellus.*
- His pater exactis hædorum pellibus ambos
Induit, & sancta paradisi ab sede reiecit.
Tunc terris cecidere simul, mundumque vacante
Intrant, & celeri perlustrant omnia cursu.
Germinibus quanquam variis & gramine picta;*
- 200 *Et virides cæpos, fontesque & flumina mōstrans,*

*Illis fœda tamen species mundana putatur
 Post paradise tuam, totum cernentibus horret,
 Utque hominũ mos est, plus quod cessauit amatur.
 Angustatur humus, strictũque gementibus orbem
 Terrarum finis non cernitur, & tamen instat.
 Squalet & ipse dies, causantur sole sub ipso
 Subductam lucem, calo suspensa remoto
 Astra gemunt, tactũque prius vix cernitur axis.*

*Tunc inter curas permixti felle doloris,
 210 Affectus sensere novos, & pectora pulsans
 Nondam compertas prorumpit fletus in undas,
 Attentisq; genis iniussus defluit hamor.
 Haud aliter vinax deceptus mole caduca
 Spiritus, impleto venit cùm terminus aeo,
 Post obitum peccata dolet: tum quicquid iniquum
 Gesserit ad mentem reuocat, tum pœnitet omnis
 Errorum lapsus, semet quos iudice damnat:
 Et si praterita reddatur copia vite,
 Sponte ferat quoscumque dabũt mandata labores.*

*220 Sanctus namque refert de quodam diuite Lucas,
 Quem nimio luxu dissoluens vita fonebat.
 Ipse cothurnatus gemmis, & fulgidus auro,
 Serica bis coctis mutabat tegmina blattis:
 Inde vt bacchantem suassissent tempora mensam,
 Currebant epula, rotas quas porrigit orbis.
 Cũque peregrinus frugem misisset acernus,
 Feruebat priscum crystallo argente Faternum.
 Vuida quin etiam miscebant cinnama ihuri,
 Et suffusa domus pingui fragrabat amomo. [gnunt,
 230 Quod pelagus, quod terra creat, quod flumina gi-
 Certatim mensis cedentibus undique lassus
 Portabat pallens aurum cum fasce minister.
 Languidus ante fores pauper tunc fortè iacebat*

- Diuitis, obstrictis resoluta corpore membris,
 Et supplex poscebat opem, non munera captans,
 Reliquias tantum sed si quas copia iecit,
 Has tunc oppericens alius ieiuna rogabat.
 Sed proclamanti diues non addidit aurem,
 Nullaque languentem pietas respexit egenum.
- 240 Nec qua completis cecidere superflua mensis,
 Pauperis ad victum quisquam dedit. insuper agra
 Despicitur facies, & putria vulneris horrent.
 Cumque canes miti perlambant ulcera lingua,
 Blandior & fesso feritas medicabilis adsit,
 Sola hominum nescit mens semper dura moueri.
 Hac sed diuersa penitus dum sorte geruntur,
 Impendens obitus pariter pulsauit utrumque,
 Diuite praenecto, nunquam qui credidit istud.
 Pauper ad optatam longo vix tempore mortem
- 250 Post venit, & victor morbos artusque relinquit.
 Ille quidem, celsa qui dudum floruit arce,
 Fletibus ad tumulum stipato funere fertur,
 Auratoque datur conditus membra sepulcro,
 Et pretiosa tegunt elatum lintea marmor.
 Spiritus abstruso sed mox demissus aerno
 Incidit aeternas per saeva incendia poenas.
 E quarum medio sublimi in sede locatum
 Hand procul, (hoc certe censetur, nam procul inde,
 Ut docet euentus,) sinibus conspexit ouantem
- 260 Abrahe iusti mutatum in paupere vultum,
 Nec eius similem, quem dudum luce receptum,
 Quarto forte die vix quisquam largus humani.
 Ne citò dispersum natura lege cadauer
 Dira frequentata contagia mitteret urbi,
 Obtectum laceris tenui velamine pannis,
 Naribus adstrictis nuda tellure locauit.

*Angelicis manibus tunc in sublime leuatus ,
Iam diues iam sanus erat : contráque superbi,
Qui congesta tenens opibus diffluxerat amplis ,*
270 *Arida sic flammis mendicant guttura guttas.*

*O pater , electas animas qui sede beata
Colligis , & meritis dispensas premia iustis ,
Hac ego non merear : sed saltem deprecor unum ,
Lazarus ut missus veniat , digitóque leuatum
Adferat huc labris ardentibus inde liquorem ,
Quique refrigerio , si non extinxerit omnes ,
Ad tempus saltem tantos vel mitiget astus ,
Donec fessa breui respirent membra quiete.
Taliter immixto lacrymis stridore rogantem*

280 *Magnanimus tandem compellat sic Patriarcha.
Desine iam seras in cassum fundere voces ,
Et vacuas miscere preces. haud talia dudum
Dicta dabas , foribus cùm te prandente iaceret
Ipse ignotus , egens , ager , ieiunus , inanis ;
Cùm tua non caperet congestos mensa paratus ,
Pauperis atque tuas non iret clamor ad aures.
Quapropter tandem , librato examine veri ,
Præterita vita sortem dependit uterque ,
Permutátque vices. & te iam sufficit amplis*

290 *Exundasse bonis : latetur fine malorum
Qui doluit cœptis. Non est iam terminus ultra.
Insuper horrendo cingit qui tramite limes ,
Et chaos obiectum lato distinguit hiatu ,
Non finit abiunctas misceri fœdere partes ,
Accessúmque negat , sic vobis semper , ut istis.*

*Ille gemens vanum repetita voce precatur.
Si nil post obitum prodest commissa fateri ,
Nec tua mutatur fixis sententia verbis ,
Hoc concede mihi , nulla quod lege vetatur.*

Q. iiij

- 300 *Fratres quinque modò discedens luce reliqui:
His peto mittatur qui viuos corrigit, antè
In tormenta cadant quàm talia carne soluti.
Nam quamuis duro persistant corde rebelles,
Si tamen obstructa quisquam de morte rediret,
Credent experto, pœnâsque intrare timebunt.
Ille quidem poscens effectum non capit ullum,
Nos autem, dum vita manet, dum luce vigemus,
Olim defuncti perterret nuntius Adam.
Dum locus est, flendi, dum non iniusta petuntur,*
- 310 *Nec obturatis pulsatur ianua ferris.
Nonimus en cuncti, quid primus planxerit ille,
Qui pulsus prisca nesciuit sede reuerti.
Namque obitum quendam casutum pertulit ipso,
Perdita ne precibus lacrymisve reduceret ullis.
Ex tunc paulatim retro sublapsa referri
Vita prior, capîtque malis laxata potestas.
Tum tristes morbi, & varij subiere dolores,
Et corrupta satis dira pinguedine tellus
Lethali quadam suffudit germina succa.*
- 320 *Inde truces sentire fera, dudùmque timentes
Excitat ad pugnam tum primùm conscia virtus,
Reddit & armatas unguis, dens, ungula, cornu.
Ipsa etiam leges ruperunt tunc elementa,
Et violare fidem mortalibus omnia certant.
Inflatur ventis pelagus, voluuntur & unda,
Excitusque nouum turgescit pontus in æstum.
Tunc primùm tectis tetra caligine calis,
Ingratos hominum castigatara labores,
Grandineos pauidis fuderunt nubila nimbos.*
- 330 *Atque polus discors inuidit germina terris.
Quin magis ipsa sibi tellus aduersa negauit,
Seminis excepti vertens mentita nitorem,*

Hac gemini primùm senserūt tunc protoplasti-

*Posteritas nam quanta ferat dispendia rerum,
Non cui vel centum lingua, vel ferrea vox est,
Enumerare queat: nec si quem Mantua misit,
Maoniũsue canant diuersa voce poëta.*

*Quis tales referat motus? quis denique fando
Enoluat tatos qui volunt secula fluctus?*

40 *Arma fiemūt, crebra quatitur formidine mūdus,
Funditur irriguus sanguis, maiórque sititur.*

*Quid dicam celsas præclaris cœtibus vrbes
In deserta dari? populos populante ruina
Dispergi, & lacerum vacuari partibus orbem?
Seruitio subdi dominos, famulósque vicissim
Præferri dominis, & belli sorte perire,
Sors generis claro quondam quos sanguine misit?*

*At si fortè breui requiescant tempore bella,
Legibus armatas furere in certamina lites,*

50 *Ius anceps pugnare foro, quo iurgia fratrum
Non leniùs votis feriunt, quàm prælia telis?
Sed quis vota notet, clament cùm facta nocentū?*

Quis fraudes & furta gemat gaudente rapina?

Quisve minora fleat? stringi nec maxima possunt.

Inde minora tamen, si summis iuncta notentur:

Nam per se nullū facinus sub indice paruum est.

Nec refert cunctas percurri carmine causas:

Hoc paruo sermone loquar. post damna priorum

Nil superesse mali, quod non vel perpetret orbis,

o *Vel toleret, plenus scelerum, paritèrque laborum,*

In casu discrimen habens, & crimen in actu.

Sed tu, Christe potēs, cui sēper parcere promptū est,

Tu figulus massam potis es reparare caducam.

Et confracta diu resolutaque fingere vasa.

Qui dudum multo latitantem puluere dra

- Inuenis accensis verbi virtute lucernis.
 Linqnentem caulas, turpique errore vagantem,
 Pastor ouem celeri dignatus querere gressu,
 Subuehis, utque suo gaudens reddatur onili,*
 370 *Sarcina fit qua cura fuit. Sic filius ille
 Iunior, exhaustos postquam dispersit acervos,
 Vitaeque consumpto mutata est prodiga censu,
 Turpia porcorum dignè conuiuia sectans,
 Optauit siliquis compleri vilibus aluum,
 Donec sana fames longo discrimine victum
 Cogeret offenso tandem se reddere patri,
 Confessumque reum laxato crimine solui.
 Denique prostratum mitis pater allenat ultro,
 Et trepidum blanda solatur voce pudorem.*
 380 *Ornatus reduci vestis dat prima secundos,
 Latæque sollennis celebrat conuiuia cœtus,
 Quid rediuiua suis quodam de funere proles
 Surgat, & orbato redeant noua lumina patri.
 At tu, prepollens hominum rerumque creator,
 Quamquam cuncta velis fide constare saluti,
 Nulla tamen pateris nostræ dispendia mortis,
 Nec quoquam percunte tuis contingere damnum
 Diuitiis poterit. nescis decrescere, nescis
 Augeri, & pleno perstat tibi gloria regno.*
 390 *Sed famulistu redde tuis quod perdidit Adam,
 Quodque tulit primùm vitiatæ stirpis origo.
 Ortum restituat melior iam vita secundo.
 Sorduerit nimium lacero circumdata peplo
 Forma vetus, scissam ponens cum crimine vestem,
 Pallia prima pater redeunti porrige proli.
 Seminecem quondam miserans qui fortè repertum
 Proiectumque via, quem sani cade latrones
 Impositis cuncto spoliarant tegmine plagis.*

*Sed tu, sancte, viam sumpto dum corpore curris.
Inuenis allisum, nec prateris: insuper agrum
Iumento carnis propria sub recta reportas.
Nos fuimus quondam rabido data preda furori.
Sed si nunc medico percurrat vulnera fottu,
Gratia producens oleum, sapientia vinum,
Commendet stabulo Samaritidis extera cura,
Pelletur validus medicato corpore languor.
Suscipe, qui non vis moriendi crescere causas,
Quos confessa tibi gemitus pia pectora fundunt.
Vt quondam tecum, passa sub tempore carnis,
Proximus immani dependens stipite prado,
Quem non culpa tibi similem sed pœna tenebat:
Ille tamen nexus membris, nec corde ligato,
Et si confixas clauis extendere palmas
Non potuit, liber mentem cum voce tetendit.
Sicque reus scelerum dum digna piacula pendit,
Martyrium de morte rapit. cni sine sagaci
Maxima cura fuit tales non perdere pœnas,
Preripuit scandens aditum, caloque lenandus
Ardua sublimi tenuit compendia saltu.
Porrige sic nobis celsam, pater inclyte, dextram.
Nos quoque perpetuae conquirat vita saluti,
Atque profanati deceptis fraude latronis,
Ceut tibi compasso miserans succurre latroni.
Liuida quos hostis paradiso depulit ira,
Fortior antiqua reddat tua gratia sedi.*

ALCIMI AVITI
EPISCOPI VIENNENSIS
POEMATVM LIBER IV.

De Diluio mundi.

- I**Nfectvm quondam vitiis concordibus orbẽ,
Legitimũque nefas laxata morte pium
Diluio repetam: sed non quo fabula mendax
Victuros lapides mundum sparsisse per amplum
Deucaliona refert, durum genus unde resumpti.
Descendant homines, cunctisq̃ laboribus apti
Saxea per duram monstrent primordia mentem.
Sed veri compos, fluctus nunc prosequar illos,
Per quos immissus rebus vix penẽ creatis
- 10 Lactentem velox praeuenit terminus orbem.
Extulerat mortale genus crudelibus ausis
Ingentes animos: licitum quod cuique liberet
Credidit, & propria valuit pro lege voluntas.
Ius adeo nullum, sic nil distare putatum
Fasque nefasque inter, recti custodia nusquam,
Non iudex, non testis erat, non denique rector,
Arbiter aut morum, vel qui suaderet honestum,
Sed princeps sibi quisque fuit virtute nocendi,
Nec meritis sed mole potens, qui fortior esset
- 20 Hic melior sibi met, sed se censore, placebat.
Sic hominum vitam brutorum more tenebat
Moribus addicens mens inclinata ferinis.
Sanguine potus erat, casorum viscera passim

Indomitis laceras praebebant fancibus escas.
 Insuper & quadrupes, propria qui morte necatur;
 Senior aut certè quem vincens bestia cepit;
 Pastus erat, quem nulla fides, lex nulla vetabat.
 Ut verò pecorum ritu permissa voluptas,
 Et diffusa palàm raptis lascinia franis,
 30 Luxuriaque forum, atque obsceni nundina mūdi
 Fœrueret, casto fas non est dicere cantu.

Talibus ac tantis hominum gens improba gestis
 Siluestres animos, natura fœdere rupto;
 Induerat, pulsaque simul ratione furebat,
 Et deserta iacens domini caelestis imago
 Omne decus mentis turpi deiecerat actū.
 Haud secus ac pulchri cūm fertilis area campi,
 Quam succisa dedit purgato robore sylua,
 Dum colitur, insto paret fœcunda labori,
 40 Subiicitur rāstris, respondet frugibus, ac se
 Seruat composito ruralis gratia vultu.
 Agricola oblitus si brachia fortè remisit,
 Laxauitque manus, fessoque quieuit aratro,
 Pigrescit primūm durato cespite tellus,
 Mox rudibus ramis atque aspera palmite crebro
 Disciplinatos dissuescit promere fructus,
 Effundit frutices varios, siluamque minatur:
 Quam si nec sera succisor falce repurget,
 Non iam virgultis, sed denso stipite lucus
 50 Texitur, & steriles diffundit in aëra frondes:
 Donec conclusa ramis currentibus umbra,
 Mox opportuna depulso sole tenebra
 Iam secura feras inuitent credere lustra.
 Taliter humani generis, non ordine recto,
 Perdita mandata iam post primordia legis,
 In prauum labens paulatim vita tetendit.

*Proficiens peiore via, constantior ipso
Iam paribus studiis nutriti criminis usu.*

Et tamen auctorem vitij, culpaque magistrum;

60 *Doctior errorum, lapsusque peritior omni,*

Succidua prolis crescens audacia vicit.

*Vt fluvius parva primum diffusus ab urna,
Perspicuum leni promit cum gurgite fontem,
Tramite quem summo facili transmittere saltu
Quisque potest, mox irriguo deductus ab ortu
Viribus augetur subitis, ripasque retrorsum
Pellens, crescentes tendit per plana liquores,
Occupat & spatium, pereuntique imminet aruo:
Tum circumfusos vicinis vallibus amnes*

70 *Sorbet prateriens, externasque incipit undas*

*Augmento finire suo, mixtasque sub uno
Nomine; contrasis diffuso gurgite terris,
Cum trabibus, stabulisque bouum, lustrisque ferarum,
Senior accessu, longoque furore potitus,
Tandem desistens pelagi transportat in undas.*

*Hos inter motus, similisque ad turbinis instar;
Humanum vitiiis ibat genus: & tamen ipsa
Longior insanas mentes dissolueras etas.
Centenos novies crebro cum duceret annos*

80 *Vita tenax, tanto suspensi tempore leti
Nullus terror erat. sors si quem sera tulisset,
Ceu qui nec natus fuerit, nunquamque leuandus
Morte putabatur. sic cunctis nulla futuri
Spes inerat, solusque sibi fundauerat omnem
Sensibus in cecis periturus mundus amorem.*

*Tempore quinetiam peccatrix terra sub ipso
Nutribat saenos immania monstra gigantes.
Nec tamen effari licitum quo semine cretos.
Communem cunctis ortum de matre ferebant;*

- 90 Qui genus, unde patres, prohibent arcana fateri.
 Si speciem queras, humani corporis illis
 Plus vultus, quàm forma fuit: sic linea membris
 Conueniens hominem monstrabat, dissona molem.
 Quam propter deinceps commentis Gracia fictis
 Dedecus infandum massis informibus auxit,
 Et portentosis descripsit corpora membris:
 Pube tenus quòd forma viris, cùm corporis ima
 Supplerent vasti mixto pro crure dracones.
 Artus semihominum patulis qui faucibus atri
 100 Ferrent, & verso præberent vertice gressus.
 Tunc etiam solitos, iusso terrore tonanti,
 Blasphemis calo conuitia mittere plantis,
 Mordacèsque pedes motu fremuisse veneni.
 His similes mendax Phlegrai fabula belli
 Excussas finxit iecisse per aëra rupes,
 Pro telis spatiosa manus quòd turbine montes
 Sparserset, & missis calum quassauerit arnis.
 Hæc sunt priscorum quæ de terrore gigantum
 Carmine mentito Gray cecinere poëta.
 110 Et tamen audaci voluit contendere pugna
 Quisque rebellis erat. qui cùm confligere telis
 Non potuit, sanis concepit praelia votis.
 Montibus impositos fas non est credere montes,
 Hoc tamen & deinceps illos tentasse putabo,
 Qui coctos lateres, lentoque bitumine iunctos,
 In sublime rati manibus sic posse superbis
 Sustolli, & celsas in sidera surgere moles:
 Cùm fureret mortale genus, castòque labore
 Irrita transcenss cementa inferret in altum
 120 Nubibus, & refugum sequeretur machina calum;
 Non prius abssistens, subitas discordia linguas
 Quàm daret, & varius cōfunderet omnia sermo.

- Hinc sparsum fœdus, scissa sic lege loquendi
 Consensum scelerum turbata superbia rupit,
 Dum se quisque suis, possit quæ noscere, verbis
 Aggregat, atq; nouas sequitur gēs quæq; loquelas.
 Sic interrupta perierunt culmina masse,
 Effectūque carens cessauit in æthere turris.
 Hac post diluuium. Nam quantas tempore priscō
 130 Pressa gigantaas tellus produxerit arces,
 Atque laceffitis contemptum immiserit astris,
 Abstergente Deo sat nostra silentia damnant:
 Cernebat patiens iam dudum insana frementes
 Terrarum populos hominum rerūque creator,
 Expectans si quem vani consortia mundi
 Linq̄uentem melior moneat resipiscere cura.
 Sed coniuratus postquam percurrere cœptum
 Perditionis iter statuit, sensūque per omnem
 Obtinuit victor peccati insignia mundus,
 140 Nec reuocare gradū quisquam, gressūq; referre.
 Præcipiti iam mente potest, exhorruit auctor,
 Pœnituitque, videns totum quod fecerit orbem.
 Tum tales tonuisse minas commotus ab alto
 Fertur, & excitas laxasse his vocibus iras.
 O nullis adtracta bonis, nullisque repressa
 Legibus, antiquo tantū submissa draconi,
 Effera gens hominum, ducto corruptior æuo.
 Non Enam cecidisse sat est, transcenditur omni
 Inuentor leti lapsu: nec sufficit illud,
 150 Vicit in expertum quod serpens pristinus Adam:
 Non contenta suo fœdari vita parente,
 Affeclat mortem propria virtute mereri.
 Expectasse diu non profuit. in super omne
 Concessum venia rapuerunt crimina tempus.
 Iam nimium longas patientia prefferit iras
 Vindictæ*

Vindicta iam tempus adest. Non fulmina calo
 Flammeus ardoraget: vasto nec cedit hiatu
 Qua premitur nimio succumbens terra tumultu:
 Sed sordens vitiis fluctu delebitur orbis.

- 160 Ad chaos antiquum species mundana recurrat,
 Inque suas redeant undarum pondera sedes.
 Arida decedat lymphis, rursusque sepultas
 Terrarum species informis contegat humor.
 Hac clades vinis, carnique hic terminus esto.
 Sic pater æternus disponens funera rerum
 Diluvium dextra terras vibrabat in omnes.

- Interea pleno vivebat iustus in orbe
 Vnus homo, & mentem solus servabat honestam.
 Nullus vota Deo donis precibusque ferebat
 170 Hunc præter, dignum quæ summus laude creator
 Noffet, & exceptum vitæ servare pararet.
 Stemmatis hic sancti: nam claro nobilis ibat
 A proavo, quem prisca fides & conscia virtus
 In calum sine morte tulit, sic celsa petenti
 Successit magno non impar pronepos actu.
 Nec plus est illum salvi cum corporis usu
 Terrenas liquisse domos, intrasse supernas.
 Denique quò priscus quòdam cōscenderat Enoch,
 Elias curru post tempora longa secutus,
 180 Scribitur ignitis scandens penetrasse quadrigis,
 Cum suspensa leues transmitteret orbita ventos,
 Ungula vel premeret calcatas pondere nubes,
 Pallatumque ferens sanctum non ureret ignis,
 Et motus servans nescires flamma calorem.
 Hos igitur satis est calum potuisse mereri
 Membrarum sub lege sitos: sed non tamen illud
 Segnius admirer, sancti quòd tempora Noë
 Vnius ob meritum, natis viribusque tuendis

- Orbis in exitio potuerunt ferre salutem;
 190 Est ille in calis, numero praestantior omni,
 Angelicus sine fine chorus, qui laude perenni
 Conclamat celebratque Deum, famulantia suetus
 Ferre ministeria, & iussis parere supernis.
 Hi nunc quod rectum mortalia corda precantur,
 Concipitur dignis sacro quod pectore votis,
 Quicquid larga manus collectis spargit egenis,
 Excipiunt, sanctoque ferunt super astra volatu.
 Quinetiam iustos, fragilis dum vita fatigat,
 Tutantur; mundi que inter discrimina servant.
 200 Sed tamen in cunctis praecellit clarior ille,
 Maxima quaque Dei quo dispensante ministro
 Res geritur, summisque parat mysteria causis.
 Hic dominum cali venturum corpore sumpto
 Virginis intactam iussus praedixit in alium,
 Sacraque dotali complexuit viscera verbo.
 Hic & Baptista praecurrens nuntius ortum,
 Desperata diu dum ferret germina patri,
 Inter sacra virum conterruit, & dubitantes
 Protinus ingrato restrinxit in ore loquelas,
 210 Donec praedicto fecundam redderet ortu
 Prolis animum, multos sterilis qua tenta per annos,
 Fudit diffidens effæta puerpera foetum.
 Hic rerum solers summusque Archangelus, alto
 Aëra per liquidum, lenibus circumdatus auris,
 Vibratasque mouens ignito in corpore pennas,
 Nulli conspectis ad terram motibus ibat,
 Et tum forte gemens cunctorum crimina Noë
 Inflexis stratus genibus, cum supplice planctu
 Mundantis veniam mundo nolente petebat:
 220 Cum subito clausis foribus tunc aliger intrat
 Conspicuum, claro resplendens nuntius ore.

Vix valet, & pauidi detorquet lumina vultus.
 Ille salutiferis primum mulcere timentem
 Aggrediens verbis, cali mandata ferebat:
 Pax tibi, iuste virum, pacem tibi missus ab alto
 Imprecor, ut pulso capias mea dicta dolore.
 Hec mandat summus terra pelagique creator.
 230 Insperata quidem cunctis sententia leti
 Imminet. hanc solus sed qui transire mereris
 Et praescire potes. Nam te calcata voluptas
 Iampridem rectum toto discreuit ab orbe.
 Vnica sed quoniam sanum depellere letum
 Vita tibi poterit, tantos euadere casus
 Qualiter incipias paucis ex ordine fabbr.
 Finis exit rerum, permissis undique lymphis.
 Atque relaxata vastabisur orbis abysso.
 Nunc age, congestis crescat fortissima lignis
 240 Machina, qua surgens fluctus superenascet omnes.
 Tercentum cubitos per longum ducta tenebis,
 Bis quinque latè claudetur, bisque vicenis.
 In triginta illi constabit culminis altum.
 Per medium per ter longo cœnacula tractu.
 Edita suspensis domibus tabulata lenabunt:
 Ut generis proprii seruans consortia mansor
 Componat parvis dispersa cubilia cellis.
 Tum ne rimosi compagum fortè meatus
 Accipiant inimicum imbrem, linirè memento
 250 Iuncturas laterum, pigrumque infunde bitumen.
 Taliter effectam cum consummaueris ædem,
 Protinus ingredi, ac mundum dimitte cadentem:
 Exclusit quem culpa frequens, includere vita
 Incipiat, circumque fremant te sospite mortis.

R. ij

*Quinetiam lateris sociam succedere testō,
Et cum coniugibus natos intrare iubeto.
Tūque secundus eris deleti germinis auctor,
Vt te post primum repleatur terra parente.
Sed quia perfectō diuinis viribus orbe,*

- 260 *Post operis finem, post leges, pōstque sacrata
Sabbata, formari quicquam non conuenit ultra:
Ne penitus cessans intercidat omne creatum,
Spirantum ē cūctis pecorū, celerūque volucrū,
Siluarūque feris, & qua inmenta vocantur,
Vel qua per tacitos reptant labentia motus,
Bina cape, & tecum claustrō vītura reconde:
Sic tamen vt proprios teneant sua vincula sexus,
Vnde genus rursum tellus implenda resumat.*

- Ne timeas ne fortē feros animantia motus
270 Seruent, aut subitis præsument rictibus iras.
Fædus erit totis, quæ discordantia profert
Per varios natura modos, & pace fideli
Parebit iussis quicquid concluderis illic.
Serpentis tantū semper signum caneto.
Vertice submisso blandum licet ille trisulcis
Finxerit abscondens per dulcia sibila linguis
Immortale odium, nunquam tu credulus ills,
Quem nimis expertus vitædum pramonet Adam.
Hostis namque semel voluit quicumque nocere,
280 Hic semper suspectus erit, penitusque cauendū est,
Ne iam mentito coniungat fœdera prudens.
Tu post exemplum iussis seruire memento.*

*Hac fatus, vacuum leuibus secut aëra pennis,
Mortalem fugiens aciem, calōque relatus
Heroem trepidum mandata lege reliquit.
Ipse tamen tali manibus cum voce lenatis,
Quisquis, ait, nobis tantam spondere salutem,
Sen missus, sen sponte tua, super aethere celsō*

Venisti, & placidum sacraſti fœdere pactum,
 290 Sis fautor, firméntque tuas promiſſa loquelas,
 Auxiliúmque tuum conatibus inferere noſtris,
 Vt tenuis tantam valeat manus edere molem.

His breuiter dictis, vita ſpem corde reponit,
 Aggreditúrque celer ſacri præcepta laboris.
 Quis tantos capiat ſenſus? quis denique ſermo
 Explicet, aduectis fuerit qua copia lignis?
 Nudari colles, ſpoliate robore ſilua,
 Mons ut quiſque fuit, famulo placuere paratu.
 Pelion immenſas cum mittat vertice quercus,
 300 Inſuper exponit multa virtute reciſum
 Oſſa nemus, Pindóque abies ſubducitur alta.
 Atlas ipſe nouas icſtu reſonante ſecures
 Senſit, & annosas dedit ad naualia pinus.
 Inuiſtum tunc ſurgit opus, contexta lenatur
 Porrectis trabibus præceſſi culminis ades.

Hæc inter, diſcors varij ſententia vulgi.
 Nam multi lymphis obſtacula tanta parantem
 Irrifere virum, moles quòd clauſa moneri
 Fluminibúſque dari nequeat, quã fortè vel ampli
 310 Euphrates Nilúſque queant vix claudere ripis.
 Humani generis quid mens incredula reris
 Mortalem non poſſe manum coniungere ponto
 Ædem longinquam? pontus námque obuſus ultro
 Curret, & adductum tangeret ſtans fabrica littus.
 Aſt alios celſam compaſto robore maſſam,
 Ignaros quanquam cladis, cauſæque latentis,
 Mirari nouitas & formidare coëgit.
 Haud aliter ſtudioſum iam tunc diſmiſerat omnes,
 Quàm nunc mundus agit. Sunt qui cõpuncta fideli
 320 Corda dicant operi, rebúſque inſtare ſupremum
 Discrimen norunt, corpus quo concidat omne.

*Bacchatámque diu consumant sacula carnem,
Effugiet tunc ille malum, quicumque paratus
Construat ut validam praeuri tegminis arcam,
Per lignum vitale crucis servatus ab undis,
Tunc cernet quanto contempserit otia fructu.*

*Hand procul attentū contēplans hunc operantē
Nonne piger quisquam lucri, tadēnsque laboris,
Insanire putet, cura quòd solus inani*

330 *Æstuet, & rebus nolit pereuntibus vti?*

*Sic epulans parcum, sic largum quisquis avarus,
Sic nudum raptor, sic castum ridet adulter,
Sic circumscribens illuso simplice gaudet.
Sic sapuisse dolet dives, cū congregat aurum,
Spargentem nummos, ultròque in paupere censa
Consumptis opibus miserum ratus esse beatum.*

*Inde repentinum iudex cū cerneret orbi
Aduentare diem, finis sic protinus inquit
Imminet, ut iusti quondam sub tempore Noë,*

340 *Diluvium varios mundi cū repperit ætus,
Et carnem consumpsit aquis, opifexque salutis
Evasit parto diffusa pericula claustro.*

Hæc evangelicis sunt inclamata figuris.

*Providus interea consummat conditor arcam.
Tunc iussa accurrūt volucres, tunc bestia quæque,
Consuetum linquens siluoso tegmine lustrum,
Deposita feritate venit, seseque tenendam
Ingerit occurrens, & libertate relicta
Includi gaudet. tantū decreta futuri*

350 *Vis valet. occultus brutis in sensibus ardet
Terror, & expectans agitat formidine vitam.
Ait homines, quos sors certi discriminis urget,
Vicina nec morte paenent. satis undique constat
Vitali indicio precedere sæpe timorem.*

*cuius latósque reos tellure Gomorra
 in prope sub flammis sententia dicta videbat.
 Inissa contra populis terrore salubri
 raualluit pro pace metui. Nam venerat illuc
 iussus, multum ille & terris iactatus & alto,
 Qui clamaturus tanta discrimina plebi
 Diluvium timuit mundo constante propheta.
 Auserat hunc valido peruadens bellua ridu,
 Immersumque mari ventris concluderat arca.
 Deglutire virum, faneesque implere capaces,
 Ardenti monstro cum sit permissa potestas,
 Non licuit mordere tamen, nil dentibus actum.
 Intrauit cupidum deludens prada vorantem,
 Inuasusque cibus ieiuna vixit in aluo,
 Dum tres luce dies una sub nocte propheta
 Sol ageret, litusque nouum vacuanda viderent,
 Et castigatum vomerent ergastula pastum.*

*Vt monstro exutus vates, calumque recepit
 Contingens terrae, magnam tunc percitus urbem
 Terribili cum voce petens, quid criminis, inquit.
 Ardetis flammis? restringent omnia poena.
 Iamque venit finis, lentum est hoc dicere, venit.
 Non plus fatus erat, totus coniurat in omne
 Lamentum populus: procurrunt undique fletus,
 Rectora tünduntur, calum suspiria pulsan.*
 30 *Mollibus abiectis Cilicum dant tegmina seta,
 Inque cibos cinerē, lacrymasque in pocula fundūt.
 Ipse etiam, dignus tali qui tempore princeps
 Ante aciem flentem portet vexilla salutis,
 Atque nouum dictu metuens discrimina vincat,
 Proiicit hinc sceptrum, linoit sublime tribunal,
 Pallia blattarum spreto diffibulat auro,
 Serica despiciens, atque aspera tegmina sumens.*

- At pius ex alto contemplans talia rector
 Exertas reuocat sedatis motibus iras,
 390 Vibratūque tenens restinxit missile fulmen.
 Temporibus propriis iustus sic conditor arce
 Securo solus timuisse pericula mundo
 Gaudebit, finem cunctis, sibi ferre salutem,
 Dinexam cernens meriti discrimine sortem.
 Ergo ubi siluestres sexu collegit utroque
 Inclusitque feras, pecudum tunc eligit illa
 Sumere, qua licitū est mandi, vel munda vocatur.
 Hinc tantū septena dedit viuētia claustrō,
 Ut ternis paribus seruatō semine saluis,
 400 Septima qua fuerint sacris quandoque litentur.
 Et iam vitalis concluderat omnia carcer.
 Tunc Iustū, cunctōsque suos, natōsque, nurūque,
 Accipit expectans claustrum, vitæque reponit.
 Nam seruos nondum dederat natura vocari,
 Nec dominos famulis discernere nouerat ordo.
 Primus enim maculam seruili nomine sensit
 Huius natorum medius, qui fortē cachinna
 Disiectum petiit misero spectamine patrem,
 Materiāque sui risit deformior ortus,
 410 Et plūs iam surpis nudato simplice nequam.
 Quod postquam sanctus potuit cognoscere Noë,
 Natum germanis famulum dedit. inde repertum
 Tale iugum. cuncti nam semine nascimur uno.
 Seruitij certē causam fecisse roatus
 Cernitur, & liber peccans fit crimine seruus:
 Si rursus nexu famulus stringatur honesti,
 Natales faciens sibimet, iam nobilis hic est.
 Nuntius interea, dudum qui missus ab alto
 Detulerat Iusto celestis munera verbi,
 420 Protinus ut clausum vidit, rebūque paratis

reſtare diem, rursus deſcendere calo
 inans, laxos firmanit cardine poſtes,
 luſitque viros, atque oſtia fortia traxit,
 feſtimque leuans ſupero ſe rettulit axi.
 Quo ſexcentos ſenior tranſcenderat annos,
 unaque bis plenos addebat menſtrua curſus,
 optimus & decimus qui poſt illuxerat orbi,
 ſtimus ille dies iam nunc dabit omnia leto.

Illicet obtegitur calum, nimiſſque tenebris
 ſceta repelluntur fuſcati lumina ſolis.
 ſanas hominum mentes vix tangere terror
 æperat, inſuetus mox profluſit æthere nimbus,
 it valido primùm ſimilis demittitur imbri.
 Arida terrarum pariter maduere per orbem,
 Vna fuit toto facies & nubila calo.

Ægyptus tunc ipſa nouas expanit ad undas,
 Alſit & infuſus Garamas, dudùmque calentes
 Humida Maſſylas tetigerunt frigora Sirtes.
 Nec longum pluuie ſpecies, non denique gutta
 Stillant, ſed rupto funduntur flumina calo.
 Non aliter Tanaïs, niuibus cùm paſcitur albis,
 Riphæo de monte ruens illiditur amni,
 Pracipitatque ſimul longo quod tramite ducit.
 Vndarum tali quatitur certamine tellus,
 Fitque lacus inſtar compreſſus fluctibus ær.
 Nectamen hîc lymphæ tantùm fudere ſuperna,
 Terreſtres etiam mundus conſurgit in iras.
 Rumpitur omne ſolum, crebros dant arua meatus.
 Proſiliunt fontes, ignotæque flumina manant.
 Vergitur in ſarſum mutato pondere nimbus,
 Inde cadens calis, hinc terris undique ſurgens,
 Occurrit mox vnda ſibi, iunctoque furore
 Coniurant elementa neci. tranſcenditur omnis

*Riparum limes fluminis, atque obice rupta
 Senuit laxatis discurrens humor habenis.
 Sed cum diffusa spatium concludere terra
 Omnia certarent, mundumque implere capacem,
 Suspendi forsán potuit sententia leti,
 Atque mora maiore trahi, quo tardius omnem*

- 460 *Concedens spatium rapiat fors ultima carnem:
 Oceanus vertex rerum ni feruidus uno
 Littore, quo tantum terras atque equora cingit,
 Exiret, rumpensque fidem perfunderet arua.
 Dissipat aeternas leges, & sede relicta
 Regna aliena petens natura foedera turbat.
 Ut diros primum pelagi sensere furores
 Illustres flumini, magnos quos inclita cursu
 Fama refert, motusque novos stupuere parumper,
 Ut credas sapuisse fugam, sic versa retrorsum*

- 470 *Pex terras spargunt sublata volumina ponto.
 Insequitur tamen Oceanus, refugisque fluentis
 Imminet, & falsis impellit molibus amnes.
 Tunc maior strepitum tanto mortalibus agris
 Fit metus, ascendunt turres, & celsa domorum
 Culmina, praesentemque iuvat vel tempore parvo
 Sic differre necem. multos dum scandere tentant
 Crescens unda trahit, quosdam montana petentes
 Consequitur, letoque fugam deprendit inanem.
 Ast alij longo iactantes membra natatu,*

- 480 *Defessi expirant animas, aut pondere nimbi
 Obruta flumineas commixta per equora lymphas
 In quocumque bibunt morientia corpora monte.
 Adibus impulsis alij periere ruina,
 Inque undas venere simul domini que domusque.
 It fragor in calum sonitu collectus ab omni,
 Quadrupedumque greges humana in morte cadentium*

rent confusos permixta voce tumultus.
 inter miseri feruentia funera mundi,
 grauis insanis pulsatur motibus arca,
 spagésque tremunt, stridens iunctura laborat.
 n tamē obstrētā penetrat vis improba, quanquā
 rberet, & solidam fluctu feriente fatiget.
 Non aliter crebras Ecclesia vera procellas
 stinet, & sauis sic nunc vexatur ab undis.
 inc gentilis agit tumidos sine more furores,
 inc Indaea fremit, rabidóque illiditur ore,
 rnocat inde furens heresum vesana charybdis:
 urgida Graiorum sapientia philosophorum,
 nter se tumidos gaudet committere fluctus.
 bloquiis vanos sufflant mendacia ventos,
 sed clausam vacuo pulsant impunē latratu.

Iam medium crescens arca contexerat unda,
 Commonitque cauam suspendens undique molem;
 Et melius tutam facili portante natam,
 Quóque vocāt unda, sequitur iā mobile pondus.
 Cedamus mundo, dum ducimur: omne resistens,
 Si flecti nescit, metuat vel pondere frangi.
 Sed sic cedamus, fluxum ne sentiat intus,
 Peccatúmve trahat mens impenetrabilis vllum.
 Nauigat interea claustro commissus eunti
 Fons vita, seruátque furens super omnia pontus
 Orbis depositum, fido quod tegmine promat,
 Cūm pax terrarum reddi sibi debita poscet.

Ergo ibant unda, tellus subducitur omnis,
 Collibus impositæ vicerunt edita lymphæ.
 Delituit tectus ponto tum pinifer Othris,
 Parnassi vertex caute non protulit altam,
 Ipsa cupressiferi latuerunt saxa Lycæi,
 Subducta rupes, equata fluctibus Alpes,

- §20 Omnibus exclusis totus iam denique mundus
 Axis & unda fuit. Nam cunctis morte subactis
 Regnabant pelagi siluoso in gurgite monstra.
 Et iam vicinum pulsabant humida calum,
 Iamque quaterdenis manabat noctibus imber,
 Complebatque necem, nec iam quod tolleret ultra
 Mors habuit, pressitque natantia funera pontus.
 Franantur tandem pluuiæ, resplenduit æther,
 Redditur & calis vultus. Sol ipse reductus,
 Sed non inuentis queis reddat lumina terris,
 §30 Tantum luxit aquis. tristis videt æquora fulgor,
 Quamque breues radios admotas frangit in undas,
 Tam consumendis feruens ac proximus instat.
 Nec minus & patuli terra clauduntur hiatus,
 Quaque prius vomuit letali ex ore fluentia,
 Obicibus propriis constricta resorbet abyssus.
 Nec tamen ut venit, breuiter sic unda recedit:
 Siccant non pauci longo sed tempore menses,
 Quod pauci fudere dies. iam ducta natatu
 Armenia celsis instabat montibus arca,
 §40 Et nondum nudis fundo consedit in aruis.
 Ut stabilem sensit senior, motuque carentem,
 Nec fluitare natans ventosa per æquora lignum.
 Credidit abductis nituisse liquoribus orbem.
 Tunc reserat summam sublimi à fronte fenestrâ,
 Emissa refluos exploret ut alite fluctus.
 Illa volans longo dinerberat aëra plausu,
 Atque quatit vacuas pennarum motibus auras.
 Cumque diu fessis undas perstringeret alis,
 Nec locus optatam requiem concederet ullus,
 §50 Consuetum repetit prospecto ex æquore claustrum.
 Exceptam senior manibus tunc colligit intus,
 Aduertens nullas patuisse per humida terras.

*terea magna pontus se mole mouendo
 Chaos antiquum linquens mundana redibat.
 celsi tandem proferre cacumina primum
 ipsiunt, post quos tenues crebrescere montes.
 verò ut pelagus cinxerunt littora priscum,
 canusque sacer, notas collectus in oras,
 intentus solito labentia flumina tractu
 rruit, & cunctis distinxit frana fluentis,
 irrentesque sua clauserunt undique fossa,
 libera subductis nituerunt arida lymphis.
 nunc interposito producens tempore coruum,
 ire cupit senior, vacuumque interrogat orbem.
 Illes ut extensis nitidum petit aëra pennis,
 inspicies plenis stipata cadavera terris,
 arnibus incumbens, & mox oblita reuerti,
 lectorem placidum communi in sede reliquit.
 sic nescis, Indae, fidem seruare magistro,
 sic carnem dimissus amas, sic gratia nunquam
 custodi vitæ dominoque rependitur vlla.
 Mente vaga sic laxus abis, sic fœdera legis
 Rupisti, & primum violasti perfide pactum.
 Temporis ut spatio senior collegit inertem
 Iam potuisse satis coruum se reddere claustris,
 Ignarus tardi rediens, causeque morandi,
 Ne fors innexis fessum consumpserit alis,
 Iunxerit & cunctis pereuntibus unda recurrens:
 Protinus albentem mittit de sede columbam.
 Illa memor iussi rapido petit arua volatu,
 Paciferaque videns ramum viridantis olivæ,
 Decerpit, mitique refert ad condita rostrum.
 Tali legatus firmavit fœdera simplex
 Indicio, purumque pius sic comperit orbem.
 Integer emensum vertebat circinus annum.*

*Quo felix claustrum spirantia cuncta tenebat:
Tum pater ablatis obducta repagula ferris
Pandit, & inclusis desuetum reddere solem
Incipit, effato redeant ut semina mundo.*

- 590 *Antè tamen Iustus iubeat quàm sparsa vagari;
Singula de septem, quæ dudum claudere munda
Curauit, natis pariter, nuribusque vocatis,
Cespite constructa disponens immolat ara,
Accendens sanctos his primùm altaribus ignes.
Plurima dum magnis adolentur corpora flammis,
Et numerosa leuat præpinguem victima fumum:
Suavis odor letum tetigit trans athera calum,
Primæque purgati suscepta est hostia mundi.
Tunc igni permixta sacro vox intonat ista.*
- 600 *Haëtenuß infectus contagia traxerit orbis,
Sufficiat regnasse nefas, mundata lauando
Perpetuo niteat tellus & vultusque reductos
Contineant elementa suos: haud amplius ullis
Perturbata malis moles mundana fatiscat.
Vos quoque, quos leti saluauit tempore vita,
Intactosque tenens casus defendit ab omni,
Ducite securum seruatís legibus animum,
Vosque caput generis facundo semine prolem
Spargite, diffusum latè quæ compleat orbem,*
- 610 *Deletum instauret numerum, dominetur & orbi.
Fertile quinetiam reddent animantia germen,
Quod tamen inflexû famulabitur ordine prisco.
Insper & terris ex hoc iam non erit ultra
Diluuium regnans, carnem quod conterat omnem.
Vñum quod fuerit, signo monstrabitur vno.
Nec similem repetita necem peccata videbant:
Et si crimen erit, terror non deforet alter.
Sic vñum genitor iurans baptismâ sacrabat,*

Vt semel ablutum lymphis purgantibus orbem,

620 *Sic sperare reos lauacrum non posse secundum.*

*Vix tribus exactis cali iam partibus ibat
Pronus in occasum radius, cum fortè remotam
Axe sub Eoo iussus contingere nubem,
Protulit excussum madefacto ex aëre signum,
Arcus & emicuit, què nunc Thaumantida Graio,
Irim Romuleo vocitant sermons poeta.*

*Pendulus obliquum solem cum senserit humor,
Ancipites vario mittit splendore colores:
Nec numerare queas, sic mixtos lumine visus*

630 *Illudunt dubij diuersis vultibus orbis,
Sapphirusque virens, maculosus, carulus, albus.
Purpureum de nube trahit, de sole coruscum,
De calo nitidum, de terra sumit & atrum,
Et tamen abiunctis qua constant hac elementis,
Sic diuersa putes, ut concordantia cernas.*

*Hanc formam signo trepidis mortalibus arcus
Præstitit esse Deus, promittens nube serenum,
Nullaque iam terris debere pericula calum.*

Nunc quicumque cupis veram seruare salutem,

640 *Illud suspicies signum, quod signa figurant.*

*Namque dator vite pramissis talia Christus,
Et geminata dedit substantia saluatorem.*

*In terris sumpta nitida de virgine carni
Naturalis inest patrio de germine fulgor:
Et medius quidam mediator in æthere celso
Munere multimodo varius, sed fulgidus omni,
Vitalem monstrat sacrati pignoris arcum.
Istum corde vide, quisquis baptismo lotus
Ad calum liber culpis pereuntibus exis.*

650 *Nam legis forma vos, inquit Apostolas, ista
Saluabit lauacrum, prisca cum tempore Noë*

*Conclusas lignis animas describeret octo.
 Comparat ille datum, tu servans dilige donum,
 Hoc votis precibusque gerens, hoc fletibus optans,
 Ne redeant peccata tibi, ne mersa leventur,
 Mortua ne surgant, ne debellata rebellent,
 Ne post ablutum valeant discrimina crimen,
 658 Et flammam timeas, quia iam non superest unda.*

ALCIMI AVITI
 EPISCOPI VIENNENSIS
 POEMATVM LIBER V.

De transitu maris rubri.

HACTENVS in terris undas patuisse canentis
 Terrā inter fluctus aperit nūc carminis ordo.
 Illic diluvium quos perderet ante petiuit,
 Nunc ad diluvium pleno succensa furore
 Sponte sua current peritura millia gentis.
 Si non ut dignum tanti praemia facti
 Eloquium captent, divina in laude voluntas
 Sufficit, & famulo monstrari munere votum.
 Quid si quis nequeat verbis persolvere gratus,
 10 Non minimum virtutis habet vel credere gestis,
 Signa per electos qua perrexere priores.
 In quibus excellit longè praestantius illud,
 Quod pelago gestum rubro celeberrima perfere
 Scriptorum series, in cuius pondere sacro
 Causarum mage pignus erat, pulchrāque relatu
 Pulchrior exsuperat praemissa forma salutis,
 Historiis

- Historiis qua magna satis, maiórque figuris,
 Conceptam grauido peperit de tegmine vitam.
 Sustinuit duros externa in sede labores,*
 20 *Dum Pelusiaca seruires subdita genti,
 Plebs oppressa diu: densi quam pondere cani;
 Et laterum numeris, operis mensura diurni
 Afflictam sani vexabat fraude tyranni.
 Inuisam sibimet frendens qui crescere turbam;
 Angeri doluit famulos. Nam iusserat ut lux
 Vidisset quoscumque mares, mox docta necaret
 Omnis anus, natúmque premat sollertia sexum.
 Sed tamen anersa fugerunt talia matres,
 Atque interdictos detrectant perdere fœtus,*
 30 *Persistente Deo plebem diffundere sanctam:
 Quoque magis mens caca trahit crudelia vota;
 Hoc plus accrescant tenera primordia gentis.
 Viderat interea genitor de sede superna,
 Afflictamque manum placido prospexerat ore:
 Iam sacer innocuas dederat de fomite flammam,
 Et rubus in rubeo viridis permanserat æstus:
 Quo signo spinas nostra feruescere mentis,
 Et lucere pio qui non consumeret igne,
 Deuotus nosset sanctis in cordibus ardor.*
 40 *Ilicet electi vates mandata ferebant,
 Depromit regi cùm primas talia Moses:
 Seruiti longo lassatam pondere plebem,
 Oppressos cophinis humeros, attritæque colla,
 Quasque opus assiduüm fecit durescere palmas.
 Laxandi iam tempus adest: dimitte precantes
 Tandem caelesti domino persolvere vota,
 Et complere datos patrio moderamine ritus.
 Ille fremens inquit, qua tanti causæ tumultus;
 Quisve nouus populum Deus exigit omine misso?*

- 50 *Scilicet hæ vacuæ tangunt cælestia cura,
Vt dominus dominis famulos nunc tollere præcos
Vellet, & ad tumidos mittat mandata rebelles.
Quis Deus iste foret, cui me parere necesse est?
Aut sceptris celsò quid formidabile regi?
Sed vestras nimium seducunt otia mentes:
Et nisi laxatos requies concessa foneret,
Nulla supernacuis tererentur tempora verbis.
Quæ si castigans restringet sarcinâ maior,
Illicitum vetitum conari desinet ausus.*
- 60 *At vos, signifero qui talia vota ducatu
Instruitis, vano & plebem subuertitis ore,
Conspæctus vitæ meos, vultumque caute.
Ditem namque Pharon, vel pollentissime cursus
Testor Nile tuos, & diuæ vocis Anubem
Cum rabidus latrat, iam non impune futurum,
Si nostrum rursus repetant hæc dicta tribunal.
Virgam fortè manu gestabat legiser heros,
Quo baculo nitens gressum dum dextra regebat,
Excudit hanc valido proièctam comminus ictu.*
- 70 *Tum mirum dictu, commotum serpere lignum,
Non insensibile ceu promit palmite ramos
Vita mouens tantum quos præstat crescere fructus:
Sed flexu reptans, mutati & corporis usu
Sensum animamque gerens, cæpit decurrere virga,
Mox anguem formata refert. contreritus hæsit,
Æternumque niger tum palluit ore tyrannus.
Sed ne confusum tali succumbere signo
Cerneret assistens vultu nutante satelles,
Dissimulat summo rem gestam credere iussu,*
- 80 *Nec diuina volens, hominum sed facta putari,
Tum mædat quoscumque magos, vel carmina doctos,
Illicitam diris tentantes fraudibus artem*

*Ægypti, longinqua darent hastilia, cogens
Murmure funereo faciat monstrata minister.
Undique tunc iussi concurrunt, & medicatas
Armant quique suas noto medicamine virgas.
Dant iacta vanas species, anguësque putati
Illusos terrent oculos fallente figurâ.*

- Nec longum tamuere magi: consumitur omne*
 90 *Quod fecisse rati. fictos namque arte dracones
Primus adhuc mordax absorbuit ore cæsta.
Postquam virtutis clausis spectacula Moses,
Victorisque tenens caudam tellure leuanit,
Decedit serpens ligno, vultûsque recedit,
Diriguere vagi durato corpore flexus.
Quid multis? fit virga prior, qua deinde sacerdos
Plurima succiduo monstrauit tempore signa.*

- Hinc dirum frendens Pharaonis conscius ardor,
Diuina incipiens per cuncta resistere dextra,*
 100 *Et qua cognoscens, nolens tamen ipse fateri,
Protinus expulsos iussit discedere vates.
Illi diuinas pulsan cum fletibus aures,
Ut fremitus gentis tandem franetur iniqua,
Quam grauius seuam monitus fecere superni,
Ipsis quinetiam caelestibus arma minantem.
Tum pater, accipiens gemitus lacrymâsq; precantû,
Taliter hortatu blando solatur amarus.
Ne tantum vacuo submitтите corda timori
Plebs mea, quam toto mundi de corpore sumptam*
 110 *Elegi, & propria solam mihi sorte dicani.
Iam nunc cernetis quanto primordia vestra
Prosequar auxilio, sanos ac persequar hostes.
Ducam sublimem portenta per omnia dextram,
Nec volet in paucis Phariis rex cedere signis,
Longius ut duram vincant miracula mentem.*

- Post hac laxatos quin & discedere coget,
 Expellētque solo: quod nunc negat, ingeret ultro.
 Ibitis ad magnas post fortia praelia sedes,
 Quò vocat expectans praefertilis ubere terra,
 120 Et claras viētis condetis gentibus urbes.
 Vos modo promissis tantum confidite donis,
 Et quos deposcent ingentia facta labores,
 Lata ferat virtus, seseque ad prospera seruet.
 Talibus auditis melior spes accipit illos.
 Attollunt animos, palmāsque ad sidera tendunt,
 Concipiuntque fidem votis, gratēsque rependunt.
 Postera lux dubios primum premiserat ortus,
 Et successorem depulsa nocte ferebat.
 Insistens aurora diem: tum flumina sanguis
 130 Imbuit, & subito maduerunt arua cruore.
 Sed non hoc minimis portentum contigit undis,
 Fluniorum rex ipse rubet, nec lumine prisco
 Nilus agit proprium quem sumpsit fonte nitorem.
 Quin magis, averso ne tangat pristina limo,
 Sanguis in externum certans manare canalem,
 Carnosus non carnis erat, nec corpore fusus,
 Aut strages quae multa simul, quo vulnere possit
 Lympharum damnum proprio supplere cruore.
 Naribus obstructis pressi, visloque natatu,
 140 Interiere simul peregrini in gurgite crasso
 Auxeruntque suo saniem de funere pisces.
 Et fortasse reat cladis mortisque futura
 Sanguinis indicio, iam praeceffi se ruinam,
 Hoc ipsum nūc pœna foret. Nam scilicet omne
 Egypti spatium, vel quò patet ampla Canopus,
 Mox inter pingues sitiens defecerat undas,
 Si non omnipotens celerem super arua medelam
 Spargeret, & nitidos renecaret vallibus amnes.

Tum verò ut requiem pestis subducta reduxit,

- 150 *Effertur rursus dilatâ morte tyrannus,
Et vix euasum contemnens mente flagellum,
Innocuam flagris persistit subdere gentem.
At quid per cunctam stylus astuet ire superbi
Perfidiam, casi numerans periuria regni?
Sed tamen extorquent variû mendacia monstrum,
Vndâque vicino vixdum purgata cruore,
Ranarum fœdis textis cantatibus urbes.
Complentur cellæ, strati, penetralia, mensæ,
Sustinet innumeros regalis purpura saltus,*
- 160 *Atque premens homines frendet succumbere ranis
Quarû mox cumulis flamma tonitrûque subactis,
Congestisque, sonans muscarum nubes ad auras
Exiit, infectum corrumpens aëra flatu.
Illic quas scinifes vocitant, quantosque volatus
Pendula committunt lenibus corpuscula ventis,
Pennarûmque vices peragunt stridentibus alis?
Fundunt se pariter, turbatâque mœnia complent.
Et licet immersis defigant vulnera rostris
Plus horror quam pœna mouet. sed tollit & istam*
- 170 *Ventus agens, cessat laxata molestia paulum
Confestim cessante metu, nec longius ira
Sentitur quam plaga calet. Sed peste remotâ
Succedunt alia grauius. consumitur omne
Iumentum, cunctosque greges nox abstulit una.
Nec tantum damnosa reos portenta fatigant:
Vertitur ad carnem qua suscitât ira dolores.
Insidunt penitus turgentia vulnera membris,
Et sacer incubuit percussis artibus ignis.
Creditur hic etiam casu contingere languor:*
- 180 *Sed morbus mentis discrimina corporis urget.
Præterit ille dies: tum demum luce secuta*

- Orbis in exitio potuerunt ferre salutem,
 190 Est ille in calis, numero praestantior omni,
 Angelicus sine fine chorus, qui laude perenni
 Conclamat celebratque Deum, famulantia suetus
 Ferre ministeria, & iussis parere supernis.
 Hi nunc quod rectum mortalia corda precantur,
 Concipitur dignis sacro quod pectore votis,
 Quicquid larga manus collectis spargit egenis,
 Excipiunt, sanctoque ferunt super astra volatu.
 Quinetiam iustos, fragilis dum vita fatigat,
 Tutantur, mundi que inter discrimina servant.
 200 Sed tamen in cunctis praeclit clarior ille,
 Maxima quaque Dei quo dispensante ministro
 Res geritur, summisque parat mysteria causis.
 Hic dominum cali venturum corpore sumpro
 Virginis intactam iussus praeiixit in aluum,
 Sacraque dotali complevit viscera verbo.
 Hic & Baptista praecurrens nuntius ortum,
 Desperata diu dum ferret germina patri,
 Inter sacra virum conterruit, & dubitantes
 Protinus ingrato restrinxit in ore loquelas,
 210 Donec praedicto fecundam redderet ortu
 Prolis anum, multos sterilis qua tenta per annos,
 Fudit diffidens effata puerpera foetum.
 Hic rerum solers summusque Archangelus, alto
 Aera per liquidum, lenibus circumdatus auris,
 Vibratasque mouens ignito in corpore pennas,
 Nulli conspectis ad terram motibus ibat,
 Et tum forte gemens cunctorum crimina Noë
 Inflexis stratus genibus, cum supplice planctu
 Mundanis veniam mundo nolente petebat:
 220 Cum subito clausis foribus tunc aliger intrat
 Conspectus, claro resplendens nuntius ore.

- Horrescit visu tanto perterritus heros,
 Mortalisque oculus personam ferre supernam
 Vix valet, & pauidi detorquet lumina vultus.
 Ille salutiferis primùm mulcere timentem
 Aggrediens verbis, cali mandata ferebat:
 Pax tibi, iuste virum, pacem tibi missus ab alto
 Imprecor, ut pulso capias mea dicta dolore.
 Hæc mandat summus terra pelagique creator.*
- 230 *Insperata quidem cunctis sententia laci
 Imminet. hanc solus sed qui transire mereris,
 Et præscire potes. Nam te calcata voluptas
 Iampridem rectum toto discreuit ab orbe.
 Vnica sed quoniam sanum depellere letum
 Vita tibi poterit, tantos euadere casus
 Qualiter incipias paucis ex ordine fabbr.
 Finis erit rerum, permissis undique lymphis,
 Atque relaxata vastabitur orbis abyssò.
 Nunc age, congestis crescat fortissima lignis*
- 240 *Machina, quæ surgens fluctus superenatet omnes.
 Tercentum cubitos per longum ducta tenebit,
 Bis quinque latè claudetur, bisque vicenis.
 In triginta illi constabis culminis altum.
 Per medium per ter longo cœnacula tractum.
 Edita suspensis domibus tabulata lenabunt:
 Ut generis proprii seruans consortia manser
 Componat parcis dispersa cubilia cellis.
 Tum ne rimosi compagum fortè meatus
 Accipiant inimicum imbrem, linirè memento*
- 250 *Iuncturas laterum, pigrumque infunde bitumen.
 Taliter effectam cum consummaueris ædem,
 Protinus ingredi, ac mundum dimitte cadentem:
 Exclusit quem culpa frequens, includere vita
 Incipiat, circumque fremant te sospite mortes.*

*Quinetiam lateris sociam succedere lecto ;
Et cum coniugibus natos intrare iubeto.
Tūque secundus eris deleti germinis auctor ;
Ut se post primum repleatur terra parente.
Sed quia perfecto diuinis viribus orbe,*

- 260 *Post operis finem , post leges , pōstque sacrata
Sabbata , formari quicquam non conuenit ultra ;
Ne penitus cessans intercidat omne creatum ,
Spirantum ē cunctis pecorū , celerūmq̃ue volacrū ,
Siluarūmq̃ue feris , & qua iumenta vocantur ,
Vel qua per tacitos reptant lubentia motus ,
Bina cape , & tecum claustro victura reconde.
Sic tamen ut proprios teneant sua vincula sexus ,
Vnde genus rursum , tellus implenda resumat.
No timeas ne fortē feros animantia motus*

- 270 *Seruent , aut subitis presumant rictibus iras.
Fædus erit totis , quæ discordantia profert
Per varios naturæ modos ; & pace fideli
Parebit iussis quicquid concluseris illic.
Serpentis tantū semper fegmenta caueto.
Vertice submisso blandum licet ille trifulcis
Finxerit abscondens per dulcia sibila linguis
Immortale odium , nunquam tu credulus illi ,
Quem nimis expertus vitædum pramonet Adam.
Hostis namque semel voluit quicumque nocere ,
280 *Hic semper suspectus erit , penitusque cauendū est ,
Ne iam mentito coniungat fœdera prudens.
Tu post exemplum iussis seruire memento.**

*Hac fatus , vacuum leuibus secatur aëra pennis ,
Mortalem fugiens aciem , calōque relatus
Heroem trepidum mandata lege reliquit.
Ipse tamen tali manibus cum voce lenatis ,
Quisquis , ait , nobis tantam spondere salutem ,
Sed missus , seu sponte tua , super aethere celsō*

- Venisti, & placidum sacraſti fœdere pactum,*
 290 *Sis fautor, firmèntque tuas promiſſa loquelas,*
Auxiliùmque tuum conatibus inferere noſtris,
Vt tenuis tantam valeat manus edere molem.
His breuiter dictis, vita ſpem corde reponit.
Aggrediturque celer ſacri præcepta laboris.
Quis tantos capiat ſenſus? quis denique ſermo
Explicet, aduectis fuerit qua copia lignis?
Nudari colles, ſpoliata robore ſilua,
Mons ut quiſque fuit, famulo placere paratu.
Pelion immenſas cum mittat vertice quercus,
 300 *Inſuper exponit multa virtute reſiſum*
Oſſa nemus, Pindóque abies ſubducitur alta.
Atlas ipſe nouas ictu reſonante ſecures
Senſit, & annosas dedit ad naualia pinus.
Inuictum tunc ſurgit opus, contexta lenatur
Porrectis trabibus præcelſi culminis ades.
Hæc inter, diſcors varij ſententia vulgi.
Nam multi lymphis obſtacula tanta parantem
Irrifere virum, moles quòd clauſa moueri
Fluminibúſque dari nequeat, quã fortè vel ampli
 310 *Euphrates Nilúſque queant vix claudere ripis.*
Humani generis quid mens incredula reris
Mortalem non poſſe manum coniungere ponto
Ædem longinquam? pontus námque obuins ultro
Curret, & adductum tanget ſtans fabrica littus.
Aſt alios celſam compacto robore maſſam,
Ignaros quanquam cladis, cauſæque latentis,
Mirari nouitas & formidare coëgit.
Haud aliter ſtudio iam tunc diſiſerat omnes.
 320 *Quàm nunc mundus agit. Sunt qui cõpuncta ſideli*
Corda dicant operi, rebúſque inſtare ſupremum
Diſcrimen norunt, corpus quo concidat omne.

*Bacchatamque diu consumant sacula carnem,
Effugiet tunc ille malum, quicumque paratus
Construat ut validam praduri tegminis arcam,
Per lignum vitale crucis servatus ab undis,
Tunc cernet quanto contempserit otia fructu.*

*Hand procul attentū contēplans hunc operantiē
Nonne piger quisquam lucri, tadēnsque laboris,
Insanire putet, cura quòd solus inani*
330 *Estuet, & rebus nolit pereuntibus vti?*

*Sic epulans parcum, sic largum quisquis auarus,
Sic nudum raptor, sic castum ridet adulter,
Sic circumscribens illuso simplice gaudet.
Sic sapuisse dolet dives, cū congregat aurum,
Spargentem nummos, ultróque in paupere censa
Consumptis opibus miserum ratus esse beatum.*

*Inde repentinum index cū cerneret orbi
Aduentare diem, finis sic protinus inquit
Imminet, ut iusti quondam sub tempore Noë,*
340 *Diluvium varios mundi cū repperit actus,
Et carnem consumpsit aquis, opifexque salutis
Euasit parto diffusa pericula claustro.
Hæc euangelicis sunt inclamata figuris.*

*Providus interea consummat conditor arcam.
Tunc iussa accurrūt volucres, tunc bestia queque,
Consuetum linguens siluoso tegmine lustrum,
Deposita feritate venit, seseque tenendam
Ingerit occurrens, & libertate relicta
Includi gaudet. tantū decreta futuri*

350 *Vis valet. occultus brutis in sensibus ardet
Terror, & expectans agitat formidine vitam.
Aht homines, quos sors certi discriminis urget,
Vicina nec morte paenent. satis undique constat
Vitali indicio precedere sæpe timorem.*

- Securos latósque reos tellure Gomorra
 Iam prope sub flammis sententia dicta videbat.
 Niniva contra populis terrore salubri
 Præualuit pro pace metus. Nam venerat illuc
 Iussus, multum ille & terris iactatus & alto ,*
 360 *Qui clamaturus tanta discrimina plebi
 Diluvium timuit mundo constante propheta.
 Hauserat hunc valido peruadens bellua rictu ,
 Immersumque mari ventris concluderat arca.
 Deglutire virum, faucésque implere capaces ,
 Ardenti monstro cum sit permissa potestas ,
 Non licuit mordere tamen, nil dentibus actum.
 Intrauit cupidum deludens prada vorantem ,
 Inuasusque cibus ieiuna vixit in aluo ,
 Dum tres luce dies una sub nocte propheta*
 370 *Sol ageret, litusque nouum vacuanda viderent,
 Et castigatum vomerent ergastula pastum.
 Ut monstro exutus vates, calumque recepit
 Contingens terræ, magnam tunc percitus urbem
 Terribili cum voce petens, quid criminis, inquit.
 Ardetis flammis? restringent omnia pœna.
 Iamque venit finis, lentum est hoc dicere, venit.
 Non plus fatus erat, totus coniurat in omne
 Lamentum populus: procurrunt undique fletus,
 Rectora tunduntur, calum suspiria pulsan.*
 380 *Mollibus abiectis Cilicum dant tegmina seta ,
 Inque cibos cinerē, lacrymāsque in pocula fundūt.
 Ipse etiam, dignus tali qui tempore princeps
 Ante aciem flentum portet vexilla salutis ,
 Atque nouum dictu metuens discrimina vincat ,
 Proiecit hinc sceptrum, linquit sublime tribunal,
 Pallia blattarum spreto diffibulat auro ,
 Serica despiciens, atque aspera tegmina sumens.*

- At pius ex alto contemplans talia rector
 Exertas reuocat sedatis motibus iras,
 390 Vibratúmque tenens restinxit missile fulmen,
 Temporibus propriis iustus sic conditor arce
 Securo solus timuisse pericula mundo
 Gaudebit, finem cunētis, sibi ferre salutem,
 Diuersam cernens meriti discrimine sortem.
 Ergo ubi siluestres sexu collegit utroque
 Inclusitque feras, pecudum tunc eligit illa
 Sumere, qua licitū est mandi, vel munda vocātur.
 Hinc tantum septena dedit viuentia claustro,
 Ut ternis paribus seruato semine saluis,
 400 Septima qua fuerint sacris quandoque litentur.
 Et iam vitalis concluderat omnia carcer.
 Tunc Iustū, cunētósque suos, natósque, nurúsque,
 Accipit expectans claustrum, vitæque reponit.
 Nam seruos nondum dederat natura vocari,
 Nec dominos famulis discernere nouerat ordo.
 Primus enim maculam seruili nomine sensit
 Huius natorum medius, qui fortè cachinno
 Dissectum petiit misero spectamine patrem,
 Materiámque sui risit deformior ortus,
 410 Et plus iam surpis nudato simplice nequam.
 Quod postquam sanctus potuit cognoscere Noë,
 Natum germanis famulum dedit. inde repertum
 Tale iugum. cunēti nam semine nascimur uno.
 Seruitij certè causam fecisse reatus
 Cernitur, & liber peccans fit crimine seruus:
 Si rursum nexu famulus stringatur honesti,
 Natales faciens sibimet, iam nobilis hic est.
 Nuntius interea, dudum qui missus ab alto
 Detulerat Iusto caelestis munera verbi,
 420 Protinus ut clausum vidit, rebúsque paratis.

Expectare diem, rursus descendere calo
Festinans, laxos firmanit cardine postes,
Inclusitque viros, atque ostia fortia traxit,
Confestimque leuans supero se rettulit axi.
Aëro sexcentos senior transcenderat annos,
Lunæque bis plenos addebat menstrua cursus,
Septimus & decimus qui post illuxerat orbi,
Vltimus ille dies iam nunc dabit omnia leto.

- 430 *Illicet obtegitur calum, nimisq; tenebris*
Vista repelluntur fuscata lumina solis.
Insanas hominum mentes vix tangere terror
Cæperat, insuetus mox profluit aethere nimbus,
Et valido primùm similis demittitur imbri.
Arida terrarum pariter maduere per orbem,
Vna fuit toto facies & nubila calo.
Ægyptus tunc ipsa nouas expauit ad undas,
Alsit & infusus Garamas, dudumque calentes
Humida Massylas tetigerunt frigora Sirtes.
Nec longum pluuie species, non denique gutta
 440 *Stillant, sed rupto funduntur flumina calo.*
Non aliter Tanais, niuib; cùm pascitur albis,
Riphae de monte ruens illiditur amni,
Præcipitatque simul longo quod tramite ducit.
Vndarum tali quatitur certamine tellus,
Fîtque lacus instar compressus fluctibus aër.
Nec tamen hîc lymphæ tantùm fudere superna,
Terrestres etiam mundus consurgit in iras.
Rumpitur omne solum, crebros dant arua meatus,
Profiliunt fontes, ignotæque flumina manant.
 450 *Vergitur in sursum mutato pondere nimbus,*
Inde cadens calis, hinc terris undique surgens,
Occurrit mox vnda sibi, iunctoque furore
Coniurant elementa neci. transcenditur omnis

*Riparum limes fluminis, atque obice rupta
Sequit laxatis discurrens humor habentis.*

*Sed. cum diffusa spatium concludere terre
Omnia certarent, mundumque implere capacem,
Suspendi forsan potuit sententia leti,
Atque mora maiore trahi, quo tardius omnem*

- 460 *Concedens spatium rapiat fors ultima carnem:
Oceanus vertex rerum ni feruidus uno
Littore, quo tantum terras atque aquora cingit,
Exiret, rumpensque fidem perfunderet arua.
Dissipat aeternas leges, & sede relicta
Regna aliena petens natura fœdera turbat.
Ut diros primum pelagi sensere furores
Illustres fluvij, magnos quos incluta cursu
Fama refert, motusque novos stupere parumper,
Ut credas sapuisse fugam, sic versa retrorsum*

- 470 *Pex terras spargunt sublata volumina ponto.
Insequitur tamen Oceanus, refugisque fluentis
Imminet, & falsis impellit molibus amnes.
Tunc maior strepitum tanto mortalibus agris
Fit metus, ascendunt turres, & celsa domorum
Culmina, presentemque inuat vel tempore parvo
Sic differre necem. multos dum scandere tentant
Crescens unda trahit, quosdam montana petentes
Consequitur, letoque fugam deprendit inanem.
Ast alij longo iactantes membra natatu,*

- 480 *Defessi expirant animas, aut pondere nimbi
Obruta flumineas commixta per aquora lymphas
In quocumque bibunt morientia corpora monte.
Ædibus impulsis alij periere ruina,
Inque undas venere simul dominique domusque.
It fragor in calum sonitu collectus ab omni,
Quadrupedumque greges humana in morte cadentium*

*Augent confusos permixta voce tumultus.
 Hæc inter miseri feruentia funera mundi,
 Prægrauis insanis pulsatur motibus arca,
 490 Compagèsque tremunt, stridens iunctura laborat.
 Non tamè obstructâ penetrat vis improba, quanquã
 Verberet, & solidam fluctu feriente fatiget.*

*Non aliter crebras Ecclesia vera procellas
 Sustinet, & sanis sic nunc vexatur ab undis.
 Hinc gentilis agit tumidos sine more furores,
 Hinc Indæa fremit, rabidòque illiditur ore,
 Promocat inde furens heresum vesana charybdis:
 Turgida Graiorum sapientia philosophorum,
 Inter se tumidos gaudet committere fluctus.*

*500 Obloquiis vanos sufflant mendacia ventos,
 Sed clausam vacuo pulsant impunè latratu.*

*Iam medium crescens arcæ contexerat unda,
 Commonitque cauam suspendens undique molem,
 Et melius tutam facili portante natatu,
 Quòque vocât unda, sequitur iã mobile pondus.
 Cedamus mundo, dum ducimur: omne resistens,
 Si flecti nescit, metuat vel pondere frangi.
 Sed sic cedamus, fluxum ne sentiat intus,
 Peccatúmve trahat mens impenetrabilis vllum.*

*510 Nauigat interea claustro commissus eunti
 Fons vita, seruâtque furens super omnia pontus
 Orbis depositum, fido quod tegmine promat,
 Cùm pax terrarum reddi sibi debita poscet.*

*Ergo ibant unda, tellus subducitur omnis,
 Collibus imposita vicerunt edita lymphæ.
 Delituit tectus ponto tum pinifer Othris,
 Parnassi vertex cautes non protulit altam,
 Ipsa cupressiferi latuerunt saxa Lycai,
 Subducta rupes, æquata fluctibus Alpes,*

- §20 *Omnibus exclusis totus iam denique mundus
Axis & unda fuit. Nam cunctis morte subactis
Regnabant pelagi siluoso in gurgite monstra.
Et iam vicinum pulsabant humida calum,
Iamque quaterdenis manabat noctibus imber,
Compleratque necem, nec iam quod tolleret ultra
Mors habuit, pressitque natantia funera pontus.
Frenantur tandem pluuiæ, resplenduit aether,
Redditur & calis vultus. Sol ipse reductus,
Sed non inuentis queis reddat lumina terris,*
- §30 *Tantum luxit aquis. tristis videt æquora fulgor,
Quamque breues radios admotas frangit in undas,
Tam consumendis feruens ac proximus instat.
Nec minus & patuli terra clauduntur hiatus,
Quaque prius vomuit letali ex ore fluenta,
Obicibus propriis constricta resorbet abyssus.
Nectamen ut venit, breuiter sic unda recedit:
Siccant non pauci longo sed tempore menses,
Quod pauci fudere dies. iam ducta natatu
Armenia celsis instabat montibus arca,*
- §40 *Et nondum nudis fundo consedit in aruis.
Ut stabilem sensit senior, motuque carentem,
Nec fluitare natans ventosa per æquora lignum.
Credidit abductis nituisse liquoribus orbem.
Tunc referat summam sublimi à fronte fenestrâ,
Emissa resuos exploret ut alite fluctus.
Illa volans longo diuerberat aëra plausu,
Atque quatit vacuas pennarum motibus auras.
Cumque diu fessis undas perstringeret alis,
Nec locus optatam requiem concederet ullus,*
- §50 *Consuetum repetit prospecto ex equore claustrum.
Exceptam senior manibus tunc colligit intus,
Aduertens nullas patuisse per humida terras.*

*Interea magna pontus se mole mouendo
 In chaos antiquum linquens mundana redibat.
 Excelsi tandem proferre cacumina primum
 Incipiunt, post quos tenues crebrescere montes.
 At verò ut pelagus citxerunt littora priscum,
 Oceanusque sacer, notas collectus in oras,
 Contentus solito labentia flumina tractu
 560 Sorbuit, & cunctis distinxit frana fluentis,
 Torrentesque sua clauserunt undique fossa,
 Libera subductis nituerunt arida lymphis.
 Tunc interposito producus tempore coruum,
 Scire cupit senior, vacuumque interrogat orbem.
 Ales ut extensis nitidum petis aëra pennis,
 Aspicies plenis stipata cadavera terris,
 Carnibus incumbens, & mox oblita reuerti,
 Rectorem placidum communi in sede reliquit.
 Sic nescis, Indae, fidem seruare magistro,
 570 Sic carnem dimissus amas, sic gratia nunquam
 Custodi vitæ dominoque rependitur vlla.
 Mente vaga sic laxus abis, sic fœdera legis
 Rupisti, & primum violasti perfide pactum.
 Temporis ut spatium senior collegit inertem
 Iam potuisse satis coruum se reddere claustris,
 Ignarus tardi reditus, cœque morandi,
 Ne fors innexis fessum consumpserit alis,
 Iunxerit & cunctis pereuntibus vnda recurrens:
 Protinus albentem mittit de sede columbam.
 580 Illa memor iussi rapido petit arua volatu,
 Paciferaque videns ramum viridantis olivæ,
 Decerpit, mitique refert ad condita rostro.
 Tali legatus firmavit fœdera simplex
 Indicio, purumque pius sic comperit orbem.
 Integer emensum vertebat circinus annum.*

*Quo felix claustrum spirantia cuncta tenebat:
Tum pater ablatis obducta repagula ferris
Pandit, & inclusis desuetum reddere solem
Incipit, effato redeant ut semina mundo.*

- 590 *Antè tamen Iustus inbeat quàm sparsa vagari,
Singula de septem, quæ dudum claudere munda
Curauit, natis pariter, nuribusque vocatis,
Cespitem constructa disponens immolat ara,
Accendens sanctos his primùm altaribus ignes.
Plurima dum magnis adolentur corpora flammis,
Et numerosa leuat præpinguem victima fumum:
Suavis odor letum tetigit trans athera calum,
Primæque purgati suscepta est hostia mundi.
Tunc igni permixta sacro vox intonat ista.*
- 600 *Hactenus infectus contagia traxerit orbis,
Sufficiat regnasse nefas, mundata lauando
Perpetuo niteat tellus prouultusque reductos
Contineant elementa suos: haud amplius ullis
Perturbata malis moles mundana fatiscat.
Vos quoque, quos Ieri saluauit tempore vita,
Intactosque tenens casu defendit ab omni,
Ducite securum seruatæ legibus animum,
Vosque caput generis facundo semine prolem
Spargite, diffusum latè quæ compleat orbem,*
- 610 *Deletum instauret numerum, dominetur & orbi.
Fertile quinetiam reddent animantia germen,
Quod tamen inflexum famulabitur ordine prisco.
Insperet & terris ex hoc iam non erit ultra
Diluuium regnans, carnem quod conterat omnem.
Vnum quod fuerit, signo monstrabitur uno.
Nec similem repetita necem peccata videbunt:
Et si crimen erit, terror non deforet alter.
Sic vnum genitor iurans baptismæ sacrabat,*

Vt semel ablutum lymphis purgantibus orbem,

620 *Sic sperare reos lanacrum non posse secundum.*

Vix tribus exactis cali iam partibus ibat

Pronus in occasum radius, cum fortè remotam

Axe sub Eoo iussus contingere nubem,

Protulit excussum madefacto ex aëre signum,

Arcus & emicuit, què nunc Thaumantida Graia

Irim Romuleo vocitant sermons poeta.

Pendulus obliquum solem cum senserit humor,

Ancipites vario mittit splendore colores:

Nec numerare queas, sic mixtos lumine visus

630 *Illudunt dubij diuersis vultibus orbis,*

Sapphirusque virens, maculosus, carulus, albus.

Purpureum de nube trahit, de sole coruscum,

De calo nitidum, de terra sumit & atrum,

Et tamen abiunctis qua constant hac elementis,

Sic diuersa putes, ut concordantia cernas.

Hanc formam signo trepidis mortalibus arcus

Præstitit esse Deus, promittens nube serenum,

Nullaque iam terris debere pericula calum.

Nunc quicumque cupis veram seruare salutem,

640 *Illud suspicies signum, quod signa figurant.*

Namque dator vite pramisis talia Christus,

Et geminata dedit substantia saluatorem.

In terris sumpta nitida de virgine carni

Naturalis inest patrio de germine fulgor:

Et medius quidam mediator in æthere celso

Munere multimodo varius, sed fulgidus omni,

Vitalem monstrat sacrati pignoris arcum.

Istum corde vide, quisquis baptizare lotus

Ad calum liber culpis pereuntibus exis.

650 *Nam legis forma vos, inquit Apostolus, ista*

Saluabit lanacrum, prisci cum tempore Noë

*Conclusas lignis animas describeret oëto.
 Comparat ille datum, tu seruans dilige donum,
 Hoc votis precibusque gerens, hoc fletibus optans,
 Ne redeant peccata tibi, ne mersa leuentur,
 Mortua ne surgant, ne debellata rebellent,
 Ne post ablutum valeant discrimina crimen,
 658 Et flammam timeas, quia iam non suppetit unda.*

ALCIMI AVITI
 EPISCOPI VIENNENSIS
 POEMATVM LIBER V.

De transitu maris rubri.

HACTENVS in terris undas patuisse canentis
 Terrā inter fluctus aperit nūc carminis ordo.
 Illic diluuium quos perderet antè petiuit,
 Nunc ad diluuium pleno succensa furore
 Sponte sua current peritura millia gentis.
 Si non ut dignum tanti praconia facti
 Eloquium captent, diuina in laude voluntas
 Sufficit, & famulo monstrari munere votum.
 Quod si quis nequeat verbis persolvere grates,
 10 Non minimum virtutis habet vel credere gestis,
 Signa per electos qua perrexere priores.
 In quibus excellit longè praestantius illud,
 Quod pelago gestum rubro celeberrima perferre
 Scriptorum series, in cuius pondere sacro
 Causarum mage pignus erat, pulchrāque relatus
 Pulchrior exsuperat praemissa forma salutis,
 Histortis

*Historiis qua magna satis, maiórque figuris,
Conceptam grauido peperit de tegmine vitam.*

Sustinuit duros externa in sede labores,

- 20 *Dum Pelusiaca seruiret subdita genti,
Plebs oppressa diu: densi quam pondere cani;
Et laterum numeris, operis mensura diurni
Afflictam sani vexabat fraude tyranni.
Inuisam sibi met fremdens qui crescere turbam;
Augeri doluit famulos. Nam iusserat ut lux
Vidisset quoscumque mares, mox docta necaret
Omnis annus, natúmque premat sollertia sexum.
Sed tamen anersa fugerunt talia matres,*

Atque interdictos detrectant perdere foetus,

- 30 *Persistente Deo plebem diffundere sanctam:
Quóque magis mens caca trahit crudelia vota;
Hoc plus accrescunt tenera primordia gentis.*

*Viderat interea genitor de sede superna,
Afflictámque manum placido prospexerat ore:
Iam sacer innocuas dederat de fomite flammam,
Et rubus in rubeo viridis permanserat aestu:*

*Quo signo spinas nostra feruescere mentis,
Et lucere pio qui non consumeret igne,
Denotus nosset sanctis in cordibus ardor.*

- 40 *Illicet electi vates mandata ferebant,
Depromit regi cum primis talia Moses:
Seruitij longo lassatam pondere plebem,
Oppressos cophinis humeros, attritáque colla;
Quasque opus assiduúm fecit durescere palmas;
Laxandi iam tempus adest: dimitte precantes
Tandem caelesti domino persolvere vota,
Et complere datos patrio moderamine ritus.*

*Ille fremens inquit, qua tanti causa tumultus?
Quisve nouus populum Deus exigit omine misso?*

- 50 Scilicet hæc vacua tangunt cælestia cura,
 Ut dominus dominis famulos nunc tollere priscos
 Vellet, & ad tumidos mittat mandata rebelles.
 Quis Deus iste foret, cui me parere necesse est?
 Aut sceptris celsò quid formidabile regi?
 Sed vestras nimium seducunt otia mentes:
 Et nisi laxatos requies concessâ foneret,
 Nulla supernacuis tererentur tempora verbis.
 Quæ si castigans restringet sarcina maior,
 Illicitum vetitum conari desinet ausus.
- 60 At vos, signifero qui talia vota ducatu
 Instruitis, vano & plebem subuertitis ore,
 Conspectus vitæ meos, vultumque caute.
 Ditem namque Pharon, vel pollentissime cursus
 Testor Nile tuos, & diuæ vocis Anubem
 Cum rabidus latrat, iam non impune futurum,
 Si nostrum rursus repetant hæc dicta tribunal.
 Virgam fortè manu gestabat legis heros,
 Quo baculo nitens gressum dum dextra regebat,
 Excudit hanc valido proiec'tam comminus ictu.
- 70 Tum mirum dictu, commotum serpere lignum,
 Non insensibile ceu promit palmitæ ramos
 Vita mouens tantum quos præstat crescere fructus:
 Sed flexu reptans, mutati & corporis usu
 Sensum animamque gerens, cæpit decurrere virga,
 Mox anguem formata refert. conterritus hastit,
 Aeternumque niger tum palluit ore tyrannus.
 Sed ne confusum tali succumbere signo
 Cerneret assistens vultu nutante satelles,
 Dissimulat summo rem gestam credere iussu,
- 80 Nec diuina volens, hominum sed facta putari,
 Tum mædat quoscumque magos, vel carmina doctos,
 Illicitam diris tentantes fraudibus artem

*Ægypti, longinqua darent hastilia, cogens
Murmure funereo faciat monstrata minister.
Undique tunc iussi concurrunt, & medicatas
Armant quique suas noto medicamine virgas.
Dant iacta vanas species, anguésque putati
Illusos terrent oculos fallente figurâ.*

- Nec longum timere magi: consumitur omne
90 Quod fecisse rati. fictos namque arte dracones
Primus adhuc mordax absorbit ore cerasa.
Postquam virtutis clausit spectacula Moses,
Victorisque tenens caudam tellure leuauit,
Decedit serpens ligno, vultusque recedit,
Diriguere vagi durato corpore flexus.
Quid multis? fit virga prior, qua deinde sacerdos
Plurima succiduo monstrauit tempore signa.*

- Hinc dirum frendens Pharaonis conscius ardor,
Diuina incipiens per cuncta resistere dextra,
100 Et quæ cognoscens, nolens tamen ipse fateri,
Protinus expulsos iussit discedere vates.
Illi diuinas pulsant cum fletibus aures,
Vt fremitus gentis tandem franetur iniquæ,
Quam grauius saeuam monitus fecere superni,
Ipsis quinetiam caelestibus arma minantem.
Tum pater, accipiens gemitus lacrymasque precantum,
Taliter hortatu blando solatur amarus.
Ne tantum vacuo submittite corda timori
Plebs mea, quam toto mundi de corpore sumptam
110 Elegi, & propria solam mihi sorte dicaui.
Iam nunc cernetis quanto primordia vestra
Prosequar auxilio, sauos ac persequar hostes.
Ducam sublimem portenta per omnia dextram,
Nec volet in paucis Pharus rex cedere signis,
Longius ut duram vincant miracula mentem.*

- Post hac laxatos quin & discedere coget,
 Expellétque solo: quod nunc negat, ingeret ultro.
 Ibitis ad magnas post fortia prelia sedes,
 Quò vocat expectans praeferilis ubere terra,
 120 Et claras victis condetis gentibus urbes.
 Vos modo promissis tantùm confidite donis,
 Et quos deposcent ingentia facta labores,
 Lata ferat virtus, seseque ad prospera seruet.
 Talibus auditis melior spes accipit illos.
 Attollunt animos, palmásque ad sidera tendunt,
 Concipiúntque fidem votis, gratesque rependunt.
 Postera lux dubios primùm premiserat ortus,
 Et successorem depulsa nocte ferebat.
 Insistens aurora diem: tum flumina sanguis
 130 Imbuit, & subitò maduerunt arua cruore.
 Sed non hoc minimis portentum contigit undis,
 Fluviorum rex ipse rubet, nec lumine prisco
 Nilus agit proprium quem sumpsit fonte nitorem.
 Quin magis, auerso ne tangat pristina limo,
 Sanguis in externum certans manare canalem.
 Carnosus non carnis erat, nec corpore fusus,
 Aut strages quae multa simul, quo vulnere possit
 Lympharum damnum proprio supplere cruore.
 Naribus obstructis pressi, victoque natatu,
 140 Interiere simul peregrini in gurgite crasso
 Auxerúntque suo sanien de funere pisces.
 Et fortasse reat cladis mortisque futura
 Sanguinis indicio iam praeceSSI se ruinam,
 Hoc ipsum nî pœna foret. Nam scilicet omne
 Egypti spatium, vel quò patet ampla Canopus,
 Mox inter pingues sitiens defecerat undas,
 Si non omnipotens celerem super arua medelam
 Spargeret, & nitidos renocaret vallibus amnes.

- Tum verò ut requiem pestis subducta reduxit,*
 150 *Effertur rursus dilata morte tyrannus,*
Et vix euasum contemnens mente flagellum,
Innocuam flagris persistit subdere gentem.
At quid per cunctam stylus astuet ire superbi
Perfidiam, casi numerans periuria regni?
Sed tamen extorquent variū mendacia monstrum,
Vndaque vicino vixdum purgata cruore,
Ranarum fœdis textis cantatibus urbes.
Complentur cella, strati, penetralia, mensa,
Sustinet innumeros regalis purpura saltus,
 160 *Atque premens homines frendet succumbere ranis*
Quarū mox cumulis flamma tonitrūque subactis,
Congestisque, sonans muscarum nubes ad auras
Exiit, infectum corrumpeus aëra flatu.
Illic quas scinifes vocitant, quantosque volatus
Pendula committunt leuibus corpuscula ventis,
Pennarūque vices peragunt stridentibus alis?
Fundunt se pariter, turbataque mœnia complent.
Et licet immersis defigant vulnera rostris
Plus horror quam pœna mouet. sed tollit & istam
 170 *Ventus agens, cessat laxata molestia paulum*
Confestim cessante metu, nec longius ira
Sentitur quam plaga calet. Sed peste remotā
Succedunt alia grauius. consumitur omne
Inumentum, cunctosque greges nox abstulit una.
Nec tantum damnosa reos portenta fatigant:
Vertitur ad carnem qua suscitatur ira dolores.
Insidunt penitus turgentia vulnera membris,
Et sacer incubuit percussis artibus ignis.
Creditur hic etiam casu contingere languor:
 180 *Sed morbus mentis discrimina corporis urget.*
Præterit ille dies: tum demum luce secuta

- Concutitur calum tonitru, nubésque coactæ
 Terribili splendore micant: ferit omnia fulgur,
 Fulmina agens, totas uno sub tempore mortes
 Æthere turbato terris elementa minantur.
 Ignibus inferitur pragrandis corpore grando,
 Non ut nibe solet terris nimbosa venire:
 Sed quocumque cadēs ut deprimat, atque ruinam
 Pondere vel solo faciat. coniungitur ergo*
- 190 *Grandineum flammis ferventibus aëre frigus,
 Et natura neci servans adsignat utrumque.
 Hic primus stragem sparsis dat mortibus imber:
 Exin restantem surgit consumere fructum
 Bruchus, & excusso confidens crure locusta.
 Hoc sed docta malis, & iam discrimine crebro
 Tanquam lene satis callosa superbia duxit.
 Insequitur velox gravius qua vindicet ira.
 Cacas mane novo surgens sol sparserat umbras,
 Et latus iubaris splendebat fronte sereni,*
- 200 *Cum surgens mediam nubes se porrigit atra,
 Nascentemque diem depulso lumine claudit.
 In molem nox densa coit, perit obrutus aër,
 Palpantésque manus densas sensere tenebras,
 Atque percussus vexatur anhelitus ager:
 Et si sopitos flando quis suscitaret ignes,
 Aut flammias excire velit, compressa necantur
 Lumina, nec vibrant restricti pondere motus.
 Quo quemcūque loco tenebrosus repperit horror,
 Continuit, vidit nullum, nec visus ab ullo est.*
- 210 *Squallentes pariter viuentia millia credas
 Infernas intrasse domos, aut fortè reuulsa
 Obice terrarum patriam sordentis abyssi
 Migrasse in superos, ac mundum luce fugata
 Sub leges misisse suas. tres perdidit ista*

Nocte dies, dignè pendens periuria tellus
Isthaec damna tulit. nam cetera fulgidus orbis
Continet, & solitos distinguunt tempora cursus.

Moses interea lacrymas, ieiunia, vota
Continuat, precibusque frequens ac pervigil instat,
220 Maioris natu fultus solamine fratris.

Instruit hos sacris simul, informatque creator
Mystica solennem qua pandat victima ritum.
Cernitis ut multa desudans clade reatum
Egyptus contrita gemat satis undique tacta,
Sed tamen immota perstans cervice rebellis?
Nec portanda diu precedunt ista ruinam.

Ægrotat quodcumque tumet, nec sana superbo
Causa subest, iunctū monstrat mens turgida letum.
Vnus adhuc restat qui vindicet omnia luctus.

230 Postque novem decima percellat cade merentes.
Vos modo perpetuos sacrorum discite mores,
Cultibus & propriis mansura lege tenete.
Mensibus in cunctis, orbis quos circinat anni,
Iste caput princepsque foret, quem nomine belli
Gentiles vocitant, vos tantum dicite primum:
Lunaque bis septem cum fecerit addita noctes,
Vespere tum sero dabitur primordia sacris.
Sumite mansuetum perfecti temporis agnum,
Qui careat macula, & purum det corpore vellus.

240 Hoc animal festis maetabitur. huius utrumque
Signabit sanguis nitido de corpore postem.
Hoc dabit indicium servanda cura salutis,
Cum percussar aget tacitam sine vulnere cadem.
Perspiciet sacro limen maduisse cruore,
Hoc tantum transire volens. distantia talis
Custodit vestras sparsis à mortibus ades.
Sic nos, Christe, tuum saluet super omnia signum

- Frontibus impositum : sic sanguis denique sanctus
 Tunc pramonstrati dudum qui funditur agni,
 250 Oribus infusus postes lustrasse tuorum
 Inter labentis fermentia funera mundi
 Credatur, casûque tuos discernat ab omni.
 Dum non signatos percurrit funere mucro,
 Tu cognosce tuam saluanda in plebe figuram.
 Ut quocumque loco sanctus mattabitur agnus,
 Atque cibo sanctum porrexerit hostia corpus
 Rite sacrum, celebret vita promissa sequentis.
 Fermento nequam duplici de corde renulso,
 Sincera nitida conspergant azyma mentes.
 260 Finierat rector leges & fœdera festi
 Paschalis mandare viris, quod protinus omnes
 Arripere simul. peragunt convivia lati,
 Sollemnisque novo cultu disponitur esus,
 Transeat ad feros quæ condita forma nepotes.
 Nox erat, & mediam carpebant cuncta quietem,
 Umbræque libratas iamiam diniserat horas:
 Ecce venit tacito per dira silentia motu
 Angelus, exerto missus qui sauiat ense:
 Nec confusa datur subiti sententia leti,
 270 Omne malum sed sorte cadit, longæque videtur,
 Quem petat in tenebris præfixi funeris ordo:
 Maiores natu pereunt, solique leguntur
 Ad mortem primos luci quos edidit ortus.
 Cum dominis famuli pereunt, natique potentum
 Permixta cum plebe cadunt. sic vilis, ut ille
 Quem celsi tenuit morientem purpura fulcri.
 Hac nuda tellure iacent, hac serica velant,
 Disparibus stratis sternuntur corpora leto.
 Non quenquam mors æquatimet, non excipit ullos
 280 In vinis tantum qui discernuntur honores.

*Pauperis ad fletum nulla pietate mouetur,
 Ditibus ut parcat nullo corrumpitur auro.
 Egrotum sanus, longæum iunior ante
 Migrat. huic soli debet confidere nemo.
 Hoc tantum tamen est sibi met quo mortua distent,
 Vinant ut meritis qui complent tempora sorte.
 Hac nunquam penitus morti licet auferat, & si
 Iure potestatis lutea compage creatum,
 Semine mortali genitum, terraque reductum.*

290 *Iustorum in factis leto nil creditur ulli.*

*Ergo ut percussas soboles confusa repente
 Aula videt, currunt flentes ad funera matres,
 Pectora contundunt pugnis, crinèsque reuellunt
 Unguibus, & nigras festinant scindere malas.
 Nec dominos planxere diu, mox occupat omnes
 Luctus quemq; suus, sonat vnus in athere clamor
 Non vno ex fletu. confundit voce tumultum
 Nulla vacans à morte domus. tum lumine multo
 Omni curatur populorum funus in vrbe.*

300 *Iudicium iustum cogit mœrere merentes.
 Et dum quis proprio seruat lamenta dolori,
 Exequias tardant luctus, inhumatæque turba
 Dilata iacuit tantisper sorte sepulcri:
 Et nisi iam tandem vacuos & honore carentes
 Vel nuda tellure locet, vel concremet igni,
 Vix collecta manus qua tantos clauderet urna.*

*Tum regem circum commoto murmure sistit
 Mœsta cohors, humiles depromens voce querelas.
 Heus nimium nostris aduersa potentia rebus*

310 *Hebrai populi, toties cui vindice dextra
 Militat omne malum, totus cui denique mundus
 Pugnât, & irato succedunt prospera calo.
 Vis quedam secreta Dei, maiôrque potestas*

*Hac in sceptrâ furit, gentemque ulciscitur ipsâ
 Urbis iactura: solos percuntia saluant
 Victora elementa suos, redimuntque cadendo.
 En iacet Egyptus, nec iam reparabilis ultra.
 Atque utinam pœnas uiuis, damnûmque per arua
 Ferret adhuc diuina manus, nec funere tanto*

- 320 *Deceptam subita vacuasset cade Canopum:
 Tandem parce solo, causâsque expelle ruina,
 Dum lenior strages, dum quisquam luce tenetur,
 Dum superest qui terga premat, qui limite tradat,
 Et ne quem, si fortè velint ex corde morari,
 Non sinat eiectò depellens hospite cladem,
 Permoneat noster natorum funere luctus,
 Permoneat te forte tuus: vel pauca superstent
 Pignora, quæ tantos tergant seruata dolores,
 Et detruncata reparent dispendia gentis.*

- 330 *His dictis lacrymas populus dedit. ipse superbus
 Frangitur ad fletum princeps, victumque fatetur.
 Hac perturbata sed dum tractantur in aula,
 Hebrai vatum studio, monitisque supernis,
 Optima quæque sacris fingunt, epulisque requirunt.
 Vasa quo solennes quæ poscunt plurima cultus.
 Ornamenta etiam, vestesque, monilia, gemmas,
 Vt reddenda petunt, nec tardus commodat hospes,
 Ditat & ignorans trepidam manus amula plebè.
 Quæ iam digna tuis pandantur laudibus ora,*

- 340 *Summe pater, qui tam sano sic uteris hoste?
 Annuat aduersus, largitur munera nolens,
 Quæ secum dimissa ferant: nec soluere tantùm
 Sufficit oppressos, opibus ditantur euntes,
 Thesauri quoque nonos liberas reddita sumit.
 Inter feruentes inimica in sedo furores
 Pradatur dominum fugiens, fallisque videntem,*

- Præsentem vacuat, ne tam discedere pulsos
 Quàm latos migrasse putes. portantur auari
 Sic Pharaonis opes: quem tunc mercede soluta
 350 Seruitij longum credas taxasse laborem.
 Nonnunquam rectis & quæ contraria profunt,
 Et quæ laua malus voluit, mutata recurrunt,
 In dextram vertente Deo, solòsque nocentes
 Vis odij perimens meditata in vulnere ducit,
 Et parios fratri laqueos incurrere cogit.
 Egressi interea trepido de rege ministri
 Compellunt celerare fugam, coguntque volentes,
 Pracipitant alacres, & festinantibus instant,
 Pellendâsque putant pulsa cum gente ruinas.
 360 Iam prope centenum compleuerat aduena lustrum
 In regnis Egypte tuis, ex tempore quondam
 Quo priscus Patriarcha Iacob perduxerat illuc
 Bis sena cum prole domum, caròsque nepotes,
 Quo per fœcundum creuerunt millia patrem.
 Procedit tandem populus, mòxque agmine iuncta
 Diram linquit humum tenebris ac luctibus orbam.
 Nam vicina dies nandum produxerat ortus,
 Hæc nox festa Dea redeuntibus annua sacris
 Hæc gentis solennis erit, quæ soluitur hoste.
 370 Primò conspicuus fulgebat in ordine ductor
 Legifer, adiuncto præcedens agmina fratre.
 Post quos belligera disponunt arma cohortes,
 Ducunt & validas instructo robore turmas.
 Arma ferunt humeris, enses per singula laua
 Dependunt lateri, presso tumi vertice cassis
 Fulget, & albenti certat lux ferrea luna.
 Nituntur iaculis alij, clypeòsque sinistris
 Volunt, & rapido meditantur bella rotata.
 Gaudet pars etiam pharetris, volucrèsque sagittæ*

- 380 *Hostis in occursum mittendis mortibus aptat.
Aut si fortè virum fugientia terga sequatur,
Ut pennata lenes transmittant spicula ventos.
Incedit pauidum postrema per agmina vulgus,
Non impar numero, calum cum pingitur astris,
Æstuat aut motus pelagi crispantibus undis,
Littore vel quantas conuerit fluctus arenas,
Vel quantis stillant humentia nubila guttis.
Mirantur Pharij satrapa, nec credere tantum
Se potuisse vident: placet eiecisse tot hostes.*
- 390 *Sed non hac acie duri saluabere ferri.
Quamlibet innumeris peditum stipere cateruis,
Vnus pugnabit cunctis pro millibus auctor.
At populus lento moderatus tramite gressum
Arreptum carpebat iter, pracedere tantum
Aggressis ducibus, quantum vel tarda senectus
Vel rudibus reptans infantia sustinet annis,
Ne prematuris fragilem contristet eundo
Ætatem sexumque labor. Sic cuncta supernus
Dispensat nutus, plebique assistit onanti.*
- 400 *Ergo ubi signatis sederunt millia castris,
Armatusque pedes vulgus vallauit inerme,
Vespere tum primo stanti adsimulata columna
Insistens puro resplenduit aethere flamma:
Non tamen ut noto dirum micat ignis in axe,
Prodita cum terris cali portenta minantur,
Seu morbis tristem, bellisque aut cladibus annum:
Sed radiis fulgens, & lumine candida lato,
Ostendit nitidum castris mirantibus ignem.
Diffugiunt tenebra, vicinaque sidera cedunt.*
- 410 *Obstupere viri primum, perterruit omnes,
Incusitque metum nouitas, tum luminis usus.
Paulatim caleste inbar commendat amori.*

*Maxima nocturnas iam pars exegerat horas ,
 Et voluenda dies instabat sorte propinqua :
 Cunctorum ante oculos per calum visa moueri ,
 Arripuitque viam populo spectante columna.
 Protinus hanc patres sancti sensere sequendam ,
 Esse ducemque ducum : lati mox prasule tanta
 Abrupere moras , castris excedere certant.*

420 *Tunc ut quaeque tribus primum sortita laborem
 Ordine carpit iter , sequitur tum cetera pubes.*

*Hac inter clarum rediens lux pandit olympum ,
 Flammea palescit conspecto Sole columna.
 Vertitur in nubem totus qui fulserat ignis ,
 Sed species perstat tensa super aethera forma.
 Tertia nocturnos deterferat hora liquores ,
 Et matutinas scandens sol vicerat umbras :
 Ecce nouum dictu , calo seruata sereno
 Frigida feruenti iussa est opponere nubes*

430 *Se radio , densumque parat tenuissima tegmen.
 Sic circumiectis , tellus queis ardet Eoa ,
 Aestibus ignorat genuinum turba calorem ,
 Vesperis ut credas leni respergere flatu ,
 Blanda vel humentes diffundere frigora ventos.
 Nec tamen hanc nubem tetra suffusa colore
 Forma dabat , nec concreto sic horrida vultu ,
 Ut terrent validos cum promunt nubila nimbos :
 Sed qualis madidus solem cum viderit arcus ,
 Tanta fuit pulchra species extenta columna.*

440 *Noctibus ignis erat , lumenque accensa ferebat ,
 Cum sol torreret , gelidi dabat humida roris.
 Has alternantem ducens cum tempore sortem
 Mutauit natura vices , substantia discors
 Muneribus propriis concordem reddidit usum.
 Si mansit , mansere viri : si mota , secuti.*

*Si multis etiam visa est pendere diebus,
Subdita defixo tardabant agmina vallo.*

- Ista quaterdenis pietas percrebuit annis,
Dum vastos eremi curris, Iudaea, recessus,*
450 *Vinclâ pedum firmante via, dum tempore tanto
Non attrita suum servarent tegmina pondus,
Mollitiæque nova prisci durantur amictus.
Sic longæva foret, quod non damnosa vetustas.
Dum sacram populo victum candentia manna
Ferrent, & calî frugem terrena viderent.
Per quam sublimis prædiceret antè figura
Edendum ex utero purum sine semine corpus,
Quo caperet pascenda salus de sede superna
Illabente Deo sanctis altaribus escas.*
460 *Hoc signo summus percussa rupe sacerdos
Protulit irriguos populis sitientibus haustus.
Christum namque vides stabilem consistere petram,
Percussus iaculo largas qui præbuit undas,
Porrexitque suis sacro de vulnere potum.
Hebraei interea lati ducente columna
Per terras gressu, per calum visibus ibant.
Ecce iterum Phariis insedit mentibus ira,
Et populus sine more ferox his vocibus armat.
Tandem postremos vicina morte furores.*
470 *O nimium stultis illudens mentibus error,
Præstigiæque satis nebulosa in fraude peractæ.
Nonne pudet famulam nullo certamine gentem
Sic impunè rapi, quod nemine præfule tantus
Deservit vacuas discedens accola terras?
Rura vacant, ceptis desistunt oppida muris.
Non solitum consurgit opus, non cultor in agris
Exercet validos attrito dentè ligones.
Turbidus exactor siluit, nullaque tumultu*

Fervida consuetos repetunt suspendia census.

480 *Quin potius sumptis exercitus irruat armis,
Imbellémque manū, profugósq; reducat alumnos.*

*Quos si servilis tantum succenderit ausus,
Vt telis certare velint, mox occidat omnis
Confusa cum plebe manus: ferventibus armis
Permixta pereant confosso pectore matres,
Vberibus iunctos configant spicula natos.
Prolem quisque suam cernens ante ora cadentem,
Oblatis optet ingulis succurrere mortem.
Orbatum nostros faciat libare dolores*

490 *Vltima sors populum: sic vivens omnia perdat,
Tum pereat. densa campi sub strage iacentes
Tristi committant inhumata cadavera calo.
Inde ubi iam totos satiauerit ense furores,
Thesauros renocet fugientes dextera victrix.*

*Talibus excitas acuebant flatibus iras,
Irridente Deo, solus qui despicit omnem
Conatum rigido meditantem vana timore,
Consiliúmque ducum cassato dissipat actu.*

Ergo bella rogant, feruens rapit arma iuuentus,

500 *Spumantes ducuntur equi, phalerísque potentes*

Suspendunt alacres splendentia frana ingales.

Pugnax pompa nitet, subiectos curribus axes

Aurato temone trahunt: tum cetera pubes

Induitur chalybe, aut fuluo circumdatur are.

Hi loricarum vasto sub tegmine gaudent,

Intexit creber sibimet quas circulus harena,

Atque catenosi crepitant per corpora panni.

Ast aliis tenni concurrens lamina ferro,

Qua se succiduas iunctim scandente per oras

510 *Flectitur, adsuti crates compacta metalli*

Horrentes habitus diuersa fecerat arte.

*Et tamen ardentum cuncta inter tela virorum
 Terribilis plus forma fuit, quis namque furentes
 Spectet, quos latos vix possit cernere vultus?
 Inclusa galeis facies; & ferrea vestis
 Cinxerat iratas armorum luce tenebras.*

*Progreditur collecta manus: rex ipse frementes
 Curru cogit equos, telis tamen undique septus
 Delituit, densam reddunt hastilia siluam.*

- 520 *Concutitur pulsata rotis & pondere tellus;
 Angustavit humum latam stipata iuventus?
 Conclusitque vias. quicquid virtutis habere
 Aegyptus potuit, totum mors proxima ducit.*

*Iunxerat interea, ponto qua Magdalu instat;
 Hebraeus populus rubranti castra profundo,
 Euasos credens securis mentibus hostes.*

*Dum resident, fixoque parant requiescere vallo:
 Cernunt pulvereas in calum surgere nubes.
 Cunctatis primum mox agmina saeva patefunt,*

- 530 *Non tamen infensus patitur committere partes
 Sole sub occiduo vicinus praelia vesper.
 Distulit in lucem vallatus bella tyrannus,
 Et fors ardentes nondum compefceret iras,
 Nec servare furor potuisset fœdera nocti,
 Auroramque velit motis precedere signis,
 Flammea ni retro subsistens foris columna
 Obiectu medio gentes discerneret ambas.
 Contemplans rex ipse tamen mirabile lumen,*

- 540 *Sic ignem metuit, quod sensu feruidus ardet.
 Paulatimque mori non profuit. itur ad unam
 Quae claudat cunctos pelago pandente ruinam.*

*Plebs trepidat conclusa loco, finemque sequenti
 Expectat pauefacta die, non tela, nec ullas
 Bellorum molita vices, sed voce lenata*

Vatibus

- Vatibus infistens : ô tērque quaterque beati ,
 Egyptus quos morte tulit , tellure vel ampla
 Vrnā defunctis suprema sorte parauit !
 Digni qui tantos nequeant sentire dolores ,
 Nec stragem prolis , vel pignora capta videre ;*
 §40 *Alitibus nos esca dati , nec sede sepulcri
 Condita deserto soluentur corpora vasto.
 Talia voce viri : respondit luctibus omne
 Vulgus ; & accenso persultat turba tumultu.*
*Tum sancti cœpere duces promissa referre ;
 Solarique metum , fletusque abstergere dictis.
 Quæ sumus ingratos deponite mente timores ,
 Experti multum nec desperanda putetis
 Quæ tantis spondent caelestia munera signis.
 Infidisse potest elabi cordibus unquam*
 §50 *Egyptus tot casa malis , intērque flagella
 Succumbens quæ sensit humis , vos , cunctaq; vestra
 Afflicto regno saluos vixisse sub hoste ?
 Quid de transactis dicatur ? nempe videtis
 Vt mediatrix curet tutela columna ,
 Ne quid ab aduersa liceat nos fraude vereri.
 Quin magis erectas firma spe tollite mentes.
 Vltima namque dies defixa est crastina genti ,
 Quæ nunc bella crepans sumptis confidit in armis ;*
 §60 *Non sic pugna foret , nec telis tela feretis
 Obuia , nec vestro vobis sudore triumphus
 Hac vice proueniet , celi pugnabitur ira ,
 Quæ vobis placido peragentur praelia nutu.
 Talibus intenti vates deiecta leuabant
 Corda virum , sancta sedantes voce timorem.
 At pontum validus feruenti flamine ventus
 Vrebat , tota consumens nocte profundum ,
 Contra naturam genitor dum fulminat undas ;*

- Ardet & afflatus percusso in gurgite fluctus.
Iam matutinum pervenerat horrida tempus*
- 570 *Vix acies, primæque nitens aurora rubores
Spargebat mundo, tetrīs dum protinus omnes
Erumpunt castris, fremit undique mota inuentus.
At pauida plebis postquam pervenit ad aures,
Clangentisque tuba percussit pectora terror,
Arripiunt carpuntque viam, quæ proxima ponti
Littora sollicitant rubro insignita liquore.
Vt summas pelagi populus pervenit ad oras,
Cessit confestim ducti reuerentia fluctus,
Expanditque viam, cui terram clauserat hostis.*
- 580 *Machina, pendentis struxit quam scena liquoris,
Frangas celso suspenderat aëre lymphas.
Aggreditur medium fugiens vincensque sequētes
Gens electa Dei, figens vestigia terris
In regione maris. calcantur saxa profundi,
Conterit & nudum percurrrens orbita limum.
Torridus aspectum scissis sol inserit undis,
Ignotamque novo contingit lumine terram:
Longior & radius spatium descendere tantum
Certavit, festumque iubar vix intulit imis.*
- 590 *Credidit exclusos primū, fluctūque repulsos,
Inque fugam versos Pharius dare terga tyrannus.
Precipitare moras tali iubet agmina verbo:
Ecce iterum fugitina cohors pendentia bella
Deserit, auxiliūque pedum confisa recedit:
Vos armis premite, & clausis insistite tantū,
Cetera pontus aget. Vix hac perdixerat, illi
Prosiliant, cursūque runant attingere litus.
Vt venere, vident arentis vasta profundi
Insolitam prabere viam, paucosque recessu.*
- 600 *Centrepidas fugisse piis calcantibus undas,*

*Hos quoque per siccum tutos descendere callem
Securos pelagi, atque sui, non arma, nec ipsum
Formidare satis patientem vincula pontum.*

*Substitit admodicum restrictis molibus agmen,
Frangitque suspensos tenuerunt ducta iugales.*

*Atque aliquis, cui vel tenuem mutata calorem
Tunc scintilla dabat cordi, sic fortè locutus:*

*Quis Deus à prisco detorquet cardine mundum
Lege noua, mutatque vices, & condita turbas?*

610 *Nam si seruetur rebus natura creatis,*

Monstrifera quæ causa via? quid denique restat?

Si mare transitur gressu, nisi nauibus arua

Sulcentur, calumque suo decurrat ab axe,

In superos inferna lenent, plaga feruida cali

Algeat, afflatam succendat scorpius ursam?

Hæc nisi confusus rerum subuerterit ordo,

Non dæce me quisquæ seivum descenderit aquor.

Sit suspecta mihi quæ semita dirigit hostem.

Nam si bella velit librans aequalia numen,

620 *Obice servata fugitivam clauserat agmen.*

Nunc abeat, tantumq; vagos sua mōstra sequatur.

Nec satis amplector, siccum circumuenit altè

Quod pelagus, nudo celans discrimina fundo.

Excipit hæc ardens cum seditione tumultus,

Instantisque latens urget sententia leti.

Vicerat aquoream pedibus plebs inclyta vallem;

Gurgitis & vacui conuexa volumina linqens,

Post baratrum superas scandebat littore terras.

Effertur nigri dux agminis, & Pharaonem

630 *Ira subit, proprio vocitatum nomine Cenchrem.*

Arripiunt pariter reserati concava ponti,

Innuaduntque viam. Quid non furor audeat amens?

Hinc equitum pars agmen agit, pars inde citatis

- Ire iubet stimulis rapidas super arna quadrigas:
 Ut medium venit frendens equitatus in aquor,
 Accusatque moras tam lati gurgitis ardens
 Ira virum, tremis artato pars altera mundo:
 Tum per sublimem splendenti nube columnam
 De calo vox missa tonat, verbique superni
 640 *Interpres, sanctum compellans nomine Mosem,*
Venit, ait, tempus, mea quo mandata probentur:
Aegypto iam finis erit, iam clade suprema
Tot castigatam vicibus sententia mentem
Puniet expugnans, ensis succede flagellis.
Tu modò diuisum virga iam percutite fluctum.
Atque reducta suos assumant aquora vultus.
Ille genu fixo siccatis marginis oras,
Et litus cui fluctus abest, mox iussus adesse,
Percutit, insigni credens mysteria ligno.
 650 *Hinc subitus crepitare fragor, tonat undiq; circū*
Lympha ruens, primumq; illic committitur unda,
Qua monstrabat iter Phario sors ultima regi.
Postquam clausa via est, fluctusque repellit euntē,
Paxitet intrati iam gurgitis, & fuga serum
Molitur reditum: trepide dant terga cohortes,
Armæque proiciunt. pontus fugientibus instat,
Occurritque sequens: perit undique circumiectus
Decurrentis aqua laxatis murus habenis.
Ille ferus semper, iam mitis morte sub ipsa,
 660 *Non hac humanis cedit victoria bellis,*
Expugnatur, ait, caloque enertimur hoste.
Effuge quisque potes, victusque euade satelles,
Nec iam tela Deo conatibusingere cassis.
O si compunctas humana superbia mentes
Ante obitum mutare velit! quid denique prodest
Tunc finem posuisse malis, cum terminus urget?

*Præsentis vita spatium cùm ceditur ævo?
 Confitearis ait sanus scriptura valensque.
 Si tunc peccatum quisquam dimittere vouit*

670 *Cùm peccare nequit, luxu dimittitur ipse.*

*Ergo exaltatis pendens sustollitur undis
 Mox mergenda phalanx: lympharum monte leuata,
 Pondere telorum premitur, fundoque tenaci
 Indutum reuehant morientia corpora ferrum.
 Pars ex armatis cùm primum libera membris
 Implicuit nantes miseris complexibus artus,
 Auxilio decepta perit, pariterque tenentes
 Æterno sub fasce ruunt, nexique necantur.*

680 *Ast alij, lassata diu dum brachia iactant,
 Incurrunt enses, iaculisque natantibus hærent.
 Concolor & rubro miscetur sanguine pontus.*

*Quin & cõspicius princeps Memphitidis aula,
 Candentes ducens nigro rectore iugales,
 Inspector cladis propria, gentisque superstes
 Vltimus ingressis per currum naufragat undis.
 Bella vacant pugnante salo, vincitque quietus
 Israël solo peragens certamina visu.*

*Tum vallis completa perit, fluctuque reuersa.
 Ducitur extentum planati gurgitis æquor.
 690 Littore iactantur tum tetra cadauera toto,
 Exposuitque suum pelagus super arua triumphum.*

*Inclutus egregium solenni carmine ductor
 Describit factum, toto quod psallitur orbe,
 Cùm purgata sacris deletur culpa fluentis,
 Emitteretque nouam parientis lymphæ lauacri
 Prolem, post veteres quos edidit Eua reatus.
 De qua sermonem præmisso carmine sumpsit,
 Luctuosos replicat tenuis dum pagina lapsus.
 Si quid triste fuit, dictum est quod paupere versu,*

700 *Terferit hoc sacri memorabilis unda triumphus
 Gaudia quo resonant, crimen quo tollitur omne
 Per lauacrum, vixitque nonus pereunte veterno:
 Quo bona consurgunt, quo noxia facta necantur,
 Israël verus sacris quo tingitur undis.
 Consona quo resonat persultans turba trophæum,
 Quo præcurrentis complectitur dona figura,
 Quæ pius explicuit per quinque volumina vates,
 Nôsq; tubâ stipula sequimur, numerûque tenentes
 Ponimus hoc tenui cymba nunc littore portum.*

AVITI DE MOSAICÆ HISTORIÆ
 GESTIS POEMATVM FINIS.





P R Æ F A T I O

IN LIBRVM SEQVENTEM.

DOMINO SANCTO, BEATISSIMO ET
piissimo germano, Apollinari Epi-
scopo Auitus frater.

P O S T consummationem libellorum, quos non sicut voluerat edidit dispositio mea, sed tua sodaliūque quorundam pia festinatio, affectuosa quidem, sed inconsultā præripuit, cogis insuper tibi specialiū dari versus illos, quos ad venerabilem Fuscianam sororem nostram de consolatoria castitatis laude conscripsi. Quos tunc cū ego post denuntiātum poematis finem epigramma rectiū dicerem, tu primū libri nomine vocasti, hoc scilicet vocabulum prolixitati eius asserens conuenire. Quapropter habe me etiam in hac parte famulantem iudicio, immō potiū affectui tuo: quoniam profectō iniquum est, ut cui parui in maioribus, in exiguis contradicam. Meminerit autem pietas tua, hunc ipsum quia sic vocas libellum, vel de religione parentum communium, vel de virginibus nostræ familiæ familiariū disputantem, illis tantummodō legendum dare, quos reuera nobis, aut vinculum propinquitatis, aut propositum reli-

gionis adnectit. Potes enim ex materiæ qualitate metiri, quod de germanæ sanctimonia-
lis affectu secreta meditatione compositum,
vix vel tibi crebra victus iussione confiteor,
quando aut qualiter venire in extraneorum
manus velim. sanè à faciendis versibus pedi-
bûsque iungendis pedem de cetero relaturus,
nisi fortè euidētis causæ ratio extorserit ali-
cuius epigrammatis necessitatem: cuius tantam
exiguitatem fore polliceor, vt ei aliud nomen
assumere nec ipse præsumas. Decet enim du-
dum professionem, nunc etiam aetatem no-
stram, si quid scriptitandum est, grauiori po-
tius stylo operam ac tempus insumere, nec in
eo immorari, quod paucis intelligentibus
mensuram syllabarum seruando canat, sed
quod legentibus multis mensurata fidei adstru-
ctione deseruiat.

ALCIMI AVITI
EPISCOPI VIENNENSIS
POEMATVM LIBER VI.

DE CONSOLATORIA LAVDE
castitatis, ad Fuscina sororem vir-
ginem Deo sacratam.

SVSCIPE complectens Christo dignissima virgo,
Alcimus ista tibi qua mittit munera frater,
Inque leui calamo causarum respice pondus,

Et tenuis fortem commendet cantus amorem.

Nam quoties sanctum compleneris ordine cursum,

Alternos recinens dulci modulamine psalmos,

Quos viuens in corde chelys, virtute canora,

Interiore sono castis concentibus aptat:

Tum licet excusso libeat tibi ludere versu,

10 *Atque fatigatam meditando absolueri mentem.*

Non hic fallaci tingetur barbytos vnda,

Pegasus unde leues prauertens motibus auras

Fingitur assumpto pendens hinnisse volatu,

Dum ferretur equi grauis ungula prapete penna.

Sed nec Pierio ducent hic cantica ludo,

Quas sibi ter ternas mentitur fama sorores.

Dat tibi germanum sed verax musica plectrum,

Et Christum resonans claudetur fistula Phœbo.

Edidit ut quartam genitrix Audentia prolem,

20 *Tēque dedit generi partu fecunda supremo:*

Confestim parcam promittit ducere vitam,

Ac deinceps paribus castum seruare cubile

Constituit votis carorum cura parentum.

Et quia principium tam sancti fœderis esses,

Tu simul offerris Christo, qui protinus ipsis

Accipit in cunis latentia membra dicatis.

Sic quondam, cum prima nouo splenderet ortu

Terra nitēs, pulchrāsque darent sua semina fruges,

Viuentem ducens ad sancta altaria fœtum,

30 *Innocuis sonuisse Deo balatibus agnum,*

Insinuante fide iustus cognouerat Abel,

Et capite oblato placuit grex totus ab vno.

Ergo ubi vitalis fouit te lympa lauacri,

Iamque suum peperit celestis gratia pignus:

Non tibi gemmato posuere monilia collo,

Nec te contextit, nero qua fulgurat auro,

- Vestis ductilibus concludens fila talentis.*
Nec te Sidenium bis cocti muricis ostrum
Induit, aut rutilo perlucens purpura fuco,
 40 *Mollia vel tactu qua mittunt vellera Seres.*
Nec tibi transfossis fixerunt auribus aurum,
Quo dependentes ornarent vulnera bacca,
Et pretiosa quidem malas sed saxa grauaarent.
Latius hac verò sanctus describit Esaias,
Ornatúsque refert varios, qui membra venustant,
Quæ mox pascendis præbunt vermibus escam,
Et forsàn dum vita manet. percurrere verbis
Morborum tot sana potest discrimina nemo,
Ante obitum cuncti qua formidare docemur.
 50 *Singula vel totis obnoxia mortibus esse,*
Omnia dum proprio solvantur corpora sine,
Atque unus præstet reliquos desistere casus.
Et quid quisque cupit periturum comere vultum,
Interior dum sordet homo, ac se crimine turpat?
Sed tibi cùm geminũ tetigerunt tempora lustrũ,
Mox stola sincero velat te candida cultu,
Virginis os habitũque decens, & concipit omneæ
Floribus in primis iam mens matura pudorem.
Hand secus exultans sterilis, post damna inuẽta
 60 *Fœcundata nouum cùm ferret femina fœtum,*
Vestem lata suo parua texebat alumno,
Disceret ut Samuel iam tum puer esse sacerdos.
Sic te lata domus sanctis altaribus aptans,
Assueto docuit dignam concrescere templo,
Scribens in thalamos ac magni fœdera regis.
Et cupit electam speciem sibi iungere Christus,
Ornatu vario ditat quam gratia pollens.
Hæc ubi respirans præuenit gaudia mater,
Ac tibi collatum paruo conspexit in ano

- 70 *Grande bonū, teneris dum virtus creditur annis,
Tēque reparturiens melius quā corporis alio,
Spēmque metūmq; inter, quanquā iā libera voto,
Fert tamen attonitas sic lata quod anxia curas,
Insinuans causam lacrymis, tum talia mandat.
Ortu quarta quidem, sacro sed munere prima,
Dulcis nata mihi, calo quam carne fidēque
Bis genui, Christōque rudem de ventre dicaui,
Hactenus hoc nostrum fuerat, sed tempore ducto
Iam decet esse tuum: nam quod seruabere virgo,*
- 80 *A me principium, tibi peruenit. omnia posse
Incipies, cū velle subest. vestigia feruent,
Per quae sectato conscendas tramite calum:
Nec desunt exempla domi. Nam respice quantas
Virginibus florens iam nostrum stemma coronas
Miserit in calum, sancto quas dogmate mater
Seueriana leuans, & te coniungier opiat.
Nec multō senior nunc gaudens Aspida, quondā
Sacratum velata caput, tua munia sumpsit,
Bissenos iungens sanctis altaribus annos.*
- 90 *Quam licet hinc celeri tulerit sors ultima leto,
Nil tamen est subitum semper migrare paratis.
Aspice nūc columen, gemina quod virgine fulget,
Eximiūque docus, cuius tu iure propinqua
Fuscina Fuscina refers: nec segnius illam,
Qua pietate potens, Graia si voce sonetur,
Significat propriam sumpto de nomine mentem. Euphro.
lyne.
Queis licet emeritum cedant sua sacula culmen,
Vitāque sublimi cūctis prae polleat arce,
Hae generosa tamen matres si corde sequaris,*
- 100 *Gaudebunt vinci dum proficis, ac tibi summam
Sponte dabunt palmam superanti vota magistra.
Hac dicens teneros sancto exhortamine sensus*

- Impulit, accendens ad virginitatis amorem.
 Sic mater fœcunda utero, fœcundior actu,
 Machabaa potens, & prolis funere felix,
 Orbari gaudens, animo vincente senectam,
 Edocet hortando sobolem non cedere mundo,
 Inflammâtque pios ad fortia facta furores.*
- Quid tua nunc repetam, tenero qua fortior auro,
 110 Ante annos animûmque gerens, responsa dedisti?
 Non hac parua tuam suscepit pagina laudem.
 Exitus impleto veniet cûm tempore victor,
 Laus melius canitur, cûm iam clamâre triumpho,
 Consummata tuis reddentur præmia factis.
 Nunc decet attonitos cauta te voce monere,
 Sollicitas tecum partiri ac volvere curas,
 Atque iuuare tuos hortantia dicta labores,
 Dum pugnat varius per crebra pericula casus,
 Lubrica dum fragili currit sub tramite vita,
 120 Dum tua calcatus capiat vestigia serpens,
 Ascendens dextro quem conterat aggere planta.
 Nil non intentum præsentia sæcula ducunt,
 Nec secura datur requies in carne caduca.
 Vertuntur nam sæpe boni, perit obruta virtus,
 Pariâque transacti decedunt præmia laudis:
 Ac plerumque solet, subito succensa calore,
 Frigida quæ nuper fuerat, mens linquero mundû,
 Atque repentino restringere crimina frano.
 Sic alternantem commutant fœta rotatum,
 130 Impius ut speret veniam, iustusque timendo
 Proficiens, cumulum magnis virtutibus addat.
 Nam studium sancti laxet si forte laboris,
 Pigræque cor suæ as dissoluant otia curas,
 Labitur in præceps damnosa gloria vita.
 Stare nequit meritum, si non acquirit eundo.*

*Amittit rediens : nitendum est viribus amplis,
 Ut satis angustum observent vestigia callem.
 Nam qui diffusam spatio laxante plateam
 Mundanis ludens facili nunc aggere currit,*

140 *Strictior hunc carcer crudeli sorte ligabit.*

*Tu modò da veniam qui te exhortatur amorì,
 Currentémq; monet, cùm vix tamē ipse sequatur,
 Suadet veloci tardus compendia gressus.
 Nāque ad doctrinā, canimus quā paupere versu,
 Tu melius iam docta venis, quæ iunior ortu,
 Religione prior, viuendi iura dicasti,
 Annorūque sequens, meritorū sorte superstas.
 Quòd si consequimur, iam nostrū forte patetur :
 Quòd sequimur, tamē hocce tuū est : cōuersio fratrum*

150 *Exemplo debenda pio, te respicit auctor,
 Primitiāsque in te sacris de fructibus offert :
 Indicit sed sancta fides, ut corde propinquo
 Participata leuet fraternum sarcina pondus.
 Tu germana, pium qua ducis ab ubere fascem,
 Non carnis, sed legis habes cernice fidei
 Subdita ferre iugum, nec vincla in coniugis ire :
 Mundanas odisse vias, percurrere mundas :
 Illinc nolle toros, hinc sponsum querere Christum.
 Sic tadas tempfisse, pio quòd amore calere,*

160 *Pigra voluptati fernesce corda labori,
 Ignorare virum, fœtus tamen edere tales,
 Quos tristis nunquam possit tibi tollere casus.*

*Non orbata gemis fœcunda pignora vite,
 Nec viduam sponso metues superesse perenni.
 Expers ipsa mali : nec te sententia tanget,
 Qua prolis mortisque parens compellitur Eva.
 Occisam pariens sobolem viuente reatu.*

Quæ subiecta viro, dominum passura cubilis,

Servit in obsceno tolerans connubia lecto.

- 170 *Sic captiva tori, cum portet nomen inane ;
Coniugis & vana dicatur imagine consors,
Sola iugo premitur non aquam ducere sortem.
Et cum longa decem tulerint fastidia menses,
Perfectoque grauis foetus distenditur alius,
Semina quae patris fuerant, hac pondera matri
Infligunt duros utero turgente dolores.
Nam cum luctato solvuntur viscera partu ;
Vna luit, tanto carnis discrimine pendens
Quod coiere duo. spes palpat forte dolentem,*
- 180 *Editus in lucem si vivat filius : atqui
Contingit plerumque gemens ut mortua fundat.
Saepe etiam soboli nec mortis tempore nata
Dant geminū matris comortua membra sepulcrū.
Illud iam lenius quoties interuenit, ipsa
Ut pereat tum sola parens, ac pondere fuso
Emittat cum prole animam ? quid forte lenatum
Nutritumque diu rapitur si funere pignus,
Vnica quod crebro spes respicit, & perit omne
Quod sibi conceptis spondebant gaudia votis ?*
- 190 *Omnibus his illud gravius, si forte carentem
Caelesti lauacro tenerum mors invida natum
Præripiat dura generatum sorte gehenna.
Quique ; genitricis cessat cum filius esse,
Perditionis erit. tristes tunc edita nolunt,
Quae flammis tantum genuerūt, membra parces.
Quis memorare queat tanti discrimina casus,
In qua pertrahitur dilecta gloria carnis ?
At latè longèque tuam discernere sortem
Libertas cum lege potest qua neciteris, ut te*
- 200 *Impia fallentis non stringant vincula mundi.
Tu Mariam sequeris, dono cui contigit alto*

- Virginis & matris gemina gaudere corona,
 Conciperet cū carne Deum, calique creator
 Intraret clausum referans mysteria ventrem.
 A genitrice satus, sed quam formauerat ipse,
 Elegit nitidam de qua procederet aluum,
 Solus qui carnis proprium disponderet ortum,
 Præscirētque diem longè, tempusque videret
 Quo pariendus erat. præcessit membra voluntas.*
- 210 *Ipse Deus Verbum, vestitum viscere sumpto,
 Qui cum patre iubet, materno in corpore seruit,
 Suscipit & famulum dominus, qui iusserat auum.
 Tempora per patrem, per matrem semina nescit.
 Illa quidem fœcunda fuit, quæ pondere casto
 Factorem portare suum, dominumque perennem
 Edere promeruit. sed nec tibi gloria tanti
 Defuerit facti, Christum si credula corde
 Concipiens, operum parias pia germina calo.
 Si quis, ait, nostram compleuerit ordine legem,*
- 220 *Hic mihi semper, erit frater, materque, sororque.
 Aspicias ut sexu careat celestis imago,
 Interior sortitus homo quam mente retentat?
 Præbuit exemplum surgens à morte redemptor.
 Feminæum maribus cū sic præponit honorem.
 Gustauit sumptam nostro pro crimine mortem,
 In crucis excelso pendens sine crimine Christus.
 Atque animā, viuos quæ mox remearet in artus,
 Fixus adhuc sancto clauis efflauerat ore.
 Deseruit populi spectacula talia cætus,*
- 230 *Signaque ferre nequit, calum quæ triste minatur.
 Nam sol obductus, vultumque retortas ab orbe,
 Cesserat iniustas nocturnis luctibus horas,
 Atque peregrinis aditum dedit ipse tenebris,
 Temporibus magno mutatis ordine rerum.*

Nox erat in superis, lucemque inferna videbant,
 Contremuit tellus, & nisu mœnia magno
 Concussis summo nutabant vertice cristis.
 Senferunt motum priscis descendere saxa
 Iussa locis, sonitusque novos collisa dederunt.

- 240 Hos inter strepitus, cunctis fugientibus, ille
 Decernunt, quanquam trepida, persistere matres,
 Pernigil ut sancto sic vivens cura sepulcro
 Serviat, & voto prasens persolvat honorem.
 Pinguia fragranti componunt illita succo,
 Quæ saluans saluum servarent linthea corpus.
 His amor expensis lugubria dona parabat,
 Supremam credens semet persolvere munus.
 Et cum sic breuiter prauenerit ista resurgens,
 Quod credebatur seruandum poscere munus,
 250 Quo non indignuit, placatur munere Christus.
 Pro quo respondens confestim gratia, præstat
 Angelicos cernant humana ut lumina vultus.
 Splendida candeat caelesti in corpore vestis,
 Et vultum rutilus resperferat undique fulgor.
 Matribus ut dignis verbum caeleste sonaret,
 Angelus alloquitur sancto quas taliter ore:
 Femineo sexu mentes transite viriles,
 Nec trepidate nouo fortissima corda tumultu.
 Aduersos hac signa petunt, vos nulla timendi
 260 Causa manet, quos cura piæ confirmat amoris.
 Quaritis, agnosco, pretiosa in sede sepulcri
 Solenni nuper tumultatum funere IESU M.
 Sed meminisse decet quid præscius ore fideli
 Dixeris ante obitum, duplici non amplius vlla
 Seruandum se nocte, & iamiam tertius hic est
 Qui complet promissa dies. patet ecce sepulcrum,
 Deseruit vacuum victa quod morte resurgens.

- Taliter excelsus inisso sermone minister,
 Sparsurus mundo vitalis dona triumpho,
 170 Has primùm gaudere dedit, luctûque lenauit:
 Ibant impanida lato iam pectore matres,
 Credula concepta seruantes corda saluti,
 Cùm medium sese Christus gradientibus offert;
 Agnoscique iubet, blando & sermone salutat.
 Ite, ait, & nostris hac iam mandata referte
 Discipulis, norint ut surrexisse magistrum.
 Illa complexis desigant oscula plantis,
 Atque ad discipulos alacri cum mente recurrunt;
 Doctoresque docent, & qua spargenda per orbem
 180 Primùm femineis instructi discere verbis,
 Agnoscunt animam potius quam viuere sexum.
 Communis virtus igitur, commune periculum
 Matribus atque viris, nulla est distantia cordis;
 Rectum velle subest, si gratia constat utrisque,
 Cui tamen attento desudet vita labore.
 Aut quid dona iuuant hominem, si mente soluta
 Turpia collatum disperdant otia munus?
 Auxilium conatus amat. quis namque vacantem
 Adiuvet, aut somno virtutem iungat inertem?
 190 Caelestis rex ille, parans discedere terris,
 Argentum famulis, ut quis virtute valebat,
 Quinque minas primo, duplicem dat sorte secundo;
 Atque impar magnis suscepit tertius unam.
 Tunc sic discedens famulos simul instruit omnes:
 Nunc si quis vestrùm deuota mente fidelis
 Experiar fuerit, quaestus noscendus ab isto
 Qua quis sit virtute potens, qua praeclitus arte
 Thesuros geminate meos, usûque polite,
 Linida ne facies pulla rubigine tinguat
 300 Accipitis nitidum pura quod fronte metallum.*

Si redeam, meritis addentur pramia iustis.

Dixit, & abscessu caelestia regna petiuit.

Incubuerunt duo studij certamine verna.

Fœnerat ille citus partem splendentis acerui,

Pauperibus largo dispensans plurima dono,

Crescit & in cumulos quicquid confertur egenis.

Exponens alter sacri mysteria verbi,

Vsuras sancto gaudet concrefcere lucro,

Et cupidus recti vitam dum pradicat addit.

310 *At solus minimo sumpsit qui pondere libram,*

Defossis scrobibus marsupia mersa locauit,

Degenerique fluens elegit vlnerè luxu.

Sed iudex tandem finito tempore mundi

Regreditur, cuiusque moram despexerat, excors

Contemnit seruus reditum. tunc omnibus ille

Vt doceant ratione iubet quem tempore tanto

Poscenti reddant operata negotia fructum.

Argentum gemini geminata mole ministri

Promunt, & lato referunt commercia vultu.

320 *Tertius ille piger drachmam tellure latentem*

Promit, qua iuncti sorbens contagia cani

Perdiderat proprios incluso lumine vultus.

Illum terribili dominus tunc increpat ore,

Tantane te nostri tenere obliuia segnem,

Serue piger, reditusque mei sis cura refugit?

Argentum, nitida quod purum luce tulisti,

En tetrū pressumque refers. Nam cognita quondā

Delituit, nec respondens, ut saepe solebat,

Forma mihi, vultusque mei non paret imago

330 *Assignata tibi. sed si ferrentur ad usus,*

Altariisque mei tetigissent credita mensam,

Cresceret inscriptus nostro de nomine nummus.

Nunc igitur famuli vos totum ferte fideles,

Addat ut utilibus fors ultima, tollat inertii.

Improbis in paucis hic dignus non erit ullis :

Quisque voluntatem noscens contemnit herilem,

Caditur hic multis, paucis qui nescius errat.

Ergo age, succinctis ad fortia praelia lumbis

Armata cum mente veni, nec femina bellum

340 *Formides quod mens peragit. nam gloria dudum*

Sexus ista tui nota est tibi saepe legendo.

Nec dubiam te nosse reor, cum Debbora quondam

Duceret instructas post fortia classica turmas,

Et mulier sumpto praeceperet agmina signo,

Mirantes hortata viros, quos ipsa ducatu,

Exemplo; verbóque monens accendit in hostem.

Sed postquam ducens princeps animosa cateruas

Impulit accendens vegetata furoribus arma,

Barbarica cecidere manus: dissolvitur omnis

350 *Hostilis virtus, & qua se femina monstrat,*

Palantes dant terga viri, latebramque petentes

Si vivant, vicisse putant. Tunc maximus ipse,

Forma gigantea iunxit quem corpore molis,

Immensamque leuans produxit verticis arcem,

Rex Sisara fugam, telorum fasce reiecto,

Incomitatus agit, metuens sublime notari

Corpus, & excelsa fugituum prodere massa.

Sed postquam latuisse putans, tectóque receptus;

Mollia perpetuo dimisit lumina somno,

360 *Hunc etiam sternit mulier, terraque iacenti*

Mallens infixo transfodit tempora clauo.

Feminus sic ille fuit per cuncta triumphus.

At tu virgo Dei, sanctis quam moribus ornant

Hinc pudor, inde fides, internis fortior armis

Bella geris, iustis sauis qua commouet hostis.

Spes tibi fida foret felix in vertice cassis,

*Contineat lumbos pretiosi zona pudoris,
Iustitia lorica tuos constringat amictus,
Pro gladio verbum semper tueatur acutum.*

- 370 *Has virtutis opes, hac sic solatia belli
Describens, mentis varias cum corpore pugnas
Prudenti quondam cecinit Prudentius ore.
Namque ibi bellatrix, & pleno robore pollens,
Virginitas armata venit: quam fœda libido
Appetit, & casto vocat in certamina nisu.
Sic bellatricem te sentiat amulus anguis,
Cumque lacessita concedent pralia palmam,
Leta feras summum calcato ex hoste trophaum.*

- Nam quicquid sacra divina volumina legis*
380 *Eloquio sensuque docent, quod predicat ipse
Antiquus mundi replicans exordia vates,
Sine ille historias texat, seu fortè figuras,
Quod diversa retro multorum tempora regum
Post Ruth succiduo gesserunt ordine magnum:
Vel quos post reprobum Davidica regna Saulem
Ter quinquageno scripserunt carmine psalmos.
Pacificus quicquid lata inter sceptrâ Salomon
Obscurum sensu per clara proverbia dixit:
Quodque bis octoni post se videre propheta,
390 Quod clausum Iob mitis ait cum vulnere aperto.
Hester quid memorè, & casta mendacia Iudith,
Ornati cum fraude Satraps accenditur oris,
Cum meat illudens obscenum femina lectum,
Desectoque feros compescit vertice visus?
Quod melius cernens casato in corpore Tobî,
Quæ secreta videns perscripsit conditor Esdras.
Quicquid post priscam succedens gratia legem
Intonat, atque noui miracula Testamenti
Hinc hominis clamat facies, vox inde leonis.*

- 400 *Et pernix aquila, & fortis certamine taurus.
Inde quater terni puris quod mentibus agni
Egerunt toto spargentes semina mundo.
Bis septena pij quod spargit epistola Pauli,
Quod Petrus Iacobusq; docet, quod Iudas, & ipse
Qui conspecta refert cali secreta Ioannes.
Quin & veridici qua plurima tractatores
Exposuere suis mysteria digna libellis,
Hac tu cuncta tenens animo sitiente bibisti.
Nec si quid sacrum nostri cecinere poeta*
- 410 *Te latet, agnostique legens, & condita servas,
Atque aliena tuo commendas carmina cantu.
Quid totum replicem? tu sensibus utere doctis,
Et qua nota tibi, vel qua percursa legendo,
Ad virtutis opus studio conuerte virili.
Nam nisi doctrina iungatur vita fidei,
Agnosci granius non observanda nocebit.
Esuriit postquam dominus, cum fortè vianti
Conspicitur diffusa leni ficulnea fronde,
Nec iam maturum pradieta ex arbore fructum*
- 420 *Carpere tempus erat. quam mox ut repperit ille
Indutam tantum foliis, sed germine nudam,
Prorsus inane virens ornatus inutilis horret:
Percutitur subito radix afflata calore,
Aruit & posito ramorum tegmine truncus.
Instruimur tali legem cognoscere signo,
Ne Christi famulo, solo sermone fatenti,
Nomine confesso viuens operatio desit.
Nam si Christicolae nosmet sanctosque putamus,
Aggrauat hoc etiam, ni dictum facta sequantur.*
- 430 *Sic & virginitas sacro deuota pudori,
Indiget adiunctis virtutibus: & nisi mentem
Intactam seruans casto cum corpore iungat,*

- Succumbit vitiis , nec castam dicere carnem
 Inre potest , animus quam sic corrumpit adulter.
 Ira , furor , mœror , linor , discordia , luxus ,
 Lingua duplex , constricta manus , laxata voluptas ,
 Mœchantur cū corde hominis , tum semine mortis
 Fœtus mortis alunt. en quò perducitur omnis ,
 Nomine virgineo qua se dum iactitat , intus*
 440 *Criminibus gravidam nescit turgescere mentem.
 Ecce tibi è multis unum , quo cetera noscas ,
 Exemplum. Dominus plebem cūm fortè doceret
 Peruigili cura supremum noscere tempus ,
 Expectare diem quo iudex imminet orbi ,
 Virginibus sancto signatos chrismate confert ,
 Haecque decem nobis documenti in vertice mōstrat ,
 Quarum quinque tamen sapientia dives adornat ,
 Ast aliis stolidum lentavit inertia sensum.
 Sopitas pariter requies complectitur una ,*
 450 *Atque obitum signans depressit lumina somnus.
 Transerat medium vix fortè quietis , & illud
 Tempus erat noctis , quo Christus carne recepta
 Fregerat obstructas , perrepto cardine leti ,
 Iam portas inferne tuas , spretoque sepulcro
 Deuictis lata remeabat luce tenebris.
 Perstrepuuit subitus rumpitque silentia clamor ,
 Tandem sponsus adest , nocturnus corpore torpor
 Abscedat , sapida raptim properate puella.
 Protinus exiliunt omnes , stratisque relictis ,*
 460 *Aptauere suas quasito lamine flammæ.
 Tunc sed quinque , quibus cordi solertia maior ,
 Quamuis festinant , oleum tamen addere sumptis
 Sollicitudo fuit vasis , pinguisque liquore
 Ignibus armatis squalentem rumpere noctem.
 At quæ neglectum liquit pars altera succum ,*

- Sumens flammigeras nequicquam sustulit hastas.
 Emicat exiguus commoti luminis ignis,
 Sed virtute carens languentem lampada feruor
 Deserit, & siccam percurrit flamma papyrus.*
 470 *Atque inter picei nebulosa volumina fumi
 Vanescunt pigra crescentes mole fauilla.
 Vt sese indignas tali videre paratu,
 Occurrant sponso qua comminus aduenienti,
 Tarda mouet lentis pudibundum cura laborem.
 Qua prece submissa stultis tum vocibus orant,
 Ut porrecta manus torpentes suscitet ignes,
 Diuidat & proprium sapientia pinguis olium.
 Respondent pariter tali sermone sorores:
 Est miseranda quidem vestrorum causa malorum,
 480 *Sed tamen hic oleum non plus quam sufficit affert
 Vnusquisque sibi, constat quia copia vasis,
 Et perfecta suum seruat mensura liquorem.
 Nec fas quasitum partiri aut perdere succum,
 Ne dispersa canis desint fomenta lucernis,
 Cúmque lucrum vobis dispendia nostra parabunt,
 Tota simul fessis torpescant lumina flammis.
 Talibus abiecta dictis, tristíque repulsa,
 Perlustrant quocumque loci commercia feruent,
 Venalesque manus: sed dum disceditur, ecce
 490 *Introiit sponsus thalamum, induxitque paratas,
 Atque vagas linquens exclusit porta sorores.
 Cernis virginei pereat quòd nomen honoris,
 Ni fertur sanctus thalamis caelestibus ignis.
 Felix illa manus, largis qua prouida donis
 Accensum pura fouit pinguedine lumen.
 Tantum namque olei vasis diffunditur amplis,
 Quantum pascenti miserans porrexit egeno.
 Hinc dominus palmis ardentes ferre lucernas***

Admonet, hoc opus est, hac clara gloria vite.
 300 *Suppetat ergo tibi pietas, patientia, virtus,*
Sed virtus animi. fragiles nam carne puellas
Protulit interdum calo constantia mentis.

Eugenio dudum toto celeberrima mundo
Fama fuit, dum dat Christi pro nomine vitam.
Antè tamen mulier fortes processit in actus,
Cùm stipante choro sanctorum fieret Abbas,
Atque patrem complens celaret tegmine matrem.
Sed postquam sancto cunctis perclaruit ore,
Et meritis annisque graues, longaque verendos
 310 *Religione senos iuuenili rexit in auro:*

Impatiens recti, toto qui tempore serpens
Mille nocendi artes, stimulisque inflamat amoris,
Quo famam violare cupit, dedit inde coronam.
Commouet insano qui fingat amore puella
Accendi Eugeniã, motuque ardere virili.
Turba senum turbata coit, quod crimine tanto
Tam rigidam nuper potuisset soluere vitam
Mens deiecta viri, viduatque prasule summo
Nil non posse dolet titubans perfectio carnem.

320 *Ducitur iste foro iuuenis, saeuumque tribunal*
Intrat adhuc monachus. vincit concordia fraudis,
Et iam iamque reum secreti ignara tenebat
Publica vis, odio tantum flammata sinistro.
Conscia tum sexus proprii, cordisque pudici,
Vincitur ut vincat iam prodens femina fraudem.
Quamuis exteriùs carnem compulsã fateri,
Interiore tamen seruato permanet hexos.
Semper tuta fuit casti custodia voti,

Quamlibet impugnet miseri fraus callida mundi,
 330 *Extendatque dolis laqueos, mendacia neccat,*
Non venit ad prouam mens culpa ignara ruinam.

*Quosque fremens hostis fallaci tribulat astu,
Purgandos sancto patientia discit igni.*

- Vendiderat quodam iuvenem manus amula fratrum,
Et famulum Ioseph tellus Memphitis habebat:
Pertulit ille quidem dominum, cum crimine falso
Confictus voluisse nefas, quod triste refugit,
Sustinuit tolerans ergastula, vincla, catenas,
Dum spatium replicans geminos sol iunxerat annos.*
- 540 *Oblitus iam lucis erat, iam crine fluenti
Nutritus macie tangebatur terga capillus.
Sed vegetante Deo mens nullis clausa tenebris
Praudet arcanum quicquid post exitus implet.
Denique producta certatim gloria fertur,
Non tantum venia: et precibus tunc ipse rogatus,
Ut diadema libens captivo in vertice sumat,
Exilium regno commutat, principe servum.
Pramia servati cordis sic percipit iste.*

- Susannam post hunc dignis quis laudibus unquam*
- 550 *Excolat, infirmis quondam qua vicit in annis
Improba vota senum, coniuratosque furores?
Primum disincto quos cepit causa viritum
Consilio, solusque sibi promisit uterque
Spem culpa, sed turpe calens in cordibus ignis
Conflavit mentem sceleris fornace duorum.
Conveniunt, nam forte die sic contigit una,
Abscessu ficto diversa ut parte redirent.
Inque nemus venere simul, vulgata vicissim
Panditur alterno flagrans in corde voluptas.*
- 560 *Ilicet incautam fallentes fraude puellam
Appetiere simul: poscunt consentiat ante
Dedecoris tantum moueat quam fama rebeli,
Moxque retorquendum facinus, ni cedat, in ipsa.
Confessi ardorem pariter mendacia produunt*

- Disposita, & laqueos pandunt, quos neētere vellēt.
 Anceps illa diu secum luctatur, & harena
 Fluctuat incerta quò vergant pondera mentis :
 Lex peccare vetat, rursusque infamia terret.
 Hinc iterum duros precibus mollire furores*
 570 *Tentat, & obscenas lacrymis restinguere flāmas.
 Sed postquam nullis precibus monitisque remotos
 Obstrictosque senes vicit cognata libido :
 Femina preclaro mentem succensa pudore
 Decrenit tunc casta mori, ne crimine tanto
 Ambirent miseram carnis commercia vitam.
 Calum teste vocat, famamque recusat inanem
 Iudicio contenta suo : cū conscia corda
 Commendat supera fidei, servatque futuris.
 Maluit ille tamen secreti inspector apertum*
 580 *Examen prestare loco, facinusque reclusum
 Pandere, & obiectas laqueis producere fraudes.
 Spectabat vanis commotam fletibus urbem
 Iunior ille puer, pueris tribus ipse futurus
 Post comes, undanti quos iecit Parthica flamma
 Contempto imperio flammis feruentior ira.
 Arsit contracto pariter crescente calore
 Hinc furor, inde fides, sanctis dum mollior ignis
 Seruiit, & tepido conlusit pruna ralore :
 Donec miratus cessare incendia Satraps*
 590 *Iussit, & adstantes flammaram copia cinxit.
 Hos meritis aquans Danielis proxima virtus
 Horrida frendentum compefcuit ora leonum,
 Dum prius accensi stimulis famis atque furoris,
 Frenatōque simul sternentes corpora rictu,
 Incolumem lambunt inter ieiunia pastum,
 Cū sumat tamen iste cibos, quos vertice pendēs
 Angelica librante manu per inane citatus.*

*Subiectas calcans immotis gressibus auras,
Intulit illatus fascis cum fasce propheta.*

600 *Excepit Daniel transmissas desuper escas.
Fercula longinquis migrant ferventia terris,
Asservantque suos peregrina in sede saporos.
Hic ergo impubes Susannam fortè videbat
In tormenta rapi, veri quam nescius antè
Vulgus inauditam damnaverat, & simul omnes
Infantis fontem certabant cernere mortem,
Cum subito in medium iuvenis se proripit agmen,
Accensum tenera castigans voce tumultum,
Cur tanto ex cœtu nullus rem indicat, ac se*

610 *Liber ad iniustum clamat non currere letum.
Protinus ad verbum pueri permota repressit
Turba sequax animos: iudex decernitur ipse,
Consultorque senum, per quem via vera patefcatur.
Consultit aulcos quisnam sit criminis ordo:
Sed dum discordans responsum præbet uterque,
Coniunctum facinus disuncta vace fatentur.
Tunc omnes pariter timor accipit, undique clamor
Tollitur, auctores sceleris plebs obruit omnis,
Laudaturque Deus, qui nunquam vota bonorum*

620 *Deserit, auxiliùmque suum pro tẽpore monstrat.
Et tamen his prior est qua virginitate pudica
Intactum præfert ad vota perennia corpus.
Nam si terrena nubentem lege puellam
Asservasse toros, atque unum nosse cubile,
Mortali tantùm laudatur indice cœtu,
Coniice virgineis quantum disponitur illic
Quò Christus vocat hinc meritis, ubi sede superna
Humanum in partem dirimet genus arbiter orbis.
Agnos dextra levans laos contemnet ut hos dos.*

630 *Stabant Angelici mirantes facta bonorum*

*Laudantēsq̃ue chori, cunctis commune patebit
Decursa carnis meritum : fraus nulla tenebris
Abdere, vel notas poterit subducere culpas.*

Illic nota tibi subsistens vita petatur,

Quo iustus ditat dispensans premia index.

Quondam succinctē quod dictū est ore magistri,

Dum viget officio famulans solertia Martha,

Attentāque tenet verbi virtute sororem,

Cura cibo melior, pastu quæ digna perenni.

640 *Tunc vacuas domino depromēs Martha querelas,*

O doctor non cernis, ait, quod sola paratu

Vexor, & hac nullum confert germana leuamen?

Cui Christus sic fortē refert, sunt plurima quæ te

Obstrictam retinent, melior sed cāsa quietis,

Lectāque nec poterit Maria pars optima tolli.

Sic, germana, suis dum flagrant sacula curis,

Electam seruare tibi non desine partem.

Te meruit primam cognatio tota patronam,

Iam te signiferam sequimur, vexillāque Christi

650 *Te portante libens sectatur stemma parentum:*

Quos licet antiquo mundus donasset honore,

Et titulis monstret generoso semper ab ortu:

Plus tamen ornauit diuinum insigne gerentes,

Ordine quod proprio sanctas meruere cathedras.

Non atavos iam nunc tibi met proauosq̃; retexam,

Vita sacerdotes quos reddidit inclyta dignos,

Pontificem sacris adsumptum respice patrem.

Cūque tibi genitor vel auunculus undique magni

Post fasces placeant populorum sumere fascem,

660 *Suscipe quos humiles patrum ad consortia fratres*

Officio similes nectens Ecclesia iunxit.

Pro quibus assiduas Christo persolvere grates,

Fundere vel fletus non taceat: ut tibi nullus

DE LAVDE VIRGINITATIS. 317

*Fratrum de numero desit, cùm pramia sumes
Factis digna tuis, matérque effecta parentum
Virginea vitrix sociabere lata corona.*

FINIS.

ALCIMI AVITI VIENNENSIVM ARCHIEPISCOPI
V. C. ET INL. LIBER VI. EXPLICIT, AD
FVSCINAM VIRGINEM SOROREM
SVAM DEO SACRAM.



INDEX.

A

ABEL sacrificium. 297
Abraham maximus patriarcharum. 15. 209. auctor utriusque Testamenti 18 Trinitatis sacramentum intellexit. 187. saluatus per Christum. 187
Abraham cum diuite colloquium. 17. 246. ex semine Christus. 15. 18. filij sunt fideles per laucrum. 195
Acacius Constantinopolitanus. 91
Adami creatio. 217. somnus & coniugium. 220. vita in paradiso 124. peccatum. 233. excusatio. 243. exilium. 244. mala ex peccato nata. 248
Adæ somnus dominicæ mortis figura. 189. 220
Adulterij gradus varij. 109
Æliæ vrbis Antistes. 61
Agaunensium Sanctorum basilica. 158. martyrium. 164.
Alaricus rex. 101. Rex Getarum. 131
Anastasius Imp. 7. 137. Cæsar Græcorum. 7. Rex Orientis. 20. princeps clementissimus. 97. gloriosissimus. 99. 137. 139

Angeli Deo preces & opera nostra offerunt. 196. 258. Christi resurrectionem nuntiant mulieribus. 304
Apollinaris Episcopus frater Auiti. 53. eius somnium. 13. fratri auctor vt edat poemata. 213. 295
Apollinaris Sidonij filius. 90. ab Alarico rege illaesa gratia redux. 101. Auiti poemata probat. 102
Apostolatus vester, Symmacho. Papæ. 62. 72. Hierosolymitano. 67. Rauennati. 89. Viennensi. 117
Arbor scientiæ boni & mali. 223
Arca Noë. 259. 260. 261
Arcanarum artium origo. 274
Archadius. 84. 103. 121
Archidias. 121
Archimandrita Eutyches. 7
Arriani germinis lolium. 68
Arriani refutantur. 179. collati cum paganis 160. ex Arriana hærese conuersi Segisfricus & eius soror. 158
Ascendit in cælum solus Christus. 198
Audentia mater Auiti. 297
Auitus Mamerti filius ex

- baptismo. 152. catholicus
 Senator. 70. Senator
 Romanus. 81. Episcopus
 Viennensis principis loci
 principatum tenet. 56.
 Gundobadi regishorta-
 tu contra Eutychianum
 dogma scribit. 6
 Auiti homilia in dedicatio-
 ne basilicæ Lugdunensis.
 112. de rogationibus. 160
 aliæ octo. 158. Homilia-
 rum editio. 213. item car-
 minum selectorum. 102
 Auiti epistola de baptismo
 Clodouei. 94. de Syno-
 do Rom. in causa Sym-
 machi. 79. de legatione
 orientali Hormisdæ. 143
- B
- Baptisterium Viennæ. 158
 Basilica S. Mariæ Geneuæ,
 S. Petri Tarantasiæ. 55.
 SS. Agaunensium. 158
 Basilicæ hæreticorum pur-
 gari nequeunt. 44 45.
 Betaneus Comes Theodo-
 rici. 53
 Biblicorum vtriusque Te-
 stamenti voluminum de-
 scriptio. 308. 309
 Bonosiaci cum Eutychianis
 collati. 28. illorum ba-
 ptismus non iteratur. 188
- C
- Cabilonis. 127. Cabilonen-
 ses. 122
 Cæcitas in sacerdote. 51
 Cananæ oratio 22. 23. 38
 Captiui redempti. 50. 53. 83
 Caro quos sola non carna-
- litas tenet. 184
 Celer. v. 1. 87. Senator. 98
 Chartenius Episcopus. 73
 Chrisma in baptismo. 69.
 94. 195
 CHRISTVS Dei filius,
 Deus & homo. 8. 9. &c.
 in Christo Deus & homo
 non duo, sed idem. 89.
 201. homo per Deum,
 Deus per hominem si-
 gnificatur. 176. Dei fi-
 lius, non adoptione &
 gratia, sed natura 12. 30.
 76. 170. 182. diuinitatem
 habuit ante incarnatio-
 nem. 74. 75. Dominus.
 193. minor patre in natu-
 ra humana. 182
 Christi persona vnica, du-
 plex substantia. 9. 10. 14.
 28. 168. 183. 201.
 Christi cum Cananæ ser-
 mo. 23. cum matre in nu-
 ptiis. 23. 24. cum Apo-
 stolis & Petro. 24. in cru-
 ce oratio. 25. passio non
 phantastica. 27. 28. 29.
 passus post resurrectio-
 nem. 32. 33. dormitio in
 nauis. 156. 157. ascensio
 in cælum. 33. 34. solus
 omnium ascendit in cæ-
 lum. 199
 Christi testamentum no-
 uum & hæreditas. 208.
 carnem & sanguinem
 corporis sui nobis reli-
 quit. 209
 Christus factis non mentit-
 us, qui verborum men-

dacia vetuit. 31. primo-
 genitus mortuorum. 196
 per cum saluati Abra-
 ham, Moyſes, & prophe-
 tæ. 169
 Clericorum libertas. 118
 Clodouci regis baptiſmus.
 94. 95. 96
 Columba ex arca emiſſa.
 269. rubra in ſomnis viſa
 Apollinari Epifcopo. 53.
 55
 Columna ignis dux He-
 bræorum. 284. 289
 Communio leuibus de cau-
 ſis non neganda. 118
 Concilia bis in anno. 133.
 vicarios mittunt qui ad-
 eſſe non poſſunt. 134
 Coniugij prima inſtitutio.
 220. 221. cum ſorore v-
 xoris defunctæ. 56. 57.
 cum virgine ſacrata. 109
 Conſtantinopolis Epifco-
 pus totius Orientis pa-
 triarcha. 21. cum Eccleſia
 Romana diſſidium. 89
 Corban. 2
 Coruus ex arca emiſſus.
 268. 269
 Crucis titulus trium lin-
 guarum. 194. Crucifixo
 ſupplicandum. 21. 22.
 Crucifixum ſua diuini-
 tas cum patre ſuſcitauit.
 173. in crucis ligno ſa-
 lus. 67
 Crucis particula Hieroſo-
 lymis data à Patriarcha.
 68

D

Daniel in lacu leonum. 314.
 315
 Dauidis ex ſemine Chri-
 ſtus. 23
 Dei poſt Adæ peccatum ſen-
 tentia in ſerpentem A-
 dam, & Euam. 242. 243.
 in genus humanum ante
 diluuium. 256
 Depoſiti negator. 91. 92.
 Diaboli lapſus & peruerſi-
 tas. 226. 227. inuidia in
 homines. 228. Euam ſub
 ſerpentis ſpecie aggredi-
 tur. 229. 230
 Diaconus pro ciuili cauſa
 ſeruili cuſtodix manci-
 patus. 118
 Diluuium mundi. 252. 262.
 265. &c. baptiſmi ſym-
 bolum. 272
 Diuitiarum vſus infidelis.
 200.
 Donatiſtæ conueſi rece-
 ptio. 69
 Donatiſtæ chriſma confe-
 runt in baptiſmo. 69

E

Eccleſia de latere Chriſti
 orta. 190. 220 per Euæ
 coſtam designata. 189:
 nauis Euangelica. 156.
 duo hominum genera
 continet. 191. procellas
 patitur. 267
 Eccleſiarum bona dant vel
 ſeruant principes. 92
 Eccleſiæ Orientalis cum
 Romana diſſidium. 48.

22

X

INDEX.

Marti. r. de verbis Esaia	Hormisda Papa. 87. 143.
61. de Epistola Fausti.	144.
34. auctor Auito, vt contra Eutybianos scribat.	I
6. vt cum sacerdotibus suis disputer. 64. 65. professionem fidei differt. 6. populi metu non baptizatur. 111. praecllentissimus princeps 107. Sigismundi pater. 64. 121. & filia, quae decessit. 40. obitus eius. 140.	Iacob scalae visio. 195.
H	Incatnatio Verbi. 9. quod Maria peperit, Pater misit, Filius venit, Spiritus sanctus infudit. 177.
Haemorrhouae fides. 38.	Incitor doctus. 119.
Haereses esse qualiter oporteat. 180.	Indus 138.
Haeretici Iudaeorum in perditione confines. 75.	Inspirare & insufflare. 3. 4.
Haeticorum basilicae catholicorum visibus non applicandae, sed negligendae. 43. 43. vasa & ministeria sacra confluenda. 47. exempla non imitanda. 46. calumnias eorum sustinere plus decet, quam facere. 46.	Intercessio. 92.
Haeticus conuersus quomodo recipiendus. 71.	Iob opes duplicatae 162.
Hebraei in Aegypto seruiunt. 173. dimissi vasa auferunt. 181. 183. mare transeunt. 290.	Ionas. 179. 183.
Heraclius v. r. coram Gundobado rege disputat contra haeticos. 104. 10. ipse ea de re epistola. 107.	Ioseph a fratribus venditus, in Aegypto seruit, postea dominatur. 313.
Hierosolyma terrestris & caelestis. 68.	Iscio paupus conclusus. 129.
	Iudaei notantur. 1. 15. Paschale festum Iudaeorum. 179. 169.
	Iudas traditor. 171. 180.
	Iudicio diuino causae commissa. 166.
	Iulianus Diaconus. 72.
	S. Iusti plebecula 117.
	L
	Laurentius v. r. 48. 97. 98.
	Latro in cruce. 26. 37. 151.
	Lazari suscitatio. 29.
	Lazarus & diues. 141. 246. 247. 248.
	Leonianus, 120. Archidiaconus. 118.
	Leth historia, in qua vxor virum non seduxit. 235. 236. 237.
	Lugdunense Concilium. 73. basilica. 92.
	M
	Magdaliola. 130.

INDEX.

- Magicæ artis origo. 234
 Magi Egyptij. 214. 215
 Maior domus Tullij. 86
 Mamertus Rogationum institutor. 152
 Maria ex semine Dauid 23.
 Virgo mater. 303 *ἡ ἁγία*
 6. non cœpit ex ea Dominus. 74
 Maris rubri transitus. 272
 Marfi in serpentes. 235
 Matrimonij incommoda. 301. 302
 Matthæi vocatio. 173
 Maximianus Antistes. 51
 Mediator Dei & hominum Deus & homo. 301
 Mentiri Christiano verbis aut factis non licet. 31
 Michael inter Angelos princeps. 195
 Missa, missum facere. 2
 Missarum sacrificium. 20
 Monogrammatidis signum. 131
 Moses per Christum saluatus. 168. cum Christo collatus. 183. aquas dulcavit. 159
 Moïsis facies cornuta. 184. ad Pharaonem oratio. 273. virga in serpentem versa. 274. aquæ in sanguinem. 276. ranæ & cinniphes. 277. tenebræ. 278 primogenitorum cædes. 280.
 Mundi initium. 215
 N
 Nestorius. 144. 145. 149
 Nili inundatio. 223
 Niniuitarum pœnitudo. 361
 153. 263
 Noë sanctitas. 257. arcam fabricare iussus. 259. fabricat. 265. derisus à filio. 264. eius sacrificium. 270
 Noua Deo grata. 45. 46. 48
 Nuptiæ in Cana. 23. 24
 O
 Occurrere Deo qui dicantur. 198
 Operarij in Euangelio conducti. 36
 Operatio iungenda supplicationi. 154. Dei voluntas est vt beneficiamus, nostrum est quod fecerimus. 205. boni actio violentè non aufertur. 205
 Oratio plebis adunatæ efficacior. 154
 Oratio ad Christum, vt Adæ peccatum reparet. 249
 250. 251.
 Originale peccatum. 225
 P
 Papa Constantinopolitanus. 48. cum Romano velut gemini Apostolorum principes. 49
 Papa Hierosolymitanus, principem locum in Ecclesia vniuersali tener. 67
 Papa Romanus vniuersæ Ecclesiæ Præsul. 92
 Paradisi descriptio. 223. 224.
 Parthicus ductor. 118
 Pascha Iudæorum institutum. 273. 280. nostrum quando cœpit. 179

INDEX.

Peregrinus dici non potest sacerdos, ubi est Eccle- sia catholica, 51	Recentēs. 110. 130
Petrus Apostolorum caput, id est, principum prin- ceps, super mare ambu- lans. 159. celorum iani- tor, non origine nata- lium placuit, sed sine me- ritorum. 175. Petri car- cer illustratur. 161	Regum gratia sine augmen- to non redditur. 101
Phantasma Eurychis refuta- tum. 23. 27. 28. 29. 31. 32. 168	Reliquiæ sacræ. 61. 67. 72. 73
Pharaonis minax oratio. 273. 274. insequitur Is- raëlitas. 286. submergi- tur. 291	Resurrectio quales efficiet. 32
Phœnicis renouatio. 222	Rogationum initium. 152. rogationalis obseruantia. 150
Photinus. 29. Photiniani etiam mortuum ac resus- citatum asserunt Chri- stum. 173	Roma vrbs orbi venerabi- lis. 79. apex mundi. 81
Piracia in phialis. 121	Romanæ Ecclesiæ maxi- mus Sacerdos, ad quem, velut ad caput membra recurrunt. 87. ad eius au- dientiam appellatio. 110
Placere Deo nequit, qui vs- que ad sui electionem sibi placuerit. 202	Romanum Concilium de causa Symmachi Galliz Episcopi nō probant. 80
Pœnitentia momentanea fructu non caret. 35. 36. non violanda. 36. 37	S
Presbyteri in secundo gra- du. 61	Sacrificium Missarum. 20. commemorationis. 37. sacrificia nostra. 44
Prodigus filius ad patrem reuerfus. 250	Sæcularij auctores. 2
Provincialis. 82. Prouin- cialis vir nobilis. 53	Salomonis maxima in scri- pturis auctoritas. 76
Prudentij psychomachia. 308	Samaritani cura. 250. 251
R	Sapaudia. 125
Raab fides. 38	Sapaudus v. r. 128
Racha. 2	Secræta nostra imperfectis non prodenda. 70. 71
	Securitas nulla dum in carne sumus. 300
	Seruitutis origo. 160
	Seruus negator depositi 91
	Seueriana virginum sacra- rum magistra. 292
	Sidonius. 90. 101. Sollius. 105
	Sigismundus rex. 137. patri-

cuius. 48. Comes. 97. 119.
amat catholicam legem.
93. princeps orthodoxus.
42. fidem amplexus. 135.
cuius expeditio bellica. 93.
135. 136

Signatorij anuli descriptio.
130. 131

Solearum duo paria. 119

Sororum duarum maritus.
56. 57. 58. 59. 60

Spiritus diuinus, spiritus
humanus. 3. 4. 5

Spiritus sanctus æqualis pa-
tri & filio. 173. Deus est.
178. creator, non creatu-
ra. 4. 5

Susannæ historia. 313. 314.
315

Symmachus Papa. 61. 72

Symmachus senator Ro-
manus. 79

Symmachus presbyter. 82

T

Talentorum parabola. 305

Tarantasiæ basilica S. Pe-
tri. 158

Templa Martyrum urbium
ornamenta. 160. plus ba-
silicis vrbs munita, quàm
propugnaculis. 162

Templum paganorum con-
secratum. 160. 161.

Theodoricus rex. 81. Re-
ctor Italiæ. 140. Burgun-
dionum legatos in Orien-
tem impedit. 140

Thomæ fides. 30. 31. 75

Tobias per Angelum sana-
tus. 52

Trisagij hymni causa sedi-
tio. 20. 22

Trinitatis vna substantia.
191. vnum nomen. 176.
cognitio est sicut coope-
ratio. 177. In ea præter
vnitatem nihil inuenitur.
178

V

Vasorum in domo Dei di-
uersitas. 106

Vicarius Præfectorum. 83

Viennensis Ecclesia. 59. 133.
loci principis principa-
tus. 57. basilica. 91. Se-
natus. 152. ciuitas. 86.
prouincia 87. 104. 143.
144

Viennæ baptisterium. 153.
prodigia. 151

Vincentii solemnitas. 125

Vincomelus duarum soror-
um maritus. 59

Virginis Deo sacratæ nu-
ptiæ. 109. 110

Virginum decem parabola.
310. 311

Virginitati aliæ virtutes
iungendæ. 309. 310

Vitalianus senator. 97

Viuentiolus presbyter. 61.
Episcopus. 115


Viuentiolus rhetor. 112

Voluntas in laude diuina
sufficit. 272

Vota in omnibus non facta
cogitanda sunt. 172

Voti reus. 37

Vxor ob adulterium sepa-
ratur. 50



IACOBI SIRMONDI

SOCIETATIS IESV

Presbyteri

NOTÆ AD AVITVM.

ALCIMI ECDICII AVITI] Duo fere
vsurpari eius nomina solent, Alcimus Aui-
tus: tertium nos olim deprehendimus in titulo
epistolæ, quam de poematum suorum editione
scripsit ad Apollinarem fratrem. Itaque tri-
plex Auiti nomen fuit, sed verum ac proprium
Auitus, quod ideo postremum locum tenet, de
veteri more Romanorum & aliorum qui Ro-
manos æmulabantur, apud quos tandem in-
ualuit, ut è multis nominibus id quod cuique
proprium erat ultimo loco statuerent. Qua de
re pluribus aliàs dictum in Notis ad Ennodium
& ad Sidonium, in quorum nominibus, aliis-
que quamplurimis, id observabamus, quod
ipsum & in sancto Hieronymo videre est, cu-
ius integra nomenclatio fuit, Sophronius Eu-
sebius Hieronymus.

EPISTOLA I.

GVNDOBADO RECI.] Burgundionum P. i.

X iij

in Gallia rex fuit, vel ex Francorum historia notissimus. Huic enim Clodoveus noster armis victor tributum imposuit, Patricio, ut Marius in Chronico refert, & Hypatio Consulibus, id est anno Christi D. Gundobadi verò filios Sigismundum & Godomarum, post patrem regnantes, Clodovei filij vita regnoque spoliarunt. Verum ad Godomari tempora epistolæ Auiti non pertingunt, in quibus Gundobadi & Sigismundi crebra est mentio.

2. **MISSA FIERI PRONVTIATVR]**
Redarguit primùm hic locus cassum laborem illorum, qui Missæ nomen exoticum, id est, Hebræicum fingere ausi sunt, non Latinum, quod res est, & ex Auiti verbis perspicuum. Docet deinde, quod haud scio an à quoquam hætenus proditum, non in Ecclesiis modò, verum etiam in palatiis prætoriisque usurpari Missæ nomen consueſſe, cum populus à conuentu dimittebatur. Ab hac igitur missa seu missione populi, quæ re peracta fiebat, translata vox fuit ad significandas res ipsas quæ gerebantur. Nam & Missæ matutinæ & vespertinæ appellatæ sunt liturgiæ, seu solennia officia, quæ matutinis aut vespertinis horis celebrabantur. Quod sanè mirum eo minùs videri debet, quòd vice versa synaxis & collectæ vocabula, quæ propriè conuentum & congregationem ad diuina officia significant, pro ipsis quoque diuinis officiis tum matutinis, tum vespertinis passim usurpata meminimus.

2. **GRÆCVS DICENS KENOX]** Hilarius in

Matthæum cap. iv. *Rasha vacuitatis opprobrium est, & qui sancto Spiritu plenum conuitio vacuitatis insinuat, fit reus concilio sanctorum, contumeliam Spiritus sancti sanctorum iudicium animaduersione luiturus.*

UTRVM SPIRITVS SANCTVS CREATOR] 3.

Et Spiritum diuinum creatorem non creaturam, & Spiritum nostrum non sempiternum credendum esse, sed creatum, liquidò & abundè probat aduersus sacerdotes Gundobadi. Quoddè verò istos, dum causæ indulgent, pro eo quod *inspirauit Deus* in Genesi legimus, *insufflauit* dixisse criminatur, non satis apparet quid illorum causam iuuet hæc mutatio: aut cur reprehendi hoc nomine possint, cùm Græci codices ἐμπνεύσεν, quod est insufflauit, legant, atque hanc lectionem exhibeant Tertullianus, Cyprianus, Ambrosius, & Augustinus, ne alios recenseam. Adde quod Sapientiæ capite xv. ne argutari liceat, vtrumque copulatum est, τὸν ἐμπνεύσας αὐτῷ ψυχὴν, καὶ ἐμψύχωντα πνεῦμα ζωτικόν. *Et qui inspirauit animam, & qui insufflauit ei spiritum vitalem.*

AD PERFECTIONEM VESTRAM] 6.

Gundobadum narrat Gregorius Turonensis libro ii. Auiti Episcopi dissertationibus conuictum, Trinitatisque æqualitatem confessum, clam vt chrismaretur expetiisse, metu autem populi deterritum, ne conceptam fidem publice, quod Episcopus suadebat, profiteretur, vsque ad exitum vitæ in insania perdurasse.

EPISTOLA II.

6. De hac epistola & sequenti, aliisque eiusdem argumenti, quæ in Flori Excerptis memorantur, cum laude meminit idem Gregorius eodem loco. *Insurgente, inquit, hæresi apud urbem Constantinopolitanam, tam illa quam Eutyches, quam illa quam Sabellius docuit, id est, nihil diuinitatis habuisse Dominum nostrum Iesum Christum, rogante Gundobado rege Auitus contra eos scripsit. Extant exinde ipsius apud nos Epistola, quæ sicut tunc hæresim oppresserunt, ita nunc Ecclesiam Dei adificant.*
7. EUTYCHES ARCHIMANDRITA] Celeberrimo Constantinopoli monasterio præfuisse testatur Liberatus in Breuiario: sed monasterij nomen, nec ipse, nec alij produnt. Hic nominis sui hæresim condere adorsus anno Christi ccc cclvii. damnatus est primùm in Synodo Constantinopolitana Flauiani, deinde in œcumenica Chalcedonensi.
8. MARIAM VIRGINEM ΘΕΟΤΟΚΟΝ] Eutychi tribuit quod Nestorio congruebat. Nestorij enim error fuit, sanctam Mariam Θεοτόκον non esse dicendam, sed χριστοτόκον. Tota igitur epistola, etsi habet quæ Eutychi aduersentur, præcipuè tamen aduersus Nestorium dimicat, qui duas in Christo personas statuebat, vnā Dei, alteram hominis, Mariamque aiebat non Deum peperisse, sed hominem, qui diuinitate postea in baptismo sit donatus. Auitus contrā vnicam docet in Christo duplicis substantiæ personam, æquē Dei filium & ho-

minis fuisse, quem pater sine matre genuit, genitrix sine patre concepit, Deum denique in Christo esset natura, non gratia.

ΘΕΟΤΟΚΟΝ, ΧΡΙΣΤΟΤΟΚΟΝ] Horum 8. alterum tantum admittebat Nestorius, neutrum Eutyches, vtrumque Ecclesia catholica. Nestorius enim, vt dictum est, Deiparam negabat, Christiparam confitebatur, sed hæretico sensu, Christum asserens hominem tantummodò ex Maria prodiisse. Eutyches verò, cum carnem de cælo habuisse Christum, nec illi à Maria ministratam doceret, nihil causæ habuit, cur Dei aut Christi matrem appellaret. At fides orthodoxa vtrumque sic amplectitur, vt vtrumque in vtroque tacitè profiteatur. Nam cum in Christo Deum ab homine non diuellat, nec hominem in Deipara excludit, nec Deum in Christipara: propter singularem personæ unitatem, qua Verbum in carne caro, homo in Deo Deus est, vt loquitur Vincentius Lirinensis.

CERTE CIRCUMFREMENTIBVS IVDÆIS] 14. Hunc locū profert Agobardus aduersum dogma Felicis sub finem: *B. quoque Auitus, Photinianorum hæreticorum validissimus expugnator, scripsit dicens: Certè circūfrementibus Iudæis, &c.*

EPISTOLA III.

ACACII CONSTANTINOPOLITANI SAC.] 19. Primis hic annis sapere visus est, & pro Synodo Chalcedonensi decertare contra Eutychianos. Mutato postea consilio, quàm graues in Ecclesia turbas excitavit, vel occultè, vel aper-

tè iisdem adhærens aduersus Synodum, cuiusque defensores, declarant Pontificum epistolæ, tum Simplicij, qui eum ad meliorem mentem reuocare conatus est, tum Felicis, à quo tandem ob peruicaciam damnatus & anathemate percussus est. Episcopatum tamen, fauente Zenone Augusto, ad obitum vsque retinuit. Defuncti porrò Acacij nomen Felix è diptychis deleri iusserat. de quo varia rursus inter Episcopos studia fuerunt, & vix tandem vt Constantinopoli expungeretur sub Hormisda impetratum est.

20. CVM REGE ORIENTIS ANNO SVR.] Cum Anastasio Imperatore, anno Christi DCLII. vt sequentia demonstrabunt.

20. CONSVETVDO IN ECCLESIIIS] Trisagium hymnum prima omnium vsurpare cepit Theodosij minoris xuo Ecclesia Constantinopolitana, sed sine illis verbis *ὁ σαυρωδὴς δι' ἡμᾶς ἐλέησον ἡμᾶς*, quæ tunc temporis ignorabantur. Additionis enim auctor Antiochiæ postea fuit Petrus Cnapheus Episcopus, qui vt Theopaschitarum hæresim, qua laborabat, induceret, clausulam hanc adiecit Trisagio: qua scilicet Deo trino, ad quem superiora spectabant, adscribi passio videbatur. Cui malo vt mederetur Calendio, Cnaphei in exilium pulsi post aliquot annos successor, clausulæ illi præmisit *Χεὶρ βασιλῆυ, Christe rex*, errorisque ansam duobus verbis præciderat, nisi Cnapheus ab exilio reuersus, sedique restitutus, iisdem sublati pristinam labem redintegrasset. Theophanes in Chronico de Calendione. *τῷ τετρακτῷ πεντήκοντα*

ΧΡΙΣΤΕ ΒΑΣΙΛΕΥ ὁ σωτηρὸς δι' ἡμᾶς. Πίστος δὲ πάλιν ἀνελθὼν πειεῖλε τὸ χεῖρ βασιλεῦ. Hæc Antiochiæ. Constantinopoli verò Anastasius Imp. vnà cum Timotheo Patriarcha, idem Cnaphci additamentum in Trisagium inferre conatus, post varios tumultus, cædes, & incendia, reclamante populo orthodoxo, consequi nihil potuit, vt docet Marcellini Comitæ Chronicum Paulo & Muschiano Consulibus, id est, anno Christi **DXII.** in quem incidit annus Anastasij **XXII.** cui hæc eadem assignat Theophanes in chronico. vbi & Timothei quoque Commonitorium commemorat, quo id ipsum Ecclesiis omnibus imperabat. *ἡνίκα καὶ Τιμόθεος δι' ἐγγράφου ὑπομνηστικοῦ πάσις ταῖς ἐκκλησίαις προστάξεν τὸ τρισάγιον ἐν ταῖς λιταῖς μὲν τῆς προδίκης εἶπῃν.* Eadem habet Anastasius in Historia Ecclesiastica. Quæ à nobis omnia idcirco præmittenda fuerunt, vt ex his Auito, qui diuersa narrat, impositum fuisse deinceps agnoscamus.

SED VBI PRIMVM HYMNVS VLTIMA] 11.
Non offendebat orthodoxos, vt vidimus, pars hæc ima Trisagio detracta, sed addita: neque Eutychianis fauere poterat, si truncaretur, cùm illam Cnaphæus ipse idcirco adiecerit, vt Eutychianam hæresim stabiliret. Nec propterea Hymno hanc addi non ferebant orthodoxi, quòd Crucifixo supplicandum negarent, sed quia Deum crucifixum per hanc adstruebant Theopaschitæ Eutychiani.

ANTIQUA SACERDOS SEDE PROP.] 21.
Macedonium ab Anastasio sede Constantino-
politana pulsum, eique suffectum Timotheum

constat, Secundino & Felice Consulibus, hoc est superiore anno quàm de Trisagij additamento Anastasius & Timotheus turbas cicerent. Aliæ igitur exilij causæ fuerunt, & Auiti hac etiam in parte nutat narratio.

21. **NOLUNT EI QUI CRUCIF. EST SUPPLIC.]**
 Christo pro nobis crucifixo supplicandum nemo vnquam rectè sentiens negauit: sed supplicationem hanc Trisagio subiici non probabant. Qua de re in Excerptis Photianis cap. ccxxviii. differens Ephræmius Patriarcha Antiochenus in epistola ad Zenobium Scholasticum, vt Orientales suos excuset, Constantinopolitanos atque Occidentales ait, quia Trisagium ad Trinitatem referunt, propterea *ὁ κυρωθεὶς δι' ἡμῶν, qui crucifixus es pro nobis*, addi non sustinere, ne Trinitati attribui passio videatur. Orientales verò, cùm Trisagium ad Christum referant, culpa vacare cùm subiiciunt, *Qui crucifixus es pro nobis*. Quæ ille quanquam falsò, vt apparet, de Orientalibus scribit, cùm ex Damasceni epistola *μετὰ τὴν ἐκείνου* comperit, veteres omnes semper de Deo trino, nunquam de filio solo hymnum hunc accepisse, quem & *τεταδικέν* ea de causâ nuncuparunt: & Cnapheum certum sit, cùm *αὐτοῦ* istam adiecit, non filium in mente habuisse, sed Deum, quem crucifixum cum Theopaschitis adstruere studebat. Quanquam hæc, inquam, ita se habent, inficiandum ramen non videtur, in Cnaphei additione, si prauum eius consilium demas, incommodi nihil futurum. ita nimirum, vt post Trinitatis laudationem,

conuerso ad filium sermone, his illi verbis supplicetur, *Qui crucifixus es pro nobis, miserere nobis.* Quod & Calendionem Episcopum sensisse manifestum est, quando Cnaphei additioni το Χρῆςτε βαπτειὺ προῖμισι, & ab Ecclesiæ vsu non abhorre agnoscit Damascenus, cùm post Trinitatis doxologiam, quæ his verbis contineretur, Gloria Patri, & Filio, & Spiritui sancto, subiungi saepe soleat, το σωζωμέντι βουλήσῃ, & ἐκ νεκρῶν ἀγασάντι, *ei qui voluntate crucifixus est, & qui resurrexit à mortuis*, quæ ad filium propriè spectant.

NIHIL POSSE PRÆSTARE PERS. HOM.] 21.

Duplex deinceps contra duas hæreses argumentum tractat. Prius hoc loco, Christum videlicet Deum pariter & hominem fuisse, contra Nestorij vesaniam, qui ἄλλοι ἄνθρωπος, hominem tantummodò aiebat fuisse.

IAM PORRÒ QUONIAM] Hoc alterum 27.

caput disputationis, Christum vero & consubstantiali nobis corpore præditum fuisse, contra quàm sensit Eutyches, qui fictitium illi corpus, & phantasmatisimile tribuebat. Vnde his quoque Auiti epistolis, quæ delirium hoc refutant, titulus olim CONTRA PHANTASMA. Par itaque, sed contraria, vt Leontius Monachus obseruat, in Christum impietas Nestorianorum & Eutychianorum, οἱ μὲν γὰρ ἡ θεότητα, οἱ δὲ ἡ ἀνθρωπότητα δοκίμοι λέγουσιν εἶναι ἐν ὁμήῃ. Illi enim, inquit, diuinitatem; hi humanitatem opinione tenus & phantasia Seruatori asserebant. Quare scitè utrosque Nonnus Abbas ἐναντιοδοκίμος appellabat. Nam & Docitas quoque illos qui id

genus phantasma inducebant, vocat Theodoretus noster libro v. Hæreticarum fabularum. Vbi eundem hunc de Christi corpore locum tractans, iisdem quibus Auitus argumentis docet, pati & mori, esurire & defatigari corpus suum permisisse, ἵνα μηδὲ μὴν λάβωσιν αἰσθητὴν εἰς Δοκίμην κρατύναι τὸ ψεύδους ἢ αἰσίου. *ne quædam ansæ haberēt Docita, quæ falsam hæresim confirmarent.*

28. **BONOSIACIS.]** Bonosus Naissitanæ in Dacia sedis, vt nostra est coniectura, Episcopus, catholicam deferens, ad eorum transiit hæresim, qui Photini venena sectabantur, & Christum Deum negabant, hominem tantum prædicantes. Bonosiacos eius discipulos vocant etiam Concilia Arelatense II. & Aurelianense III. Gregorius verò magnus Bonosianos libro ix. epistola Lxi. ad Quirinum, & alios Episcopos Hiberniæ.

34. **FAVSTVM EPISC. SECTA MANICHÆVM]** Aduersus quem extant libri sancti Augustini, cuiusque in aliis eiusdem operibus frequens mentio. Ceterum & Paulini ad Faustum epistola, & Fausti ad eius quaesita responsio, quæ nunc inter Fausti Regiensis opera leguntur, quod de Fausto hic agatur ambigi non sinunt. Britannum hunc ortu fuisse docet Auitus. quod non de Insulanis, sed de Armoricis Britannis accipiendum monuimus in Notis ad epistolam Facundi ad Mutianum Scholasticum. Paulinus hic autem Burdigalensis, qui ad Faustum scribit, cum de Paulino Episcopo Nolano accipi nequeat, de Paulino Eucharistici auctore intelligendus videtur, qui & ipse ortu Burdigalensis

sis fuit, & Massiliæ larem relicta patria cum fixisset, Fausti Reiensis consuetudine uti potuit.

POENITENT. QVAM P. MOMENTANEAM NOM.] Momentaneam Faustus quoque appellarat, Paulinus subitam. *Percunctor*, inquit, *accedo. Sum peccatis carnalibus in-nolustus, omnia quæcumque potest criminosus exerceo. cum diem humana sortis implevero, pœnitentiam subitam sum consecutus. si excludat pro parte peccatum, an ad integrum, opto cognoscere.* Hanc Faustus inutilem esse respondit. Quod falsò dici docet Auitus, & ante Auitum in eadem Gallix Prouincia docuerat Gennadius Massiliensis Ecclesiasticorum dogmatum cap. XLVIII. *Pœnitentia, inquit, aboleri peccata indubitanter credimus, etiamsi in ultimo vite spiritu admissorum pœniteat, & publica lamentatione peccata prodantur, quia propositum Dei, quo decreuit saluare quod perierat, stat immobile. Et ideo quia voluntas eius non mutatur, sine emendatione vite, si tempus conceditur, sine supplici confessione, si continuò vita exceditur, venia peccatorum fideliter præsумitur ab illo, qui non vult mortem peccatoris, sed ut conuertatur à perditione pœnitendo, & saluatus miseratione Domini viuat. Si quis aliter de iustissima Dei pietate sentit, non Christianus sed Nouatianus est.*

IN VSV CONIUGALIS COPVLÆ.] 374
Coniugium opponit pœnitentiæ, quia pœnitentiam professi abstinebant à coniugio. Vnde & coniugatis, nisi ex mutuo consensu, pœnitentiam dari Concilia vetant, Arelatense II. can. xxii. & Aurelianense III. can. xxiv.

37. FIDEM SOLAM HOM. NON PRODESSE] Quod Paulino responderat Faustus, fidem nudam meritis ad salutem non proficere, de iis videlicet affirmabat qui adultam ad ætatem perueniunt. Auitus autem contra illum sic disputat, quasi etiam paruulos comprehendat. quod abhorret à Fausti sententia, qui utrosque distinguit, & apud Deum distingui docet libro 1. de gratia & libero arbitrio cap. vii. *Fidem*, inquit, *expectat à paruulis*, *opera cum fide à consummatissimis requirit*. Neque aliter accipiendus S. Augustinus, cum iis respondens, qui sine fide non posse, sine operibus autem posse perueniri dicerent ad æternam vitam, fidem ipse solam non sufficere ad salutem, sed opera cum fide requiri docet in libro de fide & operibus. De iis enim sermo est, qui grandiores fiunt post baptismum.

EPISTOLA V.

40. DOMNO GUNDOBADO REGI] Consolatoria in obitu filiarum, quæ regi desponsa, & regina mox futura, paternis in ædibus decesserat ante nuptias. Quod verò illi vel sponso nomen fuerit, non explicat.
41. FLEBATIS FUNERA GERMANORVM] Funera fleuisse ait, quorum auctor ipse fuerat. Ex tribus enim fratribus duos Gundobadus principio regni sustulit, Chilpericum Clotildis nostræ patrem, & Godomarum: cum tertio Godegisilo regnum partitus, complures annos cum eo regnavit. Tandem & hunc quoque iniuria laecessitus interfecit, solusque dein-

ceps integro regno per sedecim annos potitus est, vsque ad Petri Consulatum, sub quo defunctum Gundobadum notat Chronicum Martij, hoc est anno Christi dxxvi.

EPISTOLA VI.

VICTORIO EPISCOPO] Gratianopolitano. Hunc enim esse arbitror, qui cum Auito ipso interfuit & subscripsit Concilio Epao-^{42.} nensi, atque in vulgatis editionibus Conciliorum Victurius; in codice autem Lugdunensi Victorius appellatur, vt hoc loco.

DE HÆRETICORVM ORATORIIS] ^{42.} Qui hanc epistolam contulerit cum Canone xxxiii. Concilij Epao-^{42.} nensis, *De Basilicis hæreticorum*, facile animaduertet, Canonem non solum ex mente Auiti, qui præerat Concilio, sed ipsius quoque verbis conceptum atque expressum. Sic enim se habet: *Basilicas hæreticorum, quas tanta execratione habemus exosas, vt pollutionem earum purgabilem non putemus, sanctis usibus applicare despiciamus.* Diuersa paucis antè annis fuerat sententia Concilij primi Aurelianensis, cui Basilicas Gothorum recipi, & simili quo nostræ innouari solent placuit ordine consecrari. Quod vbique gentium in more vsuque iam olim fuisse, tum Græcæ, tum Latine passim historiæ declarant.

EPISTOLA VII.

PAPÆ CONSTANTINOPOLITANÆ] ^{48.} Ioanni Cappadoci Patriarchæ, qui relato in diptycha Concilio Chalcedonensi, expuncto-

que ex iisdem nomine Acacij, longum discidium, quod Orientales ab Ecclesia Romana seiunxerat, redintegrata pace & concordia terminavit. Extat Ioannis ipsius ad Hormisdam Papam epistola, rei gestæ tempus subscriptione sua denotans, *Data mense Martio die xxviii. Indiæ. xii. Consulibus domino Iustino Imp. Augusto & Entharico V. C. æra d l v i i.* id est anno Christi d x i x. Cedrenus anno primo Iustini, *Επισκόπων δὲ ἀπὸ Ρώμης ἐλθόντων δι' Ορμίσδου ἐπισκόπου Ρώμης, τῆ Βιταλιανοῦ σουδῆ, ἐπὶ ζώντος Ἰωάννου τοῦ Καππαδόκου Ἐπισκόπου Κωνσταντινουπόλεως, πῶς ἤσαν ἐν Χαλκηδόνι πτάρτιν σωῶσιν πρὸς τὰς ἄλλας τρεῖς σωῶσιν τὰς διπλόχους σωίταξ.* *Cumque Roma venissent Episcopi ab Hormisda Romano Episcopo missi, Vitaliani studio, cum adhuc viveret Ioannes Cappadox Episcopus Constantinopolis, quartam sacram Synodum Chalcedonensem ad tres alias in diptychis adscripsit.* Liqueet ergo, quemnam Principem hoc loco intelligat, quem Rom. Antistitè, quem denique Papam Constantipolitanum.

48. **P A T R I C I V S S I G I S M V N D V S**] Rex Burgundionum, qui Gundobado patri quarto abhinc anno successerat. Solebant his sæculis Imperatores Romanarum dignitatum titulos exterarum gentium regibus honoris causa impertiri. Vnde & Theodericum regem Gothorum, & alios, Magistros militum sæpe appellatos legimus: atque vt hoc loco patriciatum Sigismundo delatum intelligimus, & patricium Theodericum eundem à Zenone creatum proditum est, sic ad Clodoveum regem Francorum, post victoriam Gothicam, codicillos de

Consulatu ab Anastasio missos testatur Gregorius Turon. lib. II. cap. xxxviii.

EPISTOLA VIII.

E V S T O R G I O E P I S C O P O] Mediola-^{50.}
nensi, ut docet epistola Theoderici regis, quæ
est nona libri I. Variarum apud Cassiodorum,
& libri II. epistola xxix. ad Adelam Comitem,
his verbis: *Beatissimi viri Eustorgij. Episcopi san-
ctæ Mediolanensis Ecclesiæ petitione permoti, præ-
sentibus te affatibus admonemus, ut pradiis vel
honoribus illius Ecclesiæ intra Siciliam constitutis
tutionem studeas, salva ciuilitate, prestare. De
hoc Ennodij quoque interpretati sumus. epi-
gramma cxlix. De fonte baptisterij S. Step-
hani, & aqua quæ per columnas venit.*

En sine nube pluit sub tectis imbre sereno,

Et celi facies pura ministrat aquas.

Proflua marmoribus decurrunt flumina sacris,

Atque iterum rorem parturit ecce lapis.

Arida nam liquidos effundit pergula fontes,

Et rursus natis unda superna venit.

Sancta per athereos emanat lymphæ recessus,

E V S T O R G I vatis ductu ministerio. id
est, Episcopi. Græcum ortu sunt qui Eustor-
gium faciant ex nominis coniectura. Quod ve-
rò addunt Ioannis Damasceni discipulum fuisse,
absurdum est, cum tempora discrepent.

R E P A R A N D Æ L I B E R T. C V R A M G E R.] ^{50.}
Referenda hæc videntur ad reliquias captiuo-
rum; quos Gundobadus bello Ligustico ex Ita-
lia in Galliam abduxerat. ad quos redimendos
missi à Theoderico rege. Epiphanius Ticinen-

sis, & Victor Taurinas legationem obierant, quam Ennodius in Epiphaniij vita describit.

EPISTOLA IX.

51. CASARIO EPISCOPO] Arelatensi, de quo ad ea quæ aliàs notauimus ad Ennodium, præclarum addi potest elogium Floriani monachi in epistola ad Nicetium Treuirensē. *Sed & corona vestra socium, inquit, beata memoria dominum Casarium Arelatensem Episcopum, qui vixit inter barbaros pius, inter bella pacatus, pater orphanorum, pastor egenarum, qui tanti census effusione nil perdidit, catholica regulam discipline dictis factisque demonstrans.* De huius quoque in pascendis captiuis alacritate ac fiducia in Deum, nauibusque tritico plenis à Gundobado & Sigismundo regibus Burgundionum opportunè, cum panes deessent, ad illum missis, narrat Messianus presbyter in libro II. vitæ S. Cæsarij.

51. MAXIMIANVS ANTISTES] Cuius sedis Episcopus fuerit, non liquet. Fuit quidem per hæc tempora Maximianus Perusinus Antistes, cuius nomen legitur in Synodis Romanis Symmachi Papæ. Verùm an in eum conuenire possint, quæ de Maximiano Episcopo, eiusque patria, & oculorum incommodo hîc dicuntur, ambiguum est.

EPISTOLA X.

52. MAGNO EPISCOPO] Mediolanensi, Eustorgij, de quo proximè dictum, successori, Datiique decessori. Nam quòd Dadium non-

nulli, dum Mediolanenses Episcopos recensent, Magno præponunt, ordo est præposterus, qui ex hac ipsa epistola reuincitur.

COMITE BETANCO] Theoderici regis Italix. Auulosverò, siue Auolos, præter hunc, nobilis, vt ait, viri Prouincialis filium, alios eodem sæculo habuit eadem Prouincia, vt Auulum Segestericensem Episcopum, & Auolum Aquarum Sextiarum, quorum ille in Synodo IV. Aurelianensi subscribit, hic in quinta.

EPIST. XI. XII.

APOLLINARIS EPISCOPVS] Valenti- 53. 54.
næ sedis Antistes, Auito fratre natu maior. de quo Agobardus ad Ludouicū Imp. de Iudaicis superstitionibus. *Sanctus Apollinaris, Episcopus Ecclesie Valentina, quantus fuerit & sit, non solum gesta de eo scripta, sed & crebra eius miracula usque hodie sublimiter testantur.* Epistolæ vtriusque idem est argumentum. Somnium nempe Apollinaris, quod ea illi nocte oblatum est, quæ defunctæ sororis anniuersarium Viennæ ipso absente celebrabatur.

EPISTOLA XIII.

CONTVMELIOSO EPISCOPO] Reio- 56.
rum in Prouincia II. vt docent subscriptiones Synodi Arelatensis IV. Carpentoratensis, & Vasensis II. Doctrina ex cultum hominem fuisse argumento est, quòd Auitus hunc inter librorum suorum censores & arbitros delegerit. Mores autem illaudatos probauit, tum Cæsarij eiusque Synodi, tum Sedis Apostolicæ iu-

dicium, cuius sententia Contumeliosus Episcopatu ob flagitium deiectus, atque in monasterium reclusus est, ut in primo Tomo Conciliorum Galliarum videre est.

EPIST. XIV. XV. XVI.

56.57.58. **VICTORIUS EPISCOPVS]** Gratianopolitanus. Nec enim dubito, quin is sit, qui in epistola vi. dictus est Victorius, atque ita quoque nominatur in epistola xvi. & in aliis. Hic ergo Auitum Viennensem, tanquam Metropolitanum suum consulit, Auitus tanquam suffraganeo Prouinciæ suæ Antistiti respondet, quid de illo statuendum, qui defunctæ uxoris sororem sibi in matrimonio sociarat. Cuius hic erat Gratianopolitanus, ut patet ex epistola xiv. Vincomalus nomine, ut est in xvi. Par porro eodem tempore eodémque in regno Burgundionum, incestus fuit Stephani, ex officio Sigismundi regis fisco præpositi, qui Palladium defunctæ itidem coniugis sororem sibi copularat. Quæ de re in Concilio Lugdunensi I. & in vita Sancti Apollinaris Valentiniæ sedis Episcopi.

58. **OPORTET ERGO HOMINEM]** Græcorum olim Latinorumque in coercendis incestis par disciplina. De duarum enim sororum maritis Græcorum morem, qui legis vim obtinebat, exponit S. Basilii epistola cxcvi. ad Diodorum, Εάν τις πᾶν ἀκαθάρσιον ποτακραθῆναι ἐκπίσῃ πρὸς τοὺς ἀδελφεοὺς ἄδικοτον κοινωνίαν, μήτε γάμον ἡγεῖσθαι τούτο, μήτ' ὅλως εἰς ἐκκλησιαστικὸν πλῆρωμα παρασχεῖσθαι, πρῶτον ἢ διαλύσαι ἀπ' ἀλλήλων. Si quis

affectu immunditia correptus, in illicitam duarum sororum communicationem exorbitauerit, id neque coniugium esse censendum, neque talem ad Ecclesiasticum cœtum admittendum, priusquam ab inuicem dirimantur. Apud Latinos verò qui mos fuerit, multorum instar, quia omnes consentiunt, canon est xxx. Concilij Epaonensis: *Incestis coniunctionibus nihil prorsus venia reseruamus, nisi cum adulterium separatione sanauerint.* Inter incestos autem numerat, *si quis germanam uxoris suæ acceperit.* Auitus ergo in hoc genere quatuor distinguit, excommunicationem, separationem, pœnitentiam publicam, & reconciliationem: ita v̄t excommunicationis nota inurantur donec segregentur, & segregati pœnitentiam agant, v̄t reconciliationis gratiam accipiant.

AVCTORITATIS VESTRÆ EST] In 58:
potestate enim & arbitrio est Episcopi, erga pœnitentes, perspecta eorum compunctione, humaniùs atque indulgentiùs agere, & seueritatis ordinem temperare, ita v̄t maturiùs illos ad communionem recipiant. Synodi Ancyranæ canone 11. & Concilij Arelatensis II. canone x. At contrà, negligentiores pœnitentes tardiùs reconciliandos sancit Carthaginense IV. canone lxxv.

SUFFICIAT SEPARATIO PERSONARVM] 59:
Superiorem sententiam suam temperat, & mitiùs decernit. Duo enim superiùs exigebat, separationem, & publicam pœnitentiam: nunc separatione sola contentus, de pœnitentia suggerit, v̄t eam agere moneatur, accipere non cogatur.

EPISTOLA XVII.

60. **VIVENTIOLO PRESBYTERO]** Qui Lugdunensis postea fuit Episcopus, vt docebit epistola lII. Nunc cum Lugdunum ex Iurenſi eremo venisset, Apollinarémque Auiti fratrem, nouum Episcopum ibi ægrotantem visitasset, Auitum quoque ipsum destinato nuntio consolari studuit. Quo nomine gratias illi agit, simulque pro transmissa sella: cuius vice cathedram ipsi, hoc est, Episcopatum imprecatur, quem Lugduni postea sortitus est.

SCHOLAM EUGENDI] Quod nunc est Monasterium S. Claudij in Iura monte. Eugendi nomen, quod in codice nostro desiderabatur, suppleuimus ex schedis Thuanis. Primus enim loci conditor Eugendus, nomen suum loco reliquit, quod tunc etiam in eo perseuerabat, superſtite adhuc Claudio Vesuntionensi, cui postea ibidem sepulto vetus appellatio cessit. Vacuam ergo & rectore destitutam scholam Eugendi Viuentiolo suadet vt capeſſat, vt in secundo gradu presbyteri probatus, ad maiora gubernacula prouehatur, hoc est, ad primum gradum Episcoporum.

EPISTOLA XVIII.

62. Quàm multa hoc loco desint statui non potest. Titulum verò epistolæ coniicio fuisse ad Symmachum Papam. Eliæ autem, id est Hierosolymorum, Antistitem Heliam intelligi, qui sedem illam tunc regebat. Ad hunc ergo, pro impetrando sanctæ Crucis munere cum scri-

beret Auitus, Symmachi quoque intercessionem, qua voti compos fieret, expetiit. Sed Auiti ad Heliam epistola desideratur.

EPIST. XIX. XX.

GUNDOBADVS AVITO] Solebat Auitus, vt Agobardus testatur, & hoc exemplo manifestum est, cum rege Gundobado frequenter de fide, non solum coram differere, sed absenti quoque per epistolas respondere.

CERTE POST VERBUM DEI] Verbum Domini pro Deo Verbo sumit. quæ interpretatio ab Esaiæ sensu hoc loco aliena est, & à Theodoreto nostro refellitur. Λόγον-γὰρ ἐν παύσαις ὁ λόγον θεὸν καλεῖ, ἀλλὰ τὴν τῷ θεῷ λόγον διδασκαλίαν. ὃς ὁ θεὸς λόγος ἐν Σιών ἐξηλέυθεν, ἀλλ' ἐν τῷ Σιών τὴν ἀλήθειαν ἐξέπαύευσεν, *Sermonem enim hoc loco vocat, non Deum Verbum, sed Dei Verbi doctrinam. Neque enim ex Sion exiit Deus Verbum, sed in Sion veritatem docuit.*

EPISTOLA XXI.

DOMNO SIGISMUNDO] Hic vnus est ex illis dialogis & collocutionibus, quas cum rege Gundobado frequentatas ab Auito ex Agobardi verbis didicimus. Fiebant hæc porro nunc cum rege ipso, nunc illo præsentem cum eius sacerdotibus Arrianis Episcopis, vt hoc loco. Qua de re autem instituta fuerit hæc disputatio non significat. Pauca enim de contentionis exitu commemorasse contentus, totius altercationis seriem coram, cum ad Sigismundum venerit, expositurum se promittit.

EPISTOLA XXII.

66. A POLLINARI ILLVSTRISSIMO] Huic iungenda est epistola XLIV. ad eundem, vt opinor, Apollinarem Sidonij filium scripta, tamen si vir illustris in ea nuncupetur, in hac illustrissimus. Parebant autē Aruerni hoc tempore Vvifigothis, eorūq; regi Alarico, filio Eurici, cui dediti à Nepotē Augusto fuerant ex fœdere. Domini ergo, quibus obseruabant, hoc loco Vvifigothi, pro quibus & in pugna Vo-cladensi, cum à Clodoueo cæsus est Alaricus, dimicasse cum Aruernis suis ducem Apollinarem, testis est Gregorius Turonensis.

EPISTOLA XXIII.

67. PAPÆ HIEROSOLYMITANO] Helix, qui Æliæ vrbis Antistes dictus in epistola XVIII. Gratiâ huic agit pro accepto munere, quod superioribus litteris ambiebat: pro sacræ nimirum Crucis particula, non mole, vt inquit, sed salutis pretio æstimanda. Sic enim & Paulinus Nolanus epistola xv. cum de Crucis eiusdem particula, quam Hierosolymis per Melaniam acceperat, modicum segmentum mitteret ad Seuerum & Bassulam, *Accipite, inquit, magnum in modico munus, & in segmento pene atomo hastula breuis, sumite munimentum præsentis & pignus aeternæ salutis.*

EPISTOLA XXIV.

68. STEPHANO EPISCOPO] Lugdunenſi. qui, vt antiquæ tabulæ docent, Rustacio Epi-

scopo successit, successorémque habuit Viuentiolum. Lupicinus enim, qui Stephano subiici à recentioribus solet, ante Rusticium in iisdem tabulis post Patientem collocatur. Ad Stephanum hunc, vt aliàs monui, scripta extat epistola Ennodij lib. III. XVII. Eidem scribit item, ni fallor, Ruricius Lemouicensis lib. II. epist. XI. etsi Episcopi nomen in titulo est omissum.

INTER LOLIVM ARRIANI GERMINIS] 68.
 Arrianorum hæresim his temporibus in Gallia fouebant Vvisigothi & Burgundiones, vtrique ea labe infecti. Vnde & Auito crebra cum Arrianis de fide certamina, & libri contra Arrianos ab eodem editi. At Donatistarum nomen vnus fere Africæ, in qua natum erat, finibus se continuit, & vix vnquam ad alias gentes peruasit, si Romam excipias, vbi Montenses vocabantur.

MANVS IMPOSITIONEM ADHIBETE] 69?
 Conuersis ab hæresi manus imponebatur, vt Spiritum sanctum acciperent, quem ab hæreticis accipere non potuerant. Concilium Arelatense I. can. VIII. *Si ad Ecclesiam aliquis de hæresi venerit, & peruiderint eum in Patre, & Filio, & Spiritu sancto esse baptizatum, manus ei tantum imponatur, vt accipiat Spiritum sanctum.* Leo magnus ad Rusticum Narbonensem Inquis. XVIII. *de iis qui paruuli ab hæreticis baptizati sunt. Rebaptizandi non sunt, sed per manus impositionem, innocata virtute Spiritus sancti, quem ab hæreticis accipere non potuerunt, Catholicis copulandi sunt.* Idem ad Nicetam Aquileiensem c. VII. *Qui baptismum ab hæreticis acceperunt, sola in-*

ocatione sancti Spiritus per impositionem manuum confirmandi sunt, ut quod ab hæreticis nemo accipit, à Catholicis sacerdotibus consequatur. quia Spiritus sanctus, ut est apud Augustinum libro III. de Baptismo contra Donatistas cap. XVI. in sola Catholica per manus impositionem dari dicitur. De hac igitur manus impositione, qua datur Spiritus sanctus, hic sermo est, ne quis de alia fortasse interpretandum putet.

69. QUAM CONSTAT ETIAM CHRISMATE CONS.] Quasi dicat, chrismandum etiam fuisse, nisi chrismatus iam esset. Adhibebatur enim in recipiendis hæreticis, præter impositionem manuum, chrismatis quoque consignatio. Cuius moris apud Gregorium Turon. illustra sunt exempla, in Lantilde Clodouei regis sorore, quæ ex hæresi Arriana conuersa chrismata est, libro II. Historiæ Franc. cap. XXXI. in Brunichilde & Gosuuinta sororibus libro IV. cap. XXVII. & XXVIII. in Hermenichildo rege Gothorum in Hispania lib. V. cap. XXXIX. in Chararico denique Sueuorum rege in Gallæcia, de quo Gregorius idem de Miraculis S. Martini libro. I. cap. VI. Rex, inquit, unitatem Patris & Filij & Spiritus sancti confessus, cum omni domo sua chrismatus est. Ceterùm chrismatio conuersis tunc adhibebatur, cum in hæresi chrismati non fuerat.

69. CVM MINIST. BAPTISMATIS] Chrismatis cõsignationem more antiquo cum baptismo coniungit, eandemque ab impositione manuum, qua datur Spiritus sanctus, diuellit ac separat. Qua de re alias fusè disputa-

tum est, cùm canonem Arausicanum explanaremus. Quod verò affirmat Auitus, cum baptismo chrismare solitos Donatistas, ex Optato & Augustino perspicuum est. Tria enim cùm apud illos, perinde ac in Ecclesia Catholica, celebrarentur, baptismus, chrismatio, & manuum impositio, horum duo priora, quando ad Ecclesiam redibant, non iterabantur, sed intacta permanebant, contrà quàm fieri ab ipsis soleret, qui catholicorum & baptismum & chrisma execrabantur, & vtrumque iterabant. Optatus libro VII. *Quod à vobis unctum est, tale seruiamus quale suscepimus.* & post alia, *Secduxistis homines, rebaptizastis, iterum unxistis.* Tertiū tantum, id est, impositionem manuum, ob eam quam diximus causam repetebant, quòd Spiritum sanctum hæretici dare non possint. S. Augustinus de baptismo Donatistarum lib. III. *Manus autem impositio, non sicut baptismus repeti non potest. Quid est enim aliud, nisi oratio super hominem?* quia per orationem videlicet, manúsque impositionem, baptizati à Præpositis Ecclesiæ Spiritum sanctum Apostolico more accipiebant.

EPISTOLA XXV.

APOLLINARI EPISCOPO] Fratri, Valentiniæ vrbis, vt ad epistolam XI. dictum est, Antistiti. Cum hac epistola comparanda est Sidonij epistola XV. libri IV. ad Elaphium, à quo pariter inuitatus ad nouæ Ecclesiæ dedicationē, pari elegantiā se adfuturum spondet, hospitumque vndique affluentium multitudinē prædicat.

EPISTOLA XXVI.

70. CVIDAM] Episcopo , vt apparet ; cuius nomini parcit , de nimia illum facilitate reprehendens , quòd secreta nostra imperfectis , hoc est hæreticis prodiderit. De Episcopo autem ab hæresi conuerso , respondet posse in Ecclesia nostra , si aliud nihil officit , ad quemlibet sacerdotij gradum adsumi. Quo quidem exemplo , & Symphosium atque Dictinium hæreticos Episcopos , Priscilliani hæresim damnantes , retentâ dignitate receptos legimus in Concilio primo Toletano , & de clericis hæreticis qui ad fidem Catholicam veniunt , vniuersim cautum est in Concilio I. Aurelianensi can. x. *Vt si fideliter conuertuntur , & fidem Catholicam integrè constituentur , officium suscipiant quo eos Episcopus dignos esse censuerit.*

EPISTOLA XXVII.

71. NOMINE SIGISMVNDI REGIS AD SYMMACHVM PAPAM] Per Iulianum Diaconum sacras reliquias Sigismundus rex petit à Symmacho Papa , à quo alias iam pridem acceperat. Symmachi porro Papæ obitus incidit in Senatoris Consulatum anno Christi dxiy. Gundobadus Sigismundi pater biennio post occubuit , Petro Consule. At Sigismundus in epistolæ inscriptione Rex appellatur. Constat ergo , patre adhuc superstite , regis nomen obtinuisse : quod Marij quoque Chronicum confirmat his verbis , *Florentio & Anthemio* (id est anno qui inter Symmachi & Gundobadi obitum intercessit)

fit) *His Consulibus Monasterium Agauno à rege Sigismundo constructum.* Atqui his Consulibus Pontifex Romæ iam erat Hormisdas Symmachi successor. Quare non illo primùm anno rex dictus Sigismundus, quem Symmachi antea temporibus nomen hoc gessisse arguit epistolæ inscriptio.

EPISTOLA XXVIII.

DOMNO GUNDOBADO REGI] Librum 73.
de Christi diuinitate vocat Florus Diaconus, quandocumque epistolam hanc citat in Pauli verba ad Romanos, Galatas, & Hebræos. In ea enim Gundobadi quæstioni respondens, ostendit in Christo Domino, priusquam homo fieret, æternam fuisse diuinitatem, aduersus hæresim illorum qui ex Maria cœpisse contendebant. De quibus Augustinus hæresi XLIV. *Pauliani*, inquit, à *Paulo Samosateno*, *Christum non semper fuisse dicunt, sed eius initium ex quo de Maria natus est asseuerant: nec aliquid amplius quàm hominem putant. Ista hæresis aliquando cuiusdam Artemonis fuit: sed cùm defecisset, instaurata est à Paulo, & postea sic à Photino confirmata, ut Photiniani quàm Pauliani celebrius nuncupentur.* Photinianos autem, seu Paulianistas, per hæc tempora Galliam infestasse indicat Concilium Arelatense II. cap. XVI. & Sidonij epistola XII. libri IV. ad Patientem Episcopum Lugdunensem. Vnde & B. quoque Auitus Photinianorum hæreticorum validissimus expugnator dicitur ab Agobardo.

NOBIS DE CONCILIO DISCED.] Di 73.

uersum est hoc Concilium à primo Lugdunen-
si, quod inter Concilia Galliarum Tomo I. edidi-
mus, in quo discussa est sub Sigismundo causa
Stephani, qui duas sorores duxerat. Hoc e-
nim sub Gundobado iam præcesserat: sed in eo
quid actum sit nescimus, nisi quòd se interfuis-
se Auitus significat cum Chartenio incertæ se-
dis Episcopo.

EPIST. XXIX. XXX.

- 7.78. DOMNO SIGISMUNDO] Vtriusque e-
pistolæ eadem fuit occasio, Apostolica nimi-
rum, id est B. Petri festiuitas, quæ Genauæ an-
nuo cultu celebrabatur. Genauensis enim Ec-
clesiæ tutela & patronus B. Petrus, & Genauæ,
opinor, diuiso cum patre regno, larem fixerat
Sigismundus: quod & de Godegisilo Gundo-
badi fratre, cùm vnà regnarent, scribit in Epi-
phanij vita Ennodius. Genauam tum ergo pro-
miscuè aduentantibus etiam hæreticis, locum
habuerunt illa quæ priore epistola continentur,
in qua duas hæreses, ni fallor, dicit Arrianam
& Phorinianam.

EPISTOLA XXXI.

79. FAVSTO ET SYMMACHO SENATOR.]
Non senatores modò, sed patricij ambo, & or-
dinarij Consules fuerant, Faustus anno Christi
cdxxciii. biennio pòst Symmachus, vterque
sine collega. Ad hos ergo, tanquam præcipuæ
in Vrbe dignitatis procures, suo & Gallicano-
rum omnium Antistitum nomine, scribit de Sy-
nodo Romana, & iudicio in ea aduersus Sym-

machum Papam Theoderici regis auctoritate constituto expostulans, Italixque Episcopos perstringens, quod de eminentiore iudicium inferiores receperint.

SACERDOTALIS FAMA DECRETI] 80.
 Extat hoc decretum in Synodo Rufio Magno Fausto Auieno Consule habita anno Christi DII. *Decernimus*, inquiunt, *ut Symmachus Papa, sedis Apostolica Prasul, quantum ad homines respicit, quia totum constat diuino arbitrio fuisse dimissum, sit immunis & liber, & Christiana plebi, sine aliqua de obiectis oblatione, in omnibus Ecclesiis suis, ad ius sedis sue pertinentibus, tradat diuina mysteria.* Quare dubium non est, quin Synodum istam Auitus intelligat, quæ in Codice Narbonensi, aliisque vetustioribus, quarta & palmaris rectè inscribitur. Falsò enim recentiores palmaris nomen Synodo alteri tribuunt, quæ Auieno iuniore Consule celebrata est, cùm in ea nec decreti huius sit mentio, nec absolutionis Symmachi, quam in Palmari editam constat.

EPISTOLA XXXII.

LIBERIO PRÆFECTO] Prætorij primùm Italix, tum deinde Galliarum, viro multiplici laude conspicuo, pòst etiam Patricio. Cassiodorus libro XI. Variarum epist. I. *Respicite Patricium Liberium, Præfectum etiam Galliarum, exercitualement virum, communionem gratissimum, meritis clarum, forma conspicuum, sed vulneribus pulchriorem, laborum suorum munera consecutum, ut non Præfecturam, quam be-*

ne gessit, amitteret, & eximium virum honor geminatus ornaret. Ennodius Liberio eidem lib. ix. epist. xxiii. Mecum Gallia in hac adstipulatione conveniunt, ut Christo Deo viuo disponente, ordinatis illis, quibus ciuilitatem post multorum annorum curricula intulisti, quos non antè contigit saporem de Romana libertate gustare, ad Italiam tuam & poscentibus nobis, & illis tenentibus reducaris.

83. V. S. VICARIO VESTRO] Gemellum mox nominat: quem Prouincia potitus rex Italiæ Theodericus Vicarium Præfectorum creauit. Sic enim ad eum scribit apud Cassiodorum libro iii. epist. xvi. *Hinc est quòd presenti tempore in Gallias, nobis Deo auxiliante subiectas, Vicarium te Præfectorum nostra mittit auctoritas.* Ceterum, ut Auitus hoc loco Liberij rogatu captiuos liberat, sic Liberium Ennodius libro ix. epist. xxix. pro Camilla consanguinea sua rogat, ut casellulas eius intra Gallias fisci oneribus releuet.

EPISTOLA XXXIII.

83. APOLLINARI V. I.] De Sidonij filio veconiiciam, monet sub finem nomen Archadij, quem Apollinaris filium innuere videtur. Apollinari autem, Sidonij filio, filium fuisse Archadium, in Notis Sidonianis ostendimus libri iii. epistola xiii.

EPISTOLA XXXIV.

84. AVRELIANO V. I.] De hoc verò difficilior est coniectura, cum Aureliani hac ætate

insignes fuerint non pauci. Vide an ad Aurelianum patricium referri queat, cuius seruum Massiliæ ad Basilicam S. Victoris à dæmonio liberatum ait Gregorius Turon. lib. i. Miracul. cap. lxxvii. Certè, nisi tempora discrepant, dignitas non repugnat, cùm illustres fuerint omnes Patricij.

EPISTOLA XXXV.

ELPIDIO DIACONO] Medico Theo- 85.
derici regis, cuius ad Elpidium ipsum, cum Diaconi quoque titulo, extat epistola lib. iv. Variarum Cassiodori, & apud Ennodium complures. Eò alludens Ennodius idem lib. ix. epist. xix. Scio, inquit, *quia Deus tibi sic gratiam inuicti Principis contulit, ut humilitas Ecclesiastica non periret.* Carum enim in primis Theoderico fuisse testatur Cyprianus Diaconus in vita S. Cæsarii libro i. *Elpidius Diaconus & medicus, regia potestati sedulis officiis cum primis familiaris & intimus.* Quo in loco Elpidium narrat ab infestatione diaboli, qua domi vexabatur, S. Cæsarii opera liberatum.

PER MAIOREM DOMVS TVLLIJ] 86.
Quis hic Maior, aut quænam Domus Tullij, à qua illi nomen, non liquet. nisi quis fortasse ad Seruij Tullij regis domum, quam P. Victor in quinta Urbis regione collocat, referendum putet, quod multis non facilè persuaserit. Ad Celerem autem, cuius filij sanitatem hoc loco Elpidio medico commendat, scripturus est epistolam XLIII.

EPISTOLA XXXVI.

87. V. I. SENARIO] Comes hic fuit patrimonij Theoderici regis, & Patricius, de quo multa iam diximus ad Ennodium. Nunc addendum est eiusdem Epitaphium, quod non infulsis versibus conditum, à Petro Pithæo relatum est in librum IV. Poëmationum.

SENARII V. I. COMITIS PATRIMONII
ET PATRICII EPITAPHIUM.

ILLE ego sum mundi quondam sine fine viator
Senarius, membris tumulo non nomine clausus.
Principis inuicti semper sublimis amore,
Cuius in orbe fui vox regum, lingua salutis,
Fœderis orator, pacis via, litibus hostis.
Novit & hoc Oriens, hoc ultimus axis Iberi,
Hoc scit bruma rigens, scit & Africa solibus vsta.
Bis denas & quinque simul legatio nostra
Signat in orbe vias, & nunquam strata labore:
Cursus erat volucer. namque anno peruigil una
Bis maris Oceani, bis Pontica littora vidit,
Europamq; Asiamq; sequens, duo limina mûdi.
His etiam meritis sociavimus agmen honorum.
Aulica quippe Comes rexi patrimonia clausus,
Et mea patricio fulserunt cingula cultu.
Me pietas, me sancta fides, me fovit honestas.
Sæcla canant titulos, nam moribus astratenemus.

87. AD SANCTVM HORMISDAM] Auiti ad Hormisdam epistola, itémque Hormisdæ ad Auitum responsio, postremo loco à nobis editæ sunt numero xxvii. & xxviii. ex quibus epistolæ huius & proximè sequentis interpretatio petenda est.

EPISTOLA XXXVII.

PETRO EPISCOPO] Rauennati, vt o- 88.
 pinor. Eodem pertinet epistola quò superior.
 Missis enim ad Hormisdam legatis, vt de Orientalis Ecclesiæ statu certior fiat, ab Episcopo Rauennate, qua iter illis futurum erat, petit vt ignorantiam Gallicanam erudiat. Petri huius in Synodo Romana palmari subscriptio legitur his verbis, *Petrus Episcopus Ecclesiæ Rauennatis huic statuto nostro, in quo totam causam Dei iudicio commisimus, subscripsi.* Ad eundem etiam pertinere coniicimus Theoderici regis epistolam xxxvii. libri iii. Variarum, Petro Episcopo inscriptam Felice Consule, id est, anno Christi dxi. Quod si verum est, errant qui Petrum Rauennatem ante id tempus defunctum tradunt.

PER VIENNENSES CLERICOS] Ale- 89.
 xium presbyterum & Venantium Diaconum. Sic enim appellantur in Auiti litteris ad Hormisdam, & in Hormisdæ ad Auitum.

EPISTOLA XXXVIII.

EUPHRASIO] Et si Episcopi nomen non est 89.
 appositum, Episcopum tamen fuisse dixerim Aruernorum, ad quem & binæ sunt epist. Ruricij, quarum in altera dignitatis quoque nomen omisum est. Synodo Agathensi per Vicarium subscripsit anno dvi. interfuit ipse Aurelianensi I. anno dxi. Hunc itaque rogat, vt librum suum, qui in eius manus venerat, Apollinari

Sidonij filio, recensendum ingerat & excuset.

EPISTOLA XXXIX.

90. DOMNO GYNDOBADO REGI] Causam reddit, cur seruum depositi negatorem, qui Lugduno Viennam venerat, Lugdunum ad disquisitionem remiserit, purgatque quod ille se ab Auito dicebat admonitū ne redderet.
91. INTERCESSIONI DE PROX. SVGGERENDÆ.] Solenni Episcoporum more, qui & pro seruis apud dominos, & pro reis quibuscunque, miseris vel oppressis, apud iudices, aut apud Principes enixè intercedere solebant. Ennodius in vita Epiphani Episcopi, tum adhuc Diaconi: *Intercessionum etiam tunc certamina proludebat. Nam ubicumque pro remediis miserorum Episcopi mittebatur imperio, tanta exigebat beneficium arte supplicandi, ut sentirent sibi in causis profuisse complurimi, ipsum per se Episcopum non venisse.* Plenæ sunt exemplis sanctorum Antistitum historiarum, & illustre in primis est S. Augustini, cum pro circumcellionibus Donatistis, atrociam facinorosa confessis, apud Marcellinum Indicem, & apud Aprinium Proconsulem, ut citra mortis supplicium puniantur, intercedit epistola CLIX. & CLX. qui & de intercessionum istarum æquitate ac religione ambigenti Macedonio accuratissimè rescribit epist. LIV.
92. VEL SERVASTIS VEL DONASTIS] Libera & ingenua professio. Principibus accepta feruntur bona Ecclesiæ, quæ vel donarunt ipsi, vel ut donare liceret, concesserunt, ex le-

ge Constantini Magni : *Habeat, inquit, unusquisque licentiam sanctissimo Catholica venerabilique concilio decedens bonorum quod optavit relinquare.* Cod. Theod. De Episcopis, &c. Defensionem quoque bonorum subditis suis omnibus Principes cum debeant, præcipuam debent Ecclesiasticis. In quo regum olim Francorum pietas enituit, qui res & mancipia Ecclesiæ eodem se loco ac res & mancipia fisci habere in Capitulis suis professi sunt.

EPISTOLA XL.

DOMNO SIGISMUNDO] Missa cum Si- 92.
gismundus ad bellicam quandam expeditionem se accingeret, incertum quod & quos in hostes. Quod verò illum insinuat fidem Catholicam, cum hæc scriberet, amplexum iam fuisse, facit ut ea quæ sub finem epistolæ de materia pretiosioris triumphi sermocinaturum se pollicetur, ad Homiliam alludere videantur, quam ab Auito in Sigismundi regis conversione, sensuum suauitate plenissimam, & verborum compositione dulcissimam, ad populum habitam auctor est Agobardus.

EPISTOLA XLI.

CHLODOVECO REGI] Francorum, ad 94.
quem Theoderici quoque regis Italiæ duplex apud Cassiodorum est epistola, libro II. Variarum XLI. & libro III. IV. sed utraque Luduinum vocat. Prior autem huic nostræ suppar, si tempus spectetur: scripta videlicet post victoriam Alamannicam, quæ Clodoueo fidei

Christianæ occasio fuit, & baptismi, cuius hinc pompam Auitus elegantissimè describit. Docet porro, quod hætenus ignorabamus, in vigilia Natalis Domini celebratum, non in vigilia Paschæ, quod Hincmarus Remensis falsò sibi, & rerum nostrarum scriptoribus persuaserat.

94. GRÆCIA PRINCIPEM LEGIS NOSTRÆ] Anastasium Imp. Christianum illum quidem, sed non satis orthodoxum. Romæ verò & in Italia rex Theodericus, & in Gallia Visigothorum Alaricus, & Gundobadus Burgundionum, Arriani prorsus erant, itémque Sueui, & si qui alij in Hispania, in Germania autem, & in Britannia, adhuc pagani. Vt non iniurij sint, qui post Clodoveum, qui primus omnium in Ecclesia Catholicus rex fuit, regibus Francorum primum inter Christianos principes locum vel hoc nomine deberi asseuerant.

97. V. I. LAURENTII FILIVM] De quo iterum in duabus proximis epistolis. Hunc ad patrem redire cum cuperet Anastasius, Clodoveum intercessorem adhibuit, ut eum à Gundobado repeteret, apud quem captivus obses, ut reor, pro patre tenebatur.

EPISTOLA XLII.

97. SVB NOMINE DOMINI C. S.] Sic & in epistola xxciv. *sub nomine domni regis C. S.* id est Comitis Sigismundi. Sigismundi enim regis nomine dictatam, atque in ea loqui Sigismundum, hinc apparet, quòd Gundobadum patrem suum vocat, à quo Anastasij, ut dictum est, de Laurentij filio impleta fuerat iussio. Qua-

re, si Comitem hoc loco dixit, ut in epistola vii. patricium Sigismundum, inter ceteros honores, quibus exteros reges ornabant Romani, Comitum quoque deferri solitam intelligendum est.

AD VITALIANVM SENATOREM] 97.

Patricioli filium, Asparis nepotem: qui fidei orthodoxæ, Synodique Chalcedonensis tuendæ studio, ut auctor est Victor Tononensis, hostem se Anastasio palam exhibuit, & cum is de Trifagio insaniret, pro eo Imperator acclamatus est. Theophanes in Chronico, *τὸ ὀχλου καταστώντων Ἀναστασίῳ, καὶ ἄλλον βασιλεῖα αἰτουμένων, Βιταλιανὸν δὲ αὐτῶν εὐφημιούτων αὐτοκράτορα.* quamquam hoc posterius Marcellinus Comes Arcobindæ tribuit, non Vitaliano. Qui mortuo tandem Anastasio Constantinopolim ab Iustiano reuocatus, ac Magister militum & Consul collega Rustico creatus, septimo mense sui Consulatus vulneribus confossus in palatio interfectus est. Indict. xiiii. ut Marcellinus idem notat, hoc est anno Christi dxx.

EPISTOLA XLIII.

CELERO SENATORI] Eadem inflexio- 98.

ne, qua Celeri eiusdem filium epistola xxxv. dixit pro Celeris, quod Græci quoque *Κέλεις* dicunt. Fuit hic Magister Officiorum, notus expeditione Persica, cui, ut Procopius lib. ii. scribit, inter ceteros Duces præfuit *τῶν ἐν παλατίῳ ταγμάτων ἀρχὴν Κέλεις. μέγιστον Ῥωμαῖοι τὴν ἀρχὴν καλεῖν νομιμύουσιν.* notus & discrimine quod adiit, cum ad placandum populum Trifagi, causa efferat-

tum, missus esset ab Anastasio, ut Marcellinus Comes in Chronico narrat Paulo & Muschiano Coss. Sed & Consulatam cum Venantio Liberij filio Celerem gessisse Fasti fidem faciunt, & bonarum partium fuisse testatur, tum Hormisdæ ad Celerem epistola xxxiv. tum altera Celeris ipsius ad Hormisdam de pace inter Ecclesias composita.

EPISTOLA XLIV.

99. DOMNO SIGISMVNDQ] Dictarat, opinor, Auitus nomine Sigismundi, non solum superiores litteras ad Vitalianum, sed proximas etiam ad Celerem. Ad has ergo in Græciam, ut Græcis auribus obstrepant, abiturus alludit, & Laurentij filium patri redditum gratulatur.

EPISTOLA XLV.

100. V. I. APOLLINARI] Sidonij filio, si rectè ad epistolam xxii. coniecimus, cum is ab Alarico rege, apud quem delatus fuerat, illæsa gratia rediisset.
101. PARENTVM COMMVNIVM SORTEM] Mox, *appeti vñsa est familia nostra*. Tanta erat Auiti familiæ cum Sidoniana coniunctio, ut eandem faciat, vicissimque nomina transferat & commutet. Cur ergo Sidonium patrem suum dicat Auitus, apertum est, quia is pater fuit Apollinaris. Archadius verò, quem Apollinari patrem assignat, quis fuerit, aut quæ obloquia passus sit, quærendum est. Nam de Sidonio ex eius vita & epistolis patet.

PLACVISSE VOBIS LIBELLOS] Pla- 102.
 cuisse Apollinari poematum suorum libros
 gaudet, de quibus trepidè in epistola xxxiix.
 illius iudicium expectabat. Nec immeritò. Si-
 donio enim pater non indignus filius, ad quem
 scribens Ruricius libro ii. epist. xxv. *Cuius vos,*
inquit, esse filios non solum generositate prosapia,
verum etiam & eloquentia flore, & omni virtu-
tum genere comprobatis. & post alia. Quem si
divina clementia usque ad hoc tempus superesse
voluisset, sicut iam tum de vestra imitatione lase-
batur, ita nunc de perfectione gauderet, cum spem
ad rem cerneret peruenisse, nec sibi inuideret
aqualem, quem optauerat esse meliorem.

EPISTOLA XLVI.

V. I. APOLLINARI] Eidem Sidonij fi- 103.
 lio, de re eadem, id est, de prospero exitu dis-
 criminis quod apud Alaricum regem adierat.
 monètque porrò, vt inimicorum dolos, & in-
 fidias iam expertus, eas diligentius caueat in
 posterum.

EPISTOLA XLVII.

V. I. HERACLIO] Senatori, non in Ita- 104.
 lia, vel in Græcia, vt plerique superiorum, sed
 in Gallia, & in aula regis Burgundionum, no-
 bili oratori, cui pro suscepta fidei catholicæ co-
 ram Gundobado defensione, Episcopalem ca-
 thedram vaticinatur. Quod si vanum augu-
 rium non fuit, Heraclium hunc opinor Epi-
 scopum illum Tricastinensem, cuius nomen in
 Conciliis aliquot subnotatum cernimus, vt in

Carpentoratenſi, & in Arauſicano & Vaſenſi II. ac denique in IV. Aurelianenſi. Ad eundem ſcripta item epiſtola xxvi. cui ſubdita eſt ipſius reſponſio.

EPISTOLA XLIX.

108. V. I. ANSEMUNDO] Nomen hoc verò planè Celticum, ac fortasſe hoc loco Burgundicum. cuius generis inter Comites, qui Burgundionum legibus ſubſcribere, Aunemundus, Andemundus, Fredegundus & Godemundus. Anſemundo eidem inſcriptæ ſunt etiam epiſtolæ LXXI. LXVII.

SI SPONSAM DEO DICATAM] In eos, qui ſibi ſacras virgines matrimonio iungunt, Gallicanorum Antitiſtitum, ne alios memorem, apertæ ſunt ſententiæ. In Concilio Turon. I. can. vi. *Qui ſe ſacratæ virginibus per coniunctionem nefandam miſcuerint, vel propoſitum profecta religionis dereliquerint, utrique à communione habeantur alieni. quia ſi quis templum Dei violauerit, diſperdet illum Deus, donec reſpiſcentes ad auxilium pœnitentia reuertantur.* & in Concilio Pariſienſi III. can. v. *Sacratarum virginum neque per raptum, neque per competitiones aliquas, quiſquam coniugia ſortiatur. Quòd ſi contra interdicta quis venerit, & ſacerdotem ſuum audire neglexerit, & in præſenti à communione catholica Eccleſia habeatur extraneus, & in perpetuum anathemate feriat. In Turonenſi denique II. canone x x. ſimiliter ſtatutum, Ut nullus ſacratam Deo virginem, qua in honorem Chriſti veſtem mutauit,*

aut rapere, aut competere, aut sibi coniugio sociare presumat. Quod si pastorem suum audire, & se de vetito coniugio separare despexerint, perenni excommunicatione damnentur. Haec tenus Leges Ecclesiasticæ. Nam iure civili etiam apud nos, qui sacratam virginem sibi in matrimonio sociarat, capitali sententia feriebatur, ex Clotarij I I. regis constitutione, quæ inter Concilia Galliæ subnexa est Concilio V. Parisiensi.

PROPTER QVOD SOLVM DEV[S] Hinc ^{110.}
patet, persuasum adhuc illis temporibus in Gallia fuisse, propter fornicationem separari virum ab vxore, & aliam ducere, Christi permisso licuisse. quod ex Concilio quoque Venetico canone II. manifestum est. Eos qui relictis vxoribus suis, sicut in Evangelio dicitur, excepta causa fornicationis, sine adulterij probatione alias duxerint, statuimus à communione arcendos.

AD ROM. ECCLESIAE AVDIENTIAM] ^{110.}
Quod in Galliæ quoque prouinciis vsitatum docet Leo Magnus, ad Episcopos Prouinciæ Viennensis. Nobiscum, inquit, vestra fraternitas recognoscat, Apostolicam sedem pro sui reuerentia, à vestra etiam prouincia sacerdotibus innumeris relationibus esse consultam, & per diuersarum, quemadmodum vetus consuetudo poscebat, appellationem causarum, aut retractata, aut confirmata fuisse iudicia.

EPISTOLA L.

V. I. MESSIANO] Messiani per hæc tem. ^{III.}

pora duo præter istum in Gallia noti. Vnus Auiti Imp. Patricius, quem Ricimer, cum Auitum Placentiæ spoliaret imperio, è vita sustulit: alter S. Cæsarij Episcopi Notarius, post presbyter, qui vnà cum Stephano Diacono posteriore ipsius Vitæ librum conscripsit. Inter vtrumque hic noster. omnibus antiquior Melfianus Proconsul Africæ post consulatum Bautonis, de quo S. Augustinus libro 1. contra litteras Petiliani cap. xxiii.

EPISTOLA LI.

112. VIVENTIOLO RHETORI] Refellit hominis imperiti inscitiam, qui vitiosum Auito accentum obiecerat in Homilia, quam Lugduni in Basilicæ dedicatione pronuntiabat. Homilia hæc interiit. Laudat verò etiam Fausti Reiensis Episcopi, in eiusdem Ecclesiæ Lugdunensis dedicatæ festis prædicationes Sidonius libro ix. epist. iii. quæ ipsæ pariter interierunt.

EPIST. LII. LIII. &c.

114. Sequentes aliquot Epistolæ ex genere sunt earum, per quas Episcopi olim, solennissimis diebus Natalis Domini & Resurrectionis, consalutare se inuicem, & quàm prosperè festiuitatem celebrassent, nuntiare solebant. Huiusmodi complures inter Theodoretæ epistolas in lucem nuper editas passim adpersæ leguntur, quæ morem hunc morisq; causas, mutæ scilicet beneuolentiæ caritatísque studium, repræsentant. vt epist. iv. ἑορταστικοῖς συνῶντος κεχρημένα χάμμασι. *Festinas de more litteras scripsimus. & epist.*

epist. v. τῆς ειλίας τὸ μέτρον ἐκ πίνομυ, καὶ νόμον τῆς εὐφρο-
νείας. *Amicitia officio fungimur, ut festi lex postu-
lat. & epist. xxvi. τὸ το γὰρ ὁ τῆς εὐφρονείας καὶ ὁ τῆς ἀγά-
πης παρεκκελεύεται νόμος. Hoc enim & festi & ca-
ritatis lex suadet.* Denique hoc vnum illarum
fuit argumentum. quod ex epistola lvi. vide-
re est, quam integram, quia breuior, subiici-
mus. Εὐφροναστική. Αἰμαίνει μὲν ἐπὶ τὰ τῆς λύ-
πης· καὶ χαλεπῶς αὐτῇ προσβάλλει τῷ λογισμῷ. ἥ δὲ
τῆς εὐφρονείας πληρῶσαι νόμον ὑπέλαβον δίκαιον. αὐτὴ γὰρ ζωῇ
καὶ τοῖς ἡράμιαισι κέχρηται, καὶ τῷ ἐυλαβεῖν σου προ-
σφύζομαι, καὶ τῆς ἀγάπης ἐκπίνω τὸ χεῖος. *Urget quidē
adhuc me tristitia, & mentem grauer concutit.
attamen dici festi legem implere iussu existima-
ui. Nunc itaque, & scribo, & reuerentiam tuam
saluto, & caritatis debitum exsoluo* Ex his patet,
εὐφροναστικῆς, hoc est festiuitas, siue festales, ex eo
dictas, quod festis diebus scriberentur: quo
modo apud Alexandrinos εὐφροναστικῶν item nun-
cupatae sunt epistolae Paschales, Theophili, Cy-
rilli, & aliorum Patriarcharum, quibus proxi-
mi Paschae diem ceteris Ecclesiis denuntiabant.
Sed illae Paschales ideo appellatae, quia de die
Paschae omnes: has verò partim etiam Natales
dicere licuit, quia per vtramque festiuitatem
mittebantur, ut in Natali Christi epistola liv.
& lvi. Auiti, in Resurrectione xxxviii. lxiii,
lxiix. Theodoret.

VIVENTIO LO EPISCOPO] Lugdunen-
si, cui adhuc presbytero episcopatum augura-
tus est Auitus epistola xvi. Lugdunensi cathe-
drae praefuisse ostendunt Concilia quibus sub-
scribit, Epauense & Lugdunense sub Sigif-

mundo. Quàm exquisitæ autem doctrinæ vir fuerit, ex Agobardo discimus in libro de Iudaicis superstitionibus. *Vinentiolus*, inquit, *Ecclesia Lugdunensis Episcopus*, cuius doctrina fuerit, non solum ipsius, sed & aliorum de eo scripta testantur.

- II 4. GEMELLO EPISCOPO] Vasionensem Episcopum fuisse docet eius subscriptio in Concilio Epaonenfi. Vt diuersum autem ab eo Gemello credamus, quem in eadem Prouincia Præfectorum Vicarium vidimus in epistola xxxii. facit quòd in ea Synodo, quæ paucis post annis secuta est, veteranus Episcopus iam erat, principemque inter collegas locum obtinebat. Qua etiam de causa hoc loco Apollinari, Victorio, Claudio, & Gregorio antepositur, qui eodem ordine in eadem Synodo subscribunt. Apollinarem Valentinum Episcopum nouimus ex epistola xi. Victorium Gratianopolitanum ex xvi. Claudius verò & Gregorius, illustres ambo nominis & famæ, alter Vesuntinam rexit Ecclesiã, alter Lingonensem.

- II 6. VIVENTIOLO EPISCOPO] Inuitatus ad Lugdunensis Ecclesiæ festiuitatem excusat, quòd Vienna, propter aduentum principum abesse non possit, eodemque spectat & sequens epistola. Nam S. Iusti solennitas Lugduni celeberrima. de qua & Sidonius libro v. epist. xvii. *Conueneramus ad S. Iusti sepulcrum: processio fuerat antelucana, solennitas anniuersaria, populus ingens, quem capacissima basilica non caperet.* Hoc verò ad aliud pertinet genus epistolarum, quibus solebant Episcopi vicina-

rum sedium collegas Episcopos ad vrbium
 suarum celebritates inuitare. Cuius moris
 exemplum insigne est apud Basilium Magnum
 epist. cccxi. vbi ad Cæsariensium Martyrum
 diem anniuersarium, non vicinos modò, sed to-
 tius Ponticæ diœcesis Episcopos aduocat. *Επεὶ
 ἔν ἐπιστημότατοι μαρτύρων, Εὐφύχιος καὶ Δάμας, καὶ ὁ
 πρὶ αὐτοῖς χρεὼς, ὧν ἡ μνήμη δι' ἔτους παρὰ τῆς πόλεως ἡ-
 μῶν, καὶ τῆς περὶ οὐκίδος δὲ πάσης τελεῖται, ὑπομνησκει
 ὑμᾶς, καὶ ἰδίον ἑαυτῆς κόσμον, ἡ ἐκκλησία, διὰ τῆς ἡμε-
 τέρας θωνῆς παρακαλῶσα, τὴν ἀρχαίαν ἀπολαβεῖν τῆς
 ἐποσκίψεως ἡμῶν σωήθειαν.* Quocirca cùm inter
 Martyres nobilissimi sint Eufychium & Damas,
 sociique ipsorum, quorum anniuersaria memoria
 in urbe nostra, totâque vicinia celebratur, admo-
 net vos. peculiare decus suum, Ecclesia, vocêque
 nostra hortatur, vt antiquam visitandi nos con-
 suetudinem repetatis.

EPISTOLA LXI.

CONSTANTIO EPISCOPO] Duo hu- 118.
 ius nominis Episcopi sub hoc tempus Concilio
 Epaunensi subscripserunt, vnus Octodorensis,
 alter Vapincensis. Quorum alteri quin adscri-
 benda sit epistola dubium non videtur, vtri
 autem, incertum.

AD LAICORVM AUDIENTIAM] Cle- 118.
 ricorum quippe libertati repugnat, & antiquis-
 simo eorum priuilegio, quod à Valentiniano
 Cæsare post extinctam Ioannis tyrannidem re-
 nouatum est, lege vltima Cod. Theod. De
 Episcopis, &c. Clericos etiam, quos indiscre-
 tim ad saculares indices debere deduci infansus

*presumptor edixerat, Episcopali audientia reser-
uamus. Fas enim non est, ut divini muneris mini-
stri temporalium potestatum subdantur arbitrio.*

118. NE PROPTER LEVES CAUSAS] Quod
Canones passim inculcant, ac disertè inter Gal-
licanos postea sanxit secundus Concilij Aure-
lianensis V. *Vt nullus sacerdotum quengnam re-
cta fidei hominem pro parvis & lenibus causis à
communione suspendat, præter eas culpas, pro
quibus antiqui patres ab Ecclesia arceri iusserunt
committentes.* Quocirca vt hoc loco Constan-
tium Auitus, sic Hilarius Arelatensem hoc no-
mine taxat Leo Magnus epist. xxix. quòd
communione facilè denegaret.

EPIST. LXII. LXIII.

118. 119. Fratrum amore dignus conflictus. Apolli-
naris Auiti fratris inofficiositatem, siue, vt A-
uitus ipse vocat, indeuotionem, quòd ad
Valentinæ Ecclesiæ festiuitatem non venerit,
vltiscens, supplicij loco munera miserat: Aui-
tus, fraterni supplicij genus laudans, pari eum
studio remuneratur.

EPISTOLA LXV.

120. MAXIMO EPISCOPO] Genauensi. Cuius
nomen inter Episcopos qui Epaunensi Conci-
lio adfuerunt. Ab hoc eulogias seu munera,
opimas epulas cum accepisset, in harum lato-
rem, Maximi famulum, lepidè iocatur.

DOMNO FILIO VESTRO] Sigismundo
rege, quem Genauæ in sorte sua laudem habuif-
se in epistola xxix. coniiciebamus.

GRENNENSIBVS MONACHIS] De 120.
 quibus Sidonius libro VII. epist. XVII. *Fluctuantem regulam fratrum destitutorum secundum statuta Lirinensium vel Grinincensium festinus informa.* Grinincensium monachorum familiarum prope Viennam magno olim numero fuerunt, sub cura & disciplina Episcopi Viennensis: quibus proinde visitandis occupatum se hoc tempore fuisse significat.

DE RECENTIBVS] Recentes appellat 127.
 recentis, aut recentati, id est ad rigorem redacti, vini potiones, quas Leonianus calente gula frequentabat. Sic epistola LXXVII. *Summa importunitate perago, ut tres recentes aliis plus presumam.* Eò itaque spectat quod sequitur, *utatur paterarum capacitate pro capis.* quasi dicat, pro vasculis exiguis, pateris bibat capaciorebus. ubi *capis* noua inflexione posuit pro capidibus. Capides enim & capulæ apud Varonem, poculi genus, quo deplere vasa olearia solebant. Eodem quoque pertinet quod subiungit, *atterat labris phialas, quas circumdet pittaciorum densitate pro circulis.* Quo loco cui vsui forent pitacia, Petronij Arbitri in Satyrico verba declarant. *Statim allata sunt, inquit, amphora vitrea diligenter gypsata: quarum in cernicibus pitacia erant affixa cum hoc titulo, Falerum Opimianum annorum centum.* In vasis ergo vinariis, affixi pittaciorum tituli, vini cuiusque patriam, ætatem, pretium, & dignitatem indicabant.

EPIST. LXVII. LXVIII.

122. 123. DOMNO SIGISMUNDO] Scripta vtraque post dies Paschales, non vno tamen anno. Prior, cūm Sigismundus festiuitatem illam Cabiloni transegiſſet: posterior, cūm Lugduni eandē Gundobado patri adhærens celebrasset.

EPISTOLA LXIX.

123. AD IMPERATOREM] Anastasium. ab Auito Sigismundi nomine tum scripta, cūm Sigismundus officij causa legatos cum litteris mitteret ad Imperatorem. Quod verò militiæ fascibus, aulæque contubernio, & Romani nominis participatione ornatum se scribit, Comitium opinor militarem & patriciatum designat, de quibus dictum est superius. Quod item alludense pistola xxciii. *Coniicite nunc*, inquit, *quantum debeant quos honoribus fastigatis, quos socios triumphorum omnium successuumque vestrorum, dignitatum titulis applicatis.*

EPISTOLA LXX.

125. DOMNO SIGISMUNDO] Cabilonem frequentasse Sigismundum ex epistola LXVII. colligere licuit. Idem nunc confirmat annua solennitas S. Vincentij Martyris, quem præcipuo in cultu & honore, vt patronum, habent Cabilonenses. Sed & Concilium Cabilonenſe, quod Clodoueo II. regnante conuocatum est, in Ecclesia S. Vincentij celebratum Synodi docet Præfatio.

DE SAPAUDIA] Non quòd in Prouin- 125:
ciam de Sapaudia proficiscentibus rectum iter
sit per Viennam: sed quia non magnum est di-
uortium, studio præteritâ videri conqueritur.

EPIST. LXXI. LXXII.

V. I. ANSEMVNDO] Aulæ regię Bur- 125. 126:
gundionum principi, ad quem epistola XLIX.
Scriptæ ambæ post dies Natalis Domini, cuius
solennitati quia rex Viennæ non adfuerat, scire
auct, an Lugduni adfuerit. Quo post priorem
comperto, posteriorem epistolam adiecit.

EPISTOLA LXXVII.

AD V. S. SAPAUDVM] Diuersi ab hoc, 127:
ætate non multo inferiores, Sapaudus Episco-
pus Arelatensis, Placidi patricij filius, & Sa-
paudus abbas, qui Concilio Aurelianensi V.
subscripsit pro Albino Episcopo Andegauensi.
Leonianus verò, nunc Archidiaconus, idem vi-
detur cum Leoniano famulo Maximi Episco-
pi, in cuius gulam ludebat epistola LXV. Con-
uenit enim hominis ingenio & moribus episto-
la eius nomine compolita. Sed longè diuersus
& dissimilis, quamuis nec ætate, vt fama est,
nec habitatione disiunctus, Leonianus abbas,
cuius sepulcrum Viennæ nuper obseruauimus
in suburbana æde S. Petri, cum epitaphio, ru-
di quidem, sed sancti viri gratia haud quaquam
spernendo, in hæc verba.

EPITAPHIUM S. LEONIANI.

HIC VIR sanctitate conspicuus in hac urbe Viennensi Abbas extitit, Sabbaria Pannonia ortus, à Barbaris captiuatus, Gallorum finibus deuenit, Augustoduniprimùm, deinde Viennæ claustro peculiaris cella conclusus, quadraginta plus annis tali ordine Christo militauit, tanta districtiōis, ut penè vultu omnibus undequaque venientibus ignotus intronixerit, cùm esset verbo doctrinæ multus ad salutem notissimus. Ita ut iuxta cellulam suam quamplurimos monachos rexerit, monachos verò ambitu monasterij infra urbem inclusos ad sexagenarium numerum mirabili ordinatione pauperit, & disciplinabiliter custodierit.

129. **PAVVS ISICIO CONCLVSVS]** Aut sicut ficedula inclusa ouo pauonino apud Petronium, aut pauum dicit isiciatum, sicut pullum isiciatum Apicius, minutatim concisum, & in isicium conuersum. Apicius libro viii cap. vii. de porcello farsili, *Porcellus hortulanus exossatur per gulam in modum utris. mittitur in copullus isiciatus particulatim concisus, turdi, ficedula, isicium de pulpa sua, &c.*

129. **DOCTI INCISORIS]** Qui scindendi obsonij magister Senecæ, scissor Petronio, Iuuenali autem chironomus, à gesticulatione qua obsonia scindens utebatur. de qua & Petronius. *Processit, inquit, statim scissor, & ad symphoniam ita gesticulatus lacerauit obsonium, ut putares Darium hydraula cantante pugnare. Quamuis ergo celerrimè, & volanti cultello, ut lo-*

quitur Iuuenalis, dapes erudita manu secaret,
lentus audis Leoniani faucibus videbatur.

EPISTOLA LXXVIII.

APOLLINARI EPISCOPO] Fratri, Valentinæ sedis Antistiti, ad quem aliæ cōplures. 130.

MAGDALIOLA ILLA] Sepiasario- 130.
rum officinis notum vocabulum. Magdaleo-
nesenim hodièque vocitant teretes cylindros,
in quos composita emplastra redigere solent.
Scribonius Largus de chirurgi Tryphonis em-
plastro subuiri: *Dum desinit feruere, mani-
bus subigetur, & redactum in rotundas ampliores,
quas magdalis dicunt, reponetur.* Rogat ita-
que, vt cum magdaliolis quæ promittit, in-
diculum mittat, qua obseruatione singulis
vti oporteat.

SIGNATORIVM IGITVR] Anulum si- 130.
gnatorium, seu sigillum, cuius formam ac ma-
teriam, cum omnibus ornamentis, qualem si-
bi fieri velit, elegantissimè describit.

AVRI MIXTVRAM] *Omni auro, vt Pli-* 131.
*nus docet, inest argentum vario pondere. Vbi-
cumque quinta argenti portio est, electrum voca-
tur.* Id cùm in metallo reperitur, natium di-
citur. Fit autem & cura electrum argento ad-
dito. quod si iustum modum exceßerit, cor-
rumpitur mixtura, qualem in sigillo suo re-
spuit Auitus.

REX GETARVM] Alaricus, à Clodoueo 131.
prostratus. in hoc enim corruit Vvisigothorum
regnum in Gallia, cuius ruinæ prænuntiam A-
uitus adulterinam monetam vult fuisse. Visun-

tur sanè nunc etiam Gothici ex electro veteres nummi, adeo pallentes, ut auri minùs habere reputes quàm argenti. Ceterùm impressam habent regum suorum effigiem: quod ignorasse, aut tanquam illegitimum dissimulasse videtur Procopius, cùm solis Francorum regibus id licuisse, barbaris aliis regibus nefas fuisse, scribit libro III. belli Gothici. De Francis enim loquens, eorùmque rege Theodeberto, qui Prouinciæ partem obtinebant, Νόμισμα δὲ χρυσῶν, inquit, ἐκ τῶν ἐν Γάλλοις μεταλλῶν ποιοῦνται· ὃ τῶν Ῥωμαίων αυτοκράτορες, ἡμεῖς εἶδισαί, χαρακτηρεῖται ἐνδείκνυνται τῇ σατῇ τοῦτο, ἀλλὰ πῶς σφετέρῃν αὐτῶν εἰκόνα. καὶ τοι νόμισμα μὴ ἀργυρῶν ὁ Περσῶν βασιλεὺς ἢ βύλων ποιεῖν εἶωθε· χαρακτηρεῖται δὲ ἰδίον ἐμβαλίσσεται σατῇ χρυσῶν, ὅτε αὐτὸν δείκνυσι, ὅτε ἄλλον ὀντινὴν βασιλείαν τῶν παλαιῶν βαρβάρων. *Nummum autem aureum ex metallis qua sunt in Gallia fabricarunt, non Romani, ut mos est, Imperatoris effigiem huic statuari, sed suam ipsorum imaginem imprimentes. Et verò nummum argenteum rex Persarum pro arbitrio cudere solet: effigiem porrò suam aureo statuari apponere, neque ipsi fas est, neque alij cuiquam regum barbarorum.* Est apud nos Theodeberti regis, de quo Procopius, nummus aureus, mole quidem exiguus, sed probæ notæ, cum ipsius effigie, ac nomine, DN. THEODEBERTVS C.

131.

SIGNVM MONOGRAMMATIS MEI] Quod in sigillo suo fieri iubet Auitus, hoc idem in denariis suis præceperat Karolus Caluus rex in edicto Pistensi anni DCCCLXIV. cap. XI. *Ut in denariis noua nostra moneta ex una parte nomen nostrum habeatur in gyro, & in medio no-*

stri nominis monogramma. nempe vt implicitæ & confusæ monogrammatiss litteræ adscripti per gyrum nominis indicio legerentur. quo modo in antiquis regum diplomatis cum monogrammate ipsum quoque regis nomen adiectum videre est. Ceterum regis edicto in denariis monetarij, quod mirum est, non paruerunt. Obuij enim sunt, tum ipsius Karoli, tum filij eius Ludouici denarij, in quibus per gyrum monogrammatiss non nomen, sed regia dignitas expressa, in Karolo, GRATIA DEI REX. in Ludouico, MISERICORDIA DEI REX.

EPISTOLA LXXIX.

APOLLINARI EPISCOPO] Eidem, ^{132.}
gratias agens de muneribus, quæ ad ornatum Viennensis Ecclesiæ miserat, cum eius festiuitati adesse ipse non posset.

EPISTOLA XXC.

QUINTIANO EPISCOPO] In confesso est Quintianum hoc tempore Aruernorum Episcopum fuisse. Quare falsa videtur epistolæ inscriptio. Cum enim ad Prouinciæ Viennensis Episcopos scripta sit, vt ad Concilium Epaonense veniant, quis locus foret Episcopo Aruernorum, qui non modò extra Viennensem prouinciã erant, sed extra ditionem quoque Burgundionum. Nam vt Agathense Concilium eorum tantum fuit, qui Vvisigothorum imperio parebant, & Aurelianense primum eorum duntaxat, qui sub Francorum erant potestate: sic ad Epaunense ij tantummodò conuenerunt, qui Burgundionum finibus contine-

bantur. Hinc apparet deesse hoc loco epistolam ad Quintianum, cuius sola restat inscriptio huius verò, quam ad Episcopos prouinciæ scriptam diximus, inscriptionem desiderari.

133. **CONVENTVS BIS PER ANNUM]** Hoc decreuerat Synodus Nicæna, can. v. καλῶς ἔδοξεν, ἡμέτερον ἐν ταύτῃ καὶ ἡμέτερον ἐν παρχίᾳ δις τῷ ἔτει συνόδους γίνεσθαι. Rectè habere visum est, ut singulis annis, per unamquamque prouinciā, bis in anno Concilia fiant. Quòd spectans Concilium Regense can. viii. statuit ut secundum antiquam consuetudinem, si quies temporum erit, bis in anno conuentus agant. & Arausicanum I. can. xxix. *Qui patrum statuta despiciunt, quibus bis in anno, quod nobis pro temporum qualitate difficile est, sanctum est concurrere.* Ob hanc opinor difficultatem, placuit deinceps Synodos singulis annis celebrari. quod apud nos in Conc. I. Agathensi statutum, in aliis postea multis repetitum est.

133. **IN PAROCHIA EPONENSI]** Pro Epäonenſi. Epao enim plerumque dicitur, quæ aliàs Epäuna. De hoc enim Concilio agi certum est: sed incertum hætenus quis locus, & quod illi hodie sit nomen. De quo multi varia coniiciunt. Qui S. Firmati Vitam conscripsit, auctor est illum, Turonibus relictis, peruenisse ad locum, cui nomen Eona super Rhodanum, ibique consedisſe. Quòd si Eonam ab Epäona deflexisse annuimus, ut absurdum certè non est, qui S. Firmati sepulcrum nactus fuerit, à Concilij fortasse loco non aberrabit.

134. **ACERBITAS CORPOREÆ INFIRM.]** Excusationem quo minus Episcopi ad Syno-

dum veniant, præter infirmitatem corporis, Canones Galliæ nullam agnoscunt. Itaque in hoc ipso Epæonenſi Concilio, can. i. decretum eſt, *ut niſi cauſa tadij enidentis extiterit, nullus excuſet.* & in Aurelianenſi II. can. i. *ut nullus Epiſcoporum, niſi certa tadij cauſa detentus, ad Concilium venire. penitus vlla excuſatione detrectet.* Quare excuſationes alias excludere ſolent, vt diuiſionem regiæ fortis, Concilium Aurelianenſe III. can. i. *Hanc excuſationem ſibi nouerint eſſe ſublatam, ſi abſentiam ſuam diuiſione fortis crediderint excuſandam.* alias omnes Concilium Turonenſe II. can. i. *Præter infirmitatem certiſſimam, nullius occaſione velaminis, neque per impedimentum ordinationis regiæ, neque ſub occaſione utilitatis, aut cauſa propria, debeat à Concilio ſeparari.*

DVOS PRESBYTEROS PRO SE] Qui- 134.
bus ad Concilium venire infirmitatis cauſa non licebat, hi legatos vice ſua mittebant. Concilium Arelatenſe II. can. xviii: *Si quis commo- nitus infirmitatis cauſa defuerit, perſonam vice ſua dirigat.* & Carpentoratenſe in epiſtola ad Agræcium Epiſcopum, *licet ad Synodum, aut per vos, aut per perſonam vicariam, debueritis adeſſe.* Quamquam ergo duos hoc loco exigat, & duos pro vno Epiſcopo vicarios in Conc. Arelatenſi V. ſubſcripſiſſe compertum ſit, ſingulos tamen ſat fuiſſe ſuperiora demonſtrant. Neque preſbyteros omnes mitti neceſſe fuit, cùm ex Conciliorum ſubſcriptionibus liqueat, nunc Abbates & preſbyteros, nunc Archidiaconos vel Diaconos legari conſueſſe.

EPIST. XXCIII. XXCIV.

137.

AD IMPERATOREM] Anastasium, ut posterior epistola declarat: quam cum initio regni Sigismundi, post obitum Gundobadi patris, exaratam significet, confirmat in digerendis epistolis Auiti ordinem temporum observatum non fuisse. Conqueritur autem de Rege Italiæ, qui legationem, quam mittebat ad Imperatorem, progredi non permiserat.

RECTOR ITALIÆ] Theodericus, qui pacem hanc per legatos ab Anastasio expetiit, ut est in epistola 1. Variarum Cassiodori. *Oportet nos, clementissime Imperator, pacem querere, qui causus iracundia noscimur non habere. & post alia, ut sinceritas pacis, qua causis emergentibus cognoscitur fuisse vitata, deterfis contentionibus, in sua deinceps firmitate restituta permaneat. Ad hanc pacem alludens Senatus Romanus, Anastasium sic affatur in litteris suis, quæ intextæ sunt epistolis Hormisdæ: Proinde, inquit, piissime Imperator, hac Senatus adiunxit, ut animo quàm benigno in utraque republica concordanda fuisti, tam esse pio in Ecclesia redintegranda unitate noscaris. Huius quoque pacis exemplo, pacem Totilas expetit ab Iustiniano apud Procopium libro III. belli Gothici, αἰνὸν μὲν τὰ ἐν τῇ εἰρήνῃ ἀγαθὰ, οἷτις προσέειπαι αὐτὸν, καὶ ἡμῶν ἐσυγχωρεῖν ὡνδρ μνημεῖα τε καὶ παρθενεία καὶ ἄλλα ἐχούμην, Αναστάσιον δὲ Θεοδοῖον. Bona pacis ut tute amplectaris, nobisque concedas, deposcimus: quorum monumenta & exempla pulcherrima habemus, Anastasium & Theodericum. De hac denique cum*

sibi plauderet Theodericus, eandem hæredi, vt cum principe Orientali habere studeret, commendauit. Iornandes de rebus Geticis, *Athalaricum, filium filie sue Amalasuentæ, regem constituit, eisque in mandatis dedit, ac sitestamentali voce denuntians, vt Principem Orientalem placatum semper propitiûmque haberet.*

EPISTOLA XXCVII.

PAPÆ HORMISDÆ AVITVS] Hanc ^{143.} epistolam codex Auiti, quo vsi sumus, non habuit. Intexta olim fuerat epistolis Hormisdæ, vnde huc illam transtulimus, cum Hormisdæ ipsius responso. qui eandem præterea, in epistola xi. Anastasio scribens, designat his verbis. *Pendent, inquit, anxia corda cunctorum: ab ultimis ad nos Galliis directæ legatio, si quid de unitate redintegrationis sollicitudo nostra promouisset, forma secuta consuluit.*

LEGATIONIS SECUNDO C. DESTIN.] ^{144.} Bis quidem Constantinopolim ab Hormisdæ missus est Ennodius, sed vnica, cum Auitus hæc scriberet, legatio præcesserat. Ideo illi respondens Hormisdæ, *Legationis, inquit, nostræ, quam semel, non secundo sicut scribitis, misimus, si votius contigisset euentus, alacres illico vobiscum fueramus desiderata partituri.* Prior enim legatio Ennodij Florentio Consule contigit, anno Christi D X V. quam cum irritam fecisset Anastasij Imp. perfidia & dissimulatio, posterior adiecta est III. Nonas Aprilis Agapito Consule anno Christi D X VII. quo ipso anno Auiti epistolæ mense Februario responderat Hor-

misda. Quare secundam legationem, quæ tum adhuc parabatur, iam profectam in Orientem falsa Viennam fama pertulerat.

EPISTOLA XXCVIII.

146. SED QUANTVM AD GRÆCOS] Hoc docent Anastasij ad Hormisdam epistolæ, in quibus doli & fallaciæ plena omnia: docuit & secundæ huius legationis exitus, multo quàm prioris acerbior & contumeliosior. Quare frustra illo superstitite pacem & concordiam Ecclesiarum tentauit Hormisda, quam ab Iustino eius successore confestim obtinuit. Tam infestum se porrò, postquam in Eutyçhianam hæresim apertè desiliit, orthodoxis omnibus exhibuit Anastasius, vt illum inter præcipuos Ecclesiæ hostes numerare non dubitet Nicolaus I. in epistola ad Michaëlem Imp. *Cogitate quid Imperatores, qui persecuti sunt Ecclesiam Dei, & maxime Ecclesiam Romanam, id est Nero, Diocletianus, Constantius, Anastasius, & ceteri moris eorum pertulerint, & ubi modò sint attendite diligenter, & quantum sit in Ecclesia Dei execrabilis fama eorum, & nomen detestabile, sapienter aduertite.*

147. LAICOS ET ALIENOS A.B. ECCL. C.] Theopompum & Seuerianum, quorum officia & dignitates designat ipse Anastasius ad Hormisdam scribens: *Commendationis itaque loco, vel salutationis honore reddendo, Theopompum V. I. Comitem Domesticorum, agentem sacri palatii scholam, & Seuerianum V. C. Comitem sacri nostri Consistorij, ad vestrâ direximus sanctitatem.*

Ho-

HOMILIA DE ROGATIONIBVS.

De hac Homilia Gregorius Turon. libro ii. 150?
 Historiæ, cap. xxxiv. Refert *Auitus* in quadam
 Homilia, quam de Rogationibus scripsit, has ip-
 sas Rogationes, quas ante Ascensionis Domini
 triumphum celebramus, à Mamerto ipsius Vien-
 nensis urbis Episcopo, cui & hic eo tempore præ-
 erat, institutas fuisse, dum urbs illa multis terre-
 retur prodigiis, &c. Multas huius argumenti
 ab Auito habitas Homilias fidem faciunt Flori
 Diaconi Excerpta, in quibus sententiæ profe-
 runtur ex Sermonibus die primo, secundo, &
 tertio Rogationum. Quin & his plures nume-
 ro fuisse crediderim, sed à Floro propterea ne-
 que hanc, in qua versamur, neque alias com-
 memorari, quòd in illis nulla Pauli epistola-
 rum fieret mentio. Quæ in hac editione nostra
 discrepant à Gagneiana omnium prima, veteri
 exemplari debentur ex quo deproimpta sunt.

CVI PATER CARNIS MEÆ] Is fuit 152?
 Isicius siue Hesychius. Ado Viennensis in Chro-
 nico, *Auitus*, inquit, *Viennensis Episcopus*, elo-
 quentia & sanctitate præcipuus, cuius frater A-
 pollinaris *Valentia Episcopus*, miraculis insignis,
Isicy Senatoris primùm viri, postea *Viennensis Epi-*
scopi, duo lumina clarissimi filij. Senatorem se Ro-
 manum *Auitus* quoque filius, & in Episcopatu
 successor, professus est in ep. xxxi. In eadē Vien-
 nensi cathedra postea sedit *Isicius* alter, qui in
 Concilio Aurelian. V. & in Paris. III. subscribit.

SEQUVTE QVÆD. ECCLESIAE GALLI-155.
 CANÆ] Prima omnium, aut inter primas;

Ecclesia Aruernorum, teste Sidonio lib. vii. epist. i. ad Mamertum ipsum Rogationum auctorem. Mox tota Gallia imperatæ & obseruatæ. tum in regno Francorum, quod Gothicum iam regnum occuparat, decreto Concilij Aurelian. I. can. xxvii. *Rogationes, id est Litanias, ante Ascensionem Domini ab omnibus Ecclesiis placuit celebrari.* tum in regno Burgundionum, quo reliqua ferè pars Galliæ continebatur: quod patet ex canone vi. Concilij Lugdunensis II. *Placuit etiam vniuersis fratribus, ut in prima hebdomada noni mensis, hoc est ante diem Dominicam, quæ prima in illo mense illuxerit, Litania, sicut ante Ascensionem Domini sancti patres fieri decreuerunt, deinceps ab omnibus Ecclesiis seu parochiis celebrentur.*

HOMILIÆ VIII.

159. Confusæ adeo & intercisæ sunt schedæ antiquissimæ in cortice exaratæ, vnde hæc fragmenta collegimus, ut quæ cui Homiliarum titulo deberentur, difficile fuerit colligere, si sextum excipias, quod exordium est Homiliæ vii. dictæ in Basilica sanctorum Agaunensium.

CODEx FLORIDIACONI.

167. Magna huic Codici gratias debemus, cuius beneficio tot Auiti librorum reliquiæ ad nos peruenerunt. Hæc porrò Flori Magistri, sic enim appellatus est, expositio in epistolas S. Pauli ex decem omnino Patribus delibata est, Cypriano, Hilario, Ambrosio, Paciano, Hieronymo, Ephrem diacono, Paulino, Leone Papa,

Fulgentio, & Auito. Post hunc librum, sequitur in eodem codice Cartusie liber II. Flori eiusdem, de Missa, & de aliis quibusdam Ecclesiasticis institutionibus. In alio verò eiusdē Bibliothecæ volumine, Operibus Irenæi præfixa est Flori præfatio, cum epistola Agobardi. Eiusdem præterea Flori est Liber aduersus Ioannem Scotum, qui Ecclesiæ Lugdunensis nomine est editus, & Sermo de prædestinatione, quem integrum recitat Hincmarus in præfatione posterioris Operis contra Gothescalcum. De Floro denique, ne cetera persequar, Vvalafridi Strabi extant versus ad Agobardum eundem Episcopum Lugdunensem, & inter Agobardi opuscula, Agobardi ipsius & Flori nomine inscripta epistola ad Bartolomæum Episcopum. Erat enim Diaconus Ecclesiæ Lugdunensis, & Agobardo, vt apparet, familiaris.

POEMATVM LIBRI V.

De his libris Auitus ipse ad Apollinarem Si²¹³. donij filium scribens, epist. XLV. *Magnificentia vestra*, inquit, *litteras vidi, quibus scribatis placuisse vobis libellos, quos de spiritualis historia gestis etiam lege poematis lusi.* Titulus hic libris omnibus communis. Nam singuli peculiare suos habent. Pro spiritali autem historia, quæ latiùs patet, Mosaicæ nomen à nobis substitutum, nec Auitus opinor ipse improbarer. Quæ operis huius primæ fuerunt editiones, princeps videlicet omnium Argentoratensis anni MDCVII. & quæ altero ac tertio post anno Colonia & Parisiis prodire, cum

manuscriptis consentientes, nihil admodum inter se discrepant, nisi quantum variare diuersa solent exemplaria. At longè dissimilis, quæ has anno M D X X V I. secuta est, Lugdunensis Ioannis Gagneij. Innumeris quippe locis, vt præfati sumus, deprauata, & quingentis propè versibus, inaudito, ac nisi auctor ipse proderet, incredibili facinore interpolata. Quæ & in ceteras deinceps editiones passim recepta, sic eas infecit; vt fucum pati necesse fuerit viros litteratos, & pro Auiti versibus Gagneianos haud rarò legere & vsurpare. Hoc igitur contagio vt liber sit Auitus in posterum, suæ illum origini, genuinóque nitóri reddere conati sumus, ope nixi veterum aliquot exemplarium, cum quibus hos libros religiosè contulimus, varias lectiones nullas aspernati, præter inutiles, aut quas aliorum codicum consensus refelleret.

DE ALIIS AVITI POEMATIS EIVSDEM argumenti, non editis.

Præter hos quinque libros, & sextum qui adtexi solet, ad Fuscinae sororem, carmen hætenus Auiti nullum prodiit: nec plura his olim Gregorio Turon. & Isidoro cognita fuisse Auiti poemata constat. Sed alia tamen non pauca diuersis de rebus ab eo versibus scripta docet epistola ad Apollinarem fratrem. De quibus sermo nobis hoc loco non est: sed de iis tantum libris, qui Mosaicam historiam continuantes, Exodum, & reliquas Heptateuchi partes persequuntur, atque Alcimi Auiti no-

mine in nonnullis Bibliothecis reperiuntur. Quos ego vt ad Auitum pertinere non abnuerrim, adedò tamen rudes passim, & impolitos, ac mendis scatentes in tribus quæ vidi exemplaribus animaduerti, vt religioni sit, opus, quod auctor ipse, ni fallor, hoc habitu premi mallet, in lucem euulgare. Singulorum autem librorum initia, si cui animus est cognoscere, ex subiecto Indice deprehendet.

A L C. AVITI METRVM IN EXODVM.

Versus continet M. CCC. XXVII.

*Interea varios agitant dum tempora cursus,
Et noua succiduo surgit de germine proles.*

IN LEVITICVM

Versus continet CCCVIII.

*Postquam conspicuo longinqua in deuia templo
Extrema est imposta manus, mox cura sacramenta
Vatibus incubuit.*

IN NVMEROS

Versus continet DCXXCIX.

*Verterat interea solitis se cursibus annus
Mensibus explicitis sua per vestigia currens.*

IN DEVTERONOMIVM

Versus continet CCXXCVI.

*Hactenus informis eremi vexatus arenis
Jordanem ad fluvium populus promouerat arma.*

Bb iij

IN LIBRVM IESV NAVE
Versus continet CCCCLII.

*Hæc inter Dominus Iesum dignatus adire
Promittit validis sublimem confore donis
Admonitum transire vadum Iordanis amœni.*

IN LIBRVM IVDICVM.
Versus continet DCXCV.

*Postquam conspicuo Iesus decesserat ætæ,
Reddiderátque Deus famulum post bella quieti,
Confestim Iudæa tumens sibi poscere regem
Incipit, & Dominum qua sit sententia poscit.*

FINIS.





INDEX EORVM

QVÆ IN NOTIS.

A

A CACIVS Constanti-
nopolitanus. 16. eius
nomen erasum ex dipty-
chis. 14
Anastasius Imp. Trisagij
causa turbas ciet CP. 7.
perfidus & dolosus hostis
Ecclesiæ. 56
Apollinaris Episcopus Va-
lentia, Auiti frater, e-
iusque somnium. 17
Apollinaris Sidonij dignus
patre filius. 39. suspectus
Alarico regi. 38. pro eo
pugnat in prælio Vocla-
densi. 22. Auiti poemata
probat. 39
Appellationes Romanæ in
Gallia. 41
Archadius Apollinaris F. 30
Arriani in conuersione chri-
smati. 24
Auiti tria nomina. 1. pater
Episcopus Viennæ. 59. fa-
milie cum Sidoniana co-
gnatio 38. epistolæ con-
tra Eutychem, seu con-
tra phantasma. 4. 9. dis-
sertationes de fide cum
Gundobado. 21. poëma-
ta alia non edita. 63. Ho-

milia de Rogationibus
plures. 19

Auitus Eutychi tribuit quod
erat Nestorij. 4. fucum
passus in historia Trisa-
gij. 7. Verbum Domini
malè interpretatur apud
Esaïam. 21. & Faulti
mentem in epistola ad
Paulinum. 12. Crucis par-
ticulam Hierosolymis
impetrat. 20. 21

B

Bonosus Naissi Episcopus,
eiusque hæresis. 10

C

Cæsarij Arclatenfis laus. 16
Calendio Episcopus Cna-
phei in Trisagio additio-
ni medetur. 6. 9
Celer Magister Officio-
rum & Consul, vir or-
thodoxus. 37. 38
Chrsimatis consignatio in
baptismo. 24
Christotocos & Theoto-
cos. 5
Clerici à laicorum audien-
tia liberi. 45
Clodoueus rex Francorum
codicillos de Consulatu
accipit ab Anastasio. 14

B b iij

INDEX.

- baptizatur in vigilia Natalis Domini. 14. primus rex Christianus. 14
- Clotarij II. regis lex de sacrarum virginum coniugio. 41
- Collecta, pro sacro Officio. 2
- Concilia bis in anno. 54. ab his sola excusat infirmitas. 54. absentum vicarij quot & quales mitti debeant. 55
- Coniugium duarum sororum. 18. 19. sacratarum virginum. 40
- Constantini lex, qua legare licet Ecclesiis. 35
- Crucifixo supplicandum. 7. 8
- Crucis Christi particulæ expetitæ. 45. 46
- D
- Damasceni epistola de Trifagio. 8. 9
- Docitæ hæretici. 9
- Donatistæ Romæ Montenses appellati. 23. conuersi quomodo recipiantur. 24. 25. Catholicorum baptismum & chrisma iterant. 25
- E
- Ecclesiæ bona dant vel seruant Principes. 34
- Electrum. 50
- Elpidius Diaconus medicus Theoderici. 31
- Epaonense Concilium. 53. 54
- Ephraemius Antiochenus de diuerso vsu Trifagij quid scribat. 8
- Episcoporum Epistolæ festales. 42. 43. 44. 45. in eorum arbitrio, erga pœnitentes indulgere. 19
- Eugendus abbas in Iura monte. 20
- Euphychius & Damas martyres Cæsarienses. 45
- Eustorgius Episcopus Mediolanensis. 15
- Eutyches hæreticus. 4. 5 fictitium Christo corpus affingit. 9
- Excommunicatio leuibus de causis non infligenda. 46
- F
- Faustus Senator, Patricius & Consul. 12.
- Faustus Reiensis, pœnitentiam in fine vitæ inutilem censuit. 6. fidem solam non sufficere, de quibusnam dixerit. 12
- Festales, seu festiuæ Epistolæ. 42. 43
- Fides sola an ad salutem sufficiat. 12
- Florus Diaconus Lugdunensis, & varia eius opera. 60
- Francorum reges primi Christiani. 36. Ecclesiarum bona tuerentur vsua. 35. effigiem suam aureis nummis imprimebant, quod aliis regibus non licebat. 51

INDEX.

G

Ioan. Gagneius Auiti poë-
mata deprauat. 62

Galli Episcopi Synodum
Romanam contra Sym-
machum Papam impro-
bant. 26. 29

Gemellus Episcopus Va-
sionensis. 44

Genuæ festiuitas S. Petri.
28. Sedes Godegisilli &
Sigismundi regum. 28

Gothici nummi. 51. 52

Grenencenses monachi. 47

Gundobadus rex Burgun-
dionum, eiusque filij. 1.
2. metu populi fidem
non est professus. 1. filia
orbatur. 12. fratres neca-
uit. 12. captiuos abducit
ex Italia. 15. naues onu-
stas tritico mittit ad Cæ-
sarium. 16. quo anno
mortuus. 13

H

Hæretici conuersi cum ma-
nus impositione & chris-
matis consignatione re-
cipiuntur. 23. 24. è gra-
dibus in Ecclesia non ex-
cluduntur. 216. eorum
Basilicæ an catholicorū
vñibus applicandæ. 13

Helias Patriarcha Hiero-
solymitanus. 20. 22

Heraclius v. 1. Episcopus
Tricastinus. 39

Hieronymi tria nomina. 1

Hormisdæ Papæ ad Anasta-
sium duplex legatio. 57.
tertia ad Iustinum. 14

I

Incisor, scissor obsonij. 50

Inspirare & insufflare. 3

Intercessionem Episcopo-
rum. 34. ab Augustino
defensæ. 34

Ioannes Cappadox Patriar-
cha c. r. Orientalium
dissidium cum Hormis-
da Papa componit. 13. 14

S. Iusti basilica Lugduni. 44

L

Lantildis soror Clodouci
regis, ex Arriana hæresi
conuersa. 14

Leoniani abbatis Epita-
phium. 50

Liberius Præfectus & Pa-
tricius. 29

Lugdunense Concilium sub
Gundobado. 28. Basilica
S. Iusti. 44. Donatistæ
conuersio. 23

M

Macedonius Patriarcha cr.
sede pulsus. 7

Magdaliola. 51

Magnus Episcopus Medio-
lanensis, Eustorgij suc-
cessor, Datij decessor.
16. 17

Maria $\eta\iota\omicron\tau\omicron\upsilon\kappa\varsigma$ & $\chi\rho\iota\varsigma\tau\omicron\upsilon\kappa\varsigma$
3. ab ea Christus non cœ-
pit. 27

Messiani plures. 41. 42

Missæ nomen vñde. 2. in
palatiis quoque, & in
prætoriis vsitatum. 2

Monogramma in sigillo.
52. in denariis & diplo-
matis regum. 53. denarij

INDEX.

Caroli Calui aliter signa-
ti quàm iusserat. 33

N

Nestori hæreses. 4. 5. di-
uinitatem docuit tantum
dat Christo. 9

Nomen proprium ultimo
in loco. 1

P

Paschales epistolæ. 44

Paulinus, qui ad Faustum
scribit, Eucharistici au-
ctor. 10

Pauus officio conelusus. 50

Petrus Cnapeus Trifagij
corruptor. 6. 7. 8. quo
sensu ferri eius additio
queat. 8. 9

Petrus Episcopus Raue-
nas. 33

Photiniani in Gallia. 27

Pitacia in phialis. 47

Pœnitentia momentanea
non inutilis. 11

Pœnitentiam professi ab-
stinent à coniugio. 11

R

Racha. 8

Recentes, recentis vini po-
tiones. 47

Romanarum dignitatum ti-
tuli regibus exteris dari
soliti. 14. 48

Romanæ appellationes in
Gallia. 41

S

Senarij v. 1. Comitis pa-
trimonij epitaphium. 32

Sigismundus Gundobadi F.
2. Rex Burgundionum

Patricius. 14. Comes. 37.
viuente patre rex appel-
latus. 26. Geneuæ sedem
habet. 28. fidem ample-
xus orthodoxam. 37

Signatorium ex electro. 51

Stephanus Episcopus Lug-
dunensis, inter Rusticum
& Viuentiolum. 22. 29

Stephanus vxoris defunctæ
sororem ducit. 18. 28

Symmachus Papa. 26. ab-
soluitur in Synodo Ro-
mana. 29

Symmachus Patricius &
Consul. 28

Synaxis, pro liturgia sacra.
2

T

Theodeberti regis Franco-
rum nummus aureus. 13

Theodericus rex Italiæ,
Magister militum & Pa-
tricius. 14. pacem expe-
tit ab Anastasio. 56. ean-
dem hæredi suadet cu-
randam. 56

Timotheus Patriarcha cr.
Trifagio additionem in-
ferre conatus. 7. Com-
monitorium ea de re
scribit. 7

Totilas pacem poscit ab
Iustiniano. 56

Trifagij origo. 6. de vario
eius vsu quid scribat E-
phræmius. 8

V

Verbum Domini, & Ver-
bum Deus. 24

INDEX.

- | | | | |
|--|----|--|--------|
| Victorius Episcopus Gratianop. | 18 | Vitalianus Patricius. 57. pax Orientalium cum Ecclesia Romana eius studio composita. | 14 |
| S. Vincentij basilica Cabilone. | 48 | Viuentiolus presbyter. 20 | |
| Vincomalus duarum sororum maritus. | 18 | Episcopus Lugdunensis. | 43. 44 |
| Virginum sacratarum coniugia. 40. canonibus vetita. 40. capitali poena plectuntur lege Clotarij II. regis. | 41 | Viuentiolus rhetor. | 42 |
| | | Vxore ob fornicationem dimissa, alteram ducere fas creditum. | 4f |

ERRATA ET VARIÆ LECTIONES.

PAg. 14. l. 9. electi & pretiosissimi.

Ead. l. 18. quanta sit soliditas.

Ead. l. 21. adhuc addit.

Ead. l. 28. in infernum descendisse.

P. 18. l. 9. veteris scilicet.

P. 19. l. 33. verum etiam & indiscussus.

P. 61. l. 12. vos retrahat, quod simplicitatis.

P. 69. l. 31. ibi pauperum cibibus, olei cado.

P. 77. l. 29. præsentibus vobis absistat.

P. 109. l. 9. Scit enim pietas vestra:

Ead. l. 30. Non nos ista perquirimus.

P. 121. l. 13. quod eum vel le cognosco, cum simile aliquid.

P. 199. l. 22. sicut & Dominus.

P. 205. l. 17. voluntatis nostræ qualitas.

P. 214. l. ult. collegit in vnum.

IN NOTIS. P. 6. l. ult. *αποσινε.*

71

SUMMA PRIVILEGII *Christianissimi Regis.*

CAUTUM est auctoritate Regis, ne quis in regno suo, aliisve locis suæ ditioni subiectis intra decem proximos annos, *Alcimi Ecdicij Auiti Archiepiscopi Viennensis Opera*, &c. absque Sebastiani Cramoisy Architypographi regij permissu, imprimat, aut diuendat, à die publicationis horum exemplarium: qui secus fecerit, multa indicta, prout amplius in diplomate regio continetur, multabitur. Datum Parisiis 7. Iulij 1643.

Sic signatum, CEBRET.

Approbatio & Facultas.

IOANNES FILLÆVS Prouincialis Societatis IESV in Prouincia Franciæ, potestate ad id mihi facta ab admodum R. P. N. Præposito Generali MYTIO VITELLESKO, facultatem concedo, vt P. Jacobi Sirmondi è Societate nostra Presbyteri Notæ ad Epistolas S. Auiti Viennensis Archiepiscopi, trium ex eadem Societate nostra Theologorum iudicio probatæ, typis excudantur. Datum Flexiæ die 20. Iunij 1643.

LABORATORIO
DI
RESTAURO



Via del Teatro
di Marco No 32
00186 ROMA

